

masticis an. drach. 2. misce. & hæc videt esse præ-  
 feruatio, & curatio tumoris. Vbi factum est vlcus  
 perpendendū est, an id sit sordidū, vel purum. Si  
 sit valde sordidum, omnino est emundandū, ad  
 quod maximè valet vnguentum apostolorū; vbi  
 mundatum est, ita vt in ipso nulla sordities relin-  
 quatur, studendū est ad cicatricē perducere. Cel-  
 sus laudat alumen æqua portione cū thure, vino  
 adiecto. laudat etiam vinum, in quo malicorium  
 sit decoctum; hæc enim exsiccant, & adstringūt,  
 ita vt cicatricem inducere queant. Est apud Gal. 3.  
 per genera. 4. medicamentum illud præstantissi-  
 mum, quod dicitur diacaltheos; hoc quoque, vbi  
 cetera non profunt, poterit quis feliciter vti pul-  
 uis etiā hic maximè valet, vbi mundatū sit vlcus.  
 Rec. myrrhæ, masticis, thuris an. drach. 4. misce,  
 omnia trita inspergantur vlceri, & deinde super-  
 ponatur stappa in vino adstringente macerata.  
 Cancri fluuiatiles in cinerem redacti, & cū melle  
 appositi valent. Refert Galenus 2. simpl. puluere  
 ex vnguibus asinorum maximè etiam cōferre ad  
 hæc vlcera sananda. Sed non est prætereundum  
 illud experimentum, quod narrat Clarus Olaus  
 in secundo libro rerū Septentrionalium, vbi scri-  
 bit populos eos, qui frequētissimè ob frigus aeris  
 hoc malū experiuntur, sese non alio remedio sa-  
 nare, quàm puluere pellis leporinæ. nam & hoc  
 experimentum rationē habet, quia vt norum est,  
 pili leporini maximè valent ad vnienda vul-  
 nera. Hic est finis morborum pue-  
 rilium externorum.

HIERO-

HIERONYMI  
 MERCVRIALIS  
 DE INTERNIS  
 PVERORVM  
 MORBIS,

## LIBER SECVNDVS.

*De febre Puerorum in genere. Cap. I.*

ENIO ad internos puerorum  
 morbos: sed quia hi multi, atque  
 multorum generū sunt, vt pos-  
 sim præclarissimum hūc tracta-  
 tū perficere, & liberaui insignio-  
 res & frequentiores edocere; &  
 et hæc tractatio vtilissima, si qua vnquam fuit,  
 quoniam difficilior est internorum quàm exter-  
 norum cognitio. Sunt autem morbi puerorum  
 interni, alij vniuersales, alij verò particulares. par-  
 ticularium rursus alij pertinent ad superiorē ven-  
 trem, alij ad medium, alij verò ad inferiorem; sic  
 enim veteres medicos partes nostras distinxisse  
 clarum esse potest. Vniuersalis morbus internus,  
 quoniam vnicus est, primo loco à me tractabitur;  
 atq; hic est febris ipsa, quæ, quia in pueris accidens  
 solet esse dentitionis vt habetur apud Hippocr. 3.  
 aphor. 25. alia verò est febris non accidens. de fe-  
 bre accidentali non est vt hoc tempore loquat,



G






1  
P  
B 432

E. XXII, 292











DE PVERORVM  
MORBIS TRACTA-  
TVS LOCVPLETISSIMI;

varia doctrina referti, nec solùm Medi-  
cis, verùm etiam Philosophis  
magnopere utiles;

*Ex ore excellentiss. HIERONYMI MERCVRIALIS  
Forolimensis, Medici clarissimi, diligenter excepti, atq;  
in Libros tres digesti: Opera Johannis Groscesij.*

Addita ALEXANDRI TRALLIANI de Lumbricis  
Epistola, cum eiusdem Mercurialis versione.

*Eiusdem de Venenis & morbis venenosis li-  
bri II. seorsim editi.*

Omnia quàm ante accuratius expressa; cum INDICĒ.



FRANCOVRTI  
Apud heredes Andreæ Wecheli,  
MDLXXXIIII.

(1584)

b433



2530.1920<sup>⊕</sup>





AMPLISSIMO SE-  
NATVI POSNANI-  
ENSI.



Voties mihi vestrorum in me beneficiorum redit memoria, Senatus amplissime; redit autem persæpe, vt par est; toties non possum non maximè animo excitari, & cogitare rationes, quibus me eorum memorem esse comprobem. si namq; sua quidque magnitudine metiendum est, atq; in beneficiis aduertendum, quo tempore aut loco, & à quo, aut quibus de causis collocantur, ego eo ampliora accepi, quod à vobis Senatu grauissimo, nihil interea simile promeritus, diuersis temporibus, opportune admodum, multa & magna accepi. Neq; enim vllavtilitatis spe ducti, quidpiã in me collocauistis; neq; aliqua de me opinio ad bene mihi faciendum excitare vos potuit,

## EPISTOLA

quòd à tenuitate mea sperari nihil queat ;  
sed vestra tantum in bonas artes concitata  
propensio, & quidam erga me amor, vel  
uti fontes exitere, è quibus vestra in me  
benefacta manarunt. Itaque quo maiora  
sunt hæc omnia pluribus ornata conditi-  
onibus, eo magis contendam & enitar o-  
pus est, vt gratum me vel aliqua saltem ex  
parte cognoscatis. Non ergo diutius dif-  
ferendum putavi data nunc mihi vobis  
gratificandi occasiuncula, quin aliquod  
memoris erga vos animi argumētum da-  
rem. Clarissimus præceptor meus Hie-  
ronymus Mercurialis, vir inter eos qui de  
arte medica nostra hac tempestate bene  
sunt promeriti, facilè princeps, cum mul-  
tis hinc inde præclarissimorum virorum  
litteris sollicitaretur, vt copiam suarum de  
puerorum morbis disputationum face-  
ret, quòd scilicet illæ essent eiusmodi ( vt  
tanti viri sunt omnia) quæ multo in medi-  
cina vsui esse possent, plurima continen-  
tes ex varijs grauissimorum veterum mo-  
numentis eruta, & maximo cum iudicio  
simul comportata, iustis amicorum petiti-  
onibus cupiens satisfacere, cum tot exem-  
pla



DEDICATORIA.

pla manu scribi non possent, quot petebantur, tandem secum ipse statuit, pro cōmuni omnium vtilitate eas typis imprimendas dare. At quoniam nullum earum exemplar domi suæ habebat, quæ tantum apud aliquos eius auditores ex ore ipsius, cūm olim publicè illas habuisset, exceptæ reperiabantur, sciens me quoq; fideliter descriptas habere, mihi id iniunxit negocij, meliorem in formam eas redigerem, reuiderem, & typis aptas facerem. Etsi verò iam in procinctu ad iter eram, quòd me optimus pater meus ad se reuocaret, lubens tamen eius voluntati obtēperavi, & opus totum qua maxima potui diligentia sæpius iterata lectione, à mendis omnibus, quæ passim in celeri scriptione facilè occurrunt, perpurgavi, suprema etiam ipsius Auctoris manu adhibita. Perfecto ergo sic operi, atq; in lucem exeunti, nomen vestrū, Senatus amplissime, præfigendum putavi, tum idcirco vt vos (qui antehac semper mihi defensores fuistis) hac quoq; in parte laboris mei protectores habeam, tum etiam vt dum optatissimus liber iste, varias in regiones fe-

EPIST. DEDICATO.

retur, vestrae in honestas artes munificen-  
 tia, & mei in vos grati animi luculentissi-  
 mum per loca omnia simul euulget testi-  
 monium. Neq; tamen inconuenit, tra-  
 ctationem De morbis puerorum, Sena-  
 tui dicari: si enim mores animi corpo-  
 ris temperamenta sequuntur, & à teneris  
 vitia & virtutes imbibere queunt, atq; ex pu-  
 erorum iactura aliqua Rebuspubl. detri-  
 menta ingruunt, fortasse ad vos quoque  
 pertinuerit, in vestra quam sustinetis Re-  
 pub. prouidere vt ne vlla circa pueros fiat  
 errata. Suscipite ergo leta fronte expecta-  
 tissimi huius libri tutelam, & auctore virum  
 spectatiss. amplexamini; & bene valete.  
 Dat. prid. Kal. Maij, MDLXXXIII.

Amplitudini vestrae  
 maxime addictus

Ioannes Groscenius P. & M. D.

IN OPVS

DE MORBIS PVE-  
 RORVM EPIGRAM-  
 MATION

FRANCISCI HVNNIDIANI  
 TRANSILVANI.

**E** *Cqua poli regio, trifidiue quis anglus orbis,  
 Quod huc latus terra laudum est immune tuarum*  
 Mer-



EPIGRAMMA.

*Mercurij facunde nepos? Iam gloria testes  
 Deserit occasus, alioq<sub>3</sub> renascitur orbe.  
 Te Rhodani, Rheniq<sub>3</sub> cohors; te Sarmatis Arctos,  
 Te Scythæ, te Mysus, Daciq<sub>3</sub>, Getæq<sub>3</sub> loquuntur;  
 Certatimq<sub>3</sub> tuum præscribere pagina nomen  
 Ardet, & ingenij monimenta propagat in ævum;  
 Felix sorte tua, & gratis tam dives alumnis.  
 En operum series tota circumsonat Arcto.  
 Omnis te procerum cœtus, te purpura, & omnis  
 Bibliotheca petit. Vultu tibi ridet amico  
 Bellipotens populi pastor; tibi panditur omnis  
 Regia. Seu natis, seu tu nascentibus almam  
 Addis opem, te nascentes natiq<sub>3</sub> salutem  
 Rite vocant; te atas omnis, te sexus uterq<sub>3</sub>  
 Conditioq<sub>3</sub> colit; puer hinc, iuuenisq<sub>3</sub> medelam,  
 Grandævus quo vinat habet, quo germinet infans.  
 Tu regum sceptris aulisq<sub>3</sub> infesta venena  
 Arte fugans mensis innoxia pocula misces;  
 Absistunt trepidæ mortes, inuitaq<sub>3</sub> Clotho  
 Fila trahit, Lachesisq<sub>3</sub> dolet sua pensa revolvi.  
 Sponte sua sævæ prinigna venena nouerçæ  
 Ebibit, impunè inuisos non vlla clientes  
 Fraus perimit, pascuntq<sub>3</sub> suos aconita colonos.  
 O hominum vitæ, ô communitate salutis.  
 Non sic clara suum iactavit Pisa Tonantem,  
 Illustresûe suo Rhodos aurea sole colossos.  
 Talis Apollinea prostratus gymnade Python  
 Pœna renascentum exutus vitæq<sub>3</sub> soloq<sub>3</sub>,  
 Matris onus pulsavit humum. sic Herculis Hydra,  
 Hydra fera Iunonis honos, face, cuspide, clava,  
 Concidit, & matrem maculavit sanguine Lernam.*

EPIGRAMMA

*Ergo beata viris Posnania, sancta Senatu,  
Excipe Phœbei tam nobile munus alumni;  
Tegemina decorant claves insignia clara;  
Panditur ijs via virtutum, nunc tertia clavis,  
Qua vitæ referatur iter, quæ seclarecludit,  
Accessit. Gaudete patres quæis dulcia cura  
Pignora; vos opus hoc pueri crescente iuuenta  
Nocturna versate manu, versate diurna.  
Vestra salus agitur, primo in limine vita;  
Hinc senium, hinc feri canos sperate nepotes.*

PATAVII.

Auctores quos in tractatu de Morbis puerorum  
testes citat Mercurialis.

Ælianus	Democritus	Paulus Ægineta
Ælius Promotus	Diodorus Siculus	Petrus Aponensis
Ætius (seus)	Dioscorides	Philostratus
Alexander Aphrodisi-	Erasistratus	Picus Mirandulanus
Albertus Magnus	Fernelius	Plato
Andromachus	Fracastorius	Plautus
Apollodorus	Galenus	Plinius
Apuleius	Gentilis	Plutarchus
Argenterius	Heraclitus	Porphyrius
Aristoteles	Hesiodus	Rabbi Moyses
Arnoldus Villano-	Hippocrates	Rafes
Athenæus (uanus)	Horatius	Rufus
Auenzoar	Ioannes Leo	Scribonius Largus
Auerroes	Ioannes Gorræus	Seneca
Augustin. Sueffanus	Isaias	Serapion
Auicennas	Iulius Scaliger	Serenus
Aulus Gellius	Lucretius	Sextus
Ausonius	Marcus Varro	Solinus
Basilus	Matthiolus	Strabo
Clemes Alexandrinus	Mesuræus	Suetonius
Columella	Moyses	Theophrastus
Cornelius Celsus	Nicander	Virgilius
Ctesias	Nicolaus Florétinus	Vitruuius.
Dauid Psalmogr.	Oppianus	

HIER.





HIERONYMI  
MERCVRIALIS  
DE MORBIS  
PVERORVM

LIBER PRIMVS.

*Qui, & quot sint morbi pueriles, & an sint  
curandi a Medico. Cap. I.*



QVOD Hippocrates tertio Aphorism. memoriae prodidit, omnes morbos omni aetate fieri, sed alios in vna magis, alios minus, id etiam experientia & ratione quotidie comprobatum habetur. Siquidem videre est omnes & senes & pueros aliquibus tamquam peculiaribus morbis vexari. Quare non immerito miratus sum aliquando diuinum Platonem, qui in Charmide scriptum reliquit, omnes morbos in homine oriri ab animo. Vix enim in hanc lucem prodimus, vix nascimur, nedum animo potimur, cum exitalibus statim morbis tentamur; vt, quemadmodum est apud Aristotelem, & Plutarchum, iure veteres tam

Græci, quàm Romani ante octauam diem pueris nomina imponenda noluerint; quod scilicet hoc tempore neque vita, neque sanitas sit tuta. Itaque de his morbis, qui penè natum & adhuc tenerum, nec adultum hominem iugulant, statui hoc tempore copiosissimam tractationē habere; & ad eam impulsus sum, eò quod non solum huiusmodi morbi frequenter & medicos & miseros parentes exercent; verum etiam quòd hæc pars ita ieiunè, vt ne dicā imprudenter à medicis tractata est, & à multis hoc tempore frigide admodum exercetur, vt liceat plura puerorum funera, quàm corpora ad sanitatem redacta adspicere. Tria tamen præmittēda esse puto, vt sint veluti quidam apparatus ad maiora penetranda. & primum illud erit; Numquid puerorum morbi sint à medicis tractandi, & curandi? non desunt enim, qui eos minimè curandos, sed naturæ submittendos iudicant. Aliud erit, Cur pueri, & præsertim lactentes tam varijs morbis sollicitentur? Tertium, qui propriè sint eorum morbi; & quot? Et, vt primum aggrediar, varias inuenio veterum sententias in partienda vitæ nostræ ætate, siue ipsa ad centesimum annum prorogetur, vt fuit opinio Ægyptiorum, & Varronis; siue eadem ultra septuagesimum non protrahatur, vt Dauidicum oraculū cecinit, non est tempus neq; occasio decernendi. Quidam in quatuor partes diuiserunt ætatem; in pueritiam, iuuentutem, virilitatem, & senectutem. Hippocr. 3. Aphor. plures fecisse videtur. nec defuerunt qui quinque,  
aut

aut sex fecerunt. Sed vt ad ea, quæ magis referunt, properemus; sat est nobis hoc constituere, pueritiæ ætatem vsq; ad secundum septenarium definiri. licet enim Aristot. cōstituisse videatur, hominem primo septenario perfici, verumtamen potior mihi semper visa est & Heraclidis, & Stoicorum sententia, qui secundo septenario eū perfectum esse prodiderunt, eò quòd sicuti plantæ tū perfectæ dicuntur, cū primum fructus ferre incipiunt; sic eo tēpore perfectus homo appellandus, cū semen ferre, & speciē propagare posse inchoat. Itaq; cū puerilis ætas, de cuius morbis sum tractaturus, hoc termino annorū finiatur, videndum est quæ sit hominū cum hac ætate conditio: ita namq; iudicare poterimus, nū pueri laborantes à medico sint tractandi. Esse homines in hac ætate calidos, & humidos non modò Hippocrates manifestè docuit, verum etiam Gal. 2. de temper. cap. 2. iuculentissimè, & copiosissimè probauit; propter quod Aristot. quoq; 10. sect. problematum, problem. 45 solebat dicere, pueros cū calidi, & humidi sint, minimè vini, aut potus amantes esse. Cū igitur corpora calida, & humida omniū maxime corruptionibus & putredini sint obnoxia, quis negare potest pueros, quantum ad corporis naturam pertinet, morbosissimos esse? Quod si etiā animum ipsorū consideremus, viuūt homo in hac ætate cupiditatib. & libidinibus totus deditus, vt hac ratione innumera quotidie errata ab eo committantur, quod magnus Arist. in principio libri Ethic. ad Eudemū dicebat; puero-



#### 4 DE MORB. PVERORVM,

rum ætatem vsque adeo & doloribus & morbis esse circumseptam, vt nemo cupiat ad pueritiam reuerti. Quare cum hæc ætas ita morbida, & in summo periculo constituta sit, non solum congruum, verum etiam necessariũ videtur; vt medicorum cura & studio à tot morbis & periculis vindicetur. Ex altera parte non desunt rationes, quæ persuadere possunt, pueros medicina tractandos non esse. Et inprimis illud facere videtur, quod Ægyptios, apud quos omnia plena esse medicis dicebat Herodotus, cùm omnium corporis nostri partium, omnium penè hominum medicos priuatos haberent, puerorum medicis caruisse constat. Accedit, quòd si veterum monumenta & Græcorum & Latinorum perscrutemur, non facilè inueniemus aut ab Hippocrate, aut à Galeno, aut ab alijs scriptoribus Græcis hanc puerorum medicinam diligenter, quemadmodum deceret, pertractatam. Accedit his, quòd vt dicebat Plato primo de Republica, puer omni bestia intractabilior est: ob quod neque remedia admittere, neque regulam aut rationem vllam seruare aptus est; quasi superuacanea futura sit omnis medici opera, quæ curandis pueris impenditur. Illud quoque adijci potest, ipsorum corpora tenerrima esse, & propterea difficulter admodum medicinas, inedias, ferrum, ignem perferre posse. quibus rationibus non nulli impulsæ existimarunt eos ipsi Naturæ relinquendos. Sed quemadmodum illi longè falluntur, sic existimandum quoque est Naturam & Deum,

Deum, qui hanc ætatem morbis laborare voluerunt, pariter etiã voluisse, vt remedijs à medicina inuētis curarentur atq; liberarētur. Quamquam non est dubitandum quin hæc alia dexterritate & prudentia sit tractanda, quàm ceteræ ætates. Namque eò magis pueri morbo affecti medici vigilantia egere vidētur, quòd cetera bruta, vt dicebat Arist. 10. problem. 45. in hanc lucem & perfecta & omnibus rebus necessarijs instructa exeunt; homo autem inermis, imperfectus, ex alieno nutu & auxilio dependens actutum miserias humanas experiri incipit, nec seruari posse videtur, nisi alterius beneficio. Cum itaque iam constitutum sit eos hallucinari, qui pueros ægrotantes nequaquam medicandos voluerunt, descendendum est ad secūdum problema, quo quærebatur quæ caussa sit, quòd tam varijs morbis afficiantur. Quinque sanè huius effectus inueniuntur caussæ ex Hippocrate libro De octomestri fœtu. Vna est labor, quem in exitu sustinent; cum enim per angustum meatum in hanc lucem exeant, maximos labores perferunt, & consequenter corpus ipsorum imbecillum & morbis obnoxium redditur. Secunda est abscissio vmbilici propter partum; ob hunc enim & dolores & inflammationes multas incurrunt. Tertia est inassuetudo huius aeris; cum enim in vtero viuant in summo tepore & tranquillitate, quum primum hunc frigidum aerem experiuntur, magnopere læduntur; & hinc est, vt dicebat Soranus Ephesius cap. 2. suæ Isagoges, quòd sta-

## 6 DE MORB. PVERORVM,

tim ac nati sunt pueri, vagire & plorare incipiūt; vt iure dixerit Plinius, homines vitam à fletu, & à supplicijs inchoare. Quarta est diuersitas nutrimenti; pueri enim, qui in vtero materno sanguine purissimo aluntur, vbi in hunc mundum veniunt, cum lacte, & cibis vescantur, nutrimenti diuersitate fit, vt morbis varijs & multis tententur. Postrema ratio est, quòd infantes in vtero molliter cubant, atque in mollissimo loco collocati sunt; huc dum veniunt cum in stratis & durioribus culcitrīs ponantur, iure fit, vt corpora ipsorū asperius tractata, morbis pluribus disposita fiant; ita vt inde iam satis pateat secundū problema. Superest vt videamus qui sint morbilli, & quot, à quibus pueri maximè cruciātur, & circa quos tractatio nostra tota esse debet. Sunt enim morbi pueriles non illi soli, qui pueros, & nullos alios exercent, sed illi etiam, qui & solos eos exercent; vt labores dentitionis, & frequentissimè turbant; vt Variolæ, & alia: tum etiā Morbilli, qui licet exerceant alias atates, diuerso tamen quòdam modo exercere pueros & cruciari debere videntur, cuiusmodi existit Epilepsia, & multi alij. Iam vero morbi hi pueriles alij sunt externi, alij interni. Est enim antiqua consuetudo etiam ab Hippocrate libro de arte & veteri medicina inuenta, vt morbi diuidantur in externos & internos. Externi alij sunt, qui vniuersum corpus occupātes, aut fiunt ex additione, aut imminutione. Scimus enim Hippocratem in libro de flatibus definiuisse medicinam nihil aliud esse, quam



quàm additionē, & imminutionē. Ex additione fiunt Morbilli, Variolæ, Acrochordones; & vt vno verbo dicā, omnes pustulæ, omnia exanthemata, quę in toto corpore efflorescunt. Ex inanitione autē fit macies. Morbi verò qui occupāt partes aliquas priuatas, vel occupāt caput, vel aliquā aliā inferiorē partē. Caput occupat primò pedicularis morbus, quē dicebat Arist. prima pbl. 16. ferè huius ætatis p̄priū esse. Adhæc hydrocephalus, seu aqua capitis, achores, melicerides, faui, inflatio capitis, magnitudo capitis, varij affectus oculorū, ltrume, scissura labiorū, vmbilici augmentum, ramex, anus procidēs, intertrigines femorū, quas Plinius attrita appellauit, perniones. Tot enim sunt morbi, q̄ externas puerorū partes perturbāt. Porrò interni, qui totum corpus exercēt, sunt febres varię, q̄ recēsentur quoq; inter pueriles morbos, quòd in pueris secus curāda sint, q̄ in adultioribus. Qui verò priuatas corporis partes exercēt, aut fiūt in summo ventre, aut in medio, aut in infimo. Notum enim est medicos plerosq; corpus nostrū in tres cavitates diuississe, in caput, thoracem, & ventrē. Morbi, qui caput exercent, sunt inflationes eius, insomnia terribilia, resolutiones, siriasis, conuulsiones, vigiliæ oculorum; quemadmodū de nyctalopia scribit Hippocr. 2. prorēt. & auriū affectus; adhæc sternutationes, sanguinis narium fluxus; Coryzam etiā Arist. recēset inter morbos pueriles problem. 15. dentiū affect⁹, oris vlcera, seu aphthæ, ranulæ, tōsillæ. Medij ventris affectus sunt tussis, & difficultates

8 DE MORB. PVERORVM,

anhelitus; de quib. veluti de morbis puerilib. lo-  
 quutus est Hippocrates libro De sacro morbo.  
 Postremò morbi infimi ventris sunt singultus,  
 vomitus, aluus dura, & fluxa, tormina, lumbricorum genera, calculus, mictio vitiata, & tene-  
 smus. Hi sunt omnes, quos inuenio pueriles vo-  
 cari, vel quia, quemadmodū dicebam, solos pue-  
 ros exercent, vt vitia à dentitione orientia; vel  
 quia frequentissime vel alio pacto exercent eos,  
 & alio pacto tractandi sunt, quàm in alijs atati-  
 bus. De his autem maxima ex parte agam. Dico  
 maxima ex parte; quandoquidem iam nonnulli  
 horum à me copiosè ita & diligēter tractati sunt,  
 vt nihil habeam, quod hoc tempore addere pos-  
 sim. Ordo autem à me tractandorum mihi fami-  
 liarissimus is quoque hic erit, vt scilicet prius vni-  
 uersum morbum, quo ad nomē, describam, post  
 morbum ipsum definiam; deinde caussas, mox  
 effectus horum, qui sunt signa, declarabo. sub-  
 inde prognostica addam, postremò nullam par-  
 tem curationis relinquere conabor, incipiens ab  
 ijs, qui primò sunt enumerati, idest à morbis ex-  
 ternis totius corporis, qui sunt exanthemata, seu  
 Variolæ, & Morbilli.

*De Morbillis, & Variolis. Cap. 2.*

**O**MNES humorum eruptiones, quæ fiunt in  
 cute, inuenio apud Medicos vocatas esse  
 communi nomine ἐξανθήματα, seu ἐκθύματα: pos-  
 sumus nos transferre efflorescentias. Nā quem-  
 admodum arbores extuberant, dum flores &  
 fructus

fructus emittere volunt; sic vbi natura ad cutim tamquam ad cloacam propellere humores nititur, modò tubercula, modò solas maculas facit: quæ tamen omnia, vt dicebam, exanthemata vocata sunt. Arist. qui semel tantùm vsus est hac voce 3. De hist. animal. ii. attribuit hoc nomē vitiligini, quæ proculdubio sine tuberculo macula est. Latini veteres ad imitationē Græcorum appellarunt omnia exanthemata papulas; & vt ego inuenio, primus qui dedit hoc nomen exanthematibus, fuit Virgilius in fine 3. Georgicorum, vbi loquitur de peste; postea Plinius plerisque in locis. Fuit etiam Scribonius Largus medicus inter Latinos non ignobilis: post hunc Marcellus medicus, & alij. Iam vero papulas, seu exanthemata in corporibus puerorum apparentia medici Arabes, & præsertim Auic. appellarunt Variolas, & Morbillos. Alzaraius medicus grauissimus inter omnes vocauit sua lingua Algigram, & Alasmon. Vnus Rases in libro huic morbo dicato appellauit communi quodam nomine pestem, ea ratione, vt ego existimo, quia cum primum hic morbus cæpit apparere, instar pestis orbem peruagatus & depopulatus est: propter quod etiam Auic. & iure, in prima quarti, post tractatum De peste tractare voluit de Morbillis, & Variolis. veteres Græci, & Latini nullum nomen habuerunt, quo Variolas, & Morbillos appellarent: & huius rei ratio est, quia, vt copiosissimè demonstrabo suo loco, hic morbus apud veteres numquam visus est. Sunt ergo Variolæ



exanthemata, seu tubercula in toto corpore omnium hominū, & præsertim puerorum, sponte efflorescentia cū febre, dolore, pruritu, & ichore purulēto: longa vtor descriptione huius morbi, quia ad declarandū morbum nouum, necessariū est & longa & perspicua descriptione ceu pictura uti. Dixi exanthemata, seu tubercula; quandoquidem hoc nomē multis cōmune est, & Hipp. 3. Aphor. illud inter pueriles morbos cōnumerat, ita quòd aptissimè tamquā genus accōmodatur ad explicandam Variolarum naturā. Dixi exanthemata in toto corpore efflorescentia; quandoquidem etsi non semper hic morbus vniuersum corpus depascatur, attamen plerumque totū turbat, aut saltem turbare aptus est. Quod si vna vel alia parte tantūm appareat interdū, id quodā casu potius fit, quàm ex eius natura; quò fit, vt tametsi dicantur Variolæ propter similitudinē, quam gerunt cū varis, qui Cossi dicuntur Italica lingua, attamen nequaquā veri sunt vari; eo quòd, vt habetur apud Arist. 36. partic. problem. 3. vari nascuntur tantum in facie, Variolæ in toto corpore oriuntur. Addidi sponte; ad differentiam multorum tuberculorum, quæ solent in humanis corporibus apparere cū causā manifesta. Nam grauiissimus auctor Theophrastus in lib. de sudoribus scribit, ex laboribus & sudoribus fieri in corporibus nostris eruptiōes seu exanthemata magnoperè varis similia, quæ tamē non sunt Variolæ, quia non fiunt sponte, sed à causā manifesta, videlicet à labore. Quo fit, vt liceat nobis colligere

gere pustulas illas, quas Celsus cōmemorat lib. 5. cap. 28. licet sint varis similes, minime tamen Variolas esse putandas, eò quod, vt idem auctor scribit, illæ pustule fiunt vel ab igne, vel à frigore, vel à medicamentis. Dixi omnium hominum; propterea quòd inter proprietates huius morbi, hæc omnium maxime illustris est, quod omnes homines hac labe aliquando tentantur. Dicebat Auenzoar cap. vlt. suæ medicinæ, miraculū esse, si aliquis homo viuens euadat ab hoc morbo, & potius Dei beneficio adscribendum esse, quàm alteri causæ. Immo vero sunt aliqui, qui hanc sententiam habuerunt, eos, qui numquam tentantur Variolis, si superuiuant, necessario fieri leprosos. Dixi præsertim puerorum, eò quòd rarissime iuuenes, rarius senes tentantur Variolis, frequentissime omnium pueri. Non defuerunt qui opinati sunt etiam bruta aliqua tentari hac ægritudine: sed sum ego huius sententiæ, propter causas, quas suo loco dicam, hunc morbum solum esse humanum: fateor quidem sues inter bruta duobus similibus morbis tentari, quorum vnus est scabies, seu lepra, propter quam dicit Plutarchus 4, Symposiacorum 5. Hebræos religione quadam ductos à carne huius animalis abstinere: alter etiam est, qui χάλαια à Græcis dicitur, à Latinis grando, de quo loquitur Aristot. & de hist. anim. 2 1. & 30. problem. 4. quem morbum dicit Philosophus cognosci lingua. & hic notandum obiter in loco illo problematum vocem græcam ἀρτος, & lecturam Theodori, panis,

falsam esse, & in Græco substituendum esse *ἰοιδος*, in Latino autem varus. Albertus Magnus 7. De animalibus 2. putans eundem esse morbum, & grandinam, & lepram, vehementer hallucinatus est. Dixi cū febre; quia non solum febris perpetuo Variolas aut antecedit, aut comitatur, sed etiam vt dicebat Auenzoar, est impetuosa, vel, vt dicit Auic. cōclusa: de qua suo loco. Dixi cum dolore & pruritu; quia non solum miseri ægrotantes dolore & pruritu vexantur, sed etiam vterq; interdum eos acerbissime vexat, vt vix tolerari possit. propter quod facile intelligere possumus papulas illas latas, de quibus Hippocr. loquitur 6. aphor. 9. & 6. epid. sect. 2. in historia Simonis nequaquam Variolas fuisse, quia præter alias differentias, hanc vnam habuerunt, quòd non admodum pruriginosæ fuerunt. Dixi postremo cum ichore purulento; eò quòd etsi interdum varijs & diuersis coloribus inficiantur, tamen semper ab illis manat quidam tabus, qui ichor purulentus magis, quàm verum pus appellari debet. Unde iudicare etiam possumus papulas illas rotundas, paruas, quas scribit Hippo. 3. in primū epid. in Sileno apparuisse, etsi similes varis essent, non fuisse Variolas; quod scribat eas in abscessum nequaquam finisse, cum Variolæ semper in ichorem purulētum, seu in abscessus aliquos finiant. Iam vero Morbilli sunt & ipsi exanthemata seu efflorescentiæ quædam, quæ fiunt in toto corpore, præsertim in pueris: veruntamen, vt præclarissimè docet Auic. etsi Variolæ, & Morbilli in mul-



tis conueniant; differunt tamē & in multis: conueniunt enim primū in materia communi, de qua suo loco copiosissimè dicam: conueniunt etiam, quia vtrique & Variolæ, & Morbilli fiunt cum febre vehemēti. Præterea, quia per vniuersum corpus propagātur cum aliqua cutis eleuatione; conueniunt etiam, quia & cum pruritu, & dolore fiunt tam Variolæ quàm Morbilli, quos vulgus Italorum consuevit appellare modo cosfos, modo stiuolas. Porrò differūt etiam in multis: primò, quia Variolæ sunt tubercula multum eleuata; in Morbillis vero vix apparet cutis eleuatio, ita vt nisi manibus tractentur, non possint dijudicari. Secundò, quia materia proxima ipsorum Morbillorum multò siccior subtiliorq; est, quàm materia Variolarum. Tertiò, quia Variolæ videntur propria quadam natura oculos petere: Morbilli verò multo minus eos affligere consueuerunt. postremo differunt, quòd Variolæ ferè semper in abscessus finiuntur cum emanatione ichoris purulenti: propter quod non solū pluribus diebus perdurare solent, sed etiam incredibiliter corpora deturpāt, vestigia indelebilia relinquunt: Morbilli autem vix vinqvam septimū diem pertranseunt, quin aut euanescant ex toto, aut maiori ex parte minuantur & absumentur; præter quàm quòd nullum vestigium, nullamq; fœditatem in corpora inducunt. Ex quo intelligi potest papulas illas, quas Hippo. 5. epid. scribit apparuisse in filio Euphranoris, & quas etiam in Pherecyde visas esse memorat 7. epid. nequaquā

Morbillos esse, vel fuisse; eo quòd illæ in octavo die apparebant, & similes erant morsibus pulicum: Morbilli autem in secūdo, aut ad summam in tertio die apparere consueuerunt, & nullam omnino cum morsibus pulicum similitudinem gerunt. Quemadmodum etiam intelligere possumus eas pustulas, propter quas scribit idē Hippoc. i. epid. multos pueros interijisse, nequaquam & ipsas fuisse Morbillos, quia & illæ etiam similes erāt morsibus pulicum. Iam satis demonstratum est Variolas, seu Morbillos nequaquam eos esse, quos nominasse videtur Hipp. Sed dubitari posset an Aetius Morbillos nostros cognouerit, quando quidem is lib. 5, cap. 129, tractans de pustulis, quæ comitantur initia febrium prauarum, aliquas esse scribit, quæ culicū morsibus assimilantur: libro etiam 14, cap. 63, memorat quasdam papulas, quas scribit in corporibus infantum fieri, vt iure quis posset dubitare nostros Morbillos eas esse papulas, quæ ab Aetio referuntur. Ceterum si res exactissimè perpēdatur, facilè intelligetur Morbillos nostros ré esse longè diuersam à papulis; non sunt enim priores relatæ ab Aetio. illæ nempe & similes erant morsibus pulicum, & in febribus prauis oriebantur, & desinebant in vlcera. Morbilli vero nostri praterquam quòd nullam similitudinem habēt cum morsibus pulicum, numquam etiam in vlcera finiūt, nec sunt etiam posteriores maculæ Aetij, quia scribit illas fieri consueuisse in cruribus mulierum quæ non menstruantur, & aliquando in infantibus; quorum

rum neutrum in Morbillis nostris inesse, clarissimum est: Siquidem hi non aliquando, sed frequentissimè fiunt in pueris: in cruribus autè mulierum non est proditū memoriæ eas fieri. Quare satis mirari nequeo, Manardum sua tempestate clarissimum, qui lib. 2. Epistolarum non erubuit asserere, herpes veterum fuisse Morbillos nostros, in quo refutando vterer longa oratione, nisi à Valeriola in suis medicinalibus observationibus mihi iste labor ademptus esset. Sunt Variolæ, & Morbilli, morbi, nec vnus generis, sed plurium: sunt enim morbi in magnitudine quandoquidem tubera illa nō solum impediunt operationem naturæ, sed etiam animæ; cum, vt experientia constat, motus impediatur, atq; etiā dolor excitetur. Sunt etiā in mala temperie, quia etsi nonnulli dicant fieri interdum Variolas sine febre, tamè compertissimum est & febrem perpetuò adesse, & vt dicit Auenzoar, eam esse impetuofam. Sunt etiam in solutione vnitatis, eò quia ferè semper Variolæ in vlcera & interdum praua desinunt; Nec solum hoc habent Variolæ propriè dictæ, sed etiam & illæ, quas vulgus Italorum solet appellare modò coffos, modò sturo-las, quæ omnes proculdubio sunt ex genere Variolarum, & differunt tantum, quia Variolæ sunt omnibus minores, sturoli maiores: hi enim videntur vocari Variolæ plures simul continuatæ & vnitæ. Locus affectus, si consideremus ipsam febrem, est corpus vniuersum, tam in extima parte, quàm intima; cùm enim febris sit morbus



vniuersalis, subiectum quoq; eius vniuersale esse necessarium est. Sed video aliquem hic dubitaturum esse, quis sit locus affectus Variolarum, vt sunt morbi cutanei, siue vt afficiūt cutim: pleriq; statim pronunciant locum affectum esse cutim. Sed aduersus hos est grauissimum argumētum, quia morbus est constitutio præter naturam primò & per se lædens actiones; & debet fieri circa eas partes, quæ habent actiones; cutis autem habet quidem vsum, sed nullam actionem. Videamus Gal. 6. capite libri De causis morborum, vbi copiosissimis verbis demōstrat, cutim expertem esse omnis actionis tam animalis, quàm naturalis; quare si nullas habet actiones, nō potest esse subiectum vllius morbi. Hac in re ita statuendū esse existimo, cutim dupliciter accipi posse, vel pro sola cute, quæ aliàs corium vocari consuevit; vel pro cute, & partibus omnibus ei adnatis. Si primo modo accipiamus, planè expertis est omnis actionis, quia vt dicit Gal. loco citato, est veluti quidam amictus, seu vestis, quo, vt docet etiam Plato in Timæo, vestiuntur omnia membra corporis, & simul vnita continentur; itaq; hoc modo accepta cutis, nequaquam subiectum esse potest alicuius morbi. Sed si capiatur secundo modo, sic dicebat Gal. in lib. De temperamentis esse instrumētum tactus, ad eam pertingere neruos, & propterea habere etiam actiones: vnde hoc modo accepta est quoq; subiectum morborum: nō enim in Variolis afficitur sola cutis, sed etiam partes cuti adnatæ, vt suo loco copiosissime indicabo.

cabo. Sunt Variolę, vt dixi, morbi; morbus autem dupliciter potest considerari, & vt effectus, & vt causa; vt effectus, habet suas causas, quę à medico diligenter sunt perpendendę; vt causa, habet suos effectus, qui sunt symptomata, quę consequenter sunt signa, & indicia ipsorum morborū, adeò quòd speculatio signorū nil aliud est, quàm speculatio maxima ex parte effectuum morborum. Quamobrem vt integra fiat hæc tractatio, prius videndum est, quę sint causę horum morborum, deinde videbimus effectus. Causę Variolarum alię sunt internę, alię externę: internę alię sunt immediatę, alię verò mediatę: immediatas possumus appellare coniunctas; mediatas verò antecedentes. Internę immediatę vel sunt materiales, vel efficientes. De vtrisque hæc est sententia Auicennę, & omnium Arabum; materiam, ex qua fiunt Variolę, & morbilli, nihil aliud esse nisi reliquias excrementitias sanguinis menstrui, quo nutriuntur fœtus in vtero: causam verò efficientem esse naturam, vel calorem naturalem, qui inquinamēto hoc menstruali stimulat vniuersum sanguinem exagitat, in qua exagitatione cum multus motus & labor fiat, calor præternaturalis excitatur, ac subinde in sanguine fit ebullitio, propter quam sequitur, vt illę sordes menstruales tanquam excrementum à sanguine secernantur, & secrete in partes cutaneas tanquã in communem cloacam extrudantur: vbi si materia calida sit & viscida, Variolas parit; sin sicca & subtilior, non Variolas, sed Morbillos inducit.

Adfert Auicennas, & omnes Arabes exemplum de musto, quod sicuti in musto feruente excrementa omnia à puro vino secernuntur, sic in hac sanguinis ebullitione inquinamenta illa menstrualia exactè segregantur à puro sanguine. Hæc est Auicennæ, & omnium ferè Arabum hæctenus recepta sententiã de causa materiali Variolarum, & Morbillorum. Vnus Auenzoar auctor inter Mauritanos maximus, duas sententias habere videtur; vna scripta est in libro suæ medicinæ tractat. 7. cap. 2. vbi eandem sequutus est sententiã, quam supra habuit Auicennas; in postremo vero capite sui libri, quod pulcherrimum est, diuersam omnino secutus est; quæ vt exactè penetrari possit, sciendum totam eius sententiã in tribus placitis positam esse, quæ omnia sigillatim declarabo. Primum est, fœtũ in vtero non nutriri sanguine mēstruo, sed sanguine totius corporis purissimo, & vt Hippocrates dicit in libro De natura pueri, dulcissimo; atq; hanc sententiã restatur fuisse quoque Galeni, neque nos sefellit, quia Galenus libro De semine 8. & 1. De sanit. tu. habet illam sententiã, fœtum in vtero nutriri sanguine purissimo. Adfert huius rei rationem Auenzoar; quia cum sanguis menstruus singulo mense vt inutilis & perniciosus eijciatur, si esset nutrimentum fœtus in vtero, necesse esset ipsum pernicioso nutrimento altum cõtaminari omnino, & morbidum fieri; & quia videbat bonus hic auctor Galenum etiam quandoque dixisse, nutriri fœtum sanguine mēstruo, occurrit huic obic-



obiectioni, & dicit eum, quādo dixit fœtum nutri-  
ri sanguine menstruo, cōmunem Græcorum  
consuetudinem secutum fuisse, qui sanguinem  
quemcunque fluentem ad vterum vocare con-  
sueverunt sanguinem menstruum, quemadmo-  
dum quodlibet apostema gulæ appellant angina-  
m, quodlibet lateris pleuritidem. Secundum  
placitum Auenzoar est, fœtum, etsi in vtero ne-  
quaquam nutriatur sanguine menstruo, verum-  
tamen ab eo magnopere inquinari, & maculari.  
Modus autem, quo præclarissimus auctor docet  
sanguine menstruo fœtū inquinari hic est, quod  
sicuti videmus vasa, etsi vitreata sint, à rebus im-  
positis inquinari; ita vt si in aliquo vase diu deti-  
neatur fermentum, ac deinceps fermento illo ab-  
lato noua pasta imponatur, expertum sit pastam  
illam nouam contrahere vim fermenti à vase in-  
quinato; sic fit, inquit, vt fœtus in vtero diu con-  
tentus tandem in sese contrahat tabum atque la-  
bem sanguinis verè menstrui. Et quia poterat ali-  
quis dicere, si inquinatur fœtus in vtero diu con-  
tentus sanguine menstruo, debere quoque in eo  
ægotare fœtum. Respondet id minime fieri,  
propter duas causas; prima est, quia non nu-  
tritur eo sanguine, licet inquinetur. Secunda,  
quia facultas conseruatricis matricis aded potens  
& efficax est, vt non permittat ægotare fœ-  
tum in vtero etiam tabo menstruo inquinatum.  
Tertium est, quod vbi infans ex vtero egressus  
est, mirificè quotidie inualefcit, augetur & ro-  
bustus euadit; quod fit vt natura robustior est

fecta tandem à sanguine omne inquinamentum amoliri aggrediatur; quod cum agat summo labore & summa vi, necessario sequuntur deliria, febres; atque, inquit Auenzoar, contingit, quemadmodum vbi butyrum à caseo extrahitur, quia si separandum est butyrum, necessum est vt totum lac in vase angustissimi oris vehementer conquassetur, in qua conquassatione pars butyrofa abscedit & segregatur à caseo; sic, inquit ipse, in hoc magno labore naturæ segregantur fordes omnes mēstrui sanguinis, atq; tandem sanguis depuratur. Addatur exemplo Auenzoar, quòd sicuti vbi semel butyrū exactè separatum est à caseo, fieri nō potest, vt amplius secernatur, etsi millies iterum bulliat; sic quoq; fieri, vt vbi quis semel variolis captus est, amplius capi non possit. Sententia autem eius licet in aliquibus diuersa videatur ab Auicennæ sententia, tamen in hoc potissimum cōuenit, quòd variolæ, & morbilli fiant a materia sanguine mēstruo fœdata. Auicennæ sententiam pars maior recentiorum secuta videtur, & inter ceteros disertissimus Fracastorius lib. 2. de morbis contagiosis 2. Ego verò partim cum Arabibus cōuenio, partim ab ijs dissentio; in hoc conuenio, fœtum in vtero nutriri eo sanguine, qui fluit ad vterum, atque eo & purissimo & dulcissimo; sed quia æquè bonus, & prauus sanguis simul sunt misti, fieri puto, vt cum sanguine puro fœtus non nihil etiam impuri attrahat, vt maxima ex parte in vtero fruatur optimo & puro sanguine: sed fieri nequaquam posse

posse quin etiam non nihil prauī ab ipso attrahatur. Nec obstat huic sententiæ quod scriptum est a Gal. 1. De Symptomatum causis 7. vbi dicebat primis duobus mensibus fœtum nutriri sanguine puro; alijs verò attrahere etiam nutrimentum impurum, & propterea magna ex parte vitioso succo nutriri; quandoquidem præterquam quod in interprete antiquo Galeni deest illa particula, magna ex parte: accedit etiam, quòd si rectè eo loco is intelligatur, sermonem habet nō simpliciter de omni fœtu, sed tantum de illius mulieris, quæ laborat pica; siquidem hoc verissimum est, fœtum mulieris pica laborantis maxima ex parte vitioso alimento nutriri, quòd corpus eius sic vitiosissimis succis maximè plenum. in hoc itaq; cum Arabibus conuenio; in eo autem magno pere dissentio, quòd nequaquam credam veram materiam variolarum aut esse sanguinis mēstrui excrementum, aut reliquias nutrimenti à mēstruo fœdatas: atque ad hoc existimandum impellor multis, & ni fallor, grauissimis rationibus. Primò, quia variolæ maxima ex parte proueniūt vitio morbidi cœli vel aeris; atque hoc non ego dico, sed ipsimet Arabes, qui hanc sententiam habent, & in primis Rases 18. continentis, & Auenennas; sed maximè omniū mirabilis ille Auenzoar, qui in fine sui libri scribit se iccirco tractasse de variolis, & morbillis post tractationem de peste, quia ferè semper eueniunt ex vitio aeris vel substantialiter corrupti, vel propter aquas, halitus terræ, & cadauera. hoc etiam verum esse ma-



ximè omnium testantur, qui historias nouæ India conscripserunt, apud quos videre est eius regionis incolas quondam penè extinctos esse omnes à variolis vitio cœli vagantibus; ut cū hoc constet omnis ordinis homines extinctos esse vi huius morbi, id etiam compertum videatur non fuisse, neque esse potuisse propter materiam vitiatam à sanguine menstruo, eo maximè, quod ijdem qui cōscripserunt has historias, aiunt, quo tempore nostri ab illis acceperūt luem gallicam, illos vicissim à nostris accepisse variolas, & morbillos. Secunda ratio est, quòd vitium sanguinis menstrui sempiternū est à mundo nato post peccatum Eue. Vnde factum est, vt homines semper hac menstruorum labe sint labefactati. Perennis quoque est causa efficiens, scilicet natura, aut calor naturalis. Quare cum semper fuerit materia & agens, iure debuissent omni tempore homines hoc morbo vexari. Sed hoc falsissimum est, quandoquidem ante tempora medicorum Arabum nullum reperire licet auctorem, à quo hos morbos aut generatos, aut clarè explicatos habeamus. Si enim veteres auctores nobis non inuiderunt tractationes morborum minorum, cur existimare debemus eos nobis inuisuros fuisse tractationē huius morbi, qui (ingenue fateor) omnium est maximè grauis & insignis? Nec valet quorundam ratio, qui dicunt forsan veteres non habuisse hos morbos, quia temperatiorem vitam traducebant, quàm nos: quoniam nugæ sunt meræ. Si enim fiunt propter labem illam  
men-

menstrualem & hæc perpetua est; aut nihil, aut parum omnino facere potest victus ratio. Præterea si à temporibus Socratis vsque ad hæc nostra tempora mores hominum æstimemus, semper luxus maximus fuit: nonne Plato temporum suorum imensos luxus detestatur? nonne Galenus i. methodi, & plerisque alijs in locis extollit suorum temporū intemperantiam? Sed quid hîc moror? nullus est auctor Latinus, aut Græcus, qui non suorum temporum & luxus & intemperantias detestetur. Vana est ergo responsio horū, quòd propter victum hic morbus fuerit nouus. Tertia ratio est, quòd nullus est homo, qui in iuuentute, vel adolescentia, vel virilitate aliquo morbo graui non laboret, in quibus morbis fit in sanguine ebullitio, fiunt putredines, donec expurgantur varijs & diuersis modis corpora: quòd si in sanguine seminaria huius mali à mēstruis relicta essent, deberent & hæc purgari. & propterea post alios morbos homines immunes esse ab his malis, quod quidem nequaquam probatum est: quòd certo videamus homines etiam immediatè post alios morbos graues tentari hac ægritudine; immò verò hoc vsu euenire solet, vt qui sunt colore floridiore, qui habent quasi inculpatam sanitatem, maximè exercean- tur ab his malis. Scio posse morbos latere in corporibus, vt semina veneni canis rabidi, quæ etiam post multos annos se produunt: Scio ab Hippocrate lib. De affectibus tradi morbum quendam lienis, quem scribit quatuordecim annis

in corporibus nostris latere. Scio Alzarauium medicum grauissimum scripsisse seminaria lepræ in corporibus per plures annos abscondi, ita vt qui tempore fluxus menstruorum sunt concepti, interdum post decem, duodecim, viginti, atq; plures annos leprosi euadant. Sed alia ratio est, quia potest quidem in aliqua parte latere seminarium alicuius morbi, vt locupletissimè docui, dum de peste & canis rabidi veneno tractarem; sed quòd totus sanguis ita infectus possit perdurare, & tot iniurijs resistere, omnino rationi dissentaneum videtur. Sed video responsurum esse aliquè, interdum fieri vt huiusmodi sanguis menstruus, seu labe infectus ferueat, & non semper in variolas, verum in morbos prauos, in febres pestiferas finiatur, sed si hoc verum esset, deberet saltem isti reliquo vitæ tempore immunes esse ab hoc malo, quod nequaquam apparet. Quarta ratio est, quia vt scribit Arist. 6. de histor. animalium 18. & 1. de generatione animal. 19. omnia bruta sanguinea menstruas purgationes habent, & inter cetera equus, canis, asinus. si ergo hæc etiam animalia habent materiam morbillorum, & calorem agentem, cur non tentantur variolis, & morbillis? Si enim, vt dicunt Arabes, hæc esset vera materia, deberet & belluæ tentari hoc morbo, quod nequaquam experientia est comprobatum. Scio aliquos huic obiectioni responsuros, propterea tentari solum hominem, quia, vt idem Arist. scribit, mulier maximè omnium copiosissimis menstruis laborat. Sed hæc responsio nihil valet, quia

copia



copia maior vel minor menſtruorū poteſt quidem facere, vel vt plurimis, vel paucioribus variolis exerceantur bruta, & mulieres; ſed quòd hac ratione illa debeant proſus carere hoc morbo, ſanè hæc ratio non facit, eò magis quòd animalia prædicta ferè omnibus his morbis exercētur, qui hominem tentant. Quinta omnium clariffima ratio eſt, quia ſapientiffima natura tres modos excogitauit, quibus vt tueatur animal omnia excrementa nutrimenti excernit, omnes turpitudines eiicit, vt homo incolumis & ſanus in hunc mundum exeat. Vnus eſt, quando fœtus in vtero reperitur; dicit enim Gal. 1. De ſympt. cauſis 7. excrementa nutrimenti, quo fœtus alitur, omnia a natura deponi in duabus tunicis, que ipſum ambiunt, vt ſiquid impuri nutrimenti attrahitur a fœtu in vtero, rotum penè deponatur a prouida natura inter huiusmodi tunicas. Alter modus eſt, quando fœtus ſtatim in hanc lucem egreditur: dicit enim Hipp. li. De carnibus, ſeu de principijs, vt ego inſcribendum puto, ipſum ſtatim atq; in hanc lucem venit, excrementa omnia impura expurgare per inteſtina. Quam ſententiam Ariſt. quaſi explicans 7. De hiſt. animal. 10. ſcribit, ſtatim atque fœtus ortus eſt, reddere copioſius excrementum, quàm pro magnitudine illius conueniat, quod dicit a mulieribus vocari *μηκάνιον*, vel (vt trãtulit Gaza) papauerculum: addit huiusmodi excrementū modò colore cruentum eſſe, modò piceum, modò albidum. Tertius modus, quo vtitur natura in depurando fœtu, eſt

post aliquod tempus ab ortu. nam Hipp. lib. De  
 sacr. morb. scribit, fœtus editos varijs in capite  
 morbis agitari, vlceribus, achoribus, atque alijs  
 quæ sunt veluti germina quædam prauorum hu-  
 morum: & hos morbos, inquit, tanti referre ad  
 sanitatem fœtus, vt quicumq; exercentur his ma-  
 lis, immunes euadant ab epilepsia: nec vlla alia ra-  
 tione, inquit, nisi quia per hos morbos expurgã-  
 tur excrementa pituitosa quæ in vtero contraxit.  
 Si ergo natura salutis humanæ sollicita tot mo-  
 dos excogitauit, vt non semel, sed iterum atque  
 iterum fœtum emundaret ab omni illuue, quid  
 suspicari debemus in omnibus hominibus tanto  
 tempore excrementa sanguinis menstrui perdu-  
 rare? Vana quidem potest esse naturæ solertia in  
 vno, vel in altero, sed quòd in omnibus homini-  
 bus decipiatur, quòd frustretur semper à fine què  
 intendit, absurdissimum omnium mihi videtur.  
 Quapropter cõstare puto, fieri nequaquã posse,  
 vt caussa materialis morbillorum, & variolarum  
 sit ea, quam excogitarunt Arabes. Fernelius vir  
 ingeniosissimus 2. De abditis rerũ caussis. cap. 12.  
 suis & ipse rationibus refutare conatus est placi-  
 ta Arabum, quibus refutandis nouã, sed sibi con-  
 suetam sententiam protulit; videlicet morbillos,  
 & variolas suam originem ducere à cæca, & arca-  
 na aeris vitii qualitate. Fieri enim primùm ab  
 aere probauit hac ratione, quia huiusmodi mor-  
 bi solent interdum silere prorsus, interdum ma-  
 gnopere sæuire in plebem & homines: quæ con-  
 ditiones videntur solummodo in his morbis re-  
 periri

periri qui ab aere originem ducunt. Fieri deinde à cæca, & non manifesta qualitate, hoc argumento putauit se demonstrasse, quia variolæ, & morbilli æquè fiunt in temporibus feruentissimis, atque in summo frigore, æquè in humido, atque in sicco; vt propter hanc rationem dicat non esse generationem eorum adscribendam manifestis qualitatibus aeris, sed potius abditis & arcanis. Tertia eius ratio est ex accidentibus, quæ comitantur hos morbos, ex capitis dolore, grauitate, inflammatione faciei, delirio, difficili respiratione; quæ omnia inquit ex eo venire, quòd aer attractus in cor, illud infect, consequenter corde infecto & caput & totum corpus inquinat. Quarta est in vrinis eorum, qui morbillis tenentur, nullum adesse signum neque putredinis, neque alterius manifestæ qualitatis; & iccirco cum accidentia praua sint, & nulla signa manifesta, necessariò colligendum esse, hos morbos à praua, & cæca qualitate oriri. Vltima ratio est, faciem & corpus tam intrinsecus quàm extrinsecus eorum qui morbillis tenentur, vsque adeo horrendo esse aspectu, vsque adeo fædi coloris, & habitus, vt nequaquam horreni huius mali assignari possit manifesta causa, sed potius recurrendum sit ad occultas, & reconditas; eo maximè, quia tanta est huius morbi immanitas, vt sæpe liceat videre mulieres edere fœtus variolis inquinatos, atque etiam cadauera laborantium variolis infecta, viscera omnino habere variolis, & mor-



billis maculata. Hæc ergo est Fernelij sententia, contra quam cum videret obiectionem, quòd si ab aeris qualitate morbus oriretur, non debere eo magis pueros tentari, quàm senes, ac viros: illi respondet hunc in modum: qualitatem aeris nobis inimicam rem esse admodum efficacē, & propterea viros resistere aeris iniurijs; pueros autem nequaquam posse. Atque tot fuerunt eius fundamenta: contra quam sententiam multa sunt, quæ ipsam ex toto euertunt; illud autem potissimum est, quòd etsi Variolæ, atq; morbilli interdum magis, interdum minus vagentur, attamen nullum est tempus, in quo aliqui non capiantur illis: & ego his annis, quibus medicinā facio, ne dicam singulo mense, saltē singulis annis curavi laborantes variolis. Si ergo fieret hic morbus ab arcana aeris qualitate, consequens esset, vt semper hæc qualitas in aere esset; quod nõ solum est contra rationem, verum etiam contra ipsum Fernelium, quãdo scribit de accidentibus, & corporis deturpatione quam faciunt variolæ. Contra rationē est propter duas causas. Prima, quia hæc omnia originem ducunt à materiæ prauitate. Secunda, quoniam si tot horrenda accidentia, quæ spectantur in variolis, proficiscuntur ab inimica aeris qualitate, necesse esset, vt hæc qualitas & insignis & efficax sit. Si ergo est insignis, cur dicit Fernelius immunes esse viros ab hoc malo, quia aeris qualitas non est admodum efficax? neq; quidquam facit, quod scribit in vrinis nullū apparere putredinis indicium, eò quia  
hoc

hoc argumentum non est cæcæ alicuius qualitatis, sed tantùm indicat materiam totam è venis à natura expelli extra eas; propterea cùm sanguis purus remaneat, consequenter vrinas quæ exeunt à venis, puras & claras esse. Miror autem Ferne-  
lium doctissimū, quòd sine vlla auctoritate, sine vllò testimonio dixerit exanthemata, & ἐκθύματα apud Græcos medicos diuersa esse, & consequenter sub his veteres variolas, & morbillos docuisse; quandoquidē omni studio hanc rem peruestigauī, nec potui inuenire vllam insignē differentiam inter has duas voces apud Græcos medicos, quemadmodum multum abest, vt exanthematibus vllus auctor tribuerit ea, quæ conueniunt variolis, & morbillis. Quis enim scriptor dixit vnquam exanthemata omnes homines tētare? quis dixit ea magis pueros afficere? apud quem reperiemus ipsa vsque adeo deturpare omnes homines? nugæ sunt, quòd veteres sub exanthematibus complexi sint variolas, & morbillos nostros. Nec quidquam facit auctoritas illa Hippocratis lib. De vsu humidorum, vbi scribit frigidum iuuare papulas rubras in corporibus teneris, & quæ sequuntur: quandoquidem si causas examinemus eo in loco productas, multum abest, vt variolis nostris illæ conueniant, præterquam quòd scribit Hippocrates frigidum iuuare illas papulas, cum nostris variolis nihil sit magis aduersum, quàm frigus, vt videbitur quando tractabo curationem. Fuchsius vir laboriosissimus suum Manardū lib. 6. epid. com. 2. tex. 18. & 5. lib.

deratione medendi capite 9. secutus in aliquibus videtur Fernelium imitatus, sed in pluribus propriam quandam sententiam habet. cōuenit cum Fernelio, quia & ipse Manardum sequens voluit veteres medicos sub exanthematibus & ἐκθύμασι declarasse variolas, & morbillos: dissentit autem ab eo, quia morbillos, & variolas non ex alia materia generari dicit, quàm ex illa, ex qua dicunt veteres fieri sua exanthemata, id est ex humoribus omnis generis excrementitijs. Multis autem rationibus vsus est ad hanc suam sententiam confirmandam, & in primis auctoritate Galeni 6. aphor. 9. quo in loco scribit duo esse exanthematum, seu papularum genera: vnum altum, aliud verò humile & latum. Genus altum inquit fieri à materia calida: latum autē & humile à frigidiore. & propterea has papulas esse sine pruritu, & consequenter citò difflari, quia hæc materia dilatata promptius & facilius dissipatur. Addit Fuchsius exanthemata quæ sunt altiora, esse morbillos, atque vlcera facere: latiora verò esse variolas, nec post se vlla vlcera relinquere; ita vt secundū huius viri sententiam & morbilli, & variolæ nostræ magnopere cōueniant papulis à Galeno relatis. & vt magis suam opinionem cōfirmet, vtitur testimonio Rasis, quem inquit ille suum librum de variolis inscripsisse De exanthematibus, quasi etiam hic auctor variolas exanthemata esse voluerit. In qua re improbat Fuchsius Georgium Vallam, qui transferens hunc librum in linguam Latinā inscribit De peste, non autē De exanthematibus.



matibus. ceterum hæc doctissimi Fuchſij ſententia reprobatuꝛ, quia multis erroribus mihi videtur eſſe implicata. Primum enim omnia patitur, quibus refutata eſt ſententia Fernelij, quod ſcilicet multum abeſt veteres ſub exanthematibus declaraffe variolas, & morbillos. præterea patitur & hoc, quod cum variolæ, & morbilli ſint nomina ab Arabibus inuenta, æquum eſt, vt eo pacto nos ijs vtamur, quibus ipſi ſunt uſi. Iam verò quos vocant ij morbillos, Fuchſius ſuo Marte appellari vult variolas: eos verò, quos vocant variolas, ille appellat morbillos. Sed de hoc nomine ipſi indulgeri poſſet, niſi in re ipſa magis erraret: quandoquidem exanthemata, quæ fiunt humiliora, & latiora, vult fieri à materia frigida, atque etiam ſine pruritu, quorum neutrum neque morbillis, neque variolis accommodatur. nam, vt dictum eſt, variolæ fiunt à materia calida, ſed craſſa, & cum pruritu. Morbilli autem qui ſunt humiliores, tam abeſt, vt fiant à materia frigida, quàm certiffimum eſt fieri eos à calidiore & tenui. Accedit verò, quod ſcribit fieri ſine pruritu, cum tamen vtriſque pruritus adſit, & præfertim variolis. Quare parcant mihi huius viſi manes; neque ipſe intellexit Arabes, neque experientia comprobauit differentiam variolarum, & morbillorum noſtrorum. Sed eſt aliud forſan non minori nota dignum, quod ſcribit Raſem librum ſuum inſcripiſſe de exanthematibus. Et vt hoc intelligatur, ſciendum Raſem

librum suum scripsisse lingua Mauricana, ex qua postmodum fuit in Græcam translatus, & è Græca in Latinam. Qua voce vsus sit lingua Arabica non est mihi compertum, sed scio librū Græcum inscriptum esse περι λοιμοῦ, id est de peste. ac poterit liber Parisijs excusus consuli, quē tres doctissimi viri in Latinū transtulerunt, Macherius Mutinensis, Georgius Valla, & Andernacus Germanus, qui omnes inscripserūt librū De peste, adeò quòd in hac re, quæ nō minimi est momenti, pateat Fuchsiū fefellisse. Post hos omnes surrexit alter medicus auctor doctissimus, qui diuersam ab omnibus sentētiā de variolis proposuit: atq; hic fuit Alexander Petronius, qui Romę medicinam nō sine laude exercet: hic enim in libro suo De morbo gallico, typis excuso, conatus est etiā copiosissimè demonstrare, vnam & eandem originem esse lepræ, morbi gallici, variolarū, & elephantiasis: quos omnes morbos imaginatus est originem ducere ab alimēto fœtus in vtero putri: inquit enim, dum fœtus est in vtero, eius alimentum copiosissimum esse, & propter copiam putrefieri, atque ita hoc alimento putri nutriri fœtum; cuius prauī & putridi nutrimentī, inquit, seminaria toto vitæ nostræ tempore in corpore seruari, & potissimum circa cutem: & quia hæc seminaria sopita sunt, inquit opus habere impulsore aliquo, qui illa excitet, & erumpere faciat: impulsorem autem dicit esse calorem putredinalem excitatum vel ab aere, vel à cōtagio, vel ab aliquo alio in victu errore. Quam sententiā

vt refellam, non erit mihi opus tot verbis, quot ipse vitur; nam clarissimum est eam omnium scriptorum auctoritatibus, & quod peius est, euidētissima rationi repugnare. vt enim diximus, potior pars scriptorum medicinæ in hanc sententiā venit, fœtum in vtero, si benè valet, semper optimo, puro, & dulcissimo nutrimento nutrirī; quò fit, vt nutrirī putrido alimento fit rem dicere omnibus scriptoribus aduersam. repugnat etiam rationi, quia, vt optimè scribit Gal. I. De sympr. causis 7. quò plus est alimenti in vtero, dum fœtus in eo est, eò magis ipsum nutrirī puro sanguine; quia si nutritur interdum impuro, fit tantum propter inopiam; præterea fœtus dum in vtero est, imbecillus est, infirmus; ita vt nisi alimenti bonitate cōtinuò sustentaretur, periculum esset ne corrueret, & interiret. Ridere ergo soleo huius viri exemplū; inquit enim hoc putre alimentum esse fœtui maximè familiare, quemadmodum est putredo ranis, quæ ea victitant, & in ipsa adolefcunt. Bonus iste vir miror quo modo ita cæcutiat. nam certum est alimētum à natura animalibus tradi secundū temperaturæ dignitatem, ita vt si animalia sortita sint ignobilem temperaturam, ignobili etiam victitent alimēto, & ignobili loco conferuentur: quæ verò nobiliorem habent temperaturam, æquum fuit, vt illis traderet nobilius alimentum. Iam verò nulla est temperatura nobilior humana; quò fit, vt necesse sit eam sustentari nobilissimo alimento, & in loco mundo. Ranæ sunt donatæ ignobilissima tempe-



ratura, & forſan propter hanc veteres eas nunquam voluerunt guſtare; quare non eſt mirum, ſi etiam putri alimento veſcantur, & in locis putridis verſentur. Hipp. 4. De morbis lōgo diſcurſu monſtrare conatur fœtum, ſi vitioſo lacte veſcatur, morbos innumeros & exitiales ſubire: quò fit, vt ſi in vtero nutriatur alimento putri, multò magis debeat & morbos, & mortem ſubire. Nec quidquam facit, quòd, vt ipſe ſcribit, hæc putredo fiat in nutrimento, non propter qualitatem, ſed tantū propter intenſam copiam: quoniam, vt dicit Hippocrates in libro De affectionibus, alimenta quāto ſunt meliora, & accommodatiora, ſi propter copiam corruptantur, eorum corruptela multo deterior eſt, quàm ſit ciborū, qui & minus nutriunt, & deteriores ſunt: vnde forſan emanauit, quòd repletio ex pane ſit omnibus deterior. Quòd ſi verum eſt, vt dicit Hipp. ſi alimētum corrumpitur & putreſcit ob copiam, cum alimentum ſanguis ſit, & qualitate non peccet, debet ob copiam corruptus deterrimā corruptelam aſſequi, & propterea fœtui non familiaris, ſed exitiaſſimus eſſe. Poſtquam aliorum de Variolis ſententias recitauimus, tempus eſt, vt quam ego ſequar, & breuiſſimè, & lucidiſſimè aperiam; quod vt felicius contingere poſſit, nonnulla neceſſe eſt ſupponere, ex quibus quid ſentiam intelligi poterit. Eſt autē illud primum, variolas, & morbillos à veteribus ignoratos, & alto ſilentio præteritos fuiſſe. Pluribus hoc confirmare conarer, niſi iam à me multa hac de re eſſent dicta;

dicta; illud tamen tacere nō possum, tot esse huius morbi proprietates, totq; habere ab alijs morbis diuersa, vt si veteres huius rei aliquam cognitionem habuissent, necessariū esset de ijs aliquid illos dixisse: neque hoc mirum videri debet, quia sicuti apud Indos caput hic morbus esse qui non erat, sic non est præter rationem aliquando eum in regionibus nostris nō fuisse, & aliquando esse capisse. Vtrum autem quando caput ortus sit vitio cæli, an aeris, an contagio, an aliqua alia re, difficile est in tanta rerum difficultate & obscuritate decernere. Scio Plutarchum in Symposiacis disputare copiosissimè, morbos novos fieri à vitio mutatione: scio multos in Italia, & alibi novos morbos apparuisse & contagio & alia ratione, sed suspicor vehementer morbillos, & variolas cum primum esse cæperunt, vitio cæli & aeris factas esse: quod me ad hoc credendum mouet, illud est, Arabes medicos, quorum tempore videtur capisse hic morbus, prodidisse eos pestem esse, fieri in peste, & à corrupto cælo oriri. non enim hæc facilè dixissent medici illi sapientissimi, nisi euidente aliquo signo ad id fuissent impulsī. Secundum, quod supponi cupio, est medicorum omnium sententia, multos morbos fieri hæreditaria quadam, & paterna proprietate. Magnus Hippocr. 2. prorheticorū quatuor morbos esse scribit, qui in hominibus hæreditate oriūtur, podagram, hydropem, phthisim, & epilepsiam; de quibus cū loqueretur Plutarchus, sequutus Hippocratem in lib. De fera Numinis vindicta, dicit,

eos qui oriuntur ex parentibus, qui laborauerunt simili morbo, statim esse curandos; quasi dicat, eiusmodi proprietatem paternam esse irremediabilem causam horum morborum in filiis; simile quid prodidit etiam Auicennas de nephritide morbo. Tertium supponendum est, hanc hereditatem paternam, seu proprietatem esse potentiam, & aptitudinem quandam filijs ingentam, propter quam redduntur apti, & dispositi ad suscipiendos similes morbos; id enim usu venire in morbis verisimile est, quod conspiciamus quotidie euenire in animi motibus, quod scilicet parentes ingenerant filijs aptitudinem & potentiam quandam ad edendas virtutes & actiones quas ipsi habent. Quartum est, huiusmodi proprietates esse veluti instrumentum quoddam, quo vel natura, vel causa alia effectrix utitur ad producendos effectus. Quintum & postremum est, huiusmodi proprietatem requirere & materiam idoneam, & agens efficax. Materia est omnis corporis nostri humor, ut sanguis, & pituita, & utraque bilis, & omnis ichor: efficiens causa est calor, qui prout est vel maior, vel minor, sic etiam modo magis, modo minus agit. His ita constitutis, statuo Variolas, & morbillos hereditate paterna fieri ex sanguine, & ichoribus bullientibus ob calorem, qui in corporibus excitari potest varijs & diuersis rationibus. De paterna hereditate non est ut quidquam in controuersiam reuocemus, quia hoc satis euidens, & probatum est. Fieri autem hos morbos ex ichoribus sanguinis bullientibus



lientibus, multis testimonijs adducor vt credam. Primò, quia, vt dixi in initio, exanthema est veluti quoddam genus Variolarum, & omniũ similitum tumorum. Dicit autem Galen. 3. De sympt. causis 2. tunc fieri prouentum exanthematum, cum abundant ichores. Præterea probatum est à me, & ferè ab omnibus, febres synochas ortum ducere ex ichorum sanguinis ebullitione, aut putredine. In Variolis autem & morbillis semper fit febris synocha, velut est omnium placitum. quare rationi videtur consentaneum, fieri hos morbos ab ichoribus. Accedit etiam & illud, quòd in morbillis, & Variolis fit maxima expulsio, & tamen nullus adsit rigor, quod signum est, materiam quæ expellitur à venis extrà, non esse mordacem; quandoquidem, vt Gal. scribit lib. De rigore, & 2. De symptom. causis 5. fit rigor à succis acris, & mordacibus; ichores sanguinis blandi sunt, minimè mordaces; iure ergo fit vt in Variolis numquam rigores appareant. Postremò ipsamet experientia docet, hos morbos fieri ab ichoribus, quia si obseruetur materia exiens ab ipsis Variolis, non est verum pus, sed ichor qui planè crassior est in Variolis, quàm in morbillis: quia in his citissimè dissipatur, in illis diutius durat. Fieri etiam per ebullitionem nõ est vt quidquam dubitemus, quandoquidem & accidentia, quæ consequuntur, & calor ille intensus, & color, satis testantur fieri hæc omnia à sanguine feruente. Hoc ergo, ni fallor, firmiter constituto, iam strata est via dissoluendi difficillima & pulcherrima pro-

blemata, quæ circa hos morbos oriuntur. Primum est, cur sit quod nullus ferè homo hisce temporibus reperiatur, qui ab hoc morbo euadere possit? Secundum, cur pueri potissimum hac calamitate tententur, & inter eos alij citius, alij tardius? Tertium est, cur Variolæ, & morbilli in aliquibus sint lethales, in aliquibus verò salubres? Quartum, cur nonnulli paucis Variolis tententur, nonnulli pluribus; aliqui verò ita immaniter tractentur, vt toto vitæ tempore deturpati remaneant? Quintum est, cur Variolæ omnium maximè faciem deforment, & post faciem manus, & pedes exerceant? nam cum hi durissimam pellem habeant, æquum videtur debere eos mitius tractari, quàm ceteras partes. Sextum est, cur Variolæ magis infestent oculos, vt dicit Rases lib. 6. cap. De visione, quàm morbilli? Septimum, cur cum morbilli, & Variolæ sint contagiosi, potissimum tamen sanguineis communicatur hoc malum, ita vt videamus & fratres, & consobrinos facile à suis inquinari? Octauum, cur aliqui tententur bis hoc morbo, rarissimè ter, ferè omnes semel tantum? Nonum & postremum est, cur facies, labia, & præputium ita interdum inquinentur, vt in ipsis vestigia indelebilia fiant? nã hoc experiëntia compertissimum est, quotiescumq; remanent vestigia Variolarum, potissimum manere in facie, supra labia, atq; etiam in ipso præputio. Ad primum dicendum est, nullum ferè euadere ab hac calamitate, quia omnes nascimur ex parentibus, qui hoc vitio sunt tentati. Sicut enim iam ostensum est

est morbos fieri hæreditate, quia parētes ijs morbis sunt tentati, pari pacto possumus arguere omnes homines tentari Variolis paterna hæreditate, quia parentes nostri omnes hac lue laborarunt; id enim perinde accidit, vt id quod scribit Hipp. in lib. De aquis, aere, & locis; de Macrocephalis Indiæ populis; nam primum gens illa arte & studio cepit infantibus capita oblonga facere, vnde cum parentes huiuscemodi capitibus præditi essent, factum est, vt filij ab ipsis similes sint geniti; adeo vt proprietate paterna tota illa gens facta sit macrocephala. Sic prope modum contingit in variolis, & morbillis. In initio hic morbus vitio cæli omnes tentauit, aut ferè omnes; qui deinceps hanc proprietatem paternam in filiis inferentes, non est mirum, si longè, lateque malum propagarint; & hæc proprietate facta sit non solum promiscua, sed etiam naturalis. Fiunt autem hi morbi, quod erat secundum problema, in aliquibus lethales, in aliquibus salutes, propter diuersas causas, sed potissimum propter causas tum internas, tum externas. Propter internas, quia sunt aliqui ita prauo corporis habitu præditi, ita fordidis excrementis repleti, vt bulliente sanguine, vnà cum ichoribus fiat ignis inextinguibilis in corpore, & putredo irremediabilis. Fiunt etiam lethales propter causas externas, scilicet propter morbidi cæli iniquitatem, nec non ob errores victus, medicorū, & adstantium. Fiunt autem salutes, potissimum in ijs,



in quibus præter ichores nihil est prauum, nihilq; putridum, & in quibus nulla caussa morbificæ externa operatur; non aer, non victus, neq; quidquam aliud. Quo ad tertium problema, cur pueri tententur potissimum hoc malo, fit propter varias, & diuersas rationes. Prima est, quia corpora eorum sunt refertissima sanguine & ichoribus; adhæc abundant maximo calore; vnde cum præter proprietatem & aptitudinem paternam habeant in se ipsis fomitem illum, & materiam, & commune agens efficax, rationi consentaneum est, illos debere præ ceteris hac ægritudine tentari. Abundare pueros sanguine, & ichoribus, ex eo facile conijcitur, quia sunt proximi principijs suæ generationis; fit enim generatio animalium, & præsertim hominis, penè tota ex sanguine; vnde iure pueri omnes sanguinei sunt. Est & alia ratio; quia pueri nondum excernunt semen, vt ob hoc in ijs totus penè sanguis conseruetur. Atque Hipp. quidem in lib. De genitura dicit pueris, & virginibus impediri seminis excretionem, quia vasa eorum corporum sunt angusta, exilia, ita vt non possit per ipsa semen, seu sanguis ei destinatus excurrere, & propterea in ijs non fieri agitationem humidi, nec pruritus; quæ omnia satis manifestè indicant in pueris magnam sanguinis copiam reperiri. & quod dicit Plato in Timæo, & Gal. 6. De locis affectis, arbores, & plantas ægrotare propter copiam humidi, & alimenti; sic dicendum est de pueris, scilicet eos obnoxios esse huic ægritudini, ppter immensam sanguinis vber-  
tatem.

tatem. Ichores etiam abundare in ipsis, verisimile est, quandoquidem ea ætas est vorax, & innumeras cruditates committit. Iam verò certum est ichores ipsos, vt aliàs dixi, nil aliud esse, nisi partes tenuiores & crudiores ipsius sanguinis. Calorē etiam in ipsis abūdare manifestissimum est, tam naturalem, quàm accidentalem. de naturali est oraculum Hippocratis pueros habere plurimū calidi innati: de accidētario etiam probari potest, quia hæc ætas in perpetuo est motu, ppetuo clamat; & tandem nihil agit pueritia, quod non sit potens calorem in ipsorum corporibus excitare; quo fit, vt illi, qui pluribus ichoribus abundant, qui plurimum mouentur, qui magis sunt sanguinolenti, etiam tententur citiùs his morbis, quàm illi, qui minus sunt sanguinei, qui minus mouentur, minus clamant, & pauciores cruditates committunt. Nam Theophrastus in libro De sudoribus, dicit eruptiones, & papulas in nostris corporibus fieri propter tres causas; propter tempestates, propter motum corporis, (qui in corporibus nostris calorem excitare solet) & postremò propter excrementorum redundantiam, aut aliquid aliud, quod causæ mouentis rationem in corpore habere possit. Quarti problematis solutio est, eos qui multis ichoribus abundant, consequenter pluribus morbillis, & variolis tentari; qui verò paucioribus, rationabiliter etiam paucioribus variolis, & morbillis tentari; pari pacto in quibus ichores pauci sunt, & tenaces, in ijs quoque turpissima cicatrices relinquuntur, atq; etiam per-

petuæ depilationes. Relinquuntur turpes cicatrices, quòd quemadmodum qui laborant liene, vt dicit Arist. 9. problem. 5. nigras & turpes cicatrices ex vlceribus habent ob sanguinem morbidum; sic in quibus ichores prauis sunt, fit vt ab vlceribus Variolarum relinquuntur turpes cicatrices. Fiunt pariter perpetuæ depilationes, quia vbi ichores crassi, & prauis sunt, dum feruent, carnes ipsas mirificè exedunt, quibus absumptis, fit, vt non solum cicatrices duræ remaneant, sed etiam pabulum pilorum omnino desideretur; atq; hoc est, quod dicit Arist. 16. problem. 3. 1. in cicatricibus hominum non oriri pilos, tum propter densitatem cutis, tum maximè propter inopiam alimenti. Ad quintum respondendum est, in variolis, & morbillis potissimum & citissimè tentari faciem propter tres causas; quarum prima est, quia in his morbis ebullitio fit in toto corpore; vnde sicuti videmus ex humoribus feruentibus vapores sursum eleuari, sic statim atque incipit ebullire ichorum & sanguinis massa, simul vapores in caput atque in faciem tolluntur. Secunda est, quia in hac ebullitione motus ichorū maximo impetu fit; vt iure dixerit Auenzoar febrē hanc esse impetuosam; impetus autem duo præstat. 1. efficit, vt humores sursum tollantur. 2. vt neque cerebrum, neque spiritus, neque aer resistere possit; ex quo licet in facie sint spiritus, & hæc pars exposita sit aeri, nihil tamen horum aduersum impetum humorum potest. 3. causa est ex Aristot. 36. problemat. 3. quo in loco scribit  
varos



varos fieri potissimum in facie, quia locus humidus, & rarus est. quare cum humiditas, & raritas disponat partes ad recipiendum, consequenter efficit, vt materia morbillorum in ijs magnopere valeat. De manibus, & de pedibus, cur scilicet hæ partes potissimum in variolis tententur, sunt & causæ accommodatissimæ & veræ. primò enim læduntur manus, & pedes, quia totus hic morbus fit tantum à iecore, tum à partibus iecori proximis; quandoquidem in illis partibus tamquam in propria sede collocata est naturalis facultas. Iam verò inter iecur, & pedes, atque manus est maxima sympathia, quod vnusquisq; intelligere potest ex eo; quia qui calido iecore sunt, & manus, & pedes semper calentes habent. ratione ergo huius sympathiæ fit, vt cū facultas naturalis conatur ab internis partibus ad extrema materiam protrudere, potius in manus, & pedes eam transmittat; tum quia hæ partes longissimæ sunt, tum maximè, vt dixi, propter hanc congeneritatem, vt sic dicam. De hac iecoris cum manibus, & pedibus sympathia Rases 17. continentis, vbi loquitur de iecore, & Auic. 14.3. tract. 1. cap. 3. & 30. necnon & 2. 1. doctrin. 3. cap. 1. dicunt breuitatem digitorum indicare paruitatem iecoris, & consequenter ab eorum longitudine indicati eius magnitudinem; quamquam Auer. 4. collectorum capite de signis iecoris irrideat hac in re Auicennam quasi ignorarit quæ, & vbi sit virtus verè formatiua. Potest addi his rationibus, manus, & pedes

calore valere potissimum propter motum continuum harum partium, propter quem calorem Plutarchus in quaestionibus naturalibus solebat dicere pedes & manus vrsarum esse esu iucundissimas; quia in hoc animali cum manus & pedes maximè exerceantur, calore quoque valere, & ob calorem succos apprime in eis cōcoqui verisimile est. Sic nos dicere etiam possumus, quòd cum in iuuenibus, & pueris in perpetuo motu manus & pedes sint, rationabiliter vehementer calent, & ratione caloris dilatati attrahunt; vbi simul concurrunt & studiū naturæ expellentis, & aptitudo partium ad recipiendum, & attrahendum. Ad sextum respondendum est, oculos, licet membra sint fat imbecilla, tamen propter sui præstantiam à natura donatos esse mira quadam facultate externis iniurijs resistendi: quod cum cognosceret Arist. 31. problem. 22. dicebat oculos solos non rigere, neque gelu tentari. propter hanc igitur vim resistendi iniurijs externis, vbi materia subtilis est & tenuis, facilè eam à se repellit. Vbi autem crassior, & tenacior est, nequaquam repelli potest, aut multo min⁹ repellitur, & ideo cum in morbillis tenuis & subtilis sit materia, ea oculorum vi repellitur: in variolis, quia crassior & tenacior est, nequaquam repelli potest, aut multo minus repellitur, & iccirco magis offenduntur in ijs oculi, quàm in morbillis. Ad septimum, iam in tractatu de pestilentia copiosissimè de contagio disputavi; nunc illud tantum dicam, morbillos & variolas contagiosos esse propter  
duo

duo potissimum. Vnum est, quia hoc malum fit ex feruente sanguine, à quo longè lateq; mittuntur vapores, qui aliorum corpora ingredientes, facillè ipsa cõtaminât; quemadmodũ in ophthalmia contingere solet. Alia ratio cur hi morbi sint contagiosi, est proprietates illa paterna, & hereditaria, quæ in omnibus reperitur; vnde cum confanguinei habeant hanc proprietatem penè ipsi similem, cũ etiam in ipsis humores sint similiores, iure fit, vt isti prõptius, & facilius ab infectis coinquentur; quæ etiam ratio facit, vt in pestilentijs familiae destruantur propter hanc humorum similitudinem. Ad octauum dico, hereditariam hanc huius mali proprietatem tantisper in hominibus permanere, donec partes seminariæ, quibus implantata est, durant: verum tamè quia hæc proprietates ex se nihil habet, nisi quia disponit, fit, vt potissimum in pueritia semel, vt plurimum, homines tententur; quia ichores, qui sunt fomites huius mali, ob sui tenuitatem promptè inflammantur, & vbi pars eorum inflammatur, facillè incendiũ toti massæ communicatur; & vbi semel communicatum est, tota quoque consumitur. Exemplũ est de aceruo paleæ, cuius si aliqua particula accendatur, protinus totus ardet, atque etiam consumitur. Quòd si forte fortuna tota massa ichorum, neque vna vice inflammatur, neque consumatur, fit vt malum redeat; quia præter proprietatem hereditariam relinquitur simul fomes. Sed quia, vt dicebam, rarissimè fit, vt inflammata vna parte ichorum, tota massa nõ



inflammetur, & consequenter consumatur, fit  
 etiam consequenter rarissimè, vt contingat ali-  
 quem secunda vice, aut tertia hoc morbo corri-  
 pi; propter quod damnandus est Auer. qui 4. col-  
 liget. dicit hunc morbum absolutè semel in vita  
 cōtingere. Sed video aliquem ex me percuncta-  
 turum, num quid hæc proprietas hereditaria sit  
 facta nobis ita naturalis, ut quemadmodū per-  
 petua est in indiuiduis, sic quoque perpetua sit in  
 specie; adeo vt licet hic morbus incæperit, num-  
 quam tamen desiturus sit. ex vna parte ratio, quã  
 modò dixi, satis efficax videtur; ex altera, scimus  
 plerosque morbos novos tandem desijisse. Cele-  
 bre enim est, maiores nostros laborasse menta-  
 gra, sceletyrbe; qui morbi nostris regionibus tẽ-  
 pore Plinij noti fuerunt, & tamen tandem sunt  
 finiti. Dixi etiam aliàs, dum agerè de morbo gal-  
 lico, eum esse aliquando desitutum, vt iam vide-  
 mus illum inclinari; & multi probarunt nõ ad eò  
 vehementem & immanè esse, vt erat exactis iam  
 temporibus. quare idem videtur dicendū de Va-  
 riolis; tamen hæc res satis difficilis est intellectu,  
 quia ea est animi nostri imbecillitas, ea futurarū  
 rerū profunda obscuritas, vt non possimus quid-  
 quam cèrti asserere; puto tamè posse fieri, vt vol-  
 uentibus annis, quemadmodū hic morbus aeris  
 iniquitate nos vexare caput, sic etiam beneficio  
 cæli cessaturus sit; ita vt vel ex toto finiantur hi  
 morbi, vel saltem in aliquos mitiores cōuertan-  
 tur. Ad nonum & vltimum dicendum est maxi-  
 mè deformari à vestigijs Variolarum genas, la-  
 bia,

bia, & præputium propter multas causas. Prima habetur apud Arist. 3. De hist. animal. 11. quo in loco Philosophus scribit, quòd ubi cutis ossibus immediatè adhæret sine carne, vel ubi est per se sine carne, aut cum pauca, in ijs partibus vulnera difficulter coalescant. Vnde cum in genis cutis ferè sine carne sit proximè os, aut saltem cū pauca carne; cum etiam labia, & præputium sint veluti cutes separatæ sine carne, & sine osse, non est mirum, si cum vlcerebus variolarū dilacerantur, aut nullo modo, aut turpiter, & ægrè coalescant. Sic dicit Trallianus 1. problem. med. 4. vlcera in capite non admodum dolorem inducere, quia in parte capitis omnis cutis vel est prorsus sine carne, vel cum pauca. Secunda causa est, quia in facie facultas naturalis resistendi admodum imbecillis est, quoniam tota illa pars dicata fuit à natura virtuti sensitiuæ; vt ob id cū vix possint esse simul facultas animalis valida, & naturalis, necesse fuerit facultatem naturalem in facie infirmam esse, & propterea non posse optimè vlcera ipsa corrigere, & illam defædationem auertere. Tertia est, quia in facie maior fit humorum putrefactio, quàm in alijs partibus, quæ cum exeat vehementer & cutem & carnes, fit vt vlcera grauia relinquunt in ipsis vestigia indelebilia. Quod autem in facie potissimum humores corrumpantur, ratio colligi potest ex magno Arist. 3. De hist. animal. 19. ubi loquens de sanguine, dicit, & sanguinem, & partes sanguineas citissimè putrescere circa ossa; cuius rei rationem adferens

Albertus Magnus lib. 3. De animal. 6. dicit iccirco id fieri, quia ossa calida sunt; esse autem calida probat testimonio Empedoclis, qui, vt habetur apud Arist. 1. De animal. textu 77. dicit in fabricatione ossium, aliorum elementorum singulorum partes fuisse duas, ignis verò quatuor. Quare cū in genis sint ossa, & adhæc pauca caro, multa pellis vel cutis, fit vt hi humores & ichores ad hanc partem fluant, & citissimè & insigniter putrescant. Atque hæc experientia ipsa comprobatur, quia sicut celerrimè omnium in facie apparent Variolæ: sic etiam celerrimè suppurantur. Igitur ex hoc nostro discursu poterit facilè intelligi causam immediatam morbillorum, & Variolarū esse ichores ipsos sanguinis, qui prout est melancholicus, vel pituitosus, vel biliosus, sic facere solet variolas modo purpureas, modò albas, modò violaceas, modò nigras, quemadmodum dicit Auicennas, atq; etiam omnes Arabes. Ceterum causæ Variolarum internæ & mediatæ complures sunt, in primis complexio calida & humida, habitus corporis adhuc tener, & obesus, ætas puerilis primùm, deinde iuuenilis; & hoc est illud, quod dicit Auicennas, corpora calida, & humida, præsertim puerilia, esse maximè præparata ad suscipiendos morbillos, & Variolas. Addit Rases puerorum corpora magis esse obnoxia, quàm puellarum, nec immeritò; quia etsi eadem proprietates, & materia æquè sit in his, & illis, dispar tamen est calor; hic enim cum maior sit in pueris, consequenter eorū corpora debent esse his morbis



bis paratiora. Causſæ externæ ſunt aer calidus & humidus, conſtitutio auſtrina, tempus vernum, regio calida & humida; propter quod iure dictũ eſt à medicis Arabibus hos morbos ſequi peſtiferas conſtitutiones temporum. Eſt autem hac in re non nihil controuerſiæ, quia Raſes 18. continentis videtur in ea fuiſſe ſententia, quòd autumnus ſit magis ferax morbillorum, & variolarum, quàm Ver; cuius cõtrarium maniſeſtiſſimè ſcribit Auicennas. Pro qua re ita decernendum eſt, autumnum ſua natura nequaquam feraciorẽ eſſe horum morborum, quàm Ver, quandoquidẽ ſiccus eſt; ſed ſi in Autumno auſtri dominetur, planè ſolent & variolæ, & morbilli copioſiſſimè exoriri; & hoc eſt, quod voluit Raſes intelligere. Adhæc exercitationes corporis immodicæ, ſuper calefactiones omnes inter cauſſas externas referuntur; maximè autem morbillos ſolet efficere uſus vini meracioris, ciborum calidorum, pinguium, dulcium; quod cum intelligerẽt Auicen. & Raſes, dixerunt eos facilè tentari his morbis, qui veſcuntur cibus dulcibus, & præſertim lacte camelarum, equarum, & dactylis; cuius generis ſunt multi populi orientales, & etiã magna pars Tartarorum. Illud aduertendũ ad confirmandam ſententiã noſtram de cauſſis horum morborum, magnopere conferre id, quod dicunt Arabes de lacte camelarũ, & equarum; quandoquidem lac horum animalium, vt docet Gal. 3. De alimen. facul. 18. & libro De cibus boni & mali ſucci 4. aquoſum maximè & ſeroſum eſt, propter

quod non satis intelligere possum, quid voluerit significare Arist. cum 6. De hist. animal. 26. dicebat consueuisse potatores lactis camelarum admiscere illi aquam, sicut nos vino admiscemus; sed utcumq; sit, lac horum animalium aquosum, & serosum est. A quo fit, ut usu horum multiplicentur ichores, & occasio præbeatur generationi horum morborum. Adnumerantur quoque cibi corrupti, & putridi, sed possumus etiam connumerare contagium. Atque hæc de causis dicta sufficiant: nunc remanet ut de signis agamus. Aduertendus autem nouus modus, & ordo ea inuestigandi. siquidem effectus omnes morborum, vel sunt immediati, vel mediati; immediati vel sunt affectus permanentes, & in actu; vel sunt actiones læsæ. Effectus mediati vel sunt excrementa mutata, vel sunt affectus præter naturam. Nec miretur quis me affectus præter naturam facere modò mediatos effectus morborum, modò immediatos; quia hoc etiam factum est à Gal. lib. De differentijs symptomatum, immò rei natura ipsa hoc docet. Appellantur effectus immediati morborum, quia immediatè ab ipsis proficiscuntur, & interdum hac ratione vocantur à Galeno symptomata prima. Effectus verò mediati dicuntur à Galeno, qui à morbis proficiscuntur medio aliorum symptomatum, idest vel medio affectuum præter naturam permanentium, vel medio actionum læsarum; atque hi affectus dicuntur à Galeno symptomata secunda. Quare ex his effectibus morborum constituuntur tres fontes

fontes signorum. Primus actionū læsarum. Secundus excrementorum mutatorum. Tertius affectuum præter naturam. Dicuntur enim signa & symptomata vera, quia verior & certior causas cognoscendi ratio est capienda ab effectibus eorum. fuit enim hoc Christi oraculum; Ab effectibus eorum cognoscetis eos. Sed quia effectus postcedunt ipsas causas, hinc fit, vt ab his duntaxat cognosci possint morbi iam præsentis. Quare si comparanda sunt signa futurorum morborum, alia ratione quærenda sunt; & modus quærendi est à causis morborum nõ à morbis; quia causa quæ producunt hos effectus, ex his cognoscuntur tamquam productrices morborum. quæ speculatio in praxi diligenter est notanda. Horum morborum medici Arabes rei natura ducti proponunt nobis multa signa, quibus cognoscere possumus variolas, & morbillos futuros esse; quæ hæc ab iisdem causis promanant, id est à sanguinis ebullitione, à qua manant etiã hi morbi; vt raucedo, quæ fit, quando ex ebullitione circa partes spirituales exsiccantur partes vocis; capitis dolor, oculorum & faciei inflammatio; pandiculationes, lacrymarum fluxus, sternutatio frequens, subitus tremor: Obseruavi etiã ego inter hæc esse dolorẽ ventris & tormina. atq; hæc omnia sunt effectus earundem causarum, quarum sunt etiã morbi, & propterea vel comitantur eos immediatè, vel præcedunt. Sed his etiã possumus addere quædam signa extrinseca, vt est contagiũ. Si enim quis cõuersatus fuerit cum laborantibus ex Variolis, suspicandum est



ne & ipse corripiatur. Si morbi hi vagentur, hoc etiã signũ esse potest futuri morbi. Iã verò signa, quæ indicant præsentem esse morbos, petũtur ab actionibus læsis; & sunt deliriũ, quod posui, tum quia Auenzoar hoc adfert, tum quia experientia ferè perpetua probavi, quo tẽpore erumpunt hi morbi, ægros ferè semper delirare. & iure, ppter insignem illã agitationem, quę fit in corpore; adhæc insomnia terrificæ, pauores in somnijs, dolor gutturis, & pectoris, difficultas anhelitus, tremor pedum, & manuum. Ab excrementis mutatis signa capiuntur hæc; fluxus lacrymarum, qui potest esse & signum præcedens, & subsequens; vrina alba, pura, & ferè sanis similis; retentio fæcis ferè consummata. Nam cum humor aliò mittatur à natura, fæces exsiccatae remanentes iure retinentur in intestinis. Ab affectibus præter naturam hæc sunt signa; febris Synocha, seu conclusa, quæ modò est sine putredine, modò cum putredine; & aduertendum fabulas esse, quòd disputant nonnulli, an variolæ, & morbilli possint esse sine febre; quia si veræ sint variolæ, & morbilli, fieri nequaquã potest quin adsit febris, saltem priusquam erumpunt; adhæc faciei rubedo, & asperitas totius corporis, pruritus nariũ, oculorum, & alia. Sed maximum omnium indicium est, quia apparent tubercula in morbillis rubra, non alta; in variolis primò apparent veluti capita acuum, mox maiora fiũt & rubra, sicq; in dies augentur, quousque tandem suppurantur, albescunt, exulcerantur, & exsiccantur. variolæ autem

tem & morbilli solent plerumq; ad salutem terminari, eò quod plerumque etiam est veluti criticus naturæ motus; sed interdum etiam terminantur ad mortem, præsertim quo tempore instar pestis vagantur; quemadmodum hoc anno intellexi in pluribus Italiæ ciuitatibus multos & pueros & grandiores extinctos esse. Quare non est dubitandum, quin hic morbus acutus sit, eò quia est cum vehementi motu, atque etiam cum periculo; quos duos esse characteres morborum acutorum docet Galenus ex sententia Archigenis in lib. de temporibus morborum. Neque obstat, quòd dixi ex Auicenna esse hunc motum veluti motum criticum, quandoquidè, vt locupletissimè declarat Gal. in lib. De crisi bus, crisis dicitur æquè bona, atque mala; vt iure dicere possimus & motum esse criticum, & etiam periculosum. Vtile ergo est cognoscere posse per signa sua, quando hi morbi lethales, & quando salutare sint. Si variolæ & morbilli albi sunt, si pauci apparent, & sine vlllo alio accidente: vel si multi apparent, & febris diminuatur, atq; alia accidentia; si facilitas anhelitus adsit, proculdubio indubitatum argumentum salutis esse solet. Sic si variolæ violaceæ sint aut nigrae, aut virides; si vel pauca vel multæ appareant, & nihilominus reliqua exacerbentur accidentia, proculdubio exitiale signum est, & eo maximè si anhelitus adsit difficultas. Scribit Auer. 4. collect. 37. signum expertum esse, quòd vbi in febribus fiunt in cute tubera, id totum malum promanat à causa pestife-

ra, præfertim si vlceratis tuberculis illis fiât escharæ similes combustionis ignis. Est vnum consideratione dignû, quod prodidit Auicennas, eos qui moriuntur propter variolas, ob duas potissimum causas perire; vel quia strangulantur angina, aut alia inflammatione; vel quia propter alui fluxum virtutes omnes languent, & ita ægri pereunt. Ex quo loco notandum, quomodo intelligendum sit illud, quod aliàs dicit Auic. 2. 4. tract. 2. cap. 98. vbi scribit interdum contingere, vt ægri in declinationibus Variolarum pereant; est enim cõstitutum & à Gal. 2. de crisi, & ab Auic. in 1. 4. & alijs, fieri nequaquam posse, vt ægri in declinationibus pereant. & tamen dicit Auic. interdum mortem cõtingere in declinatione variolarum. Habetur ex dictis Auic. huius rei solutio, quãdoquidem variolæ interdum videntur declinare, & non declinât; eo quia materia reuertitur ad partes nobiles internas, quo fit, vt exterius quidem videantur declinare, sed nequaquam verè declinent. Immò verò potest esse, vt variolæ verè declinent, & tamẽ ægri pereant hac quidem ratione; quia cum materia non potuerit tota protrudi à natura ad cutẽ, fit vt pars protrusa ad cutim exsiccet, & quantũ est ex ipsa sanitas inducatur. Verumtamen materia, quæ remansit, contingere potest vt vel à natura, vel erroribus medicorũ, aut ægrorum deflectat ad viscera, vbi insignes inflammationes, fluxus, & dysenterias faciens, & consequẽter vires iugulans mortem inducit. Illud notandum, morbillos vix vñquam medicamentis



mentis externis tractari solere; variolas verò, & morbillos habere ferè remedia & præseruatoria & curatoria eadem; quo fit, vt quæcumque dixerò de curatione variolarum, ea quoque dicta putari velim de morbillis. Auenzoar in lib. De peste videtur hanc sententiam sequutus, quòd variolæ etiam opus habeant præseruatione, perinde ac omnis pestis. Ceterum si ré exactè æstimemus, multum abest, vt vlla præseruatio his morbis debeat. quandoquidem statim atque præcognoscitur hoc genus morbi, duos tantùm scopos solent habere medici: vnum, vt auxilientur naturæ expellenti; alterum, vt præseruent quo minus in hac expulsionem partes internæ & externæ corporis, aliquid detrimenti patiantur. Solent autem, qui à medicis curantur in his morbis, esse duùm generum; vel enim sunt lactentes, vel non lactentes. Lactentium cura posita est tota in medicatione nutricum, loquor de remedijs internis. Hipp. enim 6. epid. sect. 5. tex. 34. scriptum reliquit, mulierem, & capram nutritas elaterio, vel cucumere syluestri esse pueris purgatione; quam sententiam cum Galenus interpretaretur, duo summa animaduersione digna nos docuit. Primum est, ab Hippocrate elaterij nomine intelligi omne genus medicamenti etiam subductorium seu lenitorium. Secundum est, ipsum hoc breui oraculo duo documenta nobis attulisse, quorum alterum ad vsum medicinæ pertinet: alterum verò ad physici dogmatis definitionem. Pro vsu medicinæ documentum est, vt si pur-

gandi, aut medicandi sint pueri, solum purgentur per nutrices. Explodēdi sunt ergo isti carnifices, qui lactentibus ore medicamentū dare non erubescunt. Pro definitione dogmatis phisici, quia controuersum est inter veteres, numquid lac facultates & vires ciborum retineat; alijs negantibus, quod scilicet in tot permutationibus & coctionibus non possint conseruari; alijs verò affirmantibus, controuersiam omnem tollit Hippocrates, qui docet vires & medicamentorum & ciborum conseruari in lacte & in sanguine; quam sententiam confirmat etiam Galenus compluribus exemplis, vt tibi videre est. Vt ergo ordine tota hæc curatio perficiatur, primò videndum est, quando in initio huius curationis præseruanda sint à venenis membra patientiū externa, & interna. Externa custodienda in his morbis sunt oculi, aures, nares, & fauces; quas liceat mihi ponere inter externa, quia visu cōspiciuntur. Interna sunt iecur, pulmo, & potissimum ipsa intestina: Oculi plerumque & feruore & ichorum tenacitate ita solent cruciari, vt vlcerentur. quapropter statim vigilandum est, vt hæc pars nihil detrimenti suscipiat; quod facillè consequi poterimus, si quamprimum ab oculis studebimus repellere impetum ichorum, quod fit rebus refrigerantibus & moderatè adstringentibus; vt est aqua rosacea simplex, cui sumach sit immaceratum: aqua plantaginis sola, vel cū sumach: aqua pura, in qua sit extinctum aurum. Soleo ego vti eiusmodi aqua. Recipe aquæ rosacæ, plantaginis

nis an. vnc. v. sumach vnc. s. immacerentur per noctem, & cū modico albumine oui fiat mistura. Vsus est, vt modicum gossipij, vel bombacis immaceretur in hoc liquore quo deinde oculi crebrò madefiant. Quod si dolor vrgeat, vti soleo lacte chalybeato, lacte cū aqua rosacea commisto; potest etiam ipsi lacti & aquæ rosacæ immisceri modicum myrrhæ, quia prurimum & dolorem illum magnopere leuat. Omninò autem cauendum est, ne oculi ipsi scalpantur, quandoquidem hoc perniciosissimum est. Sic si aures patiantur dolorem, vel prurimum; curandum est, ne manibus contrectentur; & si fluant, vt sæpè solent, dimittendum est & curandū vt apertæ maneant; sed quando dolor vrget, immaceranda est spongia in aqua tepente cum oleo rosaceo, & ita detinenda super aurem dolentem. Vbi nares malè afficiuntur, ita vt timeatur ne vlcerentur, optimum est attrahere poscā naribus, adhibere odoramenta ex rosis, plantagine, myrto; hæc enim omnia bullire debent in aqua, & fumus tepidus attrahi naribus. Pari pacto pro defendendis faucibus magnopere vtile est vti gargarismatis factis ex rebus adstringētibus & refrigerantibus, vt est illud. Rec. aque hordeī lib. .i. s. foliorum plantaginis, florum rosarū an. p. s. sumach, ribes an. vnc. 3. bulliant simul, & cum decocto colluatur os; cui potest addi succus granatorū, berberorum, aranciorum. Ego soleo maximo successu commendare, vt grana granatorum sæpè ore teneantur, & etiam deglutiantur: hæc sunt quæ necessariò fie-



ri debet pro defensione externorum membrorum. Quæ conueniunt pro defendendis internis membris, eadē sunt, quæ in tota curatione vsurpantur. quandoquidem cardo huius curationis est hic, vt à partibus internis ad externas reuellantur ichores morbidi. Sunt verò, quæ conueniunt pro curatione, trium generum; alia sunt remedia diætetica, alia chirurgica, alia pharmaceutica. De remedijs diæteticis ita constituo, vt eligatur in primis aer temperatus, vel potius calidus; detineantur ægri optime tecti pannis, quemadmodum omnes faciunt, rubris: cauendus verò abusus, quoniam mulieres interdum copia pannorum itrangulant penè ægrotantes, & ad syncopep deducunt; sat erit prouidere, vt partes externæ potius caleant quàm refrigerentur. & si præ caliditate videatur lingua nigrescere, anhelare ægrotantes, & syncope imminere, curandum vt propè os ægrotantis sit vas aqua frigida plenum, à qua possit inspirari aer frigidus, & si opus erit, etiam detergenda erunt corpora, modò frigus non sentiant; moderatus somnus esse debet, & potius vigilandū, quàm dormiendum. quandoquidem somno cohibetur omnes euacuationes. Animi motus compesci debent: fugiendus est timor, neque ægrè ferendum est, quòd ægri interdum irascantur; quia ira nonnihil confert ad extrudendos humores in corporis superficiem. Vitanda est repletio, & inanitio. Si aluus adstricta sit, lenissimis clysteribus, aut glandulis vtendum est. Laudo in hoc magnopere Rasem, qui consu-

luit, ne pro aluo lenienda vteremur cibus laxantibus; quando quidem periculum est, ne alui fluxus sequatur, qui solet esse perniciosissimus. & multo magis etiam omne medicamenti genus fugiendum est. Corpora continenda sunt in summa quiete, & si quid agendum est, moderatè fricare pedes & corpus conueniet, quia hæc frictio confert ad extrahendam materiam à centro ad circumferentiam. A vino abstinendum erit, donec penitus finita sit febris, & omnia accidentia. Pro potu vtendum est aqua chalybeata, aqua hordei, quibus misceri possunt modò succus citri, modò limonum, modò ribes, aut granatorum. quod si pueri, vt morosi esse solent, vinum velint, concedendum est parcissimè pauciferum, atq; in ipso immaceranda sunt olera refrigerantia, vt lactuca, endiuiia, acetosa. Cibi omnes crassi vitandi sunt, acres, falsi, pingues. potissimum autem cauendum est à dulcibus omnibus & in potu & in cibo. Nam Auenzoar in fine sui libri scribit, eos qui vtuntur dulcibus, vix posse seruari, & hoc periculum aliquando se ipsum subiisse testatur; Sic debent etiam omnes amari cibi vitari, præsertim in infantibus, quos dicebat Auer. 5. collect. 27. enecari vsu ciborum amarorum, eo quia amara cum sicca sint, maximè aduersantur & complexioni & vitæ eorum, quæ posita est rota in humido. Quare vtendum est cibus facilibus concoctu, refrigerantibus, vt est succus hordei; nihil enim æquè præstans inueniri potest. Conueniunt etiam brodia, in quibus

coctæ sint herbæ refrigerantes, panatella, & alia. Soleo ego interdum vti ficibus aridis pro cibo, etsi quandoq; Rases videatur dānare ficus, quia inducūt affectus cutaneos; ego propter hoc maximè laudo, quia facultate quadam ingenita propellunt noxios humores ab internis ad externa. Duo Arabes circa cibū digna consideratione docent. Vnum est, nullam carnem neq; etiam pul-  
 lorum conuenire in hac curatione; immò etiam damnant vitellos ouorum, priusquā febris finiat-  
 tur, & suppurentur pustulæ, & squammæ cadant. Alterum est, magnopere in cibis conuenire len-  
 res, quod intelligendum non est de iure ipsorum lentium; quia, vt dicit Gal. 8. De simpl. huiusmodi ius laxat aluum, quod fugiendum est: sed intelli-  
 gendum est de substantia. Circa primum videtur Arabum documentum inutile esse, plerumque enim laborantes sunt pueri, quos dicit Hipp. 1. aphor. indigere pluri alimento. præterea ante-  
 quam squammæ incipiant cadere, solent interdū præterire aut decem, aut quatuordecim dies: tan-  
 to autem tempore sustinere puerulos sine opti-  
 mo alimento videtur valde perniciosum. quare ego nequaquam hoc Arabum consilium sequor. Sed vbi video periculum omne euasisse egrōtan-  
 tes, soleo liberalius ipsos alere, ita vt sustineantur vires, & solidorum partes restituantur; & tunc exhibeo vitellos oui in iure cum omphacio, vel succo limonum. iubeo etiam fieri aquam carnis cui vitellos oui addo; & hac ratione curationis possum testari neminē in manibus meis perijsse,



ex quo facio medicinam. Circa alterum, dubium est an conueniant lentes; quia Gal. 1. De alimentorum facultatibus 18. dicit eos esse crassi succi, & si plusculum quis vescatur illis, cōsequi elephantiasim, caneros, & alios prauos tumores. propter quod nō videtur debere haberi in frequenti vsu, quod præcipiunt Arabes. Dico lentes conuenire, quia Gal. loco citato inquit vtilis esse, vbi in corpore est cachexia aquosa. Iam verò dictū est hos morbos fieri ab ichore aquoso, sed definiēda est hæc res hoc pacto. Si lentibus solis vtimur, contingit id, quod scribit Gal. sed si aliquid illis admisceatur quod possit crassitiem eorum incidere, vt dicit Gal. loco citato, maxima ex parte vitatur omnis noxa; quod cum intelligerēt sapientes Arabes, voluerūt vt lentes coquerentur aceto. Quare & in hoc casu si quando vti placebit ipsis pro cibo, semper acetum commiscendū erit. Quantum ad Chirurgiam, dicunt omnes cōuenire sanguinis missionem in hac curatione, & certè si respicimus ebullitionem, si plenitudinem corporis quæ plerumque solet hos morbos comitari, proculdubio indicationem habebimus mittendi sanguinis. quare nisi aliquid obstiterit, vel ætas, vel aliquid aliud, ego quoque suadeo, vt is omnino mittatur. Nec quidquam obstat, quod Gal. 6. aphor. sect. 2. tex. 29. in casu Simonis videatur quodam pacto hoc negare, atque simul docere huiusmodi operationes cōtrarias esse motui naturæ; quia si rectè aduertatur locus ille Gal. videtur consulere, vt vbi adest materiæ multitudo,

minuatur; quo natura alleuiata onere possit ve-  
 hementius expellere. Sed videndum est quibus  
 conueniat. nam clarum est non conuenire neq;  
 debilibus, neque pueris lactentibus qui proximè  
 nati sunt. Scio equidè laudari Auenz. 7. colliget. 3.  
 qui filio suo sanguinem minuit tertium annum  
 agenti; scio etiã Rasen præcipere, pueris lacten-  
 tibus, si quintum mensem exceßerint, apponen-  
 das esse cucurbitulas. Sed hæc res magna pruden-  
 tia est tractanda, quia Arabes illi audacissimi fue-  
 runt interdum in usu sectionis venæ, & medica-  
 mentorum. quare nisi pueri sint corpulenti, san-  
 guinei maximeq; robusti, abstinendum ab omni  
 sanguinis extractione, præsertim ante nonum,  
 vel decimum mensem; ego enim non soleo ante  
 hoc tempus quidquam audere. Mittendi sangui-  
 nem tēpus definitur ferè ab omnibus ante quar-  
 tum diem: ego verò non iudico expectandum il-  
 lū esse, sed statim prima die visitationis, eo quod  
 medicus semper vocatur, quādo iam capit ebul-  
 litio; quare ad remittendum feruorem, & ad le-  
 uandam naturā magnopere est vtile statim san-  
 guinem minuere, si minuendus est. Locus est va-  
 rius, & diuersus apud scriptores: plerique laudant  
 venam cōmunem, quam ego etiam laudo in ijs,  
 qui exceßerūt 14. annum, & qui sanguinei & ro-  
 busti sunt. Sed potius laudo vt mittatur sanguis  
 à partibus infernis, à natibus, à poplitibus, à cruri-  
 bus, ab hæmorrhoidibus, præsertim in melancho-  
 licis, & ego soleo ferè adhibere in omnibus cu-  
 curbitulas, præsertim lumbis, natibus, & popli-  
 tibus;

ribus; & hoc facio nō solum priusquam apparere incipiant, sed etiā postquā apparuerunt; quandoquidem hoc maximè confert ad extrahendā materiam ad partes externas. Quantitas debet esse moderata, nec video occasionē dari, vt, quod voluerunt alij, mittatur sanguis vsq; ad syncopen: illud verum est, his quidē, qui sunt pleniores, plus mittendū esse, minus verò ijs, qui minus sanguinis habent. Tandem modus est varius per venam sectam, per cucurbitulas, per hirudines. Venam secare rarò soleo, sed potius vtor vel cucurbitulis, vel hirudinibus, & præsertim in pueris, in quibus si non licet vti cucurbitulis, potest adhiberi vna vel altera hirudo, quæ idem faciunt. Præter sanguinis missionem aliud est chirurgicum remedium, quo vti licet in curatione variolarum, & est perforatio tuberculorum. Auicennas & maior pars Arabum volunt, vt quando variolæ sunt iam dealbatae, acu aurea perforentur, atque ille ichor & ille tabus extrahatur; cuius cōsilij hanc habent rationem, quoniam si materia in aliqua parte diu retineatur, periculum imminet ne exeat carnē & partem illam, atq; ita vlcera profunda euadāt. Opitulari huic consilio, & rationi videtur etiam Galen. 3. lib. De fract. tex. 48. scribit in phlyctænis, seu in pustulis se cōsueuisse acu perforare pellem, atq; ita per vices plures extrahere aquam & ichores, vt pellis integra remaneat. Ex altera parte fuerūt, qui huiusmodi consiliū & inutile & superuacaneum existimarunt. Et ego, vt liberè dicā quòd sentio, sicuti numquam soleo curare vt per



forem, sic etiam mihi videtur penè res superuacanea & molesta. molesta quidem, quia ægri eo tempore maximè cruciantur; superuacanea etiã, quia certum est non debere eas perforari, nisi quando iam factæ sunt albæ: quo tempore iam clarissimum est, humorem damnũ id totum fecisse quod facere potest; quia quo tempore albedo ita apparet, iam cessauit feruor & potentia illa exedendi carnes. quare, vt dicebã, satius esse existimo abstinere ab hac perforatione, & eo maximè, quod quamprimum albæ apparent, simul etiam exsiccantur & decidunt squammæ. Illud tamen est verissimum, si perforadæ sunt, melius esse perforare auro, aut ære, quàm ferro; & ratio est desumpta ab Arist. auctoritate 1. problem. 34. vbi dicebat, vulnera facta à ferro difficilius sanari, quàm ab ære propter duas causas. Prima, quia ferrum magis lacerat. Secunda, quia æs facultatem habet quandam & constringendi & glutinandi. idem quoque de auro dicendum est, scilicet melius esse in pforatione vti acu aurea, quàm ferrea. Circa vsum pharmacorũ reperio auctores medicinæ partim concordēs, partim discordēs. in hoc conueniunt, nequaquã esse vtendum medicamentis vehementioribus: discrepant autem, quia aliqui existimabant in principio medicamentis lenitiuis vtendum: alij verò nõ in principio, sed in fine. Fuerunt etiam, qui nullo pacto in fine vtendum esse voluerunt, vt Rasēs lib. De peste. c. 14. Ego autem omnino sum huius sententiæ, in principio nullo medicamenti genere vtē-

vtendum esse; tum quia, quemadmodum etiam dixi, medicus semper vocatur, quando iã feruor. & ebullitiõ est in sanguine; tum quia medicamẽri operatio turbat materiam ab opere; cum enim motus ille sit penẽ totus criticus, præceptum habemus à medicis omnibus mouente natura nihil agendum esse, nisi ipsa imperfectè moueat; intelligere verò an perfectè moueat in initio non possumus. Quare ego ita semper soleo abstinere in principio ab omni medicamentorum genere: vtor aut̃ clysteribus & glandibus ad aluum ipsam subducendam. clystere autem hoc vti soleo. Recipe aquæ hordei lib. .i. s. aut lib. .i. aut minus, videlicet secundum ætatem. olei violacei vnc. .4. butyri vnc. .3. sacchari rubri vnc. .i. miscẽ. Et quia hæc quantitas clysteris nimia est, puerilis fit deinceps pro captu infantis & pueri. Pro glandibus vti soleo vel ficu arida, vel collyrio ex sãpone, vel glande communi vocatã; ad vehemẽtiora numquam progrediendum est. Neque possum satis mirari Nicolaum Florentinum, qui apparẽtib; variolis nõ vult vtendum esse clysteribus; est enim ridiculum existimare in clysteribus impediri naturæ motum, quia ij in intestinis tantum operatur; motus autẽ naturæ est & propè cutem, & in ipsis venis: neq; etiam adeo deijciunt vires clysteres, vt timere debeamus. Vbi manifestè inclinauit malum, videndum est, an penitus materia tota sit expurgata, quod cognoscitur ex patientis tranquillitate. si enim omnia tranquilla videantur, nulla euacuatio tentanda est; sed si in corpore ali-

quis adhuc tumultus & turbatio appareat, laudo  
 vt aliquo leniēte ille tumultus sedetur; vt est mā-  
 na, tamarindi, sebesten. & vt habeatur forma.  
 Recipe tamarindorum vnc. s. sebesten num. 15.  
 hordei p. s. florū cordial. m. 1. fiat decoct. f. a. de-  
 inde recipe di. de. vnc. 4. mānæ electæ vnc. 3. s. m.  
 f. po. hæc est dosis mediocris medicamenti, quam  
 pro ætate postmodum licet augere, vel minuere.  
 Reliquum curationis horum morborum totum  
 videtur esse positum in auxilianda natura expel-  
 lente. Quapropter diligēter erit cogitandum, an  
 ipsa promptè & valēter expellat, an segniter ope-  
 retur. Si segniter, ea quæ adhibentur, necesse est  
 vt habeant nō solum facultatem refrigerandi &  
 adstringendi, sed etiam aperiendi; propterea mi-  
 scetur aut radix fœniculi, aut capillus Veneris,  
 aut radix apij, cū lentibus, caricis, & alijs quæ pos-  
 sunt expellere. Exempli gratia, rec. lētium vnc. 1.  
 caricis num. 10. foliorum capilli Veneris p. 1. radi-  
 cis apij vnc. s. foliorū acetosæ p. 1. s. Fiat decoctio  
 secundū artem, cuius decoctionis capiantur ma-  
 ne & vesperi ante cœnam modò vnc. 4. modò  
 vnc. 5. modò vnc. 6. pro captu patientis. Si natura  
 fatis validè operetur, licet abstinere ab ijs rebus,  
 quæ aperiunt, & maxime propter febrem; cum  
 enim hæc sit insignis, non est deueniendum ad  
 aperiētia, nisi cōstet naturam segniter expelle-  
 re; quod intelligitur tum ex paucitate variolarū,  
 tum etiam ex tarda eruptione. In expellenda ma-  
 teria vtendum erit huiusmodi decocto. Recipe  
 lentiū p. 1. ficus num. 15. hordei p. s. foliorū lactu-



et acetosæ an. m. i. fiat decoctio secundū artem; prædicti decocti capiantur, vt dictum est, mane, & vesperi vnc. 6. vel 7. vel 8. Cui etiam potest misceri, vt magis iucundum sit, vel succus granatorum, vel succus ribes, vel mororum. Sic etiā licet vti trociscis de spodio, de camphora, quæ omnia maximè conferunt ad expellendam materiam. Et aduertenda duo circa vsum lentiū; nam plerunq; mulieres solēt indiscriminatim vti primo eorū decocto, quo nequaquam vtendum est; ratio est, quia vt tradidit Dioscorides, & Galenus i. De alimentorū facultatibus, laxat aluum, vnde fit, vt cū pernicie ægrotantiū sequantur fluxus exitiales: Alterum est, non esse vtendū lenti- bus solis nec etiam pro medicamēto, quia crassitiem, & adstrictionem nimiam habent; & ob id optimum est admiscere hordeum, caricæ, & alia huiusmodi. Extrinsecus nihil aliud agendum est, nisi prouidendū vt semper corpus calidū sit; abstinendū autē maximè ab oleis omnibus, à narcoticis, atq; etiā ab emplasticis. ab oleis quidem, quia in his corporibus faciliter flagrant, & subinde incendiū augēt; propter quod Gal. 3. De simpl. med. damnabat in erysipelate vsum olei extrinsecus; abstinendū etiā est à narcoticis, à refrigerantibus, quia repellunt materiā intrò, & consequēter fluxibus intestinorū occasionē præbent: Damno etiā emplastra omnia, quia obturant, & impediūt quò min⁹ materia possit expelli: Quod si dolor & cruciat⁹ vrgēt, laudāt Arabes, vt medulla aliqua, veluti vitulina, aut etiā bubula illinatur

illæ partēs feruidæ & duræ, quò dolor mitigetur. Postquam apparuerint, dixi sentētiam meam de perforatione: sed sunt aliqui, qui efflagitāt à medicis, vt curent pustulas citissimè exsiccari; pro quare in vsu esse solēt quædam remedia extrinseca, quæ citò solēt eas exsiccare; in primis est salitio dicta ab Arabibus, circa quam duo sunt animaduertenda. Primum est, vt ea non adhibeatur, nisi perfectè dealbatæ sint pustulæ, quia si sint adhuc rubentes, irritantur vehementer, & cruciatus augentur. Secundum est, vt non vtatur quis solo sale, sed aliquibus etiã alijs, quæ possunt acrimoniam eius obtundere, veluti si fiat hæc aqua. Recipe aquæ fluuialis lib. 2. salis vnc. s. hordei, lupinorum an. p. s. croci drach. i. bulliant secundum artem, & deinde cū gossipio in huiusmodi aqua macerato tangantur pustulæ. Quæ si sint minores, ita vt nō egeant tanta exsiccatione, potest fieri aliud decoctum. Recipe foliorum tamarisci, florum rosarum an. m. i. Sandalorum omnium an. vnc. 2. hordei p. i. salis vnc. s. fiat decoctū. Ad hanc eandem intentionem solent fieri suffumigia ex ijsdem rebus, quarum vsus est, vt tempore hyberno detineatur suffumigium sub tegumentis cum igne, tempore autem æstatis solus aer cameræ suffumigatur. Sunt etiam qui laudāt ad exsiccandū, vt ægri dormiant super culcitræ factas ex farina milij, hordei, lupinorum, ex puluere tamarisci; sed nugæ sunt, potissimum quia corpora ægrotorum eo tempore vsque adeo dolentia sunt, & turbata, vt vix culcitræ plumeas sustineant.

quare

quare inutile mihi videtur hoc auxilij genus: immò si sint ægri obsequentes, & qui sustinere paulisper queant, multo satius est permittere, vt sponte tubercula exeant. Quòd si promptè non maturentur laudo vt decocto ficuum, & maluæ cum gossipio tangantur sæpè; quia huiusmodi decoctum tepens administratum solet simul & molestiam omnem lenire, atq; etiam accelerare maturationem. Ceterum duo solent contingere in declinatione horum malorum. Vnum est, quod interdum relinquuntur vlcera, quæ propria, & peculiari curatione opus habet. Quare ynguentum de cerussa, de lithargyro hoc in casu vtile est administrare ad cõsolidanda vlcera relicta. Aliud est, quòd vestigia variolarum & turpes cicatrices relinquuntur, pro quibus solèt matres & patres, atque etiam ipsi ægri solliciti valdè esse, & à medicis postulare vt maculæ illæ omnino deleantur. Sed quia vestigia duo peccata habere consueverunt, & fædum colorem, & foueas, aut diminutionem carnis; pro colore restituendo multa solent fieri, atque etiam cum fructu. Ego autem soleo ita facere ad restituendũ colorẽ. Vbi squamæ decidunt, laudo vt singulo mane & vespere abluatur facies, & manus hoc cremore. Recipe lupinorum, fabarum, hordei an. p. i. s. cõtundantur omnia crasso modo, & in sufficienti quantitate aquæ bulliant, vsque quòd perueniat aqua ad crassitiẽ veluti pultis. Vbi hic cremor factus est, abluatur eo facies, & manus; mirificè enim solet vsus huius remedij colorem reddere est etiam



& aliud, quod vsum hunc præstare potest. Recipe limonem vnum vel alterū, foliorum serpentariæ p. 2. pedes vitulinos duos; incidatur omnia minutim, & ad alembicum vitreum ponantur; Succus, qui exit per alembicum illitus faciei, & manibus summopere prodest ad colorem restituendum. Ad repletionē fouearum laudant plerique vsum pinguedinis humanæ, pinguedinis vrsi, cinerem testudinum vstarum, cinerem radicū cannæ arundinis. Sed, vt liberè dicam, hæc & omnia alia vix prodesse solēt, quia harum partium cicatrices, & deperdita substantia non facillè emendatur. Vt tamen habeatur aliquis modus satisfaciendi petitionibus, ita ego soleo facere; Iubeo vt partes deturpatae fricentur panno aspero, deinde vbi rubent, mando apponi picem, vbi tamen non sunt pili; quæ pix deinde auellitur aliqua vi. Vt autem ita factum est ter, quaterve, vt modò apponatur pix, modò auferatur, iubeo inungi partes illas hoc linimēto. Recipe olei oliuarum dulcissimi vnc. i. s. succi limonum vnc. 3. lithargyri loti, cineris testudinum combustarum an. vnc. i. s. pulueris radicū cannæ vnc. 2. pinguedinis gallinæ vnc. s. misce, & vesperi illinatur; mane autem facies abluenda est aqua, in qua decocti sint lupini.

*De Macie. Cap. 3.*

**P**ostquam vniuersalem morbū tractauimus, qui à plenitudine originem ducit, transeundum ad eum, qui potius ab euacuatione oritur; nam si qui sunt alij morbi vniuersales, qui videntur

tur sequi plenitudinem, ij aut sunt alibi à nobis copiosissimè tractati, aut ad præsentè tractationem nequaquam pertinere videtur. est enim hic morbus communis quidem & pueris & adultioribus, sed interdum adeò solos pueros torquet, vt & medicos & miseros parentes valdè sollicitos habeat. Quocirca etsi de macie, vt est communis omnibus hominibus, sim tractaturus, præcipuus tamen meus scopus erit in tractanda puerorum macie. Dicitur autem hic morbus à medicis Græcis *ισχυρότης, λεπρότης*. Latini vocant maciem, macilentiam, gracilitatem, tenuitatem. sunt etiam qui vocant macritudinem. Est autè macies siue macilentia priuatio pinguedinis & carnis præter naturam in toto corpore actioes lædens primò & per se. Dixi primo loco, esse priuationem pinguedinis, quia in macilentia illud quod primò consumitur, est cõmune pinguedinis & adipis genus; propter quod Arist. 5. problemat. 4. & 5. dicit in animalibus primò gracilescere ventrem, eo quia totus plenus est pinguedine. dicit etiam in laboribus & exercitijs primū eliquari pinguedinem, minimè autem carnem. Cur autem vbi macrefiunt animalia primū pinguedo consumatur, ea potissimū ratio est, quòd, vti scribunt medici omnes, ipsa concrefcit à frigore; quod autem hoc modo concretum est, inquit Aristot. 4. Meteor. calido facilè soluitur, nisi sit vehementer concretum. accedit etiam, quòd pinguedinis vsus paruus est in vita animalis, quandoquidem nullum ferè alium vsū videtur habere,

nisi vt custodiat natiuum calorem. iure ergo dictum est à nobis primo loco, esse priuationē pinguedinis. Dixi secundò, carnis; quia vbi animalia extenuantur seu emaciantur, post pinguedinem aboletur caro, nō quòd partes seminariæ, vt sunt venæ & nerui, nō imminuantur etiam in macie; sed licet imminuantur, tamen non abolentur, neque consumuntur quemadmodū caro. & hoc est quod docet Arist. 3. De hist. animal. 16. vbi scribit, quòd cū animalia emaciantur, venæ fiunt venula; idest venæ magnæ euadunt parua; nerui fiunt villi, idest ita extenuantur hæ partes, vt multo minores videantur. Sed aduertendum, locum illum Arist. pessimè à Gaza fuisse traductū; ideo videndus est textus græcus, non autem latinus. Cur autem consumantur carnes in macie, non autem partes seminariæ, hæc viua & vera ratio est, quòd hæ non sunt necessaria vitæ nostræ, illæ autem sunt fundamentū eius; & ea propter possunt quidem carnes solūm cōsumi salua vita, partes seminariæ nequaquam. Hoc autem ita esse demōstrat diuinus Plato in Timeo, & post ipsum Gal. 1. De vsu partium 13. & 12. De vsu partium 3. qui omnes in hanc sententiam venerunt, carnes esse veluti vincula quædam constitutionis corporis nostri, & factas esse tamquam propugnacula quædam aduersus frigora, æstum, & lapsus; hanc autem sententiam acceperunt Plato, & Galenus ab Hippocrate in lib. de ossibus, vbi carnibus structuram corporis nostri ligari dicit. Antequam autem vltèrius progrediar, duo scrupuli sunt



sunt eruendi. Primus est, quæ carnes potissimum & primò in macie cõsumantur; nam fuit sententia medicorum, & præsertim Auer. 1. collect. 8. tria esse genera carnis. Primum, quod cõstat nervis, membranis, venis; atq; musculosum dictum est. Secundum est genus carnis puræ, vt est caro, quæ posita est inter dentes, & cuiusmodi etiam est ea, quæ in summitate penis facta est à natura; hanc enim puram esse carnem omnes fatentur. Tertium est glandulosum genus, vt caro est mamillarum, testiculorum; hæc enim sunt tria genera carniũ, quibus corpus nostrum constitutum est. Secundus scrupulus est, quomodo dictũ sit carnes nõ esse admodum necessarias vitæ nostræ, sed esse veluti propugnacula aduersus externas causas. nam Arist. 2. de partibus animalium 8. de carne longam disputationẽ habens, hanc sententiam habet, Carnes, cũ sint instrumenta sensus tactus, quo animal est animal, necessarias esse ad corporis cõstitutionem, immò ad vitæ animalium essentiam; atq; addit non solum eas necessarias esse, verum etiam omnes alias partes, inter quas & ossa connumerat, quæ sunt carnis sustentamenta; quo fit vt videatur hæc Arist. sententia maximè aduersa ei quã nos protulimus. Pro primo ita statuendum est, carnem musculorũ eam esse quæ primùm in macie aboletur; atque illud significare voluit Arist. 3. De hist. animal. 16. cum scripsit in macie yenas, & nervos aboleri penè: quia primò hæc caro ita consumitur, vt ferè soli nerui & venæ appareant, atq; illæ admodum exi-

guæ. Secundo loco consumitur caro glandulosa. nam in macie, & vbera, & alias partes glandulosas videmus citò absumi. postremo autem pura caro consumitur; & ratio huius est, quoniam, vt dicit Auer. 5. collect. 8. huiusmodi caro facta est magna ex parte à natura, vt repleat cavitates, vt connectat ossa; & ideo facta est etiã talis & tanta, vt non facile consumi possit. Pro secundo autem dicendũ est, hac in re fefellisse maximè Philosophum, quia ipse rationibus quibusdã ductus existimauit solam carnem esse primum vitæ nostræ fundamentum; neruos verò non esse fabricatos propter sensum, sed ad temperandam carnem; quæ omnia Arist. placita, & medicis, & rationi etiam ipsi maximè aduersantur; sed non est tempus longiùs hac in re disputare. Patet igitur summa me ratione dixisse macilentiam esse priuationem carnis & pinguedinis. Addidi præter naturam, quia nec omnibus animalibus, neque omnibus hominibus data est eadem mēsurā carnis, & pinguedinis; multa enim sunt animalia, quæ fiunt valde obesa, vt sues; sunt inter homines, qui natura semper graciles sunt, vt sunt Aethiopes, velut narrat Plutarchus fuisse M. Tullium Ciceronem. nam licet videre aliquos, qui nulla ope medica, nullo cibo possunt à macie liberari, eo quòd ipsis macies naturalis est, non præter naturā, vt fuerunt multi, de quibus Athenæus in 12. dipnosophist. Sed de huiusmodi macie naturali nō loquemur, verum de ea, quæ præter naturam contingit in hominibus, & præsertim

tim in pueris; qui cum prius fuerāt obesi, & boni habitus, euaserunt deinde graciles, & macilenti. Dixi, in toto corpore, quoniam sæpè fit vt aliquæ partes emacientur, modò brachia, modò crura; quemadmodum cõtigit Germanico. verum macies alicuius partis nõ est ea, de qua sumus tractaturi, sed macies toti corpori, & omnibus mēbris contingens. Dicitur actiones lædēs, quando quidem sunt alij, qui fiunt macilenti, sed alioquin benè valentes omnes suas functiones edūt; de quibus non est nobis agendum, quoniam vt colligitur ex Galeno 14. Methodi 14. macies hæc quæ actionibus non incommodat, est totius quædam turpitudine potius quàm morbus, & cõsequenter potius pertinet ad artem decoratiuã, quàm medicam. Ex quo loco colligi etiam potest. carnem non esse verum instrumentum sensus tactus, vt autumauit Arist. quia etsi in quibusdã ea consumatur, nihilominus habent actiones tactus illæsas; contrà verò fieri deberet, si esset instrumentum tactus; quia vt vitiato oculo, qui est instrumentum visus, vitiatur visio: sic si caro esset instrumentum tactus in hominibus macilentis, necessarium planè esset vitiari hæc actionem. Dixi deniq; per se, & primò, quia sæpenumero copulatur macies alijs morbis, vt feбри, destillationi, marasmo; in quibus quidẽ sunt actiones vitiatæ, sed non primò à macie, verũ potius vel à febre, vel ab alijs morbis, qui maciẽ inducũt. ergo nostra macilẽtia vtrũ sit morbus, an symptoma dubitari potest. Gal. lib. 14. Methodi 14. & 15. manifestè adnu-



merauit eam inter morbos. accedit etiam ad hoc & ratio, quia, vt docui, macies lædit operationes primò & per se. quare meritò videtur morbus esse vocanda, & habenda. Ex altera parte est sententia eiusdem Galeni lib. de differentijs symptomatum 4. vbi manifeste docet atrophiam & maciem, seu extenuationem esse symptomata in genere actionum læsarum; immò verò 3. de symptomatum causis 1. atq; loco suprà citato scribit atrophiam esse ablationem nutrimenti; *ισχύωτη-  
τα* verò esse diminutionē; & quod magis est, non solùm maciem esse symptoma, sed etiam fieri ab alio symptomate, vt manifesta videatur contradictio in verbis ipsius Galeni. Pro solutione dicendum est, maciem posse duobus modis considerari, vel pro habitu, seu statu quodam corporis nostri permanente, vel prout dependet ab ipsa vitiosa nutritione. Si primo modo consideretur, proculdubio est morbus, atque sic consideratur à Galeno, vbi eam inter morbos adnumerauit. Si autem consideretur, vt dependet à vitiosa nutritione, sic potius symptoma est appellanda. Nec mirandum, vnum & eundem affectum præter naturã esse posse & symptoma & morbum; quia Galen. libro de differentijs symptom. 5. dicit carbunculos, & erysipelata esse morbos & symptomata. morbos quidem, si cõstitutio corporis permanens præter naturam consideretur; symptomata verò, si colores eorum mutati considerentur. Possimus etiam aliter respondere, maciem, si consideretur, vt simplex quædam est dispositio, pro-

proculdubio symptoma est. Sin autem consideretur vt actiones lædit, est morbus. quare macies, de qua nos loquuti sumus, est morbus in magnitudine diminuta, tum in adultis, tum potissimum in pueris. Sed quia morbus lædit functiones, cum in corpore nostro sint plura functionum genera, in macie primo offenduntur functiones naturales; & ratio est, quia huiusmodi operationes omnes fiunt beneficio natiui caloris, qui custoditur, fouetur augeturq; à carnibus & pinguedine. quare istis vel cōsumptis, vel diminutis saltem, necessarium est quoque immiui ipsius caloris natiui operationes. Secūdo loco, offenduntur operationes animales, & præsertim motrices; quia cum carnes etiam huic rei inferuiant, vt simul colligentur ceteræ partes, quæ sunt fundamenta vitæ, iure huiusmodi vinculis imminutis fundamēta infirmiora redduntur, & consequenter operationes. Gal. 2. aphor. 28. inter cetera, quæ pertinent ad causas maciei, hoc habet, pueros, atque senes maximè omnium macilentia tentari; quia corpora horum propter caliditatem, & humiditatē facilè diffluunt & consumuntur; quod licet verissimum sit, tamen pauca omnino sunt causæ, à quibus infantes potissimum ad maciem deducantur, multo plures sunt illæ, à quibus adulti tentantur. quocirca vtile futurū esse existimo, si omnes ante oculos posuerō. Gal. 2. aphor. 28. lib de differ. sympt. 4. & 5. de sanit. tuenda 24. Et Auic. 7. 4. tract. 4. & alibi, omnes penè causas maciei nobis proposuerunt;

sed ita implicatè & confusè, vt multo melius esse existinem, si sub quãdã capita ea reduxero. Sunt ergo causã maciei aliã intrinsecã, aliã extrinsecã; Intrinsecã aliã sunt immediatã & penè continentes; aliã mediatã. causã immediatã interna gracilitatis vt colligitur ex Gal. & Auic. duplex est, vna, est nutrimentum accommodati absumptio; secunda vero, calor consumens pinguedinem & carnem. nam perspectum est apud omnes, corpora nostra propter ambientem calorem, & intestinam caliditatem continuò cõsumi, & immiui; quo fit, vt necessarium sit substantiam amissam continuò recuperare & restituere; id autem fit nutrimenti appositione, quod vel maius, vel saltem æquale debet esse illi quod continuò absumitur, eapropter si huiusmodi alimentum desideretur, quis nõ videt continuò corpora nostra consumi & contabescere? Iure ergo dixi causã gracilitatis immediatã esse carentiam accommodati alimenti. Sic etiam si alimẽti vbertas nequaquam desit, cõsumuntur corpora hominum & animalium, modò adsint aliã causã, quã plus consumunt, & liquefaciunt, quàm sit alimẽtum, quod continuò apponitur. Iam verò alimentum accommodatũ desideratur, vel quia nihil apponitur, vel quia parum, vel vitiosum; vel quia etsi apponatur & conficiatur, tamẽ non vnitur, neq; transmutatur in substantiam amissam. Parum nutrimenti, aut nihil apponitur, quotiescumq; propter aliquod vitium ventriculi, aut aliarum partium non appetitur; quemadmodum in inappetentia;



tentia: aut non conficitur; quemadmodū in vniuersali imbecillitate: aut nō distribuitur à ventriculo. Sic enim, dicit Auer. sæpè venas meseraicas propter siccitatem vsq; adeo coarctari & occludi, vt chylus à ventriculo nequaquam transeat in reliquum corpus, atq; ita membra extenuentur. Sic etiam quotiescunq; cibis seu alimētum præparatur, & tamen aliò deflectitur, fiunt macilentia, quemadmodū in lienteria, in fluxu alui diuturno, in vomitu; In his enim omnibus, alimentū quod deberet restituere partes consumptas, aliò deflectitur. Sic etiam dicit Gal. in lib. de Theriaca ad Pisonem, & Alexander in epistola de lumbricis, corpora sæpè emaciari, quia lumbrici absumunt illud alimētum, quod conuertendum esset in carnes. Alimentū porrò vitiosum cōmunicatur; quādo sanguis, ex quo reparātur partes amissæ, est vel nimis melancholicus, vel biliosus, vel aquosus, vel nimis salsus, vel acidus; sic etiā colostrati fiunt pueri, quando lacte vitioso aluntur. Propter sanguinē melancholicum fit macilentia in lōga melancholia; videre enim est hos melancholicos diuturnos veluti laruas euadere. sic dicebat Hipp. in lib. de locis in homine; quod vbi lien floret, cetera mēbra cōtabescunt: vbi vero extenuatur, reliquū corpus floret. Sic dicit quoq; idē Hipp. in lib. de aere, aquis, & locis; eos q̄ vescūtur aq̄ lacustribus, melācholicos fieri, & cōsequēter macilētos euadere. Si sanguis sit biliosus, inducit macies; quia hic humor vsq; adeo infensus est & abominabilis omnibus mēbris, vt nequaquā san-

guis cōverti possit in substantiam, vbi bilis est ad-  
 mista. Pari pacto vbi sanguis est aquosus, macian-  
 tur corpora, vt licet videre in hydrope. Non ap-  
 ponitur autem alimētum, quoties membra ipsa,  
 quibus apponendum est, sunt aliqua intemperie  
 vexata: veluti vbi sunt arida, nequaquam restitui  
 possunt; ita enim his contingit, vt parietibus ve-  
 tustis, quibus nō potest agglutinari calx propter  
 summam ariditatem. Sic etiam fiunt macilentia  
 propter causas colliquantes & consumentes, in  
 febribus magnis, in marasmo in senio Philippi.  
 In his enim omnibus non tantum contingit ma-  
 cilitia propter absentiam accommodati alimen-  
 ti, sed maximè propter causas quæ & pinguedi-  
 nem & carnem colliquant. Hæ sunt omnes caus-  
 sæ internæ tam mediata, quàm immediata quibus  
 inducitur macies; sed, quemadmodum dixi,  
 maior pars harum in adultis est. In infantibus au-  
 tem & pueris plerumque fiunt macilentia pro-  
 pter defectum nutrimenti, vel quia multo minus  
 est, quàm deceret, vel quia ita vitiosum & deprau-  
 atum, vt nequaquam possit vtile esse. Priusquam  
 autem causas externas aggrediar, duæ dubitatio-  
 nes sunt ex animis eruendæ. Prima est, quia Ra-  
 ses lib. 6. continentis ex sententia Galeni scribit  
 nequaquam emaciari posse corpora, nisi iecur  
 malè sit affectum. potest confirmari hæc aucto-  
 ritas ratione, quandoquidem sanguis est ille, ex  
 quo & pinguedo, & caro tum generatur, tum  
 conseruatur. Præterea Gal. in lib. artis medicæ,  
 dicit, gracilitatem esse firmissimum argumen-  
 tum

tum sicci temperamenti. Ad quid ergo tot causas peruestigauit, cum præsertim à me nulla penè sit facta mentio iecoris? Secunda dubitatio est, quomodo dixerim ex sanguine salso membra tabefieri & emaciari; nam ex vna parte Plutarchus in quæstionibus naturalibus 1. scribit plantas nequaquam nutriri rebus salis; quia huiusmodi alimentum terrestre est, & consequenter commodum pro alendo esse non potest. Ante Plutarchum Theophrastus lib. 6. de causis plantarum 14. causam quærens, propter quam in plantis non inueniatur sapor salis, sed alij sapes, inquit propterea esse, quòd huiusmodi sapor ineptissimus est alendo. Et quia videbat instantiam esse de piscibus, qui nutriuntur in mari, inquit, non nutriri aqua salsa, neque succis salis, sed aut dulcibus, aut acidis, aut alijs quæ inueniuntur in mari. quare constat ex hac parte optimo iure à me dictum esse sanguinem salsum extenuare, emaciare, eo quod ineptissimus sit restituendis partibus, quæ quotidie cõsumuntur. Ex altera parte est idem Plutarchus in eodẽ lib. q. 3. vel 4. vbi scribit, pastores ad saginanda pecora vti sale. quare si pecora saginantur sale, non est dicendum à sanguine salso necessariò cõsumi corpora. Immo verò addit idem auctor, Appollonium medicum Herophili discipulum cõsueuisse corpora emaciata reficere & impinguare rebus salis; adhæc naues, quæ vehunt salem, constat multos mures producere, quod quidem fieri nequaquam posset, nisi sal conferret & ad generationem & ad nutritionem. Ad primam



dubitationem dicendum est, maciem vel recentem esse, vel antiquam; antiqua contumax esse non potest, nisi aliquo pacto sit iecur affectum, & de hac loquebatur Rases; recēs verò complures habet causas, à quibus fit, præter iecoris affectum. & ideo non est mirū, si in omnibus causis à me recensitis, neq; à Gal. neq; ab Auic. videtur facta mentio iecoris affecti: quamquam ubi fit mentio alimenti diminuti, & viciosi, simul etiā complectitur iecoris affectus, à quo plerumque sanguis vitatur. Sic etiam possumus dicere, gracilitatem vel esse natiuam, vel adscititiam; natiua requirit siccitatem temperamenti necessariò: acquisita autem potest fieri absq; hoc, quòd totum corporis temperamētum siccum fiat. Ad secundam dubitationem dicendum est, salem & res salitas posse aliquo modo conducere ad saginandū, & nutriendum, & aliquo ad cōsumendum & tabefaciendum. conducit ad cōsumendum & tabefaciendum per se, & principaliter, scilicet propter causas à Plutarcho & Theophrasto allatas, quandoquidem res salitæ sunt siccæ, & propterea alimento contrariæ; quare exsiccant corpora, neq; in substantiam amissam conuertuntur. Per accidens autem possunt conducere ad saginandum, nutriendum & generandum, scilicet appetitum excitando, & quod maximè contingit, deuehendo nutrimentum in partes ipsas. Siquidem res salitæ si alijs alimentis commisceantur, veluti vehicula quædam sunt atq; quidam cunei, qui ducunt alimenta ad partes, & illa in ipsis infigunt.

causas

causas externas sunt primò aer siccus & frigidus; & siccus & calidus, vt dicit Gal. 2. aphor. 28. propter quod omnia corpora Aethiopum emaciata penè sunt: propter hoc etiã videre est, plerumq; homines in summa æstate consumi, sicut hoc potissimùm contingit pueris & infantibus. Sic dicit Hipp. in libro de articulis 28. boues in summo frigore maximè emaciari, & ijs crura laxari, licet hoc tribuat inopiã pabuli. Vigiliã maximè conficiunt corpora, immo verò citissimè; curæ itidè, cogitationes, mœrores, studia; & ideo dicit Gal. lib. de articulis Græcos appellasse curas *μελεδῶνας* quasi edant, & cōficiant membra nostra. Sic etiã dicit Gal. 2. aphor. deliria, mētis alienationes conficere corpora; motus quoque immoderatus ea colliquat, vt habet Arist. 6. problem. 1. vbi quærēs cur alij sedendo, alij verò sese mouendo macrescant? inquit ideo esse, quia corpora frigida quæ abundant excrementis, nisi sese moueant, nō possunt cibum conficere, & propterea cōsumuntur, sic etiã corpora calida & nullis excrementis referata, si immodicè laborēt, cōsumuntur. Venus immoderata maximè omniū consumit corpora nostra; quia vt dicit Auic. perinde valet drachma vna feminis emissi, ac quadraginta optimi sanguinis, vt iure inter causas cōsumentes corpora adnumeretur Venus immodica. sic balnea naturalia præsertim quæ exsiccāt, cibi parcitas, sicuti lactis inopia cōsumit pueros & infantes, nimia fames, *μονοσιτία*, idest cibatō vnâ in die. Sic etiã cibi sunt nōnulli, qui ppria quadã natura maciē & ta-

bem inducere inueniuntur, vt est acetum, acida  
 omnia, semen rutæ cyminū, vt est apud Plin. ma-  
 ciem inducit. Refert etiam Agatharchides in li-  
 bro de mari rubro Acridophagos, id est eos qui  
 vescuntur locustis, corpora habere maximè ex-  
 tenuata & macilèta. Hæ omnes sunt causæ apud  
 Medicos tã internæ quàm externæ, propter quas  
 fit macilentia. Ceterum præter Medicos, vulgus  
 hominum & præsertim muliercularum in ea  
 fuit antiquitus & nunc est opinione, corpora in-  
 fantum à viris, & à mulieribus quas cõmuni no-  
 mine Strigas appellamus ita effascinari, vt nõ so-  
 lum morbosa euadant, sed etiam emacientur &  
 consumantur. de quibus cùm non rarò inter me-  
 dicos disceptatio oriatur, haud inutile forsã fue-  
 rit pauca quædam de ipsis hoc in loco adnotasse:  
 ac vt à nominis ratione auspicer; strigas veteri-  
 bus vocatas inuenio quasdã aues quæ noctu vo-  
 lare & interdiu cæcæ existere conspiciuntur: de  
 quibus fabulosa non pauca credidit superstiosa  
 antiquitas: siue ita dictæ sint à stridore quẽ emit-  
 tunt, siue à stringẽdo, vt dixit Festus. Ad quarum  
 similitudinem appellasse videntur strigas vene-  
 ficas illas mulieres, quæ noctu oberrantes maciẽ  
 pueris præsertim ac infantibus inferre, eosq; ve-  
 neficijs, philtris, incantationibus & fascinationi-  
 bus peruertere putãtur. quæ de strigibus iam in-  
 ueterata opinio vtrum vera sit nec ne, & qua ra-  
 tione impurum hoc fascinatricum & mægarum  
 genus hæc mala faciat: cùm nostrum non sit ac-  
 curatius hac de re disputare, vnâ cū plurimis ijsq;



pulcherrimis & difficillimis, quæ circa hanc materiam proponi possent, problematibus, lubens omitto, illud vnum asserens, si verum est huiusmodi fascinorosam artem reperiri, si verum nequissimos ac impurissimos homines posse corpora infantum, aut aliorum hominum corrumpere & labefactare: non alia ratione eos id posse agere, quàm ea quæ proposita fuit à Plutarcho §. sympos. 7. & à Tralliano 2. probl. 50. hi enim grauissimi scriptores de fascinatione copiosissimè differentes prodiderunt tribus potissimum modis posse fascinationes seu maleficia fieri; tactu, visu, atque etiam halitu, immo verò narrat idem Plutarchus, fuisse quandam suo tempore Tibiorum gētem, quæ visu, halitu, & tactu corpora infantum scædabat. Tactu quidem posse corpora effascinari nō est quòd dubitemus: quia sicuti videmus lepram, scabiem, & pestē tactu communi cari, sic non est præter rationem morbida corpora muliercularum, aut aliorum, cūm tangunt tenera infantum corpora, ea scædare atq; consumere. sic etiam visu posse corpora cōtaminari & effascinari, ex eo potest intelligi, quòd, vt docent Arist. & Galenus, videamus eos, qui ophthalmia laborant, si alios attentè inspiciāt protinus communicare ipsis malū: quin immo vt narrat Arist. in lib. de somnijs, mulieres menstruata, si speculum lucidissimum inspiciant, illud statim maculant & conspurcant. fertur simile de Basilico, quem solo visu hominem interimere scribunt. Halitu etiam siue spiritu posse corpora effascina-

ri & lædi, nequaquam rationi dissentaneum est: cum certissimū sit corpora peste affecta solo halitu propinquos homines venenare, atq; etiam interimere. Si quærat aliquis quo modo fieri possit, vt spiritus in huiusmodi hominibus ita coinquentur, vt eiaculati in alios pariter coinquent: dico hoc posse fieri tum vitio corporis, tum animi, tum vtriusque. Vitio corporis fit, quotiescunq; corpora muliercularum vel virorum effascinantium morbida sunt & aliqua labe intestina affecta: in his enim cum spiritus toti corpori, omnibusq; humoribus sint permisti, nō est dubitandum quin coinquentur, & consequenter in alios eiaculati eorum corpora fœdēt ac corrumpant. Sic mulieres menstruatae corrumpūt teneros pueros, si ipsos attentē intueantur: pari pacto vetulae, si vel tangāt, vel attentē inspiciant infantes, possunt eos corrumpere. nā sicuti dicunt medici Arabes, eos, qui vetulis concumbunt infirmari & offendi, quod eorum corpora sint impura: sic non est absolum, eas impuris suis spiritibus posse infantū corpora coinquinare. Vitio quoq; animi spiritus fascinantū corrumpi perspectissimum est, & rationi consentaneum; quandoquidem videmus in ijs, qui mœrent, qui irascuntur, aut qui aliqua alia animi passione tenentur, non solū spiritus corrumpi, verū etiam eorum corpora vehementer affici: haud secus qui maligni sunt, qui inuidia feruent, aut demum aliquo alio animi vitio laborant, possunt spiritus suos, eosq; venenatos in aliorū corpora eiaculari, & consequenter

quenter ea inficere. atq; hoc est quod forte Plato dicere volebat 7. de legibus, cùm scripsit filijs nihil perinde timendum esse atque suorum parentum imprecationes: quia ubi parentes irati sunt in filios, vsque adeo vehemens esse ira solet, vsq; adeo perturbati animi, vt spiritus suos veneno corrumpât, quos cum intuentes in filios iaculantur propter sympathiam, & sanguinis cognationem animos filiorum ac corpora corrumpunt. Quare, vt breuiter hâc rem concludam, si verum est strigas offendere, non alia proculdubio ratione id faciunt, nisi cum ipsis infantibus approximantur, ita vt vel tactu, vel visu, vel afflatu nocere possint. Ceterùm quò ad illud, quod à plerisq; hoc in loco quæri solet, cur scilicet existimentur strigæ pueros potissimum & mulieres infestare? idem omnino dicendum censeo, quod olim Tralilianus ille dixisse legitur 2. probl. 50. huic dubitationi respondens; pueros potissimum effascinari & mulieres, quòd eorū corpora tenerrima sint, & consequenter exposita ac obnoxia iniurijs omnibus, licet possit huic causæ adsignari & alia, nempe corpora puerorum cùm ab animis minimè sustententur, neq; defendântur, facilè quasuis iniurias subire, pariterq; corpora mulierum, cùm ab animis timidissimis ac infirmissimis gubernentur, facile iniurijs exponi. signa quib. macies cognoscit ita sunt euidentia, vt nulla penè industria egeât. nã & carnes, & pinguedines visibiliter cõsumuntur: fit facies cadauerosa, vt dicebat Gal. de causis morborū 7. tota corporis figura deprauat.



Ceterum pro cognoscendis caussis maciei, maius studium adhibendum, tum vt cognoscamus causas liquefacientes, tum eas quæ ad alimētum spectant. Si colliquefacientes maciem inducunt, cognoscitur ex febribus, destillationibus acris & falsis, complexione calida & sicca, aut enim hæ omnes, aut aliquæ adsunt. Porrò causæ pertinentes ad alimentū cognoscuntur, vel quia illud exiguum, & minus est, quàm conueniat, vel quia est vitiosum. Si fiat macies propter alimēti defectū, in adultioribus cognoscitur ex eo, quia eam copiam cibi non capiunt, quæ necessaria esset; In lactentibus autem cognoscitur hæc causa alijs signis. Primò ex nutricis vberibus, eò quia flaccida sunt, & lactis omnino egena. Ad hæc nutrices ipsæ aluntur malè, appetunt; infantes autem parum mingunt, linteamina nullo modo madefaciunt, plorant, vagiunt; & si alimētum offeratur, conquiescunt, vbera magna auiditate arripiunt. Quare, vbi hæc videbūtur signa, certum esse debet maciem dependere ex defectu lactis. Sed si deficiat alimētum, quia in alias partes deflectatur, cognoscitur ex euacuationibus, exalui solutione frequenti, ex vrinæ copia. nam sæpè euenit pueros macrefieri ob copiāalui fluxionis, quod etiam Hippiatri animaduertentes valde solliciti sunt in perquirendis ijs signis in iumentis. Sic si lumbricorum copia infans laboreat, suspicandum est maciem hinc oriri, cum scriptum sit à Galeno, & Tralliano, sæpè lumbricos nutrimētum arripientes extenuare pueros, & infantes. Sin autem

deficiat

deficiat nutrimentum, quia non exactè, neq; copiolè præparetur in ventriculo, signa sunt imbecillitas ipsius, frigida scilicet, vel calida intemperies, aut aliquis morbus menstrualis; adhæc vomitus frequentes sunt, eructationes, inappetentia, flatu. Hæc enim signa indicant ventriculum malè habere, & consequenter inde maciem oriri, quia ab eo nõ præparatur sufficiens nutrimentum; atque tot signis cognoscitur, vbi macies fit propter defectum copix lactis cõuenientis. Vbi verò fit propter malam aliquã lactis qualitatem, merito cuius nõ fit alendo accommodatum, alijs signis cognoscitur in pueris lactentibus, alijs in adultioribus. Quæ indicant vitia lactis signa, partim spectant ad nutricem, partim ad lac ipsum. Quo ad nutricem est, quòd ea erit vel biliosa, vel pituitosa, vel melancholica, splenitica, scabiosa; nam cum lac nihil aliud sit, nisi sanguis optimè concoctus, proculdubio qualis est sanguis, tale necesse est esse lac vitiosum. quare ex colore & habitu prauo corporis nutricis facile est iudicare lac vitiosum esse. Signa verò, quæ illud cõsequuntur, sunt; quòd si nõ sit summæ albedinis, sit mali saporis, non dulce, sit mali odoris; proculdubio est vitiosum. veluti etiam si sit tenuius, vel crassius, vel fluidius quàm par sit. Cognoscitur verò tenuitas, & crassities lactis duobus potissimùm signis. Vnum est, vt id ex vberibus recentissimè extractum super vnguem digiti maioris fundatur; quòd si statim diffluat & albescat, signum est esse tenuius, quàm conueniat. Si autem cõsistat,

neq; fluat, argumētum est id esse crassum. Aliud est signū, vt lac nutricis extractum in vase reponatur, atq; modica coaguli copia adijciatur, tum digitis & lac & coagulum agitetur; deinde reponatur, & quiescat donec concrescat. Vbi concretum erit, & feri copia superet caseum, signum est lac & tenuius & fluidius esse. Si autē superet caseus serum, signū est crassius existere; debet enim par esse proportio feri, portioni ipsius casei. Adhac si lac tenuius & acrius sit, cognoscitur, quoniam infantes cruciatibus torquētur, & alui fluxibus; pustulæ deterrime fiunt, præsertim in partibus inferioribus; quemadmodum si crassius sit lac, vt dicit Aetius, infantis aluus stringitur; fiunt furunculi, tubercula varia, vomitus adsunt, parum mingunt, difficulter respirant & mouētur, mucosi sunt toti. His ergo signis poterit cognosci, vbi pueri emaciantur vel propter defectum lactis, vel propter malam qualitatem. In adultioribus autem cognoscitur vitium alimenti potissimum ex colore: dicit enim Hipp. in principio libri de humoribus, cognosci potissimum humores dominantes ex coloris superficie. Quare si pueri malo sunt vultus colore, si scabiosi, aut pustulis alijs laborantes; si membrum aliquod languens & infirmum habeant, vt caput, ventriculum, iecur; atq; vel infirmitates adsint, vel intemperies, vel animi motus, certum est argumētum eos emaciari, quia vitiosum alimentum generatur. Sic sæpe vsu venit, vt emaciētur corpora propter virium resolutionē ex aliqua intemperie, &

tunc



tunc his signis cognoscitur, quia alioqui sunt pueri florido colore, appetunt, comedunt, nec ullam penè querelā habent. Vbi ergo in his macies contingit, certū esse debet, fieri maciem totius corporis ob virium resolutionem. Tradūt etiam aliqui signa puerorum effascinatorū, quæ duo potissimū sunt. Primū, si nullis remedijs naturalibus, nulla arte macies superari potest: adhæc si nulla alia adsit causā, neq; interna neq; externa, nec ex parte nutricis, nec infantis, tunc arbitrantur & dicunt eos esse effascinosos. Ceterū omnis macies subitanea, quæ in febribus fit, vt colligi potest 2. apher. 28. exitialis est, non solū quia causæ vehementiam, & virium imbecillitatem demonstrat, sed etiam, quia vt dicit Gal. in com. sequitur & humorum tenuitatem, & totius corporis laxitatem. Fuit Hipp. sententia 2. apher. 7. corpora, quæ longo tempore extenuantur, longo tēpore refici debere, & quæ breui extenuantur, breui etiam refici. Ex quo loco potest colligi, subitaneas macies non esse semper lethales, sed semper esse in febribus, & præsertim in prauis. Id hoc in loco summopere notandum, maciem & gracilitatem modò à principijs naturæ oriri & naturalem esse, modò aduētitiā. Vbi est à principijs naturæ, semper melior est, quàm pinguedo & obesitas nimia; & hoc est, quod dicit Hipp. 2. apher. 48. corpora gracilia esse longeuiora, quàm pingua & crassa; quia vbi gracilia sunt à natura, capaciora vasa habent. quare iure vitam diutius protrahunt. Macies autem aduētitiā,

si modum excedat, mala est, & peior obesitate, præsertim verò in pueris; ratio est, tum quia huiusmodi macies causam semper aliquam sequitur morbificam; tum quia, vt dicit Arist. 3. de hist. animal. 16. in his venæ, & nerui extenuantur, & contabescunt. In pueris multo deterius est, non solum quia crescunt, ob quod etiam plus nutrimenti exposcunt, sed etiam quia corporis habitum valde diffilabilem habent; diffilatur autem magis quando vasa sanguine, & calore sunt detecta. Illud tamen est memoriæ mandandum, pinguedinem, & obesitatem, quæ æqualiter perseuerat, esse multo eligibiliorē, quàm sit immodica macies, eo quia vita nostra posita est in humido; & vbi humiditas hæc abundat, fugiuntur plurimæ noxæ, illæ scilicet quæ ex coitu, ex laboribus, & alijs immensis euacuationibus cōtrahuntur. Refert autem multum, vt cognoscatur quæ corpora possint impinguari; & quæ non. nam medici sæpè laborant in pinguefaciendis corporibus quæ ne Aesculapius quidem posset à macie liberare. Quare signa habenda, quibus hæc possint præcognosci; scribunt enim & Auic. & Rasus ea corpora posse arte pinguefieri, quæ sunt humida, & mollem cutem habēt; sunt enim corpora omnia mollia apta & accommodata, vt in quamlibet dimensionem extendantur; ex aduerso quorū corpora arida sunt, quorum cutis dura & aspera est, eā vix vniquam pinguefieri possunt: præterea si cutis non solum sit arida, sed etiam ossibus ita adnexa, vt spasmata videatur; vel si neq; manibus, neq;

neq; vlla arte possit in longum extēdi, nulla spes est pinguefactionis. Ex aduerso si cutis sit ruffa, leuis, rugosa, ita vt protrahatur, & veluti ab ossibus separetur, spes est omnino hæc à macie liberata iri; & ratio impinguationis in his posita est. primùm, vt causæ omnes, quæ maciem inducūt, arceantur. deinceps vt prouideatur, quò & copiosum alimentum, & idoneum nō desideretur. postremò vt alimentum optimum genitū distribuatur per vniuersum corpus, apponatur, assimiletur, & vniatur. Sed quamquam hæc videantur esse cōmunia tam pueris ipsis, quàm alijs, nos tamē tantummodò rationem curationis in pueris docebimus, quæ posita est in duobus potissimùm; tum in remedijs puerorum lactentiū, tum eorum, qui sunt adultiores. Lactentes enim cum solo lacte, quod exigua præparatione eget, alantur; remedia, quæ ipsis conueniunt, vel lac ipsum respiciunt, vel attractionem, & distributionem ipsius nutrimenti, vel correctionem membrorū interiorum. De lacte, quia, vt dictum est; potest esse causā, vel quia deficit, vel quia vitiosum est, ad vtrumque horum nullum remedium est præstantius, quàm statim nutricem mutare, atq; eam eligere, quæ vel optima, vel melior sit. Notæ autem, quibus nosci possunt optimæ nutrices, vel habētur ex ipsius lactis probatione, vel ipso corpore nutricis. Ex lacte iam notas retuli. ex corpore autem hæc sunt: vt sit optimo corporis habitu; Arist. 3. de hist. animal. vlt. laudabat in nutricibus colorē fuscum magis quàm albidum; sed his co-



loribus multo melior est ille, qui mistus est ex albo & rubeo; quod quidem signum est, in corpore optimum sanguinem fieri, & cōsequenter lac accommodatū. præterea debet nutrix esse optimorum morum, non iunior viginti annorū, nec senior quadraginta; & si bis peperit, nec à partu absit plus duobus vel tribus mensibus, optimum erit. Sic etiam debent esse lati pectoris, & mammas habere, quæ nec magnæ sint, nec parvæ, sed medias inter magnas & paruas; quod si huiusmodi nutrix eligi nō possit, ita vt non liceat mutare prauam, veluti sæpe magno infantium detrimento cōtingit, studendum est, vt aliqua meliori ratione & copiosum, & optimum lac fiat. quare tota cura conuertenda est ad nutricem, vt scilicet teneatur in aere tēperato, provideatur quò dormiat; nā somnus, si quid aliud, magnopere conducit ad lactis prouentum. Sic studendum est ne nutrices vel ira, vel mœrore afficiantur; vel amore, vel aliqua alia passione teneantur; quoniam, vt experientia quotidiana constat, huiusmodi affectus in ijs tantū possunt, vt magnopere lac corrumpant; sic etiam prouidendum, vt nō vtantur Venere; hoc enim perniciosissimum est, quia sæpè gravidæ fiunt, & lac collostratum præbent, vel saltem ex coitu mēses prouocantur, quo fit vt nō possit copiosum alimentum fieri; debet autē nutrix moderatè exerceri ambulationibus. Laudo etiā quod laudat Aegineta, vt leuiter singulo mane ante cibum fricentur pectus & mammæ. De potu mea est sententia, aut arcendas esse ex toto  
à vino,

à vino, aut eo vtendū esse quod sit omnino pau-  
 ciferum, quod caput minimè grauet; ne scilicet  
 dum volumus lac copiosum facere, infantē epile-  
 psia, vel conclusionibus perdamus. Laudo etiam  
 consiliū Aeginetæ, vt si nutrices debent vino vti,  
 vtatur potius dulci, quàm alio, videlicet quod ad  
 caput non efferatur, & consequenter illud nō of-  
 fendat. Debent cibi omnes esse optimi succi, &  
 multi alimēti. quare omnes cibi acres, vt allia, cæ-  
 pæ, omnes falsi & amari sunt omnino arcēdi à nu-  
 tricibus; optimus sit panis; carnes vitulinæ, capo-  
 num, auium, oua sorbilia; pisces nulli, sorbitiones  
 ex farre, ex amylo, ex oryza, atq; omnes cū lacte  
 amygdalarum, vel nucleorū pini. Solent laudare  
 laganorum vsū ad cōficiendum lac copiosum,  
 quod ego quidē laudo, modò fiant talia, vt pos-  
 sint optimè confici. Si infans emacietur, quòd lac  
 qualitate peccet, ante omnia prouidendum est,  
 vt lactis prauitas corrigatur, idq; melius fieri non  
 potest, quàm si nutrix ipsa curetur. quapropter  
 vbi lac frigidum est & humidum, atque tenue,  
 aer eligendus est calidus; prouidendū est vt dor-  
 miat, vt exerceatur corpore, vt potet vinum; vtq;  
 cibi omnes calefaciētes suscipiantur; quo in casu  
 vsus etiam aromatū in cibis accommodatissimus  
 erit. quare alicum aromatibus, oua, & carnes  
 optimi succi semper erūt nutrici præbēdæ. Quòd  
 si cōstet eā abundare frigidis, & pituitosis humo-  
 ribus, erit corpus eius præparandū, & expurgan-  
 dum ijs medicamētis, quæ & præparare, & purga-  
 re pituitā possunt. Sed dicet aliquis, est ne quo tē-

pore sumit nutrix pharmacum, lac eius præbendum infanti? nam si verum est, quod alias docui ex Hipp. lac animalis pharmacum capientis expurgare infantē, videtur rationi consentaneum, vt dum expurgatur nutrix, consequenter infantis aluus soluat, quod tamen est inimicum maciei. Hoc sit perpetuum præceptum, vt quo tempore nutrix capit pharmacū, curetur vt biduum vel triduum infans alia vbera fugat. Sed si hoc nō licet, non admodum sollicitandum, quia si medicamenta nutrici propinata non sint vehementia, nec impartiant facultatem hanc; siquidem siue offeratur mel rosaceum solutiuum, siue manna, siue etiam rhabbarum, aut serum; horum medicamentorum vis adeò exigua est, vt extinguitur, priusquam lacti communicetur; secus autē est, si medicamēta sint vehementia, vt scammonium, colocyntis, turbith. Et hoc esse verum ex eo intelligitur, quia Hipp. 6. epid. dum hanc rem docet, exemplum dedit de elaterio, quod animalia quæ capiunt illud, vel simile vehemens medicamentum, inficiant lac qualitate huius medicamenti. Si lac fuerit crassius quàm par sit, debet victus ratio nutricis tota posita esse in vsu rerū attenuantium, & incidentium. propterea acetum & solum, & alijs mistum conuenit, hyssopus, fatureia, mentha, scandix, raphanus, & alia; hæc enim in frequenti vsu habita in nutrice magno pere attenuant sanguinem, & consequenter lac. Laudat Aegineta vomitum cum aceto mulso factum, quod etiam ego non damno; & forsan ad  
expur-



expurgādum stomachum nutricis multo tutior est vsus vomitus, quàm medicamentorum. Si lac acre, & calidum extiterit, debet teneri nutrix in aere frigido, quiescendum est, balnea aquarum dulcium cōferunt; abstinendum est ab omni vsu vini, aut si concedendū sit, debet omnino pauciferum esse. Cibi conueniunt ex hordeo, & zea, ex herbis refrigerantibus; præsertim verò lactucæ vsus, quippe quæ non solum sanguinem feruidum, & tenuem corrigit, sed etiã hac ratione copiam lactis mirificè auget. debet vitare omnia salia, omnia acria, quæcumq; aromata. atque hic est modus occurrendi, vbi macies propter lactis vitium orta est. Quod si orta sit ob aliquod vitium externum vel ventriculi, vel iecoris, vel alicuius visceris, studendum est vt occurratur ijs medicamentis, quæ possunt intemperies in infantibus corrigere. Nam si purgādus erit infans, tota medici operatio debet esse circa nutricem. Sed cùm oritur macies ob sola vitia interna, debet quidem nutrix accuratè gubernari, sed potissimum studium necesse est, vt sit circa corpus infantis. Quia autem hæc ætas non sustinet vehementes medicinas; immò verò ori ferè nullæ medicinæ cōueniunt, studendū solum est externis remedijs occurrere; & iccirco si frigidus, & humidus ventriculus erit hoc fomento poterit, foueri. Recipe foliorum origani, menthæ viridis, an. m. i. calami aromatici, florū rosarum rubearum an. p. s. aquæ calamenti lib. i. vini odorati vnc. 2. fiat decoctio, & cum spongiola, vel panno fiat fomentum ven-

triculo; post quod erit inungēda illa pars hoc vnguento. Recipe olei masticiini vnc.s. pulueris cynamomi, caryophyll.an.drach.s.cerę parum, misce, fiat linimentū. Si ob intemperiem siccā ventriculi cōtingit macies, fatus lactis ventriculo factus accommodatissimus est, accōmodatissima etiam est hęc inunctio. Recipe butyri recentis, adipis gallinæ an. vnc. s. croci grana 4. olei de absynthio vnc.3. misce, & fiat linimentū. aduertendum verò in ventriculo nequaquā solis relaxantibus esse vtendum, sed semper addendū esse aliquid, quod possit constringere. Si ob incendium macies contingat, potest hęc fomentatio tepida adhiberi. Recipe aquæ cichorei, endiuia, nymphę, absynthij an. vnc. 4. aceti vnc. 2. cum panno fiat fomentatio iecinori; post quam cōuenit hęc inunctio: Recipe vnguenti sandalini vnc.s. succi cichorei, epaticæ an. vnc. 2. aceti rosati vnc. 1. s. misce, & fiat linimentum. Si emacietur infans propter alui fluxum, nutrix debet alijs cibis, qui possunt aluum adstringere, vt sunt cydonia, mespila, granata, sorba, ius gallinæ antiquū, quod dicebat Galenus adstringere; ius etiam pedū vitulorum. Præter victum nutricis sunt etiā adhibēda remedia externa: inter cetera laudatur corallum collo infantis appensum; Iaspis etiā lapis cōducere putatur. adhęc conuenit huiusmodi linimentū. Recipe olei myrtini, cydoniorum an. vnc.s. pulueris corallorum rubeorum vnc. 2. succi corticū nucum viridiū, vel succi rubi vnc. 3. pulueris mastici, gallæ an. drach. s. misce. In his etiā casibus lin-

teamina,

teamina, quibus inuoluuntur infantes, fumo imbuere conuenit, atq; ad hoc commodus erit modus iste, vt accipiatur puluis, & proijciatur super carbones; deinde fasciæ & alia linteamina eo fumo imbuantur. accommodatus autē puluis hic erit. Recipe florum rosarum rubeorum, foliorū rubi, labruscæ an. m. s. nucū cupressi, gallarū immaturarum, nucleorū mespilorum an. vnc. s. corticum nucū maiorū nucleorum pini vnc. i. contundantur omnia, & in puluerem crassum redigantur. Quod si oriatur macies propter intemperiem siccam totius corporis; nullum præstantius remedium excogitari potest, quàm continuum balneū ex rebus humectantibus. laudabat Auicennas balneum factū in lacte. Sed hōc difficile est factu, præsertim apud quosuis; multo melius est parare balneū ex aqua fluuij, in quo decoquatur, caput castrati, malua, lapatium; post balneū inungatur corpus totū oleo amygdalarum dulcium, butyro recenti; nam & veteres utebantur butyro loco olei ad inungenda corpora, oleū etiā dulcissimum accommodatū est. Quod si præter siccitatē sit intemperies calida in toto corpore, balneo addēda sunt etiā quæ refrigerāt: vt lactuca, endiuiā, nymphæa, papaueris capita; & linimēto adhibendū oleum rosarū omphacinū. Quod si siccitati cōiuncta sit frigiditas, miscenda erunt & balneo & linimēto ea quæ calefaciūt moderatē; vt sunt flores chamæmeli, folia calamēti, oleū anethinū, chamæmelinū; poterūt etiā in his casib. crebrò infundi clysteres vel ex lacte, vel ex pane



trito in brodio, vel ex vitellis ouorum parati. Dicit enim Arnaldus Villanouanus, & optimè, facile esse, vt infantes possint nutriri per clysteres, quia proximi sunt generationi, idest statui, quem habuerūt in vtero, in quo nutriebantur per vmbilicum absq; vlla ventriculi cōfectione, vel præparatione. Solent etiam adhiberi ad maciem curandam picationes, & dropacismi; sed in hac ætate, in qua corpora sunt penè cerea, omnino debent hæc medicamenta vitari; suo enim intenso calore magis eneruant, & absumunt infantium carnes. Si pueri effascinati putentur, inquit Serenus medicus antiquissimus, alliū appensum collo maximè arcere omnes effascinationes. sic etiam multa alia sunt, quæ existimãtur appensa conferre, vt Carbunculus lapis, Sapphirus; Dioscorides multum laudat alyssum herbam; rhamnū Plin. Hæc enim, inquit Dioscorides, si appendantur in domo, vbi sunt infantes, arcere effascinationes omnes. Mulieres etiam suas habent medicinas, & inter ceteras solent vti suffumigationibus ex cypero, caryophyllis, cinamomo, ligno aloes, sed in frequentissimo omnium vsu habet thus. Sunt qui laudant anulum factū ex vngue onagri. laudant etiam præ ceteris vsum herbæ illius generis fatirij, quod dicitur orobis fæmina. Sed volo hic obiter quædã notare. puto enim veteres nostros sub nomine rei turpis, quam appendebant collo infantis, intellexisse hanc herbam; nã vt est apud Marcum Varronē, veteres habebant in vsu collo infantis appendere res turpes, vt vetarent omnes effa-

effascinationes. Scio multos fuisse, qui existimarent hanc rem turpem fuisse formam membri virilis, sed nugæ sunt; puto enim à Varrone pro re turpi intellectam esse rem quamcumq; turpem, non sine ratione; quia, vt docui, si vlla fiat effascinationo in infantibus, secundum Medicos & Philosophos, ea est, quæ fit per oculos; quotiescumque scilicet mulieres, aut viri venenati, attētè intuentur ipsos infantes. Veteres ergo illi sapientissimi, vt auerterēt oculos istorum ab aspiciendis infantibus, iure voluerūt res turpes appēdi collo ipsorum, vt hæc fœda & turpia spectra facerent, ne mulieres attentè aspicerēt. Atq; hæc est ratio curationis infantum lactentium, laborantium macie. Vbi puer non lacte, sed solido cibo nutritur, ratio curationis maciei est illa, vt præ ceteris omnis causa externa adimatur, vel si vnus morbus internus auctor sit gracilitatis, per sua remedia extingatur, siue sit febris, siue alius morbus, siue intemperies interna. Post hæc Medici studium versari debet, vt optimum nutrimentum præparetur, & præparatum vniuerso corpori distribuat, vt distributum vniatur, & assimiletur. quapropter ad hæc omnia præstanda vnica est ratio victus accommodatè instituēda. est enim aer humidus temperatus eligendus, siquidem calidus maximè perniciosus est; sic ignis, & sol fugiendus, & ante cetera cauendū, ne pueri emaciati indumentorum multitudine calefiant; somnus semper optimus, atq; etiā si longus sit. Animi omnes motus vitandi; præterquam quod si corpus fue-

rit frigidius, iram conferre compertum est; exercitationes corporum moderatæ esse debent, fuit enim sententia Hipp. 6. de diætâ, & etiam Gal. 6. epid. cõ. 3. tex. 2. tardas deambulationes pinguefacere, celeres verò extenuare; sicuti etiã notum est, quod scribit Arist. 6. problem. 1. videlicet calida corpora sedèdo pinguefieri, frigida verò pinguescere motu. Alius moderatè lubrica esse debet; balneorum etiã vsus utilis est, modò opportunè adhibeatur. Vinum potandũ est, sed tenue, odoratum, subdulce, non austerum, quod tamen perpetuo pauciferum sit. Qua in re laudare non possum Rasem & Auic. qui cõsulunt, potandum esse vinum crassum; hoc enim & per se obstruit, nec nutrimenti vehiculũ esse potest. Cibi debent esse optimi succi, pinguiusculi, sapidi, non autem acidi, neq; saliti, nisi tamen ad excitandum appetitum, qui necessarius est pro impinguatione; requirantur & salita, & acida; propter quod forsan Appollonius ille Herophili sectator ad impinguanda corpora utebatur salitis, vt scilicet essent veluti vehicula, & appetitum excitarent. Quamquam scio apud Plinium lib. 10. cap. 73. scriptum esse, dari pecori sal, vt sitiât, & multum potando pinguefiat. Cibi autem, qui cõueniunt, sunt optimæ carnes gallinarum, caponum, phasianorum, gallorum Indorum, vituli, turdi; carnes castratorum; vitelli ouorum; testes gallorum; cerebella hædi, vituli, suis; pultes ex farre, oryza; panis coctus in brodio, Oryza cocta in lacte. laudatur etiã cicer in lacte maceratum. Inter fructus sunt amygdalæ,



amygdalæ, pistacæ, passulæ, quas dicit Auerroes pinguefacere; oleum etiã & butyrum; auellanæ nuces, de quibus dicit Plinius eas plus pinguefacere, quàm sit verisimile; & hoc ostendūt sciuri, qui hoc genere victus maximè pinguescunt. laudat etiam Hipp. in lib. de veteri medicina caseum, què dicit mirificè pinguefacere. Sed mea sententia Hipp. eo in loco interpretandus est de recenti, non autè de vetusto. Hæc est victus ratio, circa quam oritur dubitatio, quandoquidem magnus Hipp. in lib. de salubri diæta tradens rationè macrefaciendi corpora obesa, dicit esse alenda cibi pinguibus, & adfert rationem, quia pingues cibi citissimè saturant; propter quod saturantur quidem corpora, sed non replentur. subnectit etiam eo in loco, si crassefacere placet, cõtraria ratione medendum esse. Cõtra autem hanc sententiam est Rases, Auicennas, sunt ferè omnes Græci, immo ipse Galenus, qui vnanimiter cõsulunt, vt ad corpora pinguefacièda in vsu habeãtur cibi pingues. Pro resolutione dicèdum est, vsu ciborũ pinguium vel posse esse moderatũ, vel immoderatum, & cibos pingues vel esse parum, vel multũ pingues. Vsus ciborum pinguium immoderatus, seu eorum, qui sunt admodũ pingues planè multum abest vt cõferant ad pinguefaciendum, quia illud præcisè agũt, quod scribit Hippocrates. Ceterum cibi parum pingues, atq; vsus horum moderatus confert planè ad corpora pinguefacièda; & de his interpretanda est sententia omnium Arabum, & Græcorum. Præter hæc sunt genera

aliqua eduliorum, quę proprietate manifesta: aliqua verò occulta qualitate pinguedini conferre putantur. Quę conducunt manifesta qualitate id faciūt, vel quia optimam ciborum coctionem efficiunt, vel quia alimentum concoctum distribuunt, vel quia nutrimentum ipsum apponunt, & velut incumbant ipsis membris. Bonā coctionem efficiūt aromata ferè omnia, tum quia gratissima sunt ipsi stomacho, tum quia calorem naturium quodam pacto augent & conseruant, veluti sunt cinamo. caryophylli, nux myristica. Soleo ego in extenuatis corporibus vti hac iucunda cōfectione Rec. pulpæ caponum elixorum, perdicis an. vnc. s. nucleorū pini, pistaceorum in vino maluatico maceratorum vnc. s. amygdalarū dulcium vnc. i. cinanomi, caryophyl. nucis muscatæ an. vnc. i. s. sacchari fini quantū sufficit, fiat secundum artem vel torta, vel morselli; hi enim iucundissimi sunt, & maximè cōferunt ad impinguanda emaciata corpora. Ad perducendum autem cibum ad membrū, conferunt omnia remedia diuretica, quę & vias omnes maximè recludunt, & sunt veluti vehicula deferentia succos, & alimentum ad membrum. Sic etiam confert potus inter cibos factus, id est inter prādium, & cœnam, vel cœnam & prandium. Et qui indiscriminatim in corporibus emaciatis damnant omnino inter cibos potum, longe fallūtur, quia & Galenus ipse in tabidis corporibus 7. Methodi laudabat, vt etiam à cibo biberetur. Et ferè hoc perpetuum est, vt qui inter cibos potare solēt, obesi sint.

*sint.* Ad affigendum autem cibum ipsis partibus, conferunt ea potissimum, quæ humectant humiditate quadam viscida, & tenaci, in corporibus scilicet frigidis calida; in calidis & siccis frigida. Et hæc est ratio, propter quam Rases & Auicennas laudant ad impinguanda corpora papauer, hyocyamum, & alia multa quæ impensè refrigerant. Hac etiam ratione dicit Lucretius capras pinguescere cicutis, quòd scilicet hæc animalia sint calida & sicca, & propterea frigidis temperetur eorū calor & siccitas, ita vt nutrimentum conficiant. Non enim existimandum est sola cicuta, aut capras, aut sturnos pinguescere, sed his præstatur via, & modus naturæ ad pinguefaciendum. Est autem illud aduertendū in pueris pinguefaciendis, etsi corpora eorum contingat esse calida & sicca, nequaquam tamē vsurpanda esse hæc adeo frigida; quoniam cū ipsorum robur vitale sit infirmum, facilè collabitur vsu adeo frigidorum. Inter ea, quæ proprietate quadam occulta existimantur cõferre ad pinguefaciendum, à Dioscoride, & Auicenna proponitur sarcocolla; nunc apud mulieres est in vsu nux Indica, cuius accepta interna medulla teritur quàm subtiliter potest, & vel vnc. i. vel 2. vel vnc. s. permiscetur modò brodio simplici, modò pani incocto in brodio, modò pultibus. Auicennas etiam proponit puluerem ad pinguefaciendum, quem nec ego improbo, sed eo etiã vti soleo. Recipe farina amyli, sarcocollæ an. lib. i. fiat pasta cum butyro, & exsiccetur; deinde redigatur in puluerē, cuius acci-



piantur vnc.v.in aqua frigida. Et notandum multos esse, qui ad pinguefaciendum corpora laudant vsum aquæ frigidæ, & ego noui duos magnos Principes hoc vfu pinguefactos. Auicen. laudat cibos frigidos: sed hoc non est occulta proprietate, sed manifesta; quia in ijs conducit hic vſus, qui propter immēſum iecoris calorē sunt extenuati. Proprietate verò occulta confert ad impinguan- dum ſemē cannabinū. Atq; hactenus de morbis externis puerorum, qui totum corpus occupant.

*De particularibus puerorum morbis, & primū de capitis aucta magnitudine. Cap. IIII.*

**S**equitur vt de particularibus puerorū morbis agamus, incipientes à capite, cuius nō tradam omnes particulares morbos, quandoquidē pluri- mi explicati à me habentur in libro de morbis cutaneis. Agam ergo primò de aucta capitis ma- gnitudine, quæ ægritudo frequenter ſolet recen- ter natos tentare. Nā etſi ſcriptum ſit ab Ariſt. 4. de partibus animal. 10. omnia animalia caput ma- gnum habere reſpectu reliqui corporis, potiffi- mum verò hominem dum infans eſt, quod mihi videtur eſſe vanum; nihilominus ſolet interdum caput in pueris in eam magnitudinem excresce- re, vt non ſolum tuſpitudinem faciat, ſed etiam actiones penè omnes impediāt, ita vt medici ope- ra ſit opus. Dicit enim Raſeſ in lib. de experimen- tis, ſe vidiffē puerum, cuius capitis magnitudo in dies ita augebatur, vt tandem ad mortē deductus ſit. Sed optabit aliquis breuiter intelligere, cur ſit, quòd omnes in principio ſuæ vitæ caput ma- gnum

gnum habeāt respectu reliqui corporis; poterat enim natura, vt fecit reliqua mēbra parua, sic etiā fecisse caput, vt melius, & felicius viuere possemus. Ratio huius est, quia necessariū fuit homini statim parare cerebrum magnum; cū verò caput factū sit propter cerebrū, vt dicit Arist. 4. de partibus animal. 10. & 2. de generatione animal. 4. quibus in locis Auer. diligentissimè disputat aduersus Galenū; æquum fuit quemadmodū cerebrum multū & magnū erat, sic etiā caput magnū fabricari. Causa verò ppter quā indiguit homo in infantia cerebro multo, fuit ppter instrumēta ipsa sensuum, & p̄sertim propter oculos, quorū tāta fuit necessitas in hac vita, vt etiā perfectos eos homini statim coacta fuerit parare. paratos autē esse perfectos ex eo intelligi potest, quia in tota vita oculi vel nihil vel parum admodum crescunt. Quia verò instrumēta omnia sensuum, & p̄sertim oculi, originē ducunt ab ipso cerebro; immò verò cōseruantur, & vt ita dicam, aluntur ab ipso, eapropter fuit necessariū, vt ipsum multū esset, quò scilicet posset sua amplitudine sufficere tūm omnibus sensibus, tūm potissimūm ipsis oculis. Quòd si, quemadmodū dicit Arist. p̄ multitudinem cerebri, & magnitudine capitis illud sustentare nō possint, prouidit natura, vt beneficio parentū, & nutricum huic detrimento succurratur. Et hæc est ratio, propter quā Hipp. 4. de morbis, & in epistola ad Demetrium regē dicit, cerebrum radicē esse omniū morborum, atq; ipsum esse omnium corporis partium morbosissimum.

Capitis autem magnitudo, quam tractamus, nihil aliud est, quàm tumor præternaturalis capitis in infantibus potissimùm contingens. Appello tumorem præter naturam; quia etsi magnitudo immèsa naturales vitiatas operationes faciat, verumtamen nõ est ita morbosa appellanda, vt auxilio medico indigeat; quandoquidè cum sit naturalis, fieri nequaquam potest, vt corrigatur. Dico capitis in vniuersum, quia fit huiusmodi tumor in tota capitis amplitudine. Scio & Aetium, & Auicennã prodidisse, hũc tumorè fieri quandoq; in peculiari capitis parte, sed plerumq; tamè fit in toto capite. Addidi postremo in infantibus potissimùm, quia videtur hic morbus protinus eiusmodi ætatem, quæ proxima est generationi, infestare. Quamquam me nõ lateat etiã in adultioribus eum fieri, cum Hipp. 2. de morbis mentionè faciat hydropis cerebri; sed, quemadmodum dicebam, plerumq; contingit in infantibus. Volo hic obiter dicere, fuisse inter Theologos Theophylactum, & Eusebium, qui prodiderunt Iudam proditorem perijsse hoc morbo, idest, hydropem ventris & cerebri ita passum esse, vt caput eius instar dolij esset. Sed hæc obiter. Est ergo tumor hic, morbus in magnitudine aucta, à quo læduntur operationes tùm naturales, tùm etiam animales. Et quia omnis magnitudo aucta fit vel propter solidorum incrementum, vel propter humoris alicuius additionem, vel propter flatum; hic tumor non fit ob incrementum partium solidarum, sed tùm propter humores additos, tùm maximè



ximè propter flatum. Si fiat ppter humores, dicitur à Græcis cōmuni nomine ὑδροκέφαλος Hipp. 2. de morbis vocauit hydropem cerebri. Humor autē quia potest vel intra, vel extra craneum colligi, si colligitur intra craneum, Auic. 1. 3. tract. 3. cap. 10. & 11. appellat aquā intra craneum; si verò colligatur extra illud, Auic. & Arabes vocant aquam extra craneum. Sed si flatum colligantur, fit morbus, qui dicitur ἐμφύσημα κεφαλῆς à Paulo, nos dicere possumus capitis inflationem. De hydrocephalo, qui est capitis tumor aquosus in infantibus, tres potissimum pulcherrimæ & utilissimæ speculationes à nobis sunt habendæ. Prima est, quānā propriè sit materia à qua fit hic tumor aquosus. Secunda, in quo loco propriè hæc materia colligatur. Tertia, quando huiusmodi humor in capite coaceruetur. Circa primam inter medicinæ scriptores inuenio non nihil controuersia. auctor lib. def. medicarum hanc habet sententiā, ὑδροκέφαλος fieri vel ab aqua, vel à sanguine sæculento. Aetius lib. 6. cap. 1. scribit hunc tumorem fieri vel ab aqua pura, vel crassa, vel cruenta. Celsus solius aquæ in huius morbi generatione meminisse videtur. Auicennas nō solum ex aqua fieri, sed etiam ex alijs humoribus arbitratus est, ita vt facilè sit cognoscere, de materia hydrocephali non esse constantem & concordem sententiam medicorum. Ego autē in hac lite sum huius sententiæ; ex ea materia fieri hydropem cerebri, ex qua etiam fit hydrops ventris. etenim hæc ægritudo nomen adepta est propter similitudinem

quam habet cum hydropo. Iam vero hydrops fit quidem ab aqua, sed interdum crassiore. nam vidi in Patauino quodam aquam eiectam è corpore hydropico, quæ non minus grauis erat, quam plumbum. interdum etiam ab aqua tenuiore, interdum cruenta; quapropter materia huius mali est semper materia aquosa. Quod cū videret Aui-cennas, dixit fieri ab humiditatibus aquosis, non ab aqua simpliciter, licet etiã dixerit fieri ab alijs humoribus. Sed intelligenda est eius sententia de ichoribus, seu de parte aquosa ipsorum humorũ, nõ de ipsis humoribus. Sed quid dicemus ad auctorem libri definitionum? Dico illum fefellisse, quia si naturã huius mali spectemus, vix fieri potest, vt in tam tenera atate adeo fæculentus & crassus sanguis exeat è venis, qui faciat hunc tumorem. Sed forsã melius est, vt salua huius scriptoris auctoritate, dicamus textum illum deprauatum esse, quod facile cognosci potest ab ijs, qui græcam linguam callent. Quare paucissimis mutatis sententia illius scriptoris eadem erit cū Aetij sententia. qui enim volũt corrigere græcum textũ, scribant ἀφ' ὑγροῦ ὑδατώδους, ἢ αἱματώδους, ἢ πτυγώδους: & ita in latinum reddant, ab humido aquoso, vel cruento, vel fæculento; ita enim correctus contextus græcus, & latinus habebit eandem penè sententiam, quam habet Aetius. Immo ego existimo Aetium mutasse sententiam suam ab hoc libro. Sed dicet aliquis, cur ergo scribit hydrocephaleam fieri ab humore lento? Hic est purus Cornarij error, & Montanus meliùs transtulit hunc

hunc locum; est enim sententia Aetij, fieri non a lento humore, sed pigrè & lentè, nō acutè moueri. Circa secundam speculationem Paulus, & Auicennas in hoc conuenisse videntur, aquam colligi in hoc morbo tribus in locis. Primò, intra cutem & membranam cingentem craneum. Secundò, inter membranā, & os ipsum cranei. Tertio, inter craneum, & membranas vestientes cerebrum, quas aliqui vocarunt omenta cerebri. Aetius addit his tribus & alium locum, scilicet inter cutem & musculos temporales; vt secundum ipsum quatuor in locis colligatur. Secundū Paulum verò & Auicennam videatur tantum colligi in tribus. Sed circa hoc est grauiissima & pulcherrima quaestio, quomodo fieri possit, vt aqua colligatur intra craneum, ita vt tumidum caput reddere possit; nam intra craneum, & membranam vestientem cerebrum non videtur id spatij esse, vt possit aqua eo in loco contineri, & tumorem parere; praeterea os adest, quod nequaquam tumorem patitur, immo humores videntur hac ossa coercere, & quasi in carcere continere. Tertio, scimus omnes peculiare esse illis aquosis humoribus, vt relictis locis planis ad caua labantur. Cùm ergo in cerebro cauitates sint magnæ, & etiam ventriculi, multo æquius videtur esse, vt humores intra craneum præcipitentur in eas cauitates, & apoplexias inducant, priusquam fiat ὑδροκέφαλος. Postremò, hic morbus tentare solet pueros nuperrimè natos, ita vt dixerint nonnulli hanc ægritudinem concipi in vtero. In vtero autē,



vt sciunt omnes, nutriūtur fœtus per venas umbilicales, quò fit vt videatur magis rationi cõsentaneum, hanc aquam colligi in ipso ventre, quàm in capite. Pro solutione huius quæstionis dubitandum non est, aquam colligi posse in ipso cerebro; præterquam enim quòd Hipp. 2. de morbis manifestissimè hoc fieri docet, nulla etiam ratio vetat, quin fieri possit, vt monstrabo. Cùm enim primò dicitur huiusmodi aquam nõ colligi, quia non adsit spatium inter membranas & craneum; verum quidem est. sed verum etiã est, aquam sibi spatium parare, videlicet comprimendo substantiam ipsius cerebri, & ipsas membranas. Quòd porrò dicitur os cranei obstare, quò minus tumor fieri possit; respõdeo illud in infantibus vsq; adeo tenerum esse, vt ceræ cuiuspiam instar possit in quamlibet dimensionẽ dilatari, præsertim verò circa commissuras. Dicit enim Arist. & benè 7. de hist. animal. 10. cuncta animalia prodire in hanc lucem perfectis omnibus ossibus, verum hominem exire ijs imperfectis, præsertim pertinentibus ad caput. quod quidem fit non ob aliud, nisi propter immèsam cerebri humiditatem. Ad tertium autem respondeo, verum quidem esse, quòd aqua quæ colligitur in cerebro, quandoq; præcipitatur in ipsius cavitates, non tamè negandum esse propter hoc, quin etiam possit colligi, ita vt nõ penetret in ipsius ventriculos; quandoquidẽ fieri potest, vt membranæ illæ sua densitate cohibeant aquam, ne in cerebrum penetret. Ceterum illud verum est, aquam, quæ colligitur

intra

intra craneum, morbum esse maximè periculofum. Dicit enim Aetius veteres prodidisse hanc speciem hydrocephalæ esse perniciosissimam, quem deinde sequuti sunt Auicēnas, & Haly abbas; qui dicebant in hac specie mali nō esse ingenium curationis. Ad postremum autem respondendum est; huiusmodi aquam colligi potius in vtero, quàm extra vterum. & potius in capite, quàm in alijs partibus ob quatuor causas. Prima, est situs capitis intra vterum; scribit enim Hipp. in lib. de genitura, & in lib. de natura pueri. homines in eo caput habere inclinatū ad os eius, quo fit, vt cū proprium sit ipsius aquæ petere semper deorsum, facile fiat vt à toto corpore fluat in ipsum caput, tamquam in infernam partem. Secunda causa, est larga & copiosa humiditas cerebri, qua fit, vt nequaquam absurdum videatur, in capite maximè pleno aquosis humoribus, colligi etiam posse aquam, & fieri tumorem. Esse verò humidissima infantum capita ex eo patet, quia statim ac in lucem editi sunt, vt dicit Arist. 4. de partibus animal. 10. & 7. de hist. animal. 3. caput ipsum nequaquā continere possunt. Tertia causa, est multitudo, & copia vaporum. Vt enim videmus, vbi & calor, & humiditas est copiosa, copiosissimos etiam vapores eleuari, & in aquam conuerti. Pari pacto in corpore infantum calidissimo, & humidissimo verisimile est copiosissimos vapores fieri, qui ad caput sublati in aquam vertuntur. Quarta, est capitis vasorum amplitudo, & consequenter potētissima vis attractoria.

Scribit enim Hipp. 4. de morbis, & in epistola ad Demetrium regem à natura superpositū esse caput ventri tamquam cucurbitulam quandam, & propterea attrahere humores aquosos & pituitosos à ventriculo, & ab omnibus partibus infernis. Colligitur autem hæc aqua in capite duplici modo. primo, per vapores, quemadmodum dixi: secūdo, per exitum è venis, quem cōsuevit Hipp. sæpe dicere vomitum venarum. Fit enim vt quotiescumq; venæ vel propter repletionē, vel propter compressionem, vel ob aliquā aliam rationem aperiuntur, vt inquam exeat ille humor, qui magis lubricus est, qualis est humor aqueus. Et iccirco cūm intra, tum extra vterum contingit, vt vel propter errorem nutricis aut obstetricis nimis comprimatur caput, vel in vtero casu aliquo nimis comprimente venæ coarctentur, ita vt effundant ex se ipsis humores illos aquosos; quo fit vt vehementer errauerit Gulielmus ille Placentinus chirurgus, qui existimauit fieri hunc morbum ex aqua sanguinis menstrualis. Dicemus autem nos fieri, vt interdum huiusmodi morbus incipiat in vtero, & tamen post ortum per aliquot dies vix appareat. Iam enim dixi, cūm tractarem de Variolis, non inconuenire, vt interdum morbi contracti in vtero lateant per plures menses & annos. Sed nunc hoc in loco dico summo cum errore fieri, vt hic morbus concipiatur in vtero, & deinde post exitum ab vtero appareat. Primū enim hoc facere possunt errores & obstetricum & nutricum, vt dixi; sed potest etiā fieri sine vllō errore



errore & sponte, eo scilicet pacto, quo morbum epilepticum concipi in vtero docet Hipp. scribēs, quòd dum natura perficit membra intra vterum, expurgat & euacuat quod necesse est, ita vt nihil nocui relinquatur; vnde capita augescētia sana sunt. Sed si aliquid in hac perfectione relinquitur, fit vt post exitum ab vtero ex illis reliquijs & epilepsia & alij morbi suboriantur. Est ergo hydrocephalos aquosus tumor, qui fit tum extra, tum intra craneum. Intra cranium quidē fit; tum quia copia aquæ os capitis tenerum flectit, & tumorem licet non insignem inducit: tum quia suturas capitis disiungit, quibus deinde disiectis aqua effusa intra craneum tumorem parit. Pari pacto fit flatuosus tumor, qui à Græcis ἐμφύσημα dicitur, cuius materia eadem penē est, quæ & speciei illius hydropis, quæ dicitur tympanites. Sicut enim in tympaniti flatus maxima ex parte est qui facit tumorem, ita & in hac paucus adest humor. Quod spectat ad locum, vbi flatus colligitur, est sententia Aeginetæ libro 4. cap. 28. in ijsdem locis colligi eum, in quibus colligitur aqua, scilicet inter membranas cerebri, & inter craneum, vbi flectere facit os, vel ipsas suturas dissipat, aut colligitur inter os cranei & membranas, aut inter membranas & cutem, vel inter musculos temporales & cutem. Modus autem generationis huius tumoris est, quòd à calore debili ipsius cerebri, cū non possit superari copia humoris, fit vt eius magna pars in flatum conuertatur, qui deinde ea in parte detentus,

tumorem inducit. Ut verò detineatur flatus in capite, duo potissimum efficiunt, videlicet flatus ipsius crassities, & cutis capitis densitas; propter quã flatus alioquin crassi erumpere minimè possunt. Illud hoc loco aduertendum, hũc tumorem flatuosum in fœtu tam extra, quàm intra vterum multo rarius contingere quàm hydrocephalon. Ratio est, quia plerumq; humores aquosi qui in infantibus exuberant, tenues admodum sunt, ita vt flatus qui ex ipsis procreantur, tenues admodũ sint, & facillè propterea dissoluantur. Sed alia etiam est causa, quia licet in infantibus interdũ cutis densa sit, plerumq; tamen rara est; & indicium huius est, quoniam infantes tũ in vtero, tũ extra eum caput capillis plenum habere solent. Scribit enim Arist. 2. problem. 6. & 17. non sudare multũ caput, neque sudorem illum admodum fœtidum esse, quia foraminulentum est; ita vt vapores facillè expirent, & dissoluantur; esse verò foraminulentum ex eo probat, quia in ipso oriũtur capilli. Quare hac Arist. ratione comper- tum esse potest rara esse infantium capita, propterea quòd in vtero & extra vterum capillati sunt. Quamobrem ex hoc discursu cõstans potest esse sententia, materiam coniunctam vtriusq; huius tumoris esse vel aquosum humorem; vel aquam; vel flatum; vel vt dicebat Auic. calidum aliquem humorem, cuius tumorem appellat aquas infantium. Cause horum tumorum antecedentes variæ sunt: in primis autem est facultas & calor debilis cerebri infantium, merito cuius contingit,

vt largā illa copia aquæ & flatus nequaquam dissolui possit. Paullus addit etiam esse rarefactionē vasorum, propter quam aquosa materia ex ijs refluxa, dum colligitur, tumorē facit. Adhæc est inter causas, materni sanguinis aquositas; dixi enim fœtū nutriri in vtero optimo sanguine, quo fit vt cōsumpta crassa & meliori parte huius sanguinis, remaneat aquosa tantum: & consequenter tumor suboritur: sic etiam inter causas externas numerare possumus cibos quibus alitur prægnans. si enim vtatur nimio aquæ potu, siue fructibus, aut alijs cibus aquosis, aut flatuosis facile occasionem præstat generationi huius mali. Hinc scribitur apud Arist. 7. de hist. animal. 4. sæpè fœtus extra vterum gestare esculēta matrum, non solum propter eam rationem, quam habet Albertus Magnus, scilicet propter calorem vteri attrahentis cibos incoctos, sed multo magis, quia ex huiusmodi edulij gignitur sanguis aquosus, vel talis, qualia sunt alimēta à matre accepta. Adhæc causæ externæ sunt nimia prægnantiū concussionēs, præsertim circa os vteri; vnde fit, vt ad generationē huiusmodi morbi in infantibus maximè conferat importunus veneris vsus, eo præsertim tempore, quo fœtus in lucem proditurus est; Item obstetricis, aut nutricis imprudentia. nā vbi infans ab vtero progressus est, ab ipsa caput eius formatur manibus, propter quod contingit, vt sinistra compressione effundantur humiditates in vasis, & fiat hoc malum. Nutrices etiam interdum imprudenter tractant capita infantium,



& huic malo occasionem præbēt. Inter has causas recenset Aetius plagas, percussiones & contusiones, & alia. Ceterū non est difficile hoc malum cognoscere, quia ad sensum apparet esse vitium in aucta magnitudine, vt non opus sit versari diligēter in inquirendis vniuersalibus signis. Sed de signis materiæ & loci magis solliciti esse debemus, quoniam si flatus tumorē fecerit, duobus his argumentis cognoscitur. Primo, quia vbi leuiter pulsatur caput, instar tympani cuiusdam resonat. Secundo, si digito prematur tumor, aut non cedit, aut si cedat, illico ad pristinum statum redit. Si ab humore fiat, & ille sit extra craneum, cognoscitur in primis luciditate; videtur enim caput veluti splendere; si percutiatur, nullū sonum edit; si digito prematur, facile quidem cedit, sed difficulter deinde & tardè ad pristinum statū reuertitur; sine dolore est, sine coloris mutatione; fletus tamen & vagitus inducit. Si sit intra craneum, inquit Auicennas, ægrum quidem gravitatem capitis percipere, cuius merito fit, vt infantes plorent & vagiant. In adultioribus autē fiunt vèrtigines, oculi lacrymantur, & ferè claudi non possunt, sed aperti manēt, quasiq; in vnum semper intueri videntur. Verum video aliquē dicturum, quomodo fieri possit, vt in copiosissima capitis humiditate oculi nō possint claudi. nam videtur potius contrarium debere cōtingere, quia larga & copiosa humiditate relaxantur membra, quibus relaxatis potius cōtingit, vt in se ipsa concidant. quare debet hoc idem contingere oculis,

vt scilicet ipsorum palpebræ relaxatæ nequaquã subsistant, sed in se ipsas concidunt. Dico rationem ob quam nõ clauduntur, duplicem esse. Prima, quia dura mater valde comprimitur à copia humiditatis, quæ compressa cùm tendatur, tensas similiter palpebras facit, vt consequenter claudi non possint. Secunda est, quia propter largam humiditatem palpebræ vsq; adeo replentur, vt minimè claudi queant. Si ichores aliorũ humorum, vt dixit Auicennas, malum faciant, ex colore potissimum internoscitur: quia si ab ichore bilioso, color erit subflauus: si à sanguine, rubeus: si à melancholia, liuidus. Externæ causæ cognoscuntur potissimũ relatione, præterquam quòd si ex percussione, vel ex contusione factũ sit malum, adest & dolor & color rubeus, aut liuidus. Si ex aqua intra craneum factus est tumor, vt dicit Aetius, malum lethale est, nec est ingeniũ curationis, vt ait Auicennas. Sed si sit extra craneum, minus quidẽ lethale est, verũ neq; id vacat periculo. quia omne capitis malũ graue est; grauissimum autẽ in hac ætate, quæ neq; malum, neq; remediũ ipsius sustinere potest. Scribit Auicennas, quòd si in capitis inflatione alui fluxus succedat, ferè malum irremediabile esse. Scopus autẽ omniũ remediorũ præcipuus in hoc malo est, vt causã coniuncta aboleatur, scilicet vt flatus omnis dissipetur atq; extenuetur; & aquosus humor omnis euacuetur. Euacuari aut potest vel insensibiliter, vel sensibilibiter; & sensibilibiter quòd vel potest euacuari medicamentis hydragogis, vel chirur

gica, & manuali operatione. Vtrum autem horū faciendū fuerit, necessaria omnino est recta victus ratio; quæ, si æger fuerit lactens, tota dirigi debet ad nutricem; si verò adultior sit, ad puerū ipsum conuertenda, & iccirco eligendus est aer calidus, & siccus, in quo & nutrix & infans conferuetur. Si verò huiusmodi haberi non possit, præparandus est igne, suffumigijs ex lignis odoratis & calidis. In infante lactente prouidendum est, vt nutrix potius vigilet, quàm dormiat; & pueris ablactatis permittendus somnus, sed multo minor, quàm si sani essent; eo quia sicut vigiliae ad exsiccandum mirificè conferunt, sic somnus magis humectat quàm par sit. Exercendum corpus moderatè; & quod dicunt aliqui pectinanda esse capita infantium, perniciosissimus est error. Corpus moderatissimè lauandū est; alius lubrica seruanda, & si non fluat, vel glande ex melle, vel ex sapone vtendū. A vino prorsus abstinendum est & in pueris, & in nutrice; loco cuius parandum est decoctum factum ex aqua cum coriandro, & anisis. Cibi omnes ij debent esse, qui possunt flatu discutere, humores dissipare; & propterea panis modico furfure & coriandro confectus accommodatissimus est. Carnes omnes auicularum, præsertim montanarum; & assæ potius, quàm elixæ. Aromatū vsus moderatus maximè utilis est; sic etiam vsus modicus salis utilissimus est; & inter fructus amygdalæ, pistacia, auellanæ cōferunt. Vtilia sunt coriandra saccharo condita; abstinendum ab omnibus herbis, & fructibus



fructibus aqueis. Si infans & lactens sit puer, videndum est numquid nutrix sit puro corpore, an impuro. Si enim sit corpore puro, nequaquam est sollicitanda medicamentis, ne scilicet lactur- betur. Sed si prauis humoribus plena sit, diligen- ter expurganda erit pro qualitate & natura eorū humorum, qui ipsam turbant. Infanti verò nulla alia remedia conueniunt, nisi auxilia externa. Et hoc est, quod dicit Rasēs in lib. experimētorum, solam nutricem esse purgandā hiera aliqua ma- gna. Ceterum etsi compertum sit remedia exter- na conuenire, illis tamen in hac ætate est vtendū prudētissimè, quia facilè hæc ætas à quolibet im- portuno remedio offenditur. Si ergo tumor sit flatuosus, tentandū est flatum discutere & fomen- tis, & inunctionibus; fomentum autē potest hu- iusmodi parari. Recipe foliorum origani, pule- gij, satureiæ an. m. i. cimini, anisorum an. vnc. i. fiat decoctio secundum artem, qua sponsia im- buta capiti apponatur. Post fomentum cōueniet etiam inunctio, & primò sat erit inungere oleo chamæmelino salito; quod si non profecerit, po- test addi oleum anethinum, & ipsis solis etiā addi modicum pulueris anisorum, aut fœniculi, aut vini, vt eo felicius cura succedere possit. Sunt etiā aliqua, quæ si nutrici exhibeantur, vtilia sunt, vt est hæc confectio. Recipe conferuæ betonicæ, anthus. an. vnc. i. pulueris coriandri, anisi an. vnc. i. misce, & capiat mane, & vesperi vnc. s. hu- iusmodi enim confectio potest lacti facultatem flatum discussoriam elargiri. Quod dicunt aliqui

conferre etiã gargarismata, & sternutatoria, potest quidem verum esse; sed hæc remedia penè extrinseca vt iuuare possunt nutrices malè affectas, sic infantibus ipsis nullum penè adiuuentũ adferunt; quia per hæc medicamenta lac multis qualitatibus afficitur; atq; sic tractandus est tumor flatuosus, qui si in adultioribus pueris erit, valentioribus etiam medicamentis tractabitur. Ceterum in tumore aquoso, & puero adulto, qui sustinere medicamenta valet, erit primo purgandum. quare ante alia sic lenietur aluus. Recipe mellis rosati solutiui vnc. 2. vel. 3. pro captu, brodij parum misce. Lenita aluo sic præparantur humores. Recipe foliorum artemisie, satureiæ, stœchados, chelidoniæ an. m. s. fiat decoctio secundum artem: deinde Recipe prædictæ decoctionis vnc. 2. s. vel vnc. 3. mellis rosati simplicis, syrui de stœchados an. vnc. s. misce. preparati humores purgabuntur his pillulis. Recipe pillularum aurearum vnc. 1. s. castorei grana 2. radice ireos subtiliter puluerizati drach. s. misce, & cum melle rosato solutiuo fiant pillulae num. quinq; quod si puer abnuat pillulas deglutire, potest propinari huiusmodi medicamentum. Rec. radice ireos, hæc enim euacuat aquam, vnc. 1. pillularũ vnc. s. seminũ fœniculi, coriãdri, cinamomi an drach. s. fiat decoctio secundum artem: deinde Recipe dictæ decoctionis vnc. 2. s. agarici trochiscati vnc. s. infundantur secundũ artẽ, deinde facta diligenti expressione adde mellis rosati solutiui vnc. 1. s. misce. Postquam fuerit corpus pueri purgatum,

ea confectio, quam iam nutrici proposui, accommodata erit; tū ad externa medicamenta veniendum est, quæ & lactenti puero, & non lactenti conueniunt. In horum vsu Auicennas præcipit vt diligēter aduertatur, numquid aqua in capite pauca sit, an multa; & numquid sit intra craneum, vel extra. & si extra, vtrū illic collecta fuerit, an potius à partibus internis sit vehementer ad externas propulsa. Si enim sit ab internis ad externa propulsa, monet ipse nō esse curationem aggrediendam, eo quòd res pene desperata sit. Sed dicet quis, nonne Rasēs testatur se vidisse aliquos etiā curatos esse? nonne Aetiū ponit huius rei curationem? Dico hoc quidem verum esse, sed sciendum est aquam ab internis ad externas partes effusam, posse esse vel copiosam, vel paucam. Si copiosa sit, ita vt premēte digito refluat ad internas partes, actum est; sed si sit pauca, ita vt non refluat dū premitur, tunc curari potest; & iccirco Rasēm, & Aetiū huius curationē instituisse existimo. Si materia pauca sit, & collecta in partibus externis, conandū est omni studio, vt ea dissipetur, quod quidē fieri potest & fomentis & inunctionibus. Si dabit copia aquæ sulphureæ, aut marinæ præstabit in primis hoc auxilio vt, scilicet imbuerē spōgias leues hoc liquore, & capiti sup imponere; sic etiā lixiuiū vtile est, qd si parēt cū reb. exsiccātib. eo melius erit. Exēpli gratia Recipe cineris è ligno ficulneo lib. 2. aquæ marinæ, vel cōmunis lib. 20. fiat lixiuiū secundū artē, quo percolato adde in petia coriandrorū, anisorū an. p. s. fur-



furum p. i. item foliorum pulegij, origani, artemisiæ an. m. i. s. bulliant omnia ad consumptionem partis quartæ, deinde facta colatura in vsum adhibeantur; sic etiam iuuat parare lixiuium cū sulphure, sulphur quoq; per se tritum, & lana sicca capiti appositū magnopere prodest ad exsicandum. Valentiora exsiccantia remedia valde formido, præsertim in illis pueris, qui sunt iuniores. Sic quoq; fiunt emplastra ex herbis prædictis quæ coctæ atq; trite ad formam emplastri superponuntur capiti. Emplastrum etiam ex limacijs tritis maximè prodest. Soleo ego ostreacea quælibet iubere vt cõterantur, & cum aqua salita fiat emplastrum, quod & aquam capitis, & etiã ventris solet dissipare. Sic potest inungi caput oleo aliquo, vt Rec. olei irini, chamæmelini an. vnc. 2. pulueris ireos, sulphuris an. vnc. 2. ceræ parū, fiat linimentum. Sic quoq; laudo, vt auribus infundatur oleum chamæmelinum cū modico iridis: potest etiam infundi oleum cū modico sulphuris, & sagapeni cum modico castorei. Laudat Rases cerebrum lupi exsiccatum, & cum musco inspersum intra nares; nam quæ naribus, & auribus infunduntur remedia, facile virtutem suam cerebro communicant, & maximè iuuant. sed si aqua copiosa sit extra craneū collecta, vanus solet esse vsus huiusmodi remediorum externorum, & internorū; quia sicut interna remedia valentia non cõueniunt in hac ætate, sic vel mediocria, vel exigua nihil proficiunt; idem quoq; est de externis. Quapropter nulla alia superest spes, nisi in sensibili

sibili humoris aquosi euacuatione. Fit autem hæc euacuatio per chirurgiam, id est per sectionē; in qua peragenda illud obseruandum est in primis, quòd Aetius, & Paullus docēt, scilicet, vt si tumor magnum apicem habeat, vna sectione apex secetur. quòd si maior sit, non vna sectione, sed duabus atque tribus pertundendum est caput. Aliud quoque obseruari debet, vt semper fiat sectio in parte decliuore, eo quia facilius multo & promptius euacuatio fit, vbi aqua locos decliues habet per quos labatur. Facta sectione laudant omnes, & iure, vt non semel, sed paullatim euacuetur aqua; quòd si in hydrope ventris id faciendū est, multo magis in hydrope capitis debet fieri, quia sedes est spirituum animalium. Facta sectione, & paullatim aqua educta, imponēda sunt ea medicamenta, quæ imponuntur vulneribus, vt sunt lintea oleo & vino madefacta. Illud aduertendū est hoc in loco, quod Aetius monet, si pueri sint robustiores, hæc medicamēta esse arctè deliganda; sed si sint teneriores, & debiliores, sat esse leuiter locum pertusum tegere molli lana, aut pileo mollissimo & leuissimo; & hoc modo intelligendus est sermo de ligatura apud Auicennam. Contingit interdū, vt educta aqua, & curato ipso vulnere, tamē caro supercrescere nō possit; quod quia cōtingit aliquo ossis vitio, ideo blandissimè os ipsum radendū est, vt scilicet parte vitiosa sublata, facilius supercrescere possit caro. Sed si aqua fuerit collecta intra cutem & musculos temporales, aut inter musculos & cutem, medicamenta

nihil profunt; pertundere enim musculos temporales lethale est. quare Aetius ex sententia Leonidæ medici monet tantisper expectandum esse, donec aqua subtus musculos existēs ad latera restagnet; quo tempore deinde inquit in ipsis lateribus musculorum faciendas esse sectiones, intactis tamē musculis, atq; deinde manubrio cultelli segregandas esse partes illas ab osse, vel à cute, atq; paullatim euacuandā esse aquam. In reliquis curandū est vulnus, vt dixi, atq; hæc est curatio hydrocephali secundum Græcos, & Arabes. Celsus autem lib. 4. cap. 2. aliam curationem videtur instituisse, vbi scribit primū vsq; ad cutē tundendum esse caput, deinde apponendū esse aliquod medicamentum causticum, illudq; retinendum esse, quousq; locus vlceretur; quòd si hoc vlcus parum proffit, inquit tum scalpello esse vtendū. Quem sectati pleriq; chirurgi, in eam sententiam deuenērūt, multo satius esse curare hydrocephalum medicamentis causticis, atq; non vnum, sed plura vlcera capiti inurenda, quàm ad sectionem deueniendum: eo quòd si sectio periculosa est in hydrope ventris, dicunt isti, multo periculosiorē esse in hydrope cerebri; & Gulielmus ille Placentinus magni nominis olim chirurgus testatur se neminē vidisse hac medicina curatū. Possumus etiam & illud addere, Hipp. 2. de morbis antequam ad sectionem hydropis cerebri deueniat, prius tentare omnia alia auxilia; quasi monere velit non nisi in desperatis casibus, & post tentata cetera auxilia deueniendū esse ad sectionem.



nem. Sed negari non potest hanc medicationem periculosam esse, & propter ætatē & propter affectus ipsius magnitudinē. Verumtamen alia est ratio hydropis ventris, & alia hydropis capitis; quandoquidē vbi aqua est extra craneum, potest multo facilius euacuari, quàm aqua in vêtre existens. Præterea nō video, quomodo vlcerationes in capite toto pene aqueo non sint etiā periculosissimæ; quia sicut vlcera in partibus siccis facilē sanescūt, sic in corporibus humidis aut numquā, aut vix ad sanitatē perueniunt. Quapropter non sum ex ijs, qui abhorrent hāc medicinam à veteribus propositam. Illud verum est, illā aquam esse paulatim vacuandam, neq; faciendā sectionem in ijs, qui nuperrimè sunt nati, sed in grandiusculis, in quibus nō vsq; adeo periculum magnū imminet. Si sit factus tumor ab ichoribus aliorum humorum, qui tumor Atas ab Auicenna dicitur, monet ipse, vt nutrix alatur rebus refrigerantibus, vt ptisana, & aqua hordei; vt capiti supponatur oleum violaceum, & vt caueat omnino à balneo, eo quòd balneū aquæ calentis solet caput & alioquin calidū plus calefacere; quod si timeatur alui fluxus in hoc morbo, cōuenit cibus factus ex hordeo torrefacto, spodio, semen portulacæ, aut plantaginis torrefactum. hęc enim deglutienda dātur pueris ad aluum ipsorū moderatē cōstringendum, atq; hęc de curatione hydrocephali sufficient. Ordo & institutū nostrū postulat, vt reliquos capitis morbos psequamur. Sed quā hęc tractatio alias à nobiscopiosissimè habita est cū mor

bos cutaneos tractauimus, existimo fatius esse ad alios nondum tractatos properare. Aggrediar ergo tractatum cuiusdā morbi, qui in pueris frequentissimè oriri solet circa collum, & communiter struma dicitur. Esse verò hunc morbū puerilem & externum clarissima habemus testimonia Hipp. & Galeni. Hipp. enim 3. apho. 26. manifestissimè eum numerat inter morbos pueriles. quemadmodum. & Gal. in commen. Esse vero morbum externum idē Galenus explicatissimè docuit lib. 1. de differ.

*De Struma. Cap. V.*

**E**Xternos morbos plerosq; tractaui inter cutaneos morbos. Nūc agam de frequentissimo pueris morbo, qui Struma dicitur; quam Hipp. 3. aphor. 26. refert inter pueriles, & Galenus in cō. Est verò morbus externus, quoniam Gal. lib. 1. de differentijs morborum 5. vbi eum inter euidentēs morbos numerat. miror ergo eos, qui de puerilibus morbis tractantes hūc omittunt. Hic verò morbus à Latinis dicitur Struma, à Græcis χοιπαρς vocatur, barbaris scrophula. Aetius lib. 15. c. 5. Auic. 3. partic. tract. 2. cap. 9. nominis rationem ostendunt; vel quia hoc in morbo multæ fiunt in collo veluti propagines quædam, vel quòd sues, quemadmodū scrophæ multos partus edunt fœminæ, quæ scrophæ dicuntur, eo solent vehementer tentari. Sed dubitari potest, si hic morbus est familiaris suibus, cur Arist. 8. de hist. animal. 21. tractans de morbis ipsorum nullam faciat mentionem de strumis? Respondeo, quia loquitur

eo in loco de illis morbis, qui interficiunt sues; hæc autem ægritudo non est exitialis, ob id præteritur ab illo; verum in eo loco est error Gazæ. nam vbi Arist. scribit sues laborare cancro, & grabra; atque grabram dicit esse capitis grauitatem, & alui profluuium, hic trãstulit grabram strumam, quemadmodum etiam fecit cap. 23. eiusdem libri. Verum toto cœlo aberrauit, distant enim hi morbi ab inuicem. Deceptum verò puto Theodorum errore Plinij lib. 8. cap. 61. qui & ipse forsitan malè intelligēs Arist. dixit sues laborare struma & angina. ceterum struma nihil est aliud, nisi tumor præter naturã durus, nascens potissimum circa collum, & ceruicem, maximè puerorum. Dixi tumorem præter naturam durum, quia Gal. lib. de differen. cap. 5. & lib. de tumoribus præter naturam eum ita appellat, quemadmodum etiã facit Auer. 7. collect. 33. quo in loco dicebat strumas, seu scrophulas esse apostemata dura in carne molli. Dixi etiam hoc ad differentiam glandularum induratarum, quæ prout diuersæ sunt à strumis in diuersis etiã locis tractatæ inueniuntur à medicis. Sed dicet aliquis, quomodo ergo auctor libri definitionum medicarũ scribit strumas esse carnẽ siccam, & solutu difficilem? Præterea cur est, quòd Aetius lib. 15. cap. 5. ex sententia Leonidæ medici definiens hunc morbum, dicebat esse carnes subalbas in folliculo contentas? Respondeo, nisi hi scriptores pro carne intellexerint materiam carni similem, aut, vt dicit Auic. 3. 4. tract. 2. cap. 9. cum carne suspensam,



magnopere decepti sunt; quandoquidem materia, ex qua fiunt strumæ, valde diuersa est, vt videbitur suo loco, à materia ex qua fit sanguis & caro. Immo verò idem Acrius loco citato inquit strumas interdum fieri ex carne, sed rarò, & ipsas glandulas interdum conuerti in strumas. Ex quo loco facile intelligi potest secundum ipsum longe diuersam esse materiam carnis à materia strumarum. Dixi in collo potissimum, quemadmodum & Celsus libr. 5. cap. 28. & Paullus libr. 4. cap. 33. & Gal. & Auic. locis citatis manifestissime dicunt, hoc morbi genus oriri potissimum in collo, seu ceruice; sed oriri etiam sub alis, & inguinibus, & in alijs locis. Immo verò idem Celsus ex sententia Megis chirurgi antiquissimi, cuius etiam meminit Gal. 6. Methodi 7. scribit strumas oriri quoque in mammis mulierum. Sed, vt dixi, licet in omnibus his locis oriantur, potissimum tamen, & maximè in collo. Quare ex his omnibus intelligi potest strumas morbum esse in magnitudine. nam teste Auicenna, & experientia, sæpe fit, vt ad immensam magnitudinem hi tumores excrescant. Lædit autem hic morbus actiones naturales, & animales, præsertim motricem: & lædit tum impedita facultate, tum etiam læsa ab intemperie frigida. Locus affectus, vt dixi, propriè est collum, atque hoc significatum habemus ab Hippocrate in lib. de glandulis, vbi strumam dicit esse potissimum colli morbum. Sed quia modò dicebam etiam alijs in locis fieri hos morbos, melius est dicere locum affectum.

fectum esse ipsos adenes in vniuersali; quod cum cognosceret & Paullus, Galenū imitatus 14. Methodi 11. dicebat strumas esse ἀδένες ἐσκληρωμένους, induratos; quod etiā dixit Gal. 1. de locis affectis 3. Caussa immediata, & materialis strumarū planè humor est: numquā enim fit hic morbus à statu; sed quis sit humor, à quo fiunt strumæ, nō est certum inter medicos. Hipp. lib. de glandulis, & lib. de affectionibus statuit causam materialem ipsarum esse fluxionem copiosam, glutinosam & lentam; quē sequutus Gal. 3. aphor. 36. dixit materiam strumarū esse pituitam frigidam; & nullo modo fieri ex materia calida. Ceterum Celsus loco citato scribit eas fieri ex materia subtus cutē concreta, commista ex pure & sanguine. quam sententiam videtur quoq; mutuatus Plutarchus 4. quæst. conuiuia. 2. vbi scribit strumas fieri à calore & humore sanguineo. Videtur ergo contradictio inter Hippocratem, Galenum, & Celsum. Gulielmus Placētinus chirurgus, Theodoricus, atq; ferè omnes barbari chirurgi videntur hanc sententiam habuisse, quòd strumæ fiant & ab humore pituitoso, & à melancholico. Verum hæc grauissimorum scriptorum dissensio videtur hoc pacto tolli posse, nempe ex natura ipsius rei perspecta. Diximus locum affectum esse glandulas, quæ cum sint veluti sedes excrementorum, non alia excrementa debent hos morbos efficere, nisi ea, quæ in ijs locis colliguntur. Iam verò si nutrimentum glandium spectemus, est sanguis pituitosus & frigidus. Si humores ad ipsos decum-

bentes, est materia pituitosa. Rationi ergo consentaneum videtur, excrementa, quæ colliguntur in his locis, non esse alia, quàm pituitosa. Hippocrates igitur & Galenus cum spectarent ipsius rei naturam, iure constituerunt fieri tantum hos morbos à pituita viscida & lenta. Ceterum Celsus cum respiceret materiam remotam, quæ sanguis est, eo quòd in sanguine continentur omnes humores, voluit ab ipso strumas fieri; quæ etiam quoniam sæpè in pus conuertuntur, non est mirum si puri sanguinem addidit. Alij verò chirurgi veluti indoctiores, & inelegantiores consueuerunt appellare quemlibet humorè crassum & terrestrem melancholiam, vt non sit mirum, si dixerint etiam fieri ex melancholia, quamquam minimè negandum videtur, quin etiam interdum ipsi pituitæ copulari possit humor melancholicus. Sed hic oritur pulcherrimum problema, cur fiat, quòd strumæ interdum folliculum habeant, interdum non? cui respondeo, primò sciendum esse folliculos nihil aliud esse, nisi vesiculas quasdam membranosas, in quibus varij humores solent reperiri, modò sebacei, modo gypsei, modò mellei, modò etiam alterius naturæ; membranæ verò hæ, vt habetur apud Hipp. in lib. de carnibus, fiunt ex parte sanguinis sicciore, & magis glutinosa, à frigido congelata. Scribit enim ipse eo in loco membranas omnes fieri à principio ortus, dum assata materia glutinosa à frigido congelatur. addit etiam ibidem, quòd si corpus hominis fecetur, sanguinem, qui fluit, calidum esse & liquidum



dum, vbi verò congelatur, obduci veluti quadam pellicula, quæ si detrahatur, aliam iterum nasci, & si hæc etiam auferatur, tertiã oriri; ita vt sit Hipp. sententia huiusmodi cuticulas membranosas fieri à frigido congelante partem humoris, seu sanguinis, glutinosam & frigidam. Igitur in strumis, vbi materia expers est viscositatis, & glutinis, licet concrescat, & congeletur, non tamen fit cutis hæc membranosa. Sed vbi in ea reperitur pars glutinosa, cū congelatur à frigore partis seu glandis, fit circum circa cutis, & consequenter vesica; in qua postea materia cōtenta pedetentim crassescit, scilicet parte subtiliore illius loci tempore absumpta. Inter causas strumarum antecedentes primùm adfertur ætas puerilis & iuuenilis; addere etiã possumus ætatē consistentiæ; quandoquidem, vt habet Hipp. in Coacis prænotionibus, à quadragesimo secundo anno ætatis, vsq; ad sexagesimum tertium neque strumæ, neque lapis renalis, neque destillationes dorsales, neque morbi renales gignuntur, nisi tamen antecedente ætate factæ sint, & deinde veluti continuentur. Temperatura etiam corporis frigida & humida, habitus laxus, & in quo collum breue sit; quandoquidē, teste Auicenna 3.4. tract. 2. cap. 9. qui habent collum ita constitutum, facilè recipiunt strumas, eo quia à capite in eas partes humores facilè labuntur, & lapsi tenaciter hærent. ceterum nō est prætereundum hoc in loco quod scribitur lib. 1. veterinarie medicinæ cap. 20. vbi Absirtus, & Hierocles tradiderunt iumenta ca-

strata non tentari hoc morbo, quod etiam in hominibus obseruatum est plerumq; cōtingere, vt scilicet qui carent testibus, hoc morbo non tententur. Causse porrò externæ complures sunt, in primis verò regiones frigida & humida, otium, potus aquarum crudarum & crassarum; vsus cafei, lentium, leguminum; & tandem omnium ciborum crassorum. Sed præ ceteris maximè confert ad generationem strumarum voracitas, propter quam & pueri & infantes maximè laborant hoc morbo. Immo verò scriptum est ab Auicenna, & Rase 13. continentis; non ob aliud hunc morbum maximè infestare sues, nisi propter voracitatem. Fiunt autem strumarum plurimæ differentia, quarum alia capiuntur à magnitudine, alia à materia, alia à cōstitutione, non autem ortu, vt interpretatur Cornarius, alia à loco, alia à copia, & vasorum complicatione. A magnitudine capiuntur, quia strumarum alia magna, alia parua, alia medicæ sunt. Rases enim in lib. de diuisionibus scribit eas interdū inchoare, à magnitudine ciceris, & euadere vt melones. A natura differentia sumuntur, quia alia benigna, alia maligna sunt; benigna quidem sine dolore, sine inflammatione, cum moderata duritie, media scilicet inter scirrhus, & steatomata. Maligna verò cum dolore, cum inflammatione, & duritie insigni. A constitutione captæ differentia sunt, quia alia struma eleuata sunt, & huc atque illuc mouentur; alia verò sunt veluti inserta, & penè immobiles. A loco capiuntur differentia, quandoquidem

quidem aliæ sunt in parte anteriore colli, aliæ in posteriore; veluti sunt cutaneæ quædã atq; profundæ, & circa nobilia & insignia vasa positæ. Acopia deniq;, quia vt Auicēnas dixit, quandoq; cumulantur in aceruum, quandoq; non; vt à vasorum etiam complicatione differāt; quia interdum complicatæ sunt magnis venis & arterijs, interdū verò minimè. Signa quibus strumæ cognoscuntur, alia sumuntur à visu, quoniam circa collum, vel circa inguina, vel alas apparent tumores modò rotundiores, modò oblōgi; modò eiusdem coloris cū superficie, modò rubicundiores; præterea duri, plerumq; sine dolore. Tactu autē sumuntur signa, quia si tractentur, duriores sunt, neq; faciliè huc atq; illuc mouentur. Dicebam superius magnam similitudinem intercedere inter strumas, & glandulas induratas; danda est ergo opera, vt possit cognosci quãdo sint glandulæ induratae, & quando strumæ; similes enim sunt & loco & materia. loco quidem, quia etiam strumæ fiunt in glandulis illis; materia verò, quia ex iisdē humoribus generantur. differunt tamē inter se; & primo, quia materia glandularū subtilior est & tenuior; strumarum verò crassior & viscidior, & magis contumax & hinc est, quòd quotiescūq; materia tenuis & subtilis increassatur, fiūt ex glandulis strumæ. id quod intelligere voluit Galen. i. de locis affectis 3. quando dixit glandulas interdū transire in strumas; quam sententiam etiam mutuatū sunt Aeginera, & Auicennas. Secundo, quia glandulæ induratae magis separatæ sunt à carne



vicina, ita vt liceat faciliter cognoscere ipsam tactu à glandulis; strumæ verò ita propagantur in carnem vicinam, vt per arduum sit dignoscere ipsam à glandibus. Tertio, differunt inter se, quoniam hæc semper, aut plerumq; folliculum habet, illæ sunt semper folliculi expertes. Rogerius Chirurgus modum quendam proposuit ad distinguendas glandulas à strumis, & est, vt capiantur folia hederæ, atque citri, & simul pistata superponantur tumori; quòd si spacio trium dierum delitescat tumor, signum est glandulas esse, non strumas; sed si medicamento exacerbatur, ita vt rubeat & doleat, signum est non glandulas, sed strumas esse. Celsus scribit strumas & ægros & medicum maximè defatigare, quia quocumq; modo tractentur, exasperantur, & si curari videantur, tunc iterum reuertuntur. Non ergo est dubitandum morbum hunc difficillimum esse. nam strumæ infantium, & puerorum, vt dicit Auicennas, sunt faciliores curatu, atq; etiam tractabiliore; iuuenum verò multo perniciosiores, & lethaliore, quia sæpe in caneros & alia vlcera pessima mutantur. Paruæ strumæ superficiariæ & benignæ sunt magis salutare, faciliusq; curantur. ex aduerso magnæ, profundæ, malignæ, exitiales sunt, immo penè irremediabiles habentur. Apud Aetium inuenio vnum, quod magnam mihi difficultatem adfert, dum inquit loco citato, strumas quæ sunt in collo, facilius curari, quàm reliquas. quæ sententia mihi sanè placere numquam potuit. Primò, quia nemo est, qui ignoret huiusmodi strumas difficillimè

cillimè suppurari, & si suppurentur, quandoq; tamen frequenter redire; vt taceam turpitudinem illam, quam videmus relinqui ab hoc morbi genere. Secundò, est sententia ferè omnium Chirurgorum huiusmodi strumas difficillimas esse, & propterea neque medicamento acuto, neque ferro, vllò modo tractandas, eo quòd corrosio irremediabilis sæpe contingere soleat. Immo verò lib. 1. medicinæ veterinæ habetur etiam strumas in iumentis in collo non esse neq; ferro, neq; igne tractandas. Tertiò, quis non videt inguina, & alas locos esse multo ignobiliore, nec vasis insignibus scatere? Ex aduerso in collo sunt venæ iugulares, & carotidæ, propter quas sæpe fit, vt etiam dicit Gal. 1. de locis affectis, vt ex imperita curatione chirurgorum, denudatis arterijs, venis, & neruis vox ipsa amittatur. Quid ergo dicendum est ad sententiam Aetij? sanè non fallitur ipse, sed decipit nos interpret Cornarius, quãdo quidem in textu græco manu scripto què ego habeo, nequaquam hoc reperitur; quòd scilicet strumæ in collo facilius curètur. Immo verò plura sunt in eo capite errata eiusdem Cornarij, quæ non æquum est latere. nam græcus codex habet particulam imminere, si vel incidantur, vel auferantur strumæ in collo, ne denudentur nerui reursorij, atque ex illa denudatione vox vitietur, quæ, vt dicebam, fuit sententia Gal. 1. de locis affectis cap. 6. Verumtamen in textu Cornarij latino longè diuersa sentètia reperitur. Obseruandū postremò illud etiã est, quòd strumæ etiam si

exactissimè curentur, iterum atq; iterum reuertuntur, mirum enim est de hoc morbo. Fuerunt aliqui ex istis bonis chirurgis, qui existimarunt huiusmodi reditum attribuendum esse lunę motui, quia vt videmus reliquos humores in plenilunio augeri & exacerbari, sic etiam par esse dicunt ob lunares motus strumas quę sunt soboles humorum augeri debere. Neq; inficior id aliquando posse fieri: verum vt hoc semper fiat, absolum est, quia interdum videntur redire strumę post annum, post mensem, post biennium, vt non videatur hoc adscribendum motui lunę. puto ergo huius euentus duas esse causas: prima est materia, ex qua efficiuntur, crassities & visciditas & contumacia: quia etsi omni diligentia & studio nitamur euellere radices & extirpare materiam strumarum, tamen tanta est sua cõtumacia, crassities & visciditas, vt plerumq; aliqua portio materiae relinquatur; quę cum sit veluti fomes quidam, non solum contaminat partis temperiē, sed etiam nutrimentum accedens partibus commaculat & corrumpit, ita vt copiosum fomentum suggeratur huic malo. Hoc enim est, perinde ac illud quod memorię prodidit Gal. 3. prognosticorum 37. vbi reddēs rationem reditus febrium, dicebat, in ipsis saepe relinqui cineres quosdā, qui super calefacti corrumpunt proximos humores & inflammant; atq; ita febres fiunt. Secundò est folliculus, qui tenaciter infixus est, ita vt vix possit euelli; vnde relictus hic cum repleatur iterum materia, seu humore prauo, præbet occasionem



nouæ generationi strumarum. Immo licet indu-  
 stria artificis hic euellatur folliculus, semper ta-  
 men remanent radices veluti ligamenta, ex qui-  
 bus is denuo pullulat, & consequenter malum. Nã  
 si, quemadmodũ dicit Hippocrates, pellicula illa  
 sanguine cõgelato obducta sæpe renascitur, etiã si  
 auferatur: quãto magis potest renasci folliculus,  
 si aliqua radix, aut aliquis eius surculus remaneat.  
 Curatio strumarum valde necessaria est propter  
 turpitudinem fugiendam. tum magis propter per-  
 niciem quæ hunc morbum sequi solet. Est autem  
 in eo potissimum posita, vt materia quæ fluxa est,  
 radicitus euellatur, & quæ est in fluxu, coercea-  
 tur ne fluat. Circa materiã fluxam diligentissimè  
 cogitandum est, vtrum sit sola pituitosa, an etiam  
 calida. Si misceatur materia calida, suppuratione  
 tentandam esse confirmant omnes; sin autẽ tan-  
 tum pituitosa sit, rursus cogitandũ est, num ea sit  
 maximè crassa, an mediocriter. Si maximè crassa  
 & viscida sit, non alia ratione sperari potest cura-  
 tio, nisi putrefactione, ferro, & igne. Sed si me-  
 diocriter crassa fuerit, curatio in hoc posita est, vt  
 emolliatur materia, dissoluatur & dissipetur. Hos  
 omnes scopos cùm spectaret Auex. 7. collect. 31.  
 dicebat scrophulas si fiãt ex materia subtiliore &  
 tenuiore, curandas esse medicamētis emolliētibus,  
 atq; incidētibus, & dissolutiuis. Sed si fiãt à cras-  
 siore & duriore, curandas esse medicamētis pur-  
 gantibus, atq; etiã ferro & igne tractãdas; sed hoc  
 nequaquã agi debere, nisi cū timore, & pruden-  
 tia. Hæc ergo est summa scoporũ, quos ante ocu-

los habere debemus in curandis strumis; qui vt  
 perficiantur, ante omnia instituat<sup>r</sup> recta victus  
 ratio. aer sit siccus, & calidus, potius quàm frigi-  
 dus; & qui attenuare, & euacuare sua facultate  
 possit: vitetur aer crassus, & humidus. Somnus  
 parcissimus sit, neque dormiat supra fauces & fa-  
 ciem, vbi strumæ sunt in collo. exerceatur mode-  
 ratè corpus; vitandæ sunt omnes exercitationes,  
 quæ fiunt capite inclinato. Sic omnes frictiones  
 partium superiorum, præsertim colli sunt perni-  
 ciosæ; frictiones, seu pectinationes circa collum;  
 gestationes ponderum supra caput. Et tandem  
 omnes hi labores vitari debent, qui & collum of-  
 fendere, & materiam ad eam partem præcipitare  
 possunt. Omnes animi perturbationes malæ sunt,  
 præter iram, quæ si moderata sit, cùm calefaciat  
 caput, ad dissipandam materiam cõferre potest;  
 alius mollis seruari debet, aut clysteribus liqua-  
 ri; vina generosa, crassa, & turbida fugienda sunt,  
 parcissimè autem est vinum bibendum, atque id  
 aquosissimum, ac purissimum. Cibi, vt dicit Aui-  
 cennas, omnes attenuatorij & exsiccatorij esse  
 debent. quare panis ex furfure, ex spelta commo-  
 dus est, modicè salitus, vel aniso aut coriandro  
 conditus. Carnes pullorum & auium omnium  
 montanarum; atq; illæ potius assæ, quàm elixæ.  
 pisces saxatiles, pisciculi parui saliti, cappares, pi-  
 staceæ, passulæ. Inter herbas satireia, mentha,  
 pulegium, maiorana. Sunt inter practicantes, qui  
 etiam commédant aromata; Ego autem sum al-  
 terius sententiæ, nam si Hippocrates in mulieri-  
 bus

bus timebat aromata, quia caput tentant; multo magis timenda sunt in puetis, quorum capita facile replentur. quare & illa vitari debent, & cibi omnes crassiores visceri, frigidi; vt carnes animalium magnorum, bubula omnia, lac, caseus, oua frisa, dura; castanæ, legumina omnia: ab his enim cum sint crassi succi, rationi consonum est augeri & foueri strumas. & hæc est ratio, propter quam pueri pauperum magis tentantur illis, quam diuitum; quia ijs cibis victitant qui maximè ad generationem illarum conferunt. quod etiam contingit in illis regionibus, vbi habitatores hoc cibi genere vescuntur. Victu instituto, conuertendum est studium omne ad materiam ipsam & impediendam & euacuandam; & quia materiam fomentum præstat corporis impuritas; ideo ante omnia corpus est purgandum; siquidem, vt iure dicit Auicennas, radix totius curationis est corporis purgatio. Et quia pueros tractamus, erit ipsis aluus hoc modo lenienda. Recipe mellis rosati solutiui vnc. 3. decoc. fruct. cum vnc. 1. foliorum senæ vnc. 2. s. misce. Vt autem præparentur humores, hoc medicamento agendum est. Recipe foliorum scrophulariæ, plantaginis siccæ, betonicæ, menthæ an. m. s. fiat decoctio secundum artem. deinde Recipe dictæ decoctionis vnc. 3. Syrupi rosati recentis oxymellis simplicis an. vnc. s. misce. præparati humores hoc medicamento purgabuntur. Recipe agarici trochiscati drach. 2. squinanti gr. 2. infundatur in aqua betonicæ, deinde facta expressione adde mellis rosati solutiui vnc. 2. electuarij



de psyllio vnc. i. decoctionis cordialis cum vnc. i. polypodij vnc. 2. misce. Aduertendum circa puerorum purgationē, cūm atas puerilis sit satis infirma, eam omnino blandissimis medicamentis esse tractandam, & potius iterum atq; iterum repetendas cōsulo purgationes leues, quā̄m vt grauia medicamenta exhibeantur: sic enim ego curauī nobilissimū puerum à strumis, ideo qui laudant pillulas fœtidas de euphorbio, & huiusmodi medicamenta, in pueris non sunt audenda; in adultioribus quidem fateor tolerari posse. De sectione venæ neq; atas, neque morbus patitur vt loquamur, nisi tamen strumę non simplices sint, sed cū materia calida; & nisi æger adultus sit; quibus in casibus interpretāda est Auicennę sententia, quādo in curatione strumarum laudat sectionem venæ; non damno tamen vsū cucurbitularum, quas licet Rases 13. continentis scribat exasperare malum, & efficere vt reuertatur, eius tamen sententia, vt ego puto, intelligenda est de cucurbitulis, quę applicantur ceruici, aut partibus ceruici proximis; non autem de ijs, quę partibus longinquis adhibentur, cuiusmodi ego laudo. De vomitu diuersas inuenio sentētiās. Aetius, quem sequutus est Auicennas, laudat frequentē vomitum; sunt alij, qui ex toto eum damnāt. Inuenio nonnullos, qui media via incedentes, dicūt illum ante purgationem non conuenire, sed tantum post purgationem. Ego autē in hac sum sententia, nullo pacto in strumis tentandū esse vomitum; & adducor in hanc sententiam hac ratione,

ne,

ac, quia etsi materia antecedit aliquo pacto vomitu minuatur. impacta tamen materia tantum abest vt auferatur, vt potius magis exacerbetur; præterea certū est vomitu maximè caput repleri. nam si videantur vomētes, ijs venæ iugulares extuberant, tumet & calefcit totum caput, vt nō sit dubitandum ex vomitu caput magnopere repleri. quod cū intelligeret Hipp. in lib. de locis in homine magnopere damnauit vomitum in affectibus aurium & oculorū. Vt qua ratione non conuenit is in affectibus aurium, nō etiam conueniat in affectibus eorum locorū, qui sunt proximi auribus. Peracta corporis purgatione, pergendum est in materia, quæ fluit, cohibenda. Pro cuius cohibitione cōueniunt frictiones, cucurbitulæ, vesicatoria capiti adhibita; & ego, vbi aduerto in pueris tumores fieri circa collum, nullum remediū magis præsentaneum inuenio, quàm capitis cutem exulcerare; hæc enim est diuersio accommodatissima, & deriuatio, & euacuatio; sed aduertendū est, ne in pueris cantharidibus exulcerentur capita, quia, vt ego sapissime obseruauī, causant in hac ætate & magnos cruciatus & sanguineos mictus; melius est aut̃ hoc facere vel sinapi, vel vrtica, vel flammula louis cū moderat̃a tamē semp̃ & prudēt̃a. Est hoc in loco dubitatio, vtrū in cohibenda materia quæ fluit, vtile sit adhibere medicamēta adstringēt̃a, & repellēt̃a; & est dubitatio nec visā nec animaduersā ab vllis qui scripserūt. Gal. 2. ad Glauconē in calce alloquēs ipsum Glauconem, ait: se ipsi aduersus strumas medica-

menta dedisse adstringentia, & vt interpretatur Martinus Acakias repellētia. Ex quo loco quisq; colligere potest adstringentium, & repellētium vsum cōuenire posse in strumis. nec alia ratione, nisi inchoantibus ipsis, præterea apud Rasem lib. de apostematibus habetur ex sententia Alexandri plantaginem maximè conuenire in strumarū curatione. iam verò plantago est medicamentum, quod adstringit & repellit. quapropter videtur vsus horum medicamentorum conuenire in strumis curandis. Ex altera parte sunt & rationes, & auctoritates; rationes, quia siue materiam spectemus, siue locos patientes, multum abest, vt adstringentibus & repellentibus vumquam vti debeamus; materia enim frigida, crassa, & impacta est; iccirco nequaquã repelli potest. loci etiã ratione non conueniunt, quia si videamus materiam esse subtiliorē & calidam, cū sit locus glandularum atq; proximus ipsi cerebro, numquam materia ex his locis repellenda est, ne scilicet ex loco ignobiliori impellatur in cerebrum. quod cū cognosceret Gal. 3. de localibus medicamentis 2. dicit in parotidibus numquam esse vtendū medicamentis repellentibus. præterea auctoritate etiam hac cōfirmatur, Gal. enim 14. Methodi 11. explicatissimè docet strumis non aliam curationem deberi, nisi eam, quæ debetur scirrho, & tumoribus induratis; quomodo autem scirrhi, & partes omnes induratae sint curandae, docet Gal. in eodem lib. paullo supra ante; Vbi tantum emolliētibus & dissoluentibus agendū esse monet



net & hanc sanè viam sequuti sunt omnes medici, vt solùm in strumis adhibeant medicamenta emollientia, & dissoluentia. Immo ait Aetius inchoantes strumas in pueris esse molliendas, dissoluendas & discutiendas; vt nullus locus relinquatur etiam illis, qui putant in initio ipsarũ posse conuenire vsus medicamentorũ adstringentium. Grauißima videtur hæc contradictio, & eo magis quòd à nemine ipsam animaduersam video. Sed qui Galenum vident propria lingua loquentem; facile scrupulum hũc fugere possunt; nam interpretes omnes hoc in loco fefellerunt. Vocem enim, qua vtitur, *πείσει* *περίσει* pessimè transtulerunt adstringere, quia hoc potius significat compescere, seu imminuere, aut complanare: vt sententia Galeni sit eo in loco, se medicamenta tradidisse, quæ compescant, & complanent ipsas strumas, & hoc verum esse facilè ex eo colligi potest, quia eodem in libro cap. 4. vtitur eadem voce, & interpret eo in loco optimè transtulit. nõ est ergo existimandum oculatissimum Galenum in re adeo manifesta fallere potuisse, vt adstringentia adhibuerit in strumis. Sed quid ad Rasem dicemus? Dico plantaginem posse adhiberi vel viridem, vel siccam. In viridi vis absterforia penè tota obscurata est ab humiditate, in sicca verò magna est. quod cũ doceret nos Gal. 6. de simpl. medic. cap. de arnoglossa, dicit folia & radices plátaginis exsiccata valere ad obstructiones iecoris, & renum aperiendas. itaque quando laudat plantaginem Rasés, laudat siccam, quia

hæc abstergit, discutit, & dissoluit. Pro debellanda materia, quæ iam fluxa est, & tenaciter hæret, cogitandum est vtrum ea sit viscida, & crassa & vtrum mediocriter, an insigniter. Si enim sit mediocriter viscida & crassa, scopus præcipuus hic esse debet, vt dissoluatur, & dissipetur. quod perfici potest tum internis, tum externis remedijs. Inter interna magnopere confert semen lentisci in puluerem redactum, ac vino albo subtili acceptum; hic etiam puluis accommodatissimus est. Recipe radicem pentaphylli, philipendulæ, agrimonix an. vnc. i. euphorbij drach. i. misce. dosis est huius medicamenti vnc. i. & sumitur cum vino subtili albo. Sed hoc aduertendum est in pueris minui posse dosim euphorbij, atq; etiã totius compositionis. Scribit Celsus experimentũ fuisse rusticorum, quòd si quis edat anguem, à strumis liberari. Acrius enim inter cetera hoc etiam celeberrimè laudat, si quis viperam comedat. & ego sequutus auctoritatem hanc scriptorum soleo feliciter vti trochiscis viperinis. atque etiam ipsa theriaca. hæc remedia intus sumuntur pro expurganda materia, quæ iam fluxa est. In vsu remedium extrinsecorum hic præcipuè habendus est scopus, vt materia, quæ dura est, emolliatur. Deinde accommodatis præsijs emollita dissoluitur & dissipetur. Pro emollienda conuenit diachylon cum gummis appellatum, æsopus & simplex, & cum oleo amygdalarum dulcium, radix iridis. Est etiam hoc vnguentum accommodatissimum. Recipe diachylonis vnc. 4. æsopi vnc. i. radicem

llicum iridis subtiliter puluerizatarum vnc. 4. mi-  
 ſce & cum modico ol. amygd. fiat vnguentū, quo  
 vi poterimus pluribus diebus, donec viſum fue-  
 rit materiā emollitam eſſe; tū dimiſſa emollitio-  
 ne tentanda eſt diſſolutio remedijſ accommoda-  
 tiſ; inter quæ ſunt tres gradus. quoniā alia ſunt mi-  
 tia, alia vehemētia, alia vehementiſſima. mite re-  
 mediū eſt ficus arida piſtata, & ſuperpoſita ſtru-  
 miſ; ſic etiā emplaſtrum factū ex melle, & oleo  
 antiquo radix cucumeris ſilueſtris cocta, & cum  
 oleo antiquo ad formā emplaſtri redacta efficax  
 eſt. Immo verò experientia compertū eſt oleum  
 cucumeris aſinini, ſi auri inſtilletur, qua parte eſt  
 ſtruma, maximè valere ad eam diſcutiendam, vel  
 diſſoluendā. Sic ſtercus vaccinum cū melle; mel  
 & ammoniacū, vt docet Oribasius; lens cocta in  
 aceto magnopere cōmendatur à Dioſcoride. Sed  
 dū Romæ ego medicinā facerem, ſcio quendam  
 Germanum medicū feliciter curaſſe ſtrumas hoc  
 ſolo medicamēto. groſſuli, id eſt fructus caprifici,  
 etiā ad hoc valēt. cinis oſtrearū vnā cū melle mi-  
 rificè facit ad diſſipādas ſtrumas. Laudat Galenus  
 adiantū, verū hoc tenuiſſimū eſt. valētius me-  
 dicamentū eſt illud, quod proponitur ab eodē. 3.  
 de localibus medicamentis 2. & cōponitur ex fa-  
 rina lupinorū in melle cocta cū modico calciſ vi-  
 uæ. cinis caulium melle cōfarctus maximè etiam  
 facit ad diſſipandas ſtrumas. fimus columbinus;  
 caprinus, ſi melli commiſceantur, ad idem quoq;  
 valent. hoc etiā mirificè conducere ſolet. Recipē  
 ſtaphiſagria, nitri an. vnc. 2. erucæ vnc. 4. cum re-



fina quantũ sufficit, fiat emplastrum. puluis ser-  
 pentis cuiuslibet vsti cum aceto etiam existima-  
 tur conferre. Valentissimum omnium est, quod  
 fit ex calce, & nitro pari pondere vna cum adipe  
 porcino. Sed aduertendum in tractandis pueris  
 maxima prudentia opus esse. Primò, vt semper  
 mitiora adhibeantur. Secundò, vt valentissima  
 medicamenta fugiantur, quia periculum est, ne  
 & febres accendantur, & carnes ipsorum tene-  
 riores valde lædantur. Si materia sit valde viscida  
 & contumax, dictum est nullam aliam spem esse  
 nisi in igne, & ferro, & putrefactione. scribit  
 Auic. & iure; strumas magnas neque ferro neq;  
 vllò graui medicamento esse tractandas. Et hoc  
 est perpetuum, vt quotiescumq; strumæ vel col-  
 li, vel mammarum, vel inguinum his remedijs  
 tractantur, semper in caneros exitialissimos con-  
 uertantur. Illud etiam aduertendum est, quod  
 idem monet, non esse neque ferro, neque igne  
 strumas tractandas, quæ sunt prope arterias, aut  
 neruos præcipuos. Addo ego in pueris omnino  
 fugiendum esse hoc genus medicamenti, & præ-  
 fertim circa collum. nã vt præclarè monuit Gal. i.  
 de locis affectis 6. & hunc sequutus Aetius, sæpe  
 cõtingit, vt dum ferro, aut igne tractantur stru-  
 mæ colli, nerui illi reuersiui aut tangantur, aut  
 denudentur, aut aliquo alio pacto tendãtur; vn-  
 de fit, vt ex toto vox aboleatur, aut vitietur. Vbi  
 sectio est facienda, ferè omnes chirurgi docent  
 modum, sed fusissimè, & explicatissimè Aetius;  
 Quare cum sit opus hoc chirurgicum, de eo ni-  
 hil

hilitractabo. Id tantum addendum, vbi cumque ferro excindendæ sunt strumæ, semper satagendum esse vt folliculus euellatur, quia nisi eius radices fuerint euulsæ, facile malū reuertitur; multo verò tutior est ea medicatio, quæ fit medicamentis putrefacientibus, nam caustica, & putrefacientia adhibentur vsq; quo fiat penetratio ad locum materiæ, quæ postmodum paulatim educitur, & vbieducta est, atq; ex toto consumptus folliculus, ad cicatricem perducitur. pro qua re laudat Auicennas vnguentum Christianorū, seu Apostolorum. Sunt & quædã, quæ à proprietate existimantur strumas curare; & inter cetera est mira illa facultas regū Gallorum, est enim apud omnes quasi compertum ipsos hac facultate esse donatos diuinitus, vt si signo crucis tangant strumas, ipsas curent, quod vtrum verum sit ignoro. Deus benedictus potest hoc, & plura facere.

*De scissuris, seu fissuris labiorum in pueris.*

*Cap. VI.*

**S**olent pueri præter strumas sustinere etiam quosdã alios morbos externos, & inter alios, quosdam scissuras labiorum patiuntur, quæ non solum dolorem faciunt & cruciatus, sed etiã impediunt quo minus lac sugere possint, atque græcè appellantur *παράδες*, vel *παράδια τῶν χιλιῶν*. nostri vocant scissuras labiorum: Albucasis pilos, seu fitulas, vt etiam vulgus muliercularum appellare consuevit. & est hic morbus nihil aliud, quàm diuisiones quædam labiorum cū pustulis, aliquan-

do etiam sine pustulis. quo fit vt communis sit & similaribus, & instrumentarijs partibus, quia est solutio cōtinui. Actiones lesæ ab hoc morbo sunt plures, sed potissimum tactoria propter dolorē, & actio sugendi lac. nam Gal. 10. de vsu partiū dicit; quòd natura in construendis labijs spectauit quidem & decorem, & pulchritudinē, sed simul etiam vsus, & actiones, quemadmodum in reliquis partibus constituendis fecisse eam certū est. dubitatur autem quomodo fiat, vt labia affecta vitient ipsam suctionem. nam Aristot. secūdo de partibus animalium 16. docens vsus & commoditates labiorū, scribit in brutis ea facta esse propter oris & dentium tutelam: in homine verò & propter hoc, & propter sermonem. eosdem vsus refert Auicēn. 8. 3. cap. 81. Aristotelem securus, de labiorum suctione nihil dicens. quare auctoritate horum virorū non videntur labia affecta posse incommodare, sed tantū suctionem fieri opera linguæ. In hac difficultate dicēdum est, Aristotelem in tradēdis vsibus labiorum mancū fuisse, eo quòd inter alios vsus habeat etiā hunc, vt neq; edere, neq; etiam commodè bibere animalia sine ipsis possint. Id testatur etiā Gal. 4. de administr. anat. 1. & Celsus lib. 7. cap. 9. vnde Auer. in com. illius loci Arist. videns ipsum mancū fuisse, addit labia inter ceteros vsus hunc habere, vt actionem potandi sigillent. Hipp. etiam, & Gal. 1. de articulis, textu 25. & 26. adferentes rationē, propter quam Homerus dixit boues hieme emaciari, inter alias hanc referunt, quòd cū animalia  
corni-



cornigera careant altero ordine dentium, atque crassa labia habeant, non possunt hieme humiles herbas rodere, & depascere, quod faciunt oues, propter labiorum tenuitatem. Ex quo loco colligendum Arist. defecisse, & à nobis rectè dictum esse scissuram labiorum impedire actionē sugendi. Fiunt autem à multis causis; quarum aliæ immediatæ sunt, aliæ mediatæ. immediatæ sunt, intemperies calida & sicca, & frigida & sicca. Sunt etiam intemperies cū humoribus coniunctæ; & præter has etiam humores acres, falsi, biliosi; nec non vapores tum acres, tum mordaces. Loca autè, à quibus ad labia pertrahuntur humores & vapores, sunt in primis totum corpus, vt in febribus caput, stomachus, iecur, pulmo, & vt vno verbo dicam, omnia penè viscera corporis. Sed video multos efflagitare, quæ sit causa, cur in pueris potissimè & vapores & humores in labijs ita firmentur, vt eas scissuras & vlcera faciant. Sunt profecto huiusmodi causæ plures, in primis motus cutis, quæ frequenter mouetur; vnde fit, vt à corpore ad os & humores & vapores trahat. altera causa est, quia labia sunt ventriculo & partibus spiritalibus superposita, & ipsi capiti supposita; quo fit vt sine labore multo & vapores & humores in hanc partem ruant. postrema est, mollities huius partis; siquidè mollities partes omnes præparat ad recipiendum facillè; vnde fit, vt ob teneritudinē labiorum puerorū facillè recipiantur & vapores, & humores irruentes, propter has causas fit, vt elephantiasis laborantibus labia semper crassissima fiant,

vt est apud Gal. 1. de sympt. causis 7. Scribit Aristot. 2. problem. 6. & 7. metuentibus omnibus & iratis, præsertim pueris, pendere & tremere labium inferius, propterea quod huiusmodi pars mobilis est, minimè sanguinea, & ob hoc refrigerata: quo fit, vt cum destituta sit à calore sustentante pòdera, facìle tremat. Externæ causæ mediæ sunt potissimùm frigiditas & siccitas aeris. dico potissimùm esse frigiditatem, & siccitatem; quia tametsi à calore quoq; aeris exsiccantur labia, ita vt possint exulcerari, non tamen adeo facìle & frequenter, vt à frigiditate & siccitate; ratio est, quia calor scindit còsumendo humidum; frigus verò comprimendo, & repellendo: iam multo facilius est humidum repellere & exprimere, quàm ipsum annihilare & consumere; & hoc multo difficilius est in partibus mollibus, ad quas còtinuo manant humores, vt sunt labia. iure ergo dictum est potissimùm fieri hoc malum in pueris à frigido sicco aere. His causis adnumeratur vsus rerum calidarū, vt caparum, alliorum, sinapis; præsertim vsus lactis ficuum. Sic quoque recenseri possunt quædam venena, à quibus labia scinduntur, vt dicit Nicander in Alexipharmacis de cantharidibus, de toxico, & ephemero colchico. Signa manifesta sunt. nã ad sunt vlcuscula, & aperturæ in labijs, adest dolor, & pruritus, & ploratus puerorum; atque sic cognoscere facile est causas externas. Si fiat à vaporibus, vel inflammationes adsunt, vel febres magnæ; si ab humoribus, adsunt destillationes, vlcera manant succo

saeco aliquo, vt etiam intemperies cognoscatur suis proprijs signis. Ceterum hoc malum non fit exitiale, nisi incuria aut medici, aut aliorum fiant inde vlcera serpentina & praua. ea autē, quæ fiunt in febribus, aut post, non modò praua non sunt; immò salutis signa esse solent, vt habetur in canon. Auicennæ. Curatio verò in duobus posita est, in instauratione humidi cōtinuatiui, & in agglutinatione, seu vnione partium diuisarum. Sed quia neque humidum continuatiuum restaurari potest, neq; partes vniri, nisi prouideatur ne materia noua ad eas partes fluat, videtur esse maxime necessariū, vt corpus purum reddatur; & pro hoc scopo adimplendo, si puer lactens sit, optimum est, nisi cutis capitis aperta sit, aliqua ratione blandè aperire cum vitice, vel sinapi, deinde superponendo maluam. nam vt docet Hipp. lib. de sacro morbo, quoties in pueris capita manant aliquo humore ex vlcere, semper retrahitur fluxus ab alijs partibus, quæ consequenter incolumes remanēt. Si pueri sint adultiores, erūt blandissimè purgandi. nam purgatio confluxum humorum cohibere potest. modus autem purgandi eos sæpius traditus est, vt non sit repetendus. sic si sanguis exuberet, vtile erit per cucurbitulas spatulis & dorso affixas humores ad labia fluentes reuocare. Pro humido cōtinuatiuo restituendo, & vniendis partibus ferè interna remedia parum profunt; sola victus ratio est, quæ humorem illum reficit, propterea nutrice, vel ipsis pueris prescribatur victus talis, ex quo boni succi, & nul-



la excrementa gignantur. Externa remedia erūt primò, quæ sint prædita aliquo lentore, merito cuius possint parti adhærere. Secūdò modica adstrictione, & exsiccatione sine vlla asperitate, teste Auicēna. quare in causâ calida cōueniet oleū rosatum omphacinū, tragaganthum, succus gallæ, granatorū, adeps gallinæ antiquus, butyrum, medulla vitulina, vt exempli gratia: Recipe adipis gallinæ antiqui vnc. i. olei rosati omphacini vnc. s. succi granatorum vnc. 3. carnis pomi acidi vnc. v. misce, fiat linimentum, quo inungantur dormituri, seu cubitum euntes. In causâ frigida conueniunt mel rosatum, tragaganthum, gummi arab. mastix, thus, myrrha; quæ omnia possunt misceri vel cum succo granatorū, aut rosarum, vel Recipe tragagan. vnc. 3. Masticis vnc. 2. Myrrhæ vnc. i. cum succo gran. quantum sufficit, fiat molle linimentum. Accidit verò sæpe in pueris, & alijs corporibus tenerioribus, vt hæc blandiora nihil profint, accedendum ergo ad ea, quæ magis siccant, sed tamen in illis cauendum est à valde siccantibus. Laudat Aegineta terebintinam cum melle, & adipe anserino æquali portione mistam; quæ compositio est probata à Galeno lib. de remedijs facile parabilibus, propositis non conferentibus, addantur paullo magis siccantia, vt cerussæ lotæ vnc. s. vel lithargyri plus minusve, prout res postulare videbitur. Si dolor, vt fit, maximè infestet, poterit vnum, atq; alterum granū opij modico lactis mulieris misceri, & illiniri, nec hic timeatur vsus opij, quia extrinsecus tantum adhibetur.

betur. Celsus lib.7.cap.9. & 10. scribit, si cetera non proficiant, & malum serpere videatur, deueniendum esse ad ignē, quod laudo propter Hippocratem, qui dicit, quæ medicamentis sanari nō possunt, ferro & igne, &c. nam videmus in actu practico pueros vix natos saepe igne curari. Rasēs lib. de decoct. proponit quoddam remedium ad scissuras labiorum, tamquam mirabile, sed potius deridendum. Scribit enim, si bombyx acceptus mergatur in oleo. & puero dormienti super vmbilicum ponatur, mirabiliter curare scissuras; ceterum causam non intelligo.

*De Tumore Vmbilici. Cap. VII.*

**I**Nter morbos pueriles, qui sensibus apparent, est tumor, qui solet vmbilicum obsidere, qui duplex est, alter cū inflammatione, alter sine inflammatione. Qui cum inflammatione est, nihil aliud est nisi magnitudo aucta, seu tumor durus calidus cū dolore & pulsu. Et vt intelligatur natura & generatio huius mali, sciendum est omnia animalia dū in vtero sunt, nutriri non ore, vt quidam malè putarūt, quos redarguit Gal. lib. de fœtus formatione, sed per vmbilicum; & ob hoc naturam alligasse fœtū vteri venis, vt per illas tamquam per canales duceretur alimentū ad ipsum; hæc quidē vasa omnia animalia habent, sed iure differūt ab homine. primò, quòd bruta secundū Arist. 10. problem. 48. in hanc lucē oriuntur perfecta, quod cognoscitur, quia statim ambulant, & sua sponte sese gubernāt. Secundò, quia dū adhuc in vtero sunt, vasa, quib. alligātur vtero, spōte rū-

pantur, & exilia euadant; ita vt postmodum orta  
 umbilicum paruum, & minimè morbosum ha-  
 beant: secus autem est in homine, qui cū ab utero  
 imperfectus exeat, quippe qui neque ambulet,  
 neque seipsum gubernare possit, necessario fit, vt  
 in exitu vasa illa penè adhuc integra rumpantur;  
 per quam fractionem fit, vt magna cura, & dili-  
 gentia opus sit in abscindendo, & concinnando  
 umbilico. ob quā rem cū adhuc sanguinolentus  
 penè ille sit, fit vt facilè inflammationem, &  
 tumorem incurrat; vt non immeritò tumor hic  
 inflāmatorius morbus infantilis dici debeat. Al-  
 ter autem tumor, qui occupare solet umbilicum,  
 est sine inflammatione, absque duritie, & pulsu.  
 Et vt in priore triplex est genus morbi, intempe-  
 ries scilicet aucta, magnitudo, & solutio cōtinui,  
 sic in hoc nullus penè morbus reperitur, sed ma-  
 gna ex parte symptoma est in genere præter na-  
 turam affectuum. Differt vterque hic in tribus, in  
 nomine, in materia, & in generatione. In nomi-  
 ne, quia prior à Græcis dicitur φλεγμονή, vnde φλε-  
 γμονώδης όγκος: à Latinis modò inflammatio, mo-  
 dò tumor inflammatorius. Postremus verò dicitur  
 à Gal. lib. de humoribus præter naturam 16.  
 έξόμφαλον, quam vocem & Dioscorides, & Aetius,  
 & Paulus vsurparunt. Celsus appellat umbilicum  
 prominentem. Plinius umbilicum prociduum.  
 Barbari ferè omnes dicere cōsueuerunt eminentiam  
 umbilici; chirurgi etiam aliqui vocant herniam  
 umbilicalem. Differunt porrò in materia  
 quia in tumore inflammatorio tota materia penè



nè sanguinea est, nec modò sanguinea, sed etiam feruens, in ἐξομφάλω, seu in hernia vmbilicali ea multiplex est, interdum aqua, interdū flatus, interdum intestina, interdum omentum, aliquando caro, aliquando sanguis. Hernia, quæ fit ab aqua, à barbaris medicis dicitur hernia aquosa; quæ fit à flatu, flatuosa; quæ ab omento, zirbalis; quæ ab intestinis, intestinalis; quæ à carne, carnosula. quam dicit Celsus lib. 7. cap. 14. ex sententia Sostati chirurgi esse modò carnem integram, modò carcinomati similem. Quæ verò fit à sanguine, quum sit instar aneurismatis, dicitur indecoro quodam nomine, à chirurgis hernia emborismalis. Habent autem omnes hi tumores illud commune, vt dicit Celsus, quod indecorè faciūt vmbilicum prominere. Tertiò differunt generatione, quia tumor inflammatorius ea ratione generatur, qua plerisque in locis dicit Galenus generari inflammationem, scilicet vt dum pars vmbilici dolore afficitur, eo trahatur, & ducatur sanguis, qui in angusto loco coarctatus, dum feruet, inflammationē facit; propter quam Arist. 7. De hist. animal. 10. monebat, vt diligētia adhibeatur, dum ab obstetrice proscinditur vmbilicus, ne aliquid peccati committatur. ἐξομφάλου autē generatio diuersa est, quia fit vel ob relaxationem, vel propter fractionem peritonei circa vmbilicum. Vtro verò modo afficiatur ea pars semper aliqua materia de prædictis eò propulsa impellit pellem ad partes externas, & ita tumorem facit. Multis verò de caussis rumpi, & relaxari peritoneū con-

suevit; sed illæ potissimum sunt in pueris, fletus, vociferationes, risus, cantus, cursus, saltus, equitatio, eleuatio ponderis, & vsus ciborum flatuorum; ab his enim omnibus solet aut rumpi, aut relaxari peritonæum, vt facillè deinde suboritur tumor; quemadmodum his causis, & etiam casu, & percussione, non modò ij tumores gignuntur; sed & aneurismata; quando arteriæ aut relaxatæ, aut ruptæ in parte vmbilici, tumore, & hoc morbo laborare solent. Qui autè fit à carne hanc generationem habet, quòd vbi malè præscinduntur, & cōcinnantur vmbilici, vel caro supercrescit, vel malè curata inflammatione oritur caro, quæ modò integra est, modò cancrofa, prout bonis, vel malis succis repletur. Cognoscuntur hi tumores proprijs suis indicijs. nam qui fit cum inflammatione, rubet, calet, cum dolore est, cum pulsu; reliqui sine dolore sunt, sine pulsu. Sed quia, vt dixi, pleræq; sunt species tumoris non inflammatorij, oportet etiã vt vniuscuiusq; speciei propria habeantur signa. In qua re, quia Græci scriptores, & Celsus inter se varij videntur, primò docebo signa secundū Celsum. quare si tumor fiat ab intestinis, tumor ille neq; durus, neq; mollis est, sed quodammodo medius; frigore minuitur, calore & spiritus retentione augetur, interdū sonat; & vbi agrotantes resupini iacent, tumor ferè totus confidet, vt nihil appareat, quia intestina in propriam sedem labuntur. Sic si omentum faciat zirrhalem, omnia signa in ipsa apparent, quæ etiam conspiciuntur in intestinali. Sed habet & hic tumor

mor nō nulla particularia indicia. primūm, mollior est ab vna parte, & latus, in vertice autē magis angustus; & si quis manibus tumorem apprehendere nitatur, facilè elabitur. Quod si tumor fiat & ab intestinis, & ab omento, indicia mista erunt. Qui fit à carne cognoscitur, quoniā tumor multo durior est, & siue æger supinus iaceat, siue resupinus, siue ambulet, semper tumor apparet, & prementi digito nullo modo cedit, cūm & intestinalis, & zūrbalis aliquo modo cedat. & hæc sunt signa carnis integræ facientis tumorem. Si vitiosa sit caro, cognoscitur illis indicijs, quibus cancer, colore scilicet nigro, brachijs nigricantibus, & separatis, & alijs signis quæ manifestant caneros. Porrò flatuosa hernia cognoscitur, quia tumor protus cedit, sed statim etiā recurrit, corpore resupinato tumor in eadē figura manet, vbi verò ab humore fit, dū premitur, humor sub digitis circumfluit. Et hæc sunt signa horum tumorum tradita à Celso. Paullus, & Arabes diligentiores diuersa quodammodo signa attulerunt. dicūt enim siue fiat ab omēto tumor, siue ab intestinis, siue à flatu, colorem cutis nihilo diuersum esse in ea parte à colore reliqui corporis. Differunt verò huiusmodi omnes tumores à tumore factō ab humore, quoniā in tumore humoralī maior quedam albedo, & transparentia apparet, quæ tunc magis cōspicitur, & manifestatur, quādo candela, aut lumen apponitur. In factō à sanguine, id est in aneurismate, dicit doctè Paullus colorem paullo vergere aut ad rubedinem, aut ad nigredinem.



Præterea reliqui omnes tumores si tangantur, leues quodammodo videtur, et si alij magis, alij minus. Facta autem à flatu hernia, dura est, remittens, & si digito pulsetur, instar tympani resonare videtur. adhæc tumores facti ab omētis, & intestinis, vbi tanguntur, diuersitatem quandā elationis, & demissionis, nec nō leuitatis habere videntur in toto tumore, in reliquis tumor penè est æqualis. Amplius qui fit ex omento, prorsus est sine dolore, & sine multa rotunditate, alij dolorem aliquem obscurum facere videtur & figuram rotundiorum præ se ferunt. Iterum tumores facti ab intestinis & omēto, dum ægri balneo se lauant, vel fricantur, vel rebus emollientibus tractantur, vel corpora motu vehemēti mouent, incrementum in signe suscipiunt, reliqui non ita augentur. Accedit postremò, quòd qui fit tumor ab omento, prorsus digito absconditur, & cedit facillè sine rugitu. Factus verò ab intestinis, & flatu, cedit quidem, sed redit cum rugitu, & intestinalis præsertim rugitum facit, cùm intestina vel plena sunt flatu, vel fecibus; reliquæ herniæ si premantur, nullo pacto absconduntur. Tumorū vmbilici alij sunt faciles curatu, alij difficiliores. Inflammatio, seu tumor inflammatorius in pueris non modò est morbosus, sed & periculosus; tum quia febres graues semper iūctas habet, tum maximè quia hæc tenera ætas dolores & cruciatus difficillimè potest sustinere; flatuosam herniam dicit Celsus medicinam non admittere. in qua re non mihi satisfacit eius sententia, quoniam

niam si spectemus huius rei materiam, cū sit flatus, medicamētis dissoluitur & dissipatur. Si spectemus etiam locū affectum, siue fiat relaxatione, siue fractura, nō est ita impossibile ipsum persanare. quare, vt dixi, suspectum mihi est Celsi iudicium. at ipsum laudo, cū scribit cancrasas hernias non sine magno periculo tractari. Parua hernia recens in corpore tenero puerili facilè curatur. Sic & leues tumores, maiores verò periculosi sunt, & etiam difficulter curantur; magna aliqua hernia in corpore duro difficile curatur. Vbi facta est per fracturam, in pueris quidem ob corporis teneritudinem, potest per medicamēta curari. Sed vbi est in corporibus adultioribus, nequaquam potest curari, nisi manuum opera. nā, vt dicit Hippocrates, peritonæum discissum non coalescit; quod intelligendum est in corporibus non mollibus, sed potius durioribus. Ceterum tumoris vmbilicalis, si sit inflammatorius, curatio tota penè posita est in dolore auferendo, eò præsertim quòd, vt dictum est, malum hoc peculiare sit pueris nuperrimè natis. quia verò dolor ab intemperie, & à materia originem ducit, ratio postulat, vt intemperies corrigatur, & materia à loco affecto auferatur. Sed quia corpora patientia tenerrima sunt, omnia blandè sunt tractanda. Quare quod ad victum spectat, studendum erit, vt nutrit tanto tempore victu vtatur refrigerante, & humectante; puero autem patienti intrinsecus adhibenda sunt quæ & dolorem lenire, & materiā depellere possunt, cuiusmodi est oleum

rosaceum lumbricatum, quo vtendū erit supra umbilicum, vsq; quo initiū inflammationis prætereat. Vbi desinit inflammatio, addendum est oleum chamæmelinum, ros. & quanto magis recedit initium inflammationis, eo magis vtendū discutientibus; ita tamen, vt ad eam arcendā non transeat oleum anethinū, aut chamæmelinum lumbricatū. Pro suppuratione sat erit, vel vti pane cum lacte, vel maluis lacti incoctis. nam quæ vehementius suppurant, magis etiam pueros excruciant. Si tumor ab alia fiat materia, quæcunq; sit, semper duo scopi sunt ante oculos habendi. Vnus, vt materia à loco affecto tollatur; alter vt peritonæum circa umbilicum, si sit relaxatū, constringatur, & confirmetur; si fractum vniatur, & consolidetur. ac primò recta vitæ ratio instituenda est ita, vt fugiantur omnes aeris intemperies, præsertim venti, & omnia tempora humidiora. Fugiendus est motus omnis, cursus, saltus, eleuatio ponderum, præsertim fletus, & etiam cantus, & vociferationes. nam cum pueri sint, qui plerunq; hoc morbo laborant, debēt matres omnia facere, vt ploratus omnis inhibeatur; quādoquidem sicut à ploratu malum efficitur, ita quoque factum conseruatur, & augetur. Balnea etiam fugienda, quæ peritonæum maximè relaxant; præcæteris vigilandum est, vt aluus pueri sit liquida; quoniam vbi laborant in egerendis fæcibus, mirificè morbum hunc augere solent. Erunt ex vsu, si aluus non fluat, huiusmodi inter clysteres. Recipe foliorū cōsolidæ, maluæ, plantaginis, an. m. s. fiat



fiat decoctio secundū artem, deinde Rec. dictæ decoctionis vnc. 10. olei chamæmelini vnc. 3. butyri, sacchari rubei an. vnc. 1. misce. Pro potu utendum est vino subadstringente, vel aqua, cui incoctum sit aliquid aromatu, præsertim si à flatu fiat; incoquatur aquæ vel anisum, vel fœniculum. à cibis abstinendum humidis, frigidis, flatuosis, & ventosis. quare legumina, pisces, fructus, & herbarum omnino debent vitari. A lacte abstinendum, à caseo, & ut vno verbo dicam, sicco potius, & aliquo modo attenuante victu utendum, quàm humidiorē & crassiorē. Instituta victus ratione, ad remedia transeundum est, quæ & intrinseca, & extrinseca sunt; sed quia nō expedit vllum adhibere remedium, nisi corpus expurgatum sit ab excrementis, ideo erit leuiter purgandum; sed primò ita præparabuntur humores. Recipe chamædryos, serpylli montani, chelidoniæ, menthæ an. p. s. fiat decoctio secundum artem; huius decoctionis Recipe vnc. 3. syrupi de artemisia, de betonica an. vnc. s. misce. Pro expurgatione in his casibus præfertur omnibus alijs medicamentis electuarium Indum, & quod diacatholicon dicitur, optimum est: poterimus ita instituire. Rec. diacatholiconis drach. v. electuarij indi drach. 2. misce. quòd si puer potum nolit admittere, ita poterit ordinari. Recipe foliorum consolidæ, melissæ an. m. s. sebestenum. 6. myrobalanorum Indorum drach. 1. fiat decoctio secundum artem, huius Rec. vnc. 3. electuarij Indi drach. 3. misce, fiat pot<sup>o</sup>. Expurgato corpore, quo-

niam totum studium cōuertendum est ad ipsum peritonæum confirmandum, vel vniendum, ad quos scopos implendos semper vtilissimum erit materiam ipsam, quæcumque sit, diuertere ligaturis, frictionibus, cucurbitulis ficcis; Immo verò si ætas ferat, conducent etiam cucurbitulæ scarificatæ. Quæ autem conueniunt in hoc morbo remedia interna, complura apud scriptores reperiuntur, quæ modò in puluere, modò in decocto, modò in vino vsurpantur. Ego semper magis laudo, vt potius in puluere cū vino sumantur, quàm cum aqua, cuiusmodi est serpyllum montanum, rubus caninus, coralli rubei, sumach, bursa pastoris, buccina; præ ceteris probatur mumia, & mastix. Soleo ego his in casib. vti his pillulis, Rec. limaturæ ferri vnc. i. nucum cupressi drach. 3. mumia, sanguinis draconis, thuris, corallorum rubeorum an. drach. i. conficiantur cum melle; & harum pillularum & mane & vesperi pro captu puero tradatur vel scrup. 2. vel drach. s. Post quas poterit etiam exhiberi statim modicum vini subadstringentis; ad similitudinem hanc sunt etiam electuaria, & quæ pueris suauiora videtur quàm pulueres. poterit ergo hoc electuarium parari. Recipe radicum consolidæ maioris, caudæ equinæ, bursæ pastoris, rubi canini an. m. i. decoquantur optimè in vino adstringente, & diligèter deinde pistetur, post adde masticis, corallorum rubeor. boli armeni, nucum cupressi an. drach. i. s. cinamomi scrup. i. cum melle optimè depurato fiat electuarium; cuius potest qualibet vice dimidium

dium parui cochlearis sumi, atq; hæc intrinsecus sunt administranda. Extrinsecus verò multa quoq; in vsu esse possunt, sed duo sunt in vsu horum remediorum obseruanda. Primum est, vt priusquã exhibeatur vllum remedium externum, semper prouideatur, vt vel intestina, vel omentum, si ab his malum fiat, ad sua loca manibus impellatur. Alterum est, vt curetur ægros resupinos iacere, quousque hæc remedia administrantur. quæ verò extra adhibētur, sunt mumia, mastix, galla immatura, nux cupressi, schœnanthum, rubus, bolus armenus, lapis hæmatites, sanguis draconis, folia cicutæ torrefacta, gummi arab. acacia, spodium. hæc enim sola vel miscentur, vel applicantur instar emplastri, sed magis adhærent & profunt cerata, quàm emplastra; propterea ceratum de pelle arietina vtilissimũ est. Si particulare ceratum optetur haberi, hoc fieri poterit. Recipe gummi arabici, tragacanthæ, masticis, boli armeni, sanguinis draconis, collæ piscium, collæ de corio bouis an. drach. 2. thuris, mannæ an. drach. 3. picis græcæ drach. 1. picis naualis drach. 2. liquefiãt primò ad ignem pices, deinde liquefactis addantur collæ; tum vbi fuerint omnia incorporata, auferantur ab igne, & inspergantur pulueres, & fiat magdaleon; hæc enim est ars componendi cerata. Vsus autem erit, vt corium rotundum capiatur, & super extendatur ceratum, & supra vmbilicum apponatur; ita vt non modò complectatur partem affectam, sed vicinas etiam. hæc remedia si contulerint, optimum est; si non cõferant, de-



ueniendum est vel ad incisionē, vel ad vstionem. Circa incisionem modus ferè vniformis traditur à Celso, à Paulo, ab Albucasi, & omnibus medicis; quo fit vt nō sit tempus terendum in hac explicanda. illud memoria tenendum, quod docuit Celsus, nequaquā incidēdos esse infantes lactentes, sed pueros adultiores. aliud etiam obseruandum est, non omnia corpora puerorum idonea esse incisioni, sed ea, quæ sunt boni habitus, quæ sine papulis, & omni impetigine sunt, nam corpora mali habitus, & malorum succorum si incidantur, difficulter coalescunt, immo periclitantur, ne ad gangrænam perueniant. Præterea obseruandum est non quodlibet tempus idoneum esse incisioni, sed tantum vernum; nō autumnale, non hyemale, nec etiam æstiuum. Vstio autē, quæ in his casibus conuenit, potest dupliciter administrari, vel igne viuo, vel caustico. Modus vtēdi igne viuo traditur ab Albucasi, & summa hæc est, vt peractis purgationib. & omnibus alijs necessarijs æger resupinus ponatur, deinde impulsis vel intestinis, vel omento ad loca interna, inueniatur locus ruptus, qui vbi inuentus est, atramento signetur, & signatus vratur vno, vel duobus, vel etiam tribus locis. Vbi vsta est pars, inungatur butyro vsq; quo crusta cadāt, & deinde curetur quemadmodum alia vlcera; facit enim huiusmodi vstio cicatricem in loco affecto ita durā, & solidam, vt à se in posterum repellat & intestina, & omnē aliam materiam. Modus verò vtēdi caustico idem planè est. nam inuenitur locus fractus,

fractus, vel relaxatus, & signatur, atq; signato superponitur causticum; deinde succurritur cū butyro vsq; quo crusta cadāt, ac curatur vt ad vniōnem veniat. Quòd si caro sit caussa, hic modus curandi est, vt vel putrefactorio, vel caustico ea materia auferatur; & si sit aneurisma, curatur vt cetera aneurismata.

*De tumore Scroti, idest Ramice. Cap. VIII.*

**P**Atiuntur pueri similem affectum circa scrotum, in quo debellando sæpe laborant medici. namq; pueri, qui nulla ratione vitæ vtuntur, & motu, & alijs rebus sese fatigant, sæpe hos scroti tumores incurrunt, qui à Latinis dicuntur ramices, vel, vt dicit Celsus, indecoro nomine herniæ, Græci varijs nominibus vsi sunt, secundum varietatem materiæ, vel loci affecti. nam si fiat malum in inguinibus, βεβροκίλη à Græcis dicitur. si autem in scroto, atq; hoc fiat ab omento, vt est apud Gal in lib. de tumor. præt. natur. c. 16. dicitur ἐπιλοκήλη: si ab intestinis, ἐντεροκήλη: si ab aqua, ὑδροκήλη: si à carne, σαρκοκήλη: si à flatu, ἐμφύσημα, vel inflammatio. Locus affectus, vt inquit Gal. est peritonæum, vel musculi. Fiunt autē omnia hæc mala ab iisdem caussis, à quibus hernia vmbilicalis; præterea à vociferatione, à motu, ab eleuatione ponderis; à quibus modò peritonæum frangitur, modò relaxatur. Cognoscuntur differētiæ singulæ facillimè, & curantur eodē modo, vt hernia vmbilicalis. Sed aduertendum, licet facilis sit curatio, præsertim in pueris, tamen non est inueterandum malum, nec etiã facilè permittendū erit,

quòd facere amant isti chirurgi, vt testes auferantur; quia præterquam quòd ablati testes generationi incommodat, dicit Auenzoar, perdere etiã intellectũ; vt castrati homines sapientissimi pene dimidium intellectus habeant.

*De imperforatione, id est, de clausura meatuum  
vrinae, & facum. Cap. IX.*

**Q**Vandoq; pueri meatus vel vrinae vel facũ ita habent clausos, vt nequaquam excrementa reddere possint; aut si reddunt, vel debilitèr, vel per alienas vias id fit: sicut hoc tempore in hac vrbe reperitur puella Hebraei, Teutonici dicti, quæ faeces per vuluam emittit. Laborantes hac ægritudine appellat Arist. 4. de generatione animal. 4. *πεπρωμένοις*, id est orbatos, atque inter monstra recenset. medici appellant *ἀσπῆτις*, id est imperforatos. Michael Ephesius, vt narrat Suesfanus, in prædicto loco Arist. tradidit hanc affectionem dici à medicis marmoream. Sed hic notandum est, hanc clausuram, seu imperforationẽ meatuum, differre ab ea quæ *φίμος* & *φίμωσις* dicitur, & cuius meminit Galenus 2. secundũ loca 6. & 2. De officina medica vltimo; quoniã hæc imperforatio naturalis est. *φίμος* autem & *φίμωσις* est potius accidētaria, vel ob cicatrices, vel ob tumores. vel ob carnẽ ab vlcere derelictam; sicuti potest intelligi ex Paullo lib. 7. cap. 73. quamquam Cellus lib. 7. cap. 25. nullam differētiã videatur fecisse inter imperforationem, & phimosin. Sed sciendum in loco Gal. De officina medica textu vlt. corruptam esse lecturã, quia scribitur *χέρωσις*,  
cũ



cum scribi deberet *φίμωσις*. quem litteræ Galeni errorem, neq; etiam Vidius doctissimus cognouit. Dubitatur hic quomodo fieri possit, vt qui hos meatus habent clausos, superuiuere possint. nam certum est naturã salutis nostræ sollicitam necessariò has vias fabricasse, vt possint excrementa quotidie excerni. quare si hæc non excernuntur, qui fieri potest vt reperiantur aliqui vixisse imperforati? Respondeo hoc verissimum esse, quod & exemplum hoc hodiernum puellæ Hebrææ demonstrat; præterquam quòd Albertus Magnus, & Sueffanus narrant se huiusmodi viuos homines vidisse. Immo Aristoteles quarto De generatione animalium quarto, refert vaccam fuisse Perinthi, quæ non solum vixit cum hac imperforatione, verumetiam quoties ope medici aperiebatur, toties iterum claudebatur. Causa verò, propter quam potest in hoc infortunio vita protrahi, potest eadẽ esse, quam assignat Aristoteles loco citato, quia scilicet natura excrementa sicca extenuans euacuat ea per vesicam; addo ego etiam euacuari per sudorem, ac insensibilem transpirationem. Sic vbi clausa est via excrementi humidi, potest natura ea conuertere ad intestina, sicut conuertit sicca ad loca vesicæ. est autem hic affectus morbus instrumentarius, & in via; quia quæ deberent esse apertæ viæ, clausæ sunt. actio verò quæ offenditur in hoc morbo, est facultatis expultricis, quæ frustratur à suo fine, quia impeditur, non autẽ essentialiter læditur. Causa nulla alia est, nisi error facultatis formatricis, qui

contingit ab aliqua materię turpitudine, vel propter motum, vel propter aliū casum. Neq; adeo arduum est hoc malum cognoscere, vt valde difficile est illud curare. primū quidem, quia nulla alia curationis detur via, nisi per nouam perforationem, & incisionē; incisio verò periculosa est, quoniam periculum imminet, ne dum perforatur anus, lædatur musculus sphincter, atque ita nouum malum oriatur. præterea etsi absque læsione musculi fiat perforatio, adhuc tamen periculum imminet, ne iterum coalescat, atq; vanus sit omnis labor; & hoc est, quod dicit Aristoteles loco citato, periculum maximum imminere, vbi virgines non perforatæ curantur. Curandi ratio in hoc solū posita est, vt quia impedita est facultas expultrix à suo munere, ex toto huiusmodi impedimentum auferatur, quod quidē non medicamentis fieri potest, sed solū operatione chirurgica, quæ nequaquam timenda est; propterea quod sit citra periculum, cū magna pars orbis circumcidat puellos teneros. Sed dicet aliquis: cur ergo Galenus nono secundū loca sexto, proponit remedia ad eos, qui non sunt perforati? Si enim solo opere chirurgico hoc fieri potest, cur hæc proponit? Dico perforationē, ad quam proponit medicamenta Galenus, non esse hanc naturalem, de qua agimus, sed esse adscititiam, & phimosis, quæ sicuti facta est casu & morbo, ita medicamentis tolli potest. Vt autem modum huius curationis tradamus, primū de meatu primario clauso loquemur, qui in viris dupliciter con-

contingere potest; vel quia præputium coaluerit, vel quia glandis foramen sit occlusum. Vbi morbus fit propter præputium, ante cetera purgandum est corpus blandissimè; & præ ceteris, dicit Celsus, abstinendū ab ambulatione. & hoc sit perpetuum, ne videamur medici circumforanei, vt semper ante quamcumque operationem chirurgicam corpus purgetur, & si opus est, sanguis mittatur. nam ad euitandam inflammationem nihil magis necessarium est, quàm purgatio, vel sanguinis missio. Vbi autē purgatum est corpus, primò tentanda est facilior curatio, vt scilicet præputium ferro perforetur. Circa quam perforationem debent duo notari. Primum, vt ferrum sit rotundum; secundum, vt sit ignitum; quia ferrum rotundum facit vulnus rotundū, atqui vulnera rotunda, vt dicit Cassius medicus, & Alexander. i. problem. difficillimè coalescunt, quod optatur in hoc casu. Præterea vbi ferro ignito fit vulnus, duo bona fiunt. primò, fluxio sanguinis inhibetur, secundò, vulnus dum sanatur, duriorē callum contrahit, vt nō facilè iterum coalescat, & hæc albo lapillo sunt notanda, quia nō sunt vulgaria. Vbi sic facta fuerit perforatio, habenda est cannula plumbea, quæ in foramine tam diu est detinenda, donec sanatū sit vulnus, & callum cōtraxerit. Sed si hæc ars nō iuuat, vt mihi Romæ non profuit in nobili iuvene, quid agendum est? nihil aliud, nisi vt incidatur præputiū ferro ignito, vt fit in verpis, & in circumcisis. Vbi autem error est in ipsa glande, similiter glans ipsa per-



foranda ferro rotundo ignito, atq; detinenda est ibi cannula vel argentea, vel plumbea, quæ extrahatur vbi mingendum est, & iterum reponatur vbi nulla fit mictio; atq; hæc est ratio, quæ ab Albucasi chirurgo data fuit. Ceterùm Celsus lib. 7. cap. 25. præter hanc rationem demonstrauit & aliam, sed potius conuenientem phimosi, quàm imperforationi. solent autem etiam puellæ hoc foramen clausum habere, ita vt etsi mingant, nõ possint tamen concumbere, quas, vt dixi, vocant velatas. Sed ratio curandi has cùm transcendat tractatum morborum puerilium, ad nos nõ pertinet, nisi forsan etiam à principio natiuitatis hic morbus sese ostendat; quo in casu nõ aliter agendum est, quàm quo modo dixi etiam in masculis. nam fuit sententia Albucasis debere obstetrices statim natos pueros accuratissimè perspicere, & si foramen clausum habeant, digito blandissimè, vel ferro aperire; & deinde lanam vino & oleo perfusam superponere, tum vnguentis curare, ac prædictam cannulam plumbeam immittere, & retinere; Quod dico de meatu vrinario clauso, idem dicendum est de ano. & primò diligenter notandum, numquid possit anus perforari citra periculum sphincteris; quia si forte fortuna coaauerit totus musculus, atque facta sit via à natura ad ipsam vuluam, vt in puella prædicta vidimus, non est tentanda perforatio, quoniã certissimè musculus læderetur, & ex vno malo aliud deterius sequeretur. Sed si appareat aliqua ratione tantùm pellem supra musculum esse obductam, tunc

signato

signato loco diligentissimè, est ferrum rotundū immittendū: & vt in alijs dixi, sic etiam hic agendum est medicamentis, & cannulis.

*De aniprocedentia. Cap. X.*

**I**N pueris etiam accidit malum à Gal. 9. secundum loca *απόπροσώρου* vocatum, à Latinis aniprocedentia, quæ est exitus foras recti intestini vnà cum musculo sphinctere. estq; morbus instrumentalis, scilicet in situ, quia intestinum rectum, quod deberet intus perpetuò latere, foras progreditur in qua egressione non modò leditur expulsio, sed etiam ambulatio, & interdum sensus tactus propter dolorē, qui excitatur. Causa huius est intemperies humida cum materia pituitosa & biliosa, vt dicit Hippocrates in libro De fistulis. Locus affectus est potissimū musculus ille, qui à natura fabricatus est ad retinendū intestinum rectum intus. hic enim vbi intemperie humida relaxatur, si quādo fæces cum impetu egerantur, nequaquam retinet intestinum, sed permittit vt exeat, neque amplius reuertatur; quamquam etiam interdum sponte redeat, vbi relaxatio musculi non est insignis. hæc ergo est causa coniuncta huius mali, quo fit, vt inter causas antecedentes iure ponatur ætas puerilis & infantilis, quia huiusmodi corpora vbiq; humida & laxa sunt, vt faciliter etiam musculos prædictos languidiores & laxiores habeant. Senes verò abundant & ipsi humiditate excrementitia circa omnes partes, sed ita habent intestina & musculos illos exsiccatos, vt ab hac humiditate excrementitia cir-

ca omnes partes irrigentur, sed non relaxentur. Humiditas porrò, quæ relaxationem facit ipsius musculi, multas causas habere potest & internas & externas. Inter internas primò sunt abscessus & inflammationes, propter quas cum materia humide, & copiosa à toto corpore fluunt ad partes internas inflammatas, iure accidit vt musculi imbibant hanc humiditatem, & ita relaxentur. Externæ sunt, humiditas & frigiditas ani, quo fit, vt pueri sedentes supra saxa, seu super locum humidum, huiusmodi ægritudine tententur. Sic etiã violenti nixus in egeredo faeces solent hñc morbum efficere, propter quod fit, vt post fluxus alui graues & longos, soleant huiusmodi nixus consequi, & consequenter egressiones ani, quæ satis ex sese manifestæ fiunt, quia oculis cõspiciuntur: apparet intestinum rubrum, est anus modò parua, modò magnæ longitudinis: & vidi ego existisse longitudine palmæ vnus. Causa verò externa ex relatione adstantium vel ægri habetur. Quòd si fiat ab inflammatione, & aliquo abscessu, cognoscitur dolore, rubore, calore, & tumore; vt si neq; causa vlla externa accesserit, neq; ad sit vlla inflammatio, signũ certissimum sit fieri malum à sola intemperie, & ab humoribus humectantibus. est verò malũ hoc difficillimum curatu, tum ratione propria, tum communi. propria, quia est ab humiditate, quæ solet difficile à pueris tolli. ratione communi, quia vt dicit Galenus nono secundum loca, omnia vitia ani difficulter curantur. Atque id multis de causis. Primò, quia pars  
illa



illa excellenti sensu prædita est, quo fit, vt austera & exasperantia medicamenta non sustineat. Secundò accedit, quòd est via, per quam continuò transeunt stercora, vel fæces aridiores, quæ suo transitu locum affectum magis irritât & exasperant. Præterea, medicamenta huic loco ægrè adhiberi possunt, & si adhibeantur, difficilimè detinentur, neque tempore debito retineri possunt, cùm sæpè propter fæces egerendas auferri medicamenta necessarium sit. Vltimò, locus ille calidus & humidus est, & ratione huius postulat remedia refrigerantia, & exsiccantia, quæ cùm exasperent & irritent, difficillimè ab agris sustineri possunt. Dicit tamen Aetius lib. 14. cap. 16. partem illam extremam intestinorum, quæ prolabitur, admodum ignobilem esse, ac dum secatur, aut vritur, vel nullû, vel exiguum periculum inferre. Est autem omnibus facilior curatu ea ani egressio, quæ est sine vlla inflammatione, quæ nõ inueterata, sed recens est, vt dicit Auic. 17. tertij tract. primo, cap. 17. Curatio tota posita est in retractione ani ad propriam sedem, & in retentione. quia verò hoc fieri nequit, nisi & intemperies, & materia tollatur, ea propter in primis necessarium est, & inflammationem, & omnes humores, à quibus fit malum, delere. quapropter si sit puer lactès, curetur nutrix in primis; si adultior, est instituenda ante omnia victus ratio, atq; eligendus aer siccus, & calidus, potius quàm frigidus, & siccus. Si hic non habeatur, paretur suffumigijs ex rosa, cypero, lentisco, cupressio;

quæ omnia possunt eum, & siccum, & calidiore parare. Dormiendum est, & curandum vt pueri semper tecti maneant: & si fieri potest, vel supini dormiant, vel saltem cruribus, & coxis eleuatis, ac reliquo corpore supiniore. Abstinentum omnino est ab vsu balneorū, quia relaxando malum augent. Hipp. in lib. de fistulis laudat vinum dulce, Aetius aquosum; sed vtrum adhibeatur, conuenit, siue aquosum, siue dulce. Optimum est etiam abstinere à vino, & eius loco vti aqua, cui ferrum candens sit immersum. Cibus sit siccus, extenuans; & omnino abstinendum est à fructibus, ab herbis, carnibus humidioribus, & ab his quæ solent aluum humectare & laxare. Instituto victu diligenter videndum an pars prolapsa sit inflammata, an mucō aliquo obducta. Si sit inflammata, inquit Hippocrates, & iure nutriendū esse ægrum cibis tenuibus & leuibus, quia puer est, nec opus habet sectione venæ; loco cuius vtendum cucurbitulis, præsertim dorso adhibitis, & etiam frictionibus. Quod si fuerit grandior natu, possunt scarificari cucurbitulæ. præter hæc erit blandissimè puer purgandus, exempli gratia, præparabuntur hoc modo humores. Rec. foliorum sonchi, endiuia, polygōni an. m. i. fiat decoctio secundum artem, deinde Rec. huius decoctionis vnc. 3. syrūpi ex rosīs siccis vnc. 1. misce. hæc potio utilis erit ad præparandum humores, & refrigerandum. De purgatione quid agendum? Si purgans exhibeamus, proculdubio inflammatio magis incitabitur in exitu facum. In hoc ergo casu,

vt aluus fluat, blandiffimè est prouidendum, & per vrinam potius est purgandum corpus, quàm per aluum. itaque pro purgatione laudo vt capiat lib. i. s. feri caprini optimè depurati, vel bubuli, & misceatur vnc. i. s. succi seminum melonum. hoc enim medicamentum purgabit maxime per vrinam, & si etiã aluum mouerit, id aget blandiffimè, & sine vlla mordicatione. Interim danda est opera, vt quàm citiffimè, & blandiffimè dolor leniatur, quod fieri potest & in sessibus, & in unctiõibus accommodatis. In sessio fiat ex aqua fluuiali, in qua bullierit rosa; flos chamæmeli, meliloti, capita papaueris, althæa; nymphæã præ ceteris laudat Auicennas, & aduertendũ huiusmodi in sessum non admodum calidũ esse debere, sed medium omnino, sic vt neq; calore neq; frigore noceat. Vnctio fit ex oleo rosato omphacino lumbricato; ex oleo anethino lumbricato. Capitur etiam vesica; & impletur aqua, & deinde ano prolapsa apponitur: vel accipitur etiam ouum, & in vino aliquo odorato coctum apponitur loco dolenti. Sic fieri potest emplastrum ex oleo rosato lumbricato, modico vino, & semine lini. Vbi sedata est inflammatio, conandũ est digitis blandè pellere anum in suam sedẽ, & hoc fit, si supinus collocetur puer, & paullulum coxis eleuetur. & quia nolunt hanc operationem perpeti, detineantur à nutrice. Sed si intestinum minimè sit inflammatum, verũ mucos obductum fuerit, curandum est, vt ille mucus omnino eluatur; pro quo agẽdo laudat muriam Celsus, quam



& ego laudo, si sustineri possit, ac maiores cruciatu  
 tus nō inducat; potest fieri aqua huiusmodi. Rec.  
 aquæ communis lib. 10. salis vnc. 1. s. verbenæ, ma-  
 licorij an. p. 1. s. bulliant omnia, deinde spongia  
 immaceretur, & intestino apponatur. Vbi certū  
 est iam omnem mucum esse ablatum, in tropel-  
 lendus est anus digitis, & remedijs accommoda-  
 tis, efficiendumq; vt detineatur sub musculis. ad  
 retinendum anum parantur & lauacra, & inun-  
 ctiones, & pulueres; lauacrū fit huiusmodi. Rec.  
 aquæ communis lib. 10. rosarum, foliorum rubi,  
 lentisci an. m. 1. corticum granatorū, acaciæ, len-  
 tium an. vnc. 2. nucum cupressi, myrtilorum an.  
 vnc. 1. bulliant simul ad quartas, deinde spongia  
 maceretur, & in loco affecto detineatur. Possunt  
 etiam fieri suffumigia, veluti est suffumigium ex  
 cortice pineæ, ex cortice granatorum, folijs rubi.  
 Vel Rec. seminum hyoscyami vnc. s. balaust. nu-  
 cum cupressi an. drach. 1. corticum pineæ vnc. 3.  
 terantur omnia crasso modo, deinde prunis super-  
 ponantur ardentibus, & fiat suffumigium. Fiunt  
 pulueres, & olea, vt Rec. olei myrtini, & olei ro-  
 sati omphacini, & hoc anus illinat: deinde asper-  
 gatur modicum huius pulueris. Rec. cerusse, anti-  
 monij. gallarū, aluminis an. drach. 3. puluerizen-  
 tur, & adhibeantur. Laudatur hic puluis à Rase, &  
 ego expertus sum esse efficacissimū. Sed aduer-  
 tendum est, quod admonuit Aetius, in infanti-  
 bus, & in pueris tractandis tenerioribus minimè  
 vtendū esse istis pulueribus, maximè adstringen-  
 tibus, & efficacioribus; propterea quòd magno-  
 pere

pere exasperat & dolores pariunt. quare nisi puer sit adultus, prædicto puluere uti erit inutile. Habentur nono secundum loca multa medicamenta vehementiora, quàm conueniant pueris tenerioribus. ideo magis laudo consilium Gal. 3. de facili parabilibus, scilicet, ut utamur aqua fabrorum; & puluere cochlearum vstarum. Scribit idem Gal. 2. de simpl. medic. à multis scriptum esse torpedinem appositam ano prolapsa utilissimam esse, sed subdit, sese hoc remedium incassum esse expertum. puluis quoque ex spolio serpentum maximè prodesse solet. Quòd si remedia hæc ex toto malum non auferant, Arabum sectatores commendant, ut fiant duo cauteria in fine spinæ, idest prope caudam; vnum ex vna, alterum ex altera parte. quod tamen remedium in pueris tantum adultioribus usurpandum consulo, & vbi cetera non conferunt.

*De Intertrigine. Cap. XII.*

**S**uperfunt inter morbos externos puerorum duo, qui eos frequentissimè exercent; intertrigo, & pernio seu bugantia. Intertrigines à Galeno, Paulo & alijs dici consueuerunt paratrimmata, & fortè sunt eadem cum ijs, quæ à Theophrastolib. de sudoribus dicuntur enodia. Plinius modò appellat attrita, modò cõfricata membra. Vocat communi nomine Auic. excoriationses. Sunt autem hi affectus vlcera quedam cutanea, seu excoriationses quadam, quæ infantibus inter femora contingunt; adultioribus verò pueris, & etiam

viris non modò in coxis inter fœmora, sed etiam in pedibus quandoq; oboriuntur. Patet ergo hûc affectum esse morbum & solutionẽ vnitatis, atq; etiam morbum in intemperie. quandoquidem plerunq; huiusmodi exulcerationes iunguntur intemperiei calidiori. Lædit verò hic morbus nõ modò actiones naturales, scilicet coctricem, & alteratricem facultatem, sed etiam impedit animales, præsertim motricem, & sensitricem; cum etiã dolor, & cruciatus ab eo insignis fiat. Causa exulcerationis & intemperiei duplex est, alia interna, alia externa. externa est lotiũ, fæces acres, & biliosæ, sordities inuolucrorum; ab his enim omnibus tenerorum puerorum coxæ exulcerantur, & ad intemperiem ducuntur. Intrinseca verò causa est humor acris, & mordax, qui vel in ea parte generatur, vel à toto in eas partes fluit. Causæ antecedentes sunt vitiosum lac nutricis in lactentibus, in adultioribus victus prauus, præsertim ex cibis calidis, dulcioribus, acris. & mordacibus. Sic etiã inter causas externas huius mali est obambulatio, calceaméta stricta, panni asperi, sed præsertim est motus importunus. Nam, vt scriptum est à Theophrasto lib. de sudoribus, vbi corpus est impurum, à motu facillè vlcera inducuntur, eo quia vel humores acres & mordaces à toto corpore ad cutem trahuntur; vel quia excrementa, quæ in ipsa cute sunt, motus & caloris vehementia acriora redduntur & mordacia; ita vt cum nec perspirare, nec difflari possint, necessario cutem exulcerent, & non modò has exco-

riationes,



riationes, sed etiã impetigines, scabies, & lepram inducant. Et hæc mala est facile cognoscere, quia oculis apparent. adhæc si partes manu vel panno tractentur, statim dolêt pueri ac gemunt. Si malum vitio lactis contingat, cognoscitur his signis, quibus cognosci lac nutricis docui. pariter si fiat ab vrina, vel à fæcibus, cognoscitur, quia fæces ipsæ biliosæ & ardentes videntur, atq; panni, quibus inuoluuntur pueri vrina colorantur. adhæc si & diligētia adhibeatur in emundandis pannis, in auferendis fæcibus, aut malum auferitur, aut saltem lenitur. Sic cognoscuntur ceteræ causæ relatu vel ægri, vel assidentium; quando scilicet ob vrinam, vel ob pannos malum euenit. Estq; hoc malum facile curatu, propterea quòd si diligentia statim adhibeatur, omnino sanescere solet citra periculũ. dicit Gal. 2. de artic. 26. & Paulus lib. 4. cap. 14. quòd si huiusmodi vitia oriantur ex immodica strictione, ita vt vlcera profundiora & rebelliora sint reddita, difficilius curantur, quàm ceteræ aliæ intertrigines. nã præterquam quòd huiusmodi mala faciunt inflammationem, accedit quòd vlcera praua redduntur. Quare studendum est, vt partes solutæ ad pristinam vniõnem reducantur. quod quia fieri nequit, nisi humiditates, & aliæ causæ auferantur, danda opera est, vt in primis omnes causæ externæ remoueantur. Et si puer lactens sit, prouidendum est, vt mulier optimo victu vtatur, & abstineat à motu, à vigilijs, ab ira, à vino, & cibis omnibus salsis, acribus & mordacibus: & si nutrix cacochymica, &

impura fit, purgāda est. Sic etiam danda erit opera, vt sæpe pueri abluantur ac mudentur à facibus & excrementis; & panni omnes mundi sint, & minimè asperi. Quòd si adultior fit, neq; lacte amplius vescatur, sic & ipse nutriendus est, vt de nutrice dixi, & purgandus, atq; possunt præparari humores hoc modo. Rec. foliorum scabiosæ, epaticæ, cichorij, lapathij an. m. i. s. fiat decoctio secundum artem: Rec. dictæ decoctionis vnc. 3. syrupi de fumaria, de cichorio an. vnc. s. Præparati humores hoc modo purgabuntur. Rec rhabarbari infusi, & expressi secundum artem scrup. 2. s. syrupi rosati solutiui vnc. 2. seri caprini vnc. 4. misce. Purgato corpore nihil aliud agendum, nisi vt medicamentis externis pars excoriata curet. Balneum optimū erit ex aqua fluuiali, in qua decocta sit scabiosa, lapathiū iridis radix, & hordeum. Proponuntur multæ inunctiones à Paulo & alijs, sed ex omnibus magis laudo eas, quæ fiunt cū lithargyro, quod dicit Gal. 4. de simpl. medic. valere ad intertrigines, vt Rec. medullæ ceruinæ drach. 3. cerussæ lotæ drach. 2. s. butyri recentis aqua rosacea abluti drach. 2. lithargyri abluti drach. 4. myrrhæ drach. 1. cū modico terebinthinæ lotæ, fiat linimentū. Item Rec. vnguenti de lithargyro vnc. 1. olei rosati omphacini drach. 1. misce, fiat linimentū. Est etiā puluis, qui ad intertriginē maximè valet, & fit ex rosis, myrrha, malicorio, cypero, scabiosa, & lupini farina. Gal. 8. simpl. laudat etiam piceæ corticis puluerem: & 2. simpl. scribit coriorum vetustorum cineres  
 excel-

excellenter intertrigines sanare.

*De Pernione. Cap. XIII.*

**H**is similem, & aliū pueri pati solent affectū, non modò circa pedes, sed etiā circa manus. Qui circa pedes oriūtur affectus, Gal. lib. de faciliè parabilibus appellat intertrigines pedū, barbari medici vocāt bugantias, Latini perniones, maior pars Græcorū, vt etiā Arist. appellat maligna chimetla; quamquā si vsum huius vocis apud Græcos spectemus, videatur his tantū accommodata, quæ fiūt à frigore externo; quæ etiā Celsus lib. 1. c. 28. appellat vlcera à frigore; Latini proprio nomine vocant ambusta, quod frigus instar ignis adurat. Est verò hic affectus vlcus siccū in pedibus, & manibus puerorū potissimū nascens. Appello vlcus siccū, quia tametsi præcedere solet quidā tumor, cū tamen materia, à qua fit malum, sit sicca, acris, & mordax, rodit, aperit, & vlcus facit, quod plerumq; nulla humiditate solet manare; quamquam etiā Celsus dicat interdū exire materiam, quæ videtur aut pus, aut saniem referre. Dixi potissimū in pueris, hi enim cū læsionē frigoris externi minimè sentiant, fit vt has partes nullo modo defendāt. iccirco passim, & frequētissimè aere frigido externo læduntur. Est hic morbus solutio cōtinui, & intemperies frigida, & sicca, quæ coniuncta est cū materia frigida, & sicca, aut saltem sicca, nam etsi tumor quàm sæpissimè huic malo iungat, est tamē is symptoma potius, quàm morbus; quia à tumore, vt tumor est, vix læditur vlla actio in hoc morbo. Læditur autē facultas natu-



ralis ab intēperie, quia & alteratrix, & attractrix læsa sunt. impeditur verò facultas animalis, cūm & ambulatio læsa sit, & sensus tactus, propter dolorem, & pruritus, quē inducit hic morbus. intemperies verò hæc, & etiam solutio continui fit potissimūm à frigore aeris externi, propter quod populi omnes Septentrionales magnopere solēt huius generis affectu infestari. Sed cupiet quis intelligere qui fieri possit, vt potiùs manus, & pedes hoc genere mali infestentur, & non aliæ partes? Dico complures huius rei esse causas. in primis est, quoniā huiusmodi partes longinquæ sunt à caloris fonte, quamquam caput etiam recedat à simili fonte: illud tamen hoc habet, quòd cūm positum sit in parte superiori, calor suæ naturæ impetu facilè in caput attollitur, quod nō cōtingit neq; manibus, neq; pedibus. præterea manus, & pedes sunt excarnes, propterea nullo munimine defenduntur ab externis iniurijs; adhæc multis nervis, & ossibus scatent, ob quod non modò, vt dicit Hipp. lib. de affectibus podagricis, dolor maximus euenit, verūmetiā sua natura redduntur torpidi, & frigidi; propter quam etiam rationem Arist. 6. problem. 6. dicit, nos maximè torpere secundum manus & pedes, propterea quòd hæ partes excarnes sunt, ossibus & nervis multis præditæ. Neq; verò solūm magis torpemus secundum pedes, quàm secundum alias partes, sed etiam sæpè fit vt pedes à frigore prorsus corrumpantur, & putrescant. quemadmodū refert Xenophon 4. lib. expeditionis Cyri euenisse militibus

bus ambulantis per niuem. quare potissima  
 causa huius mali est frigus externum aeris. Sed  
 præter hanc causam sunt etiã calceamēta, quan-  
 do vel adstrictiora, vel asperiora sunt, quàm con-  
 ueniat. Sed oritur dubitatio hoc loco, quomodo  
 dictum sit à me oriri huiusmodi morbum ab in-  
 temperie sicca. nam omnino dubiũ est, quomo-  
 do dixerit Arist. prim. problem. 55. & 56. quare  
 cur perniones æquè curentur à frigida, vt à calida  
 aqua, & cur æquè sanentur, & fiant à frigido. Re-  
 spōdeo ex eo esse, quia hoc malum oritur ex im-  
 modica humiditate, quæ & à frigore exprimitur,  
 & à calore dissipatur. Si ergo Arist. scribit fieri  
 à nimia humiditate, quomodo verum est, oriri à  
 sicca intemperie, & sicco humore? Dicendum est  
 humorem vel concretum esse posse, vel fustum;  
 perniones autem non fiunt ab humore fuso, sed  
 concreto, quem intelligens Arist. dixit fieri à ni-  
 mia humiditate, nec inconuenit huiusmodi hu-  
 morem concretum appellare siccum, quia re ipsa  
 patet hiberno tempore terrã grauidam humore  
 ita à frigore cogi, & concrefcere, vt siccissima ap-  
 pareat, cum tamen sit plena humiditate; & non  
 modò appareat siccissima, sed etiam findatur, &  
 quodam modo exulceretur; vt hac ratione etiam  
 contingat partibus his externis, quibus humores  
 à summo frigore concreto ad similitudinem ter-  
 ræ siccitatem faciunt, & vlcera sicca. Ceterum nõ  
 difficulter hoc malum cognoscitur, quia, vt dicit  
 Celsus, rubor adest cum inflammatione modò  
 mediocri, modò paullo maiore, interdum pustu-

læ oriuntur, deinde exulceratio; modicus est dolor, sed pruritus multo maior; exit ichor, vel tabus quidam, qui vel saniem, vel pus referre videtur. Malum hoc minimè periculosum est, nisi penitus negligatur; quia si negligatur, aut fortè ob necessitatem curari nequeat, potest & mortificationem pedum in summo frigore, & mortem inducere. Curatio non admodum diuersa ab ea est, quam proposui in intertrigine, id solùm videtur habere quasi peculiare, vt maiore præseruatione opus habeat, quàm intertrigo; quia sunt aliqui & pueri, & adulti, qui vsq; adeo sunt obnoxij huic malo, vt nisi magna diligentia sese tueantur, singulis annis tententur. Quamobrè, quemadmodum dixi, cùm potissima causa sit mali aeris externi frigus, aut calceamentorum asperitas, vel strictura, ante cetera curandum est, vt qui his malis facilè tentantur, latioribus calceamentis semper vtantur, &, quantùm potest fieri, sese ab externo aere defendant. Laudat Aetius pro præseruatione ab hoc malo salem cum melle mistum, & affricatum pedibus, quod etiam vtile est in principio, vbi tumor tantùm apparet, quem maximè quoq; iuuat abluere aqua vel marina, vel salsa; vel decocto radicis betæ, vel cyclamini. Laudat Dioscorides ad hunc vsum decoctũ serpentariæ. Celsus inter alia remedia, quæ proponit pro hoc malo vincendo, illud etiam habet, vt æs quàm calidissimum sustineri potest, ipsi parti affectæ apponatur. quod consilium puto captum esse ab Hipp. lib. 5. & 7. epid. vbi consulit vt perniones magna cale-



calesfactione, & igne tractentur, & iuuentur. cuius rei rationem adferens Arist. problem. citato, & etiam problem. 50. scribit à calore summo curari perniones, quia humor concretus dissoluitur, & dissolutus dissipatur, & euacuatur. In qua re maximè videtur discrepare ab Hipp. & medicis, quia scribit etiam curari perniones à frigore, quod vt fieri possit, neq; rationē, neq; experientiam adhuc vidi. Sicuti puto etiā errasse Petrum Aponensem, qui ea loca exponens, pro pernionibus intellexit tumores quosdam valdè ab his diuersos, vt morbillos, ignem persicum, & alios affectus. Decoctum raparum etiam maximè valet ad perniones, nec nō rapæ coctæ, & in emplastri formā applicatæ. Aetius lib. 14. laudat oleum rosatum in rapa magna excauata positum, & ad feruentem cinerem adhibitum. Sic fuffur in vino decoctum maximè valet. Inuenio Gal. 3. de faciliè parabilibus laudare salem, cuminū, & oleum; quod remedium potius vbi tumor adest, valet. item rubrica sinopis, terra cimolia, succus caprifici cōfert. iuuat etiam abluere pedes decocto ex althæa, chamæmelo, fœnugræco; ita tamen, vt postquam exsiccati sunt pedes, inungantur, vel oleo amygdalarum dulcium, vel oleo vitelli oui: & deinde optimè recti pannis, aut lana sordida teneantur. hoc etiā vnguentum optimum est ad præseruandum. Rec. ammoniaci drach. 1. resinæ drach. 2. dissoluantur ad ignē, adde olei cōmunis drach. 6. ceræ cōmunis drach. s. cera dissoluta fiat colatura, deinde adde farinæ fœnugræci, thuris,

mastice an.drach. 2. misce. & hæc videt esse præ-  
 feruatio, & curatio tumoris. Vbi factum est vlcus  
 perpendendū est, an id sit sordidū, vel purum. Si  
 sit valde sordidum, omnino est emundandū, ad  
 quod maximè valet vnguentum apostolorū; vbi  
 mundatum est, ita vt in ipso nulla sordities relin-  
 quatur, studendū est ad cicatricē perducere. Cel-  
 sus laudat alumen æqua portione cū thure, vino  
 adiecto. laudat etiam vinum, in quo malicorium  
 fit decoctum; hæc enim exsiccant, & adstringūt,  
 ita vt cicatricem inducere queant. Est apud Gal. 3.  
 per genera. 4. medicamentum illud præstantissi-  
 mum, quod dicitur diacaltheos; hoc quoque, vbi  
 cetera non profunt, poterit quis feliciter vti pul-  
 uis etiā hic maximè valet, vbi mundatū sit vlcus.  
 Rec. myrrhæ, mastice, thuris an. drach. 4. misce,  
 omnia trita inspergantur vlceri, & deinde super-  
 ponatur stuppa in vino adstringente macerata.  
 Cancri fluuiatiles in cinerem redacti, & cū melle  
 appositi valent. Refert Galenus 2. simpl. puluerē  
 ex vnguibus asinorum maximè etiam cōferre ad  
 hæc vlcera sananda. Sed non est prætereundum  
 illud experimentum, quod narrat Clarus Olaus  
 in secundo libro rerū Septentrionalium, vbi scri-  
 bit populos eos, qui frequētissimè ob frigus aeris  
 hoc malū experiuntur, sese non alio remedio sa-  
 nare, quàm puluere pellis leporinæ. nam & hoc  
 experimentum rationē habet, quia vt notum est,  
 pili leporini maximè valent ad vnienda vul-  
 nera. Hic est finis morborum pue-  
 riliū externorum.

HIERONYMI  
 MERCVRIALIS  
 DE INTERNIS  
 PVERORVM  
 MORBIS,

LIBER SECVNDVS.

*De febre Puerorum in genere. Cap. I.*



ENIO ad internos puerorum morbos: sed quia hi multi, atque multorum generū sunt, vt possim præclarissimum hūc tractatū perficere, deliberaui insigniores & frequentiores edocere; & erit hæc tractatio vtilissima, siqua vnquam fuit, quoniam difficilior est interiorum quam exteriorum cognitio. Sunt autem morbi puerorum interni, alij vniuersales, alij verò particulares. particularium rursus alij pertinent ad superiorē ventrem, alij ad medium, alij verò ad inferiorem; sic enim veteres medicos partes nostras distinxisse clarum esse potest. Vniuersalis morbus internus, quoniam vnicus est, primo loco à me tractabitur; atq; hic est febris ipsa, que, quia in pueris accidens solet esse dentitionis vt habetur apud Hippocr. 3. aphor. 25. alia verò est febris non accidens. de febre accidentali non est vt hoc tempore loquar,



quia cū sequatur dentitionem, tūc loqui poterimus, quando copiosè de hoc affectu verba faciemus. Loquamur itaq; de ea febre, quæ sponte in pueris oritur. Solet autē febris puerorum esse omnium generū, & quartana, & tertiana, & quotidiana; sed quæ maximè propria huic ætati videtur, est febris synochos, siue sit cum putredine, siue sine putredine. Sed illud memoria reuocandum, cū de pueris loquor, me loqui de ea ætate, quæ vsq; ad decimum quartum annum pertingit. Ratio, propter quā pueri hoc genere febris tentantur, ea est, quia eiusmodi febris fit potissimū in corporibus calidis, humidis & sanguineis. Iam verò nemo est inter Medicos & Philosophos, qui nesciat pueros maximè calidos & humidos esse, vnde Gal. 3. prognost. 30. dicebat eorū temperamentum esse verè & ex natura sanguineum; & possumus etiam huic rationi aliā adijcere, scilicet puerorum corpora admodum densa esse. quofit, vt præ densitate cū non possit calor liberè expirare, cohibitus augeatur, & febrem inducat. Esse verò illa huiusmodi, testimoniū est Arist. 10. sect. problematum, problem. 4. vbi scribit pueros vitiligini minimè subijci, propterea quòd præ densitate carniū vapores ad cutem penetrare non possint. Sed video dubitari posse, quomodo dictum sit à me, omnibus febribus hanc ætatem esse obnoxiam. quandoquidē si quartanæ generationem & mores spectemus, ab ea omnino videtur aliena. nam fit, vt notū est ab humore melancholico, quem in temperamento sanguineo,

vel

vel corporibus humidis & calidis reperiri admodum difficile est. Accedit Hipp. in fine libri de natura humana dixisse, quartanam fieri ab ætate viginti quinque annorum, vsque ad quadraginta quinque; vt his rationibus comprobatū esse videatur pueros à quartana febre non debere tentari. Respondeo, quantum est ex temperamento ipsorum, proculdubio hanc ætatē immunem esse ab hoc genere mali: sed si res externas atq; etiam internas consideremus, potest fieri, quemadmodum experientia docet, vt etiā quartana tententur. Primū enim pueri materno sanguine creantur & aluntur, qui cum possit esse melancholicus, rationi consentaneum est in eorum corporibus hunc humorem ita posse congregari, vt quartanæ occasio præbeat. His accedunt externæ causæ, importuni motus, vsus ciborum crassorum & melancholicorum; ex quibus omnibus cum in pueris colligatur copia insignis crudorum humorum, consequenter etiam fiunt humores melancholici, dum scilicet humores crudi in iecino- re non conficiuntur, sed ex ipsis sæx copiosissima resultat. Illud tamen verissimum est, quod scribit Hipp. in loco citato, scilicet febres quartanas illis ætatibus extra vigesimum quintum, & quadagesimum quintum annum admodū breues esse, nisi errorum copia & frequentia diurnæ reddantur. quamobrem clarissimū est pueros omnes febres experiri, quarum causæ aliæ sunt internæ, aliæ externæ. Internæ ipsissimi humores sunt, & pituita, & bilis, & sanguis, & melancholia: Ex-

ternæ verò complures sunt; inter quas primum locum habet aer, de quo loquens Hipp. in lib. de aere, locis, & aquis, dicebat. Si hiems borealis & sicca fuerit, ver autem austrinum & humidum, pueris in æstate fieri febres. cuius sententiæ reddens causam Arist. 1. problematum sect. 19. dicebat, iccirco pueris fieri febres sub his constitutionibus, quoniam humor collectus in corporibus eorum calidis, cum æstate refrigerari non possit, flagrat, incenditur, & cōsequenter febres inducit; cui etiam adijcitur aëris æstus, qui tamquā ignis igni additus, vt dicebat 4. sect. probl. 29. efficit, vt in æstate corpora puerorum semper gracilia & tenuia reddantur. Præter aerem, causā februm puerorū, est importuna & immodica corporis exercitatio. pueri enim omni tēpore & faturi & ieiuni exercentur, vt non sit mirum humores ipsorum incendi posse, & febrem induci. Sed præ ceteris in ipsis faciunt febrem cibi & immodici & prauis sumpti, ex quibus non solum crudi humores colliguntur, verum ij collecti obstructions & putredines insignes producant. Ceterum sunt penè omnes febres in pueris salutaris, & iure; quia cum febris, vt dictum est, maxime frāgat & lædat actiones naturales, in pueris huiusmodi facultas vsque adeo vegeta & robusta est, vt maxime omniū resistere possit causis lædentibus & febriculosis Id vnum ex febribus solet periculum impendere pueris, ne magnitudine earum, neve difficultate eos gubernandi conuertatur febres in hecticas; vt propter hoc potissimum,



fimum, & propter alia debeat à medico cura ha-  
 beri febrium ipsorum puerorum, qui quo tem-  
 pore lacte nutriuntur, duo curationum genera  
 requirunt; alterum in ipsis nutricibus, alterum in  
 ipsismet pueris. Nutrices enim quo tēpore pueri  
 febricitant, maxima diligētia custodiendæ & cu-  
 randæ; & quoad diligentiam spectat, pro ratio-  
 ne febrium, in victu tractandæ sunt; vt si infans  
 laboret quotidiana, victus nutricis sit quotidia-  
 næ accommodatus, pari pacto si biliosa, aut alio  
 genere. In omnibus autem semper debent nutri-  
 ces à vino abstinere, quia pueris lactentibus ni-  
 hil est, quod magis obesse possit ipso vino. quod  
 Gal. 8. & 9. Methodi dicebat febres in quibusuis  
 augere. Sed, ne tempus inutiliter conteram, de-  
 bebunt curari nutrices & alterantibus & purgan-  
 tibus medicamentis, prout febris puerorum re-  
 quirere videbitur. Ceterum de pueris ipsis lactē-  
 tibus dubium esse potest, vtrum, cū febricitant,  
 aliqua ratione sanguis mitti possit. Rases in lib.  
 de peste cap. 4. post quintum ætatis mēsem posse  
 pueris cucurbitulas apponi, & sanguinē extrahi  
 manifestè testatus est. Ex aduerso Auicēnas 4. 1.  
 doctr. 5. cap. 21. cauet ne pueris ante annum cu-  
 curbitulæ apponantur. Verum in virorum horū  
 dissensione tutior pars mihi esse videtur, vt con-  
 silium Auicennæ sequamur, scilicet ne cucurbi-  
 tulæ apponantur pueris, priusquam annum sint  
 transgressi, eo quia hæc ætas maximè vinci solet  
 à doloribus & molestijs, vt iure dixerit diuus Pla-  
 to, duos esse maximos Tyrannos, quibus trahun-

tur pueri, voluptate, & dolore; Iam manifestissimum est cucurbitulas insignes dolores etiã grandioribus inducere, vt propter hoc maximè abstinendum sit ab hoc remedio. Post annũ me vsum fuisse fateor, & feliciter, modò obseruentur duæ vel tres conditiones. Vna, vt ijs potissimum pueris adhibeantur, qui maximè sanguinei, & robusti videntur. Altera, vt nõ partibus superioribus, sed dumtaxat cruribus applicetur; ratio est, quia ab ea parte sanguis missus non ita viribus incommodat, neque ita spiritus exhaurit, quemadmodum in partibus superioribus. Tertia est, vt nunquam vncia, vel altera transeat. Præter hoc genus remedij sunt quædã alia, quæ huic ætati à Medicis proponuntur, quæ & intus & extra administrari possunt. Intus pro febricitantibus ab Auicenna laudatur succus granatorum cum oxymelle, succus citrinorum; poterit autem hoc pacto fieri. Rec. succi granatorum vnc. i. oxymellis simplicis vnc. s. misce, cum cochleari indatur in os pueri vna, vel altera drachma, vsq; ad vnc. s. & aduertendum me minorẽ præscripsisse oxymellis dosim, quia hæc ætas omne genus neruorum maxime infirmum habet; acetum autem, & proinde oxymel neruis obesse vtique & Hipp. & Galen. docuit. Sin autem pueri aluum adstrictam habeant, quid agendum? medicamentis purgantibus vtì valde periculosum est, quia cùm sint suapte natura calida corpora, & à febre magis calefacta, addere etiam calorem medicamentorum periculosum est. quare multo satius est vtì vel clyste-

clysteribus, vel glandibus. Clyster pro puero fe-  
 briente hic erit. Rec. feri qualiscunq; lib.s.mellis  
 vnc. i. salis drach.s.misce. Glandes autem multæ  
 sunt, quæ pueris accōmodantur, præsertim verò  
 ex sapone, ex carne & lardo porcino, glans etiam  
 quæ cōmunis vocatur. nã alijs grauioribus vti in  
 febre puerorum inutile est. Extrinsecus autē alia  
 sunt, quæ conueniunt, vt sudorē prouocent: alia  
 verò vt incendiū remittant. Prouocare sudorē in  
 pueris laudarūt Auic. & Aetius, & iure; quia cor-  
 pora hæc, cūm, vt dixi, satis densa, & adstricta sint,  
 si per sudorē aperiri possint, nō est dubitandum,  
 facilè præberi aditū & egressum ipsis vaporibus  
 & putridis exhalationibus. Ad prouocandum su-  
 dorē laudatur succus radicū arundinum plan-  
 tis pedū & vertici inspersus. nam vehementiori-  
 bus vti valdè inutile est. Ad attemperandum autē  
 feruorē conuenit applicare pectori subtilissimos  
 pannos lineos madefactos vel aqua endiuix, vel  
 rosarum, vel citruli; quæ propter hoc ab Auicēn.  
 iure commendantur. Renibus verò & dorso vti-  
 le est aliqua applicare, quæ possint eius partis in-  
 cendium remittere, vt esset istud. Rec. olei rosati  
 vnc.s. succi endiuix drach. iij. aque rosarū drach. ij.  
 aceti modicum, & ceræ fiat linimentum. Præ ce-  
 teris verò in febriētibus pueris maxima cura ha-  
 benda est, vt ventriculus, & iecur possint sua mu-  
 nera obire, hoc est vt possint concoquere. Quod  
 enim Gal. 11. Methodi 15. dicebat, scilicet perspi-  
 ciendum esse in omni febre, vt ventriculus & ie-  
 cur cōcoquat, eo magis studendū est in febrien-



tibus pueris, quo hæc corpora, quæ continuo au-  
gentur & calida sunt, alimentum commodum &  
sufficiens habeant, quo nutriri possint. ea propter  
cùm corroborantia iecur & ventriculum adstri-  
ctionem habere debeant, iure merito Galenus in  
his casibus vtendum esse adstringentibus docuit,  
vt malè videantur agere illi, qui in febribus extrin-  
seca remedia adstringentia pro ventriculo & io-  
cinore abhorrent. Itaq; hoc vsurpari poterit. Rec.  
olei masticinæ ꝑ. s. pulueris corallorum rubeo-  
rum, sandalorum, rubi ana scrup. s. ceræ parum,  
misce, fiat linimentum. Si puer, qui febre labo-  
rat, ætatis fuerit inter septimum & decimū quar-  
tum annum, alia ratione tractandus erit, quàm de  
qua sum ante loquutus; & quia omni febriū ge-  
nere tētari potest, ne nostra vagetur oratio, pro-  
ponā exemplū alicuius febris, vt in ea exercitati  
possint deinceps eadē methodo ceteras curare.

*De febre Syncho. Cap. II.*

**S**I itaq; puer in hac ætate cōstitutus labore fe-  
bre syncho cū putredine (huiusmodi enim  
febre sæpè pueros laborare certum est) cū or-  
tum ducat ex obstructionibus factis à crassis hu-  
moribus, atq; in corporibus calidis & humidis,  
& sanguineis, sitq; putredo vel in vasis omnibus,  
vel in maioribus, videtur rationi consentaneum  
fieri, propterea quòd tota sanguinis massa putre-  
scat saltē secundum ichores. Ratio itaq; cura-  
tionis posita in eo est, vt totum studium conuer-  
tamus ad tollēdas obstructiones, & simul ad tol-  
lendum feruorem febrilem. quamobrem inue-  
nienda

nienda sunt remedia particularia. & vt primum à viuendi ratione incipiamus, erit puer detinendus in aere frigido, omnes motus animi & corporis vitandi; si aluus non fluat, excitanda clystere, vel glâde. Potus sit aqua simplex, & aqua hordei. Victu, in simili febre Galen. 9. Methodi cap. 4. fatistenui vtebatur. nam præter mulsam, & cremorem ptisanæ nihil ferè dabat vsq; ad perfectam morbi inclinationem. Similiter ergo etiam vbi dabitur hæc febris, prouidebitur sustinere ægrū ptisana facta saltem in brodio pulli; & quia durum est temporibus nostris apud populum sustinere ægros hoc solo victu, poterunt indulgeti & alia, vt panis cum brodio, interdum vitellum oui, modò hoc obseruetur, ne nimiū nutriatur; quia vt dicebat Hipp. & Galen. sæpe simul nutriuntur & vires & morbus. Hora cibandi erit, quæ est cõsuetuata tempore sanitatis ipsi ægro. Instituto victu, inter remedia videnda sunt primum chirurgica, numquid conueniant, & de sanguinis missione habetur à Gal lib. de curatione p sanguinis missionem cap. 13. & 10. Methodi cap. 14. vbi scribit in pueris ante decimum quartum annum numquã esse secandam venam, eo quòd id quod deberet facere sanguinis missio, sponte natura ipsa facit, quæ scilicet quotidie multam puerilium corporū substantiam consumit. quare periculosum illud est consilium, quod videtur reliquisse Auenzoar, qui vt dicit Auer. 7. collect. 3. scripsit, se filiolo suo trium annorum venam incidisse; loco autem sectionis venæ, quia in his febribus præstantissi-

mum remedium est sanguinis euacuatio, licebit  
 vel cucurbitulis, vel hirudinibus vti. nam hirudi-  
 nes cum osculo subtilissimo venam rumpant, nō  
 ita causam præbent, vt spiritus vitales exhalent;  
 potest autem hirudo applicari cruribus, & me-  
 lius erit & tutius. vel etiã ipsis brachijs. Sunt præ-  
 ter hirudines cucurbitulæ, quibus in hac ætate in  
 febre numquam erit vtendum in partibus supe-  
 rioribus, sed inferioribus, quia possent attrahere  
 materiã à toto corpore & ad cor & ad locos, vbi  
 est posita putredo. quare multo satius erit & lū-  
 bis & natibus, aut etiam ipsis cruribus eas appli-  
 care: atq; si Galenus post decimum quartum an-  
 num non concedit, vt sanguinis plusquã libra ex-  
 trahatur, multo minus semper extrahendū erit  
 infra decimum quartum annum, vt numquam  
 plus extrahatur, vel semilibra, vel vnc. iij. aut v.  
 Vnum memoria dignum adnotari debet, quod  
 scriptum est & ab Hipp. in lib. de Medicina, & ab  
 Oribasio, scilicet cucurbitularum formam debe-  
 re esse oblongam, nec admodum ventricosam,  
 atq; posse habere vel os strictū, vel amplum. Cu-  
 curbitulæ quæ habent os strictum, vt ego obser-  
 uauit apud Erronem in lib. de spiritalibus, voca-  
 bantur apud Medicos oua medica, eo quia refe-  
 rebant veluti ouorum formam, atque his monet  
 Hipp. vtendum esse quotiescunq; medicus optat  
 attrahere à partibus profundis. Quæ verò habent  
 os latius, vsurpandæ sunt, vt monet ipse, quoties-  
 cunq; attrahendum à partibus vicinis, atq; remo-  
 tis, secundū latitudinem; & hoc possit esse docu-  
 mentum,



mentum, vt quotiescunque applicantur cucurbitulæ cruribus, debeant habere os latum, & amplū, vt possint à remotioribus attrahere; quemadmodum vbi applicantur & lumbis & natibus debent esse ore strictiore. Vbi itaque constitutum erit vel cucurbitulas, vel hirudines applicandas esse, primò videndum est, an aluus sit adstricta, an verò soluta. Si soluta sit, statim deueniendum ad sanguinis euacuationem. Si autem sit adstricta, lib. i. tract. 8. cap. 18. Auenzoar iubet prius soluendam eam esse, hoc est fæces ab intestinis esse ducendas. Misso sanguine deinceps incumbendum est de obstructioni, quæ fit medicamentis & internis, & externis, incidentibus & detergentibus citra tamē insignem caliditatem. Intus poterunt humores attenuari, & incidi hoc pacto. Rec. hordei p. s. foliorum hyssopi m. s. fiat decoctio secundum artem: deinde Recipe decoctionis vnc. ij. s. oxymellis simplicis drach. v. misce, & fiat potus. Vbi erunt præparati humores, expurgabuntur; & cauendū est in ea ætate à vehementibus medicamentis omnibus; ea propter nō erit pertranseundū hoc. Rec. sebesten num. x. passularum drach. ij. foliorum hyssopi, florum boraginis ana. p. i. fiat decoctio secundum artem: deinde Rec. dictæ decoctionis vnc. iij. manna electæ, mellis rosati solutiui ana vnc. i. s. misce. Poterūt verò augeri vel minui medicamentalenientia, prout corpus ægri persuadebit. Extrinsecus autē cōueniunt, quæ possūt deobstruere, sed mitia, vt est farina hordei affricata cuti,

atq; mulla tepida. Pectori autem applicari ea poterunt, quæ possunt humectare & refrigerare, vt aqua hordei, cui mistum sit modicum olei amygdalarum dulcium. nã huiusmodi oleum & aqua simul mista prouidēt ne partes pectoris alioquin excalefactæ accendantur magis. Poterimus etiã, vbi malũ inclinare videtur, vti balneo aquarum dulcium; quia si quod est corpus, cui balnea huiusmodi conueniant, planè est corpus pueri; atq; modus hic, quem demõstrauimus, poterit etiam obseruari habita ratione humoris peccãtis, & in febre tertiana, & quartana.

*De Epilepsia. Cap. III.*

**S**Vperest, vt dimisso vniuersali interno puerorum morbo aggrediamur particulares, qui scilicet & contemplatione & ipsa magnopere praxi iuuabunt. & quia dixi morbos internos particulares vel pertinere ad superiorem ventrẽ, vel medium, vel infimum, ordo postulat vt ordiamur à morbis vëtris superioris: sed quoniam versamur circa actiones capitis, cuius actiones vel sunt animales, vel naturales, primùm de morbis animalium loquar, quarum tria sunt genera; aliæ enim actiones sunt sensuum, aliæ motricis facultatis, aliæ ratiocinatricis. Vitia facultatis ratiocinatricis in pueris, & præcipuè ante 7 ætatis annum, neq; medici tractarunt, neq; forsitan nouerunt. nã neq; de insania puerorum, neq; de phrenitide, & præsertim de lactentibus quidquam tractarunt. Ratio clarissima est, quoniam, vt dicebat Arist. 8. de historia animal. cap. 1. anima pueri nihil differt ab  
anima

anima belluæ; dum enim infantes sumus, brutalem vitam omnes degimus; propterea quod ratio veluti obruta & ebria multo humore nō potest operari. Quare nulla quoq; fiunt circa ipsam vitia. fiunt autem quo tempore facultas ratiocinatrix emergens ex humore incipit operari. Itaq; dimissis his vitijs tractabo illa, quæ pertinent ad motricem facultatem, quæ trium generum sunt, prout tribus modis hæc actio vitiatur. nā vel motus ex toto deperditus est, vt in apoplexia; vel deprauatus, vt in epilepsia, & in spasmo; vel diminutus, vt in torpore, in balbutie, quemadmodum sigillatim docebo. Incipiamus à motu deprauato, qui in pueris frequentissimè contingit, atque appellatur & conuulsio, & epilepsia. Epilepsia in pueris multa nomina apud medicos habet; vocata est enim primò morbus puerilis. Arist. 30. sect. problematum problem. 1. appellat ecstasim puerilem. Magnus Hippocr. 6. epid. commen. primo. tex. 5. videtur appellasse fulgorem. Arabes medici non solùm appellarūt morbum puerilem, verùm etiam barbaro nomine nuncuparunt matrè puerotū. Ratio propter quam vocatur morbus puerilis, nulla alia est, quàm ea, quam proposuit Hipp. lib. de sacro morbo, & multi alij, scilicet, quia pueri frequentissimè hoc morbo capiuntur & interimuntur. Sed quæ est ratio, propter quam hæc ætas hoc morbo corripitur? Gal. 6. epid. cō. 1. tex. 5. & Auic. lib. 3. capite de epilepsia scribunt, pueros maximè tentari hac ægritudine tum propter frigidam intemperiem cerebri, tum potissi-



mum propter largam humiditatem. Vocatus est hic morbus etiam in pueris à nonnullis morbus sacer, quemadmodum Hipp. testatur libro de aere, aquis, & locis cap. 2. Inuenio etiam vocatum esse lunaticum. nam, si licet sacra prophanis miscere, habetur apud Matthæum Euangelistam cap. 26. parentem quendam præsentasse Christo puerum lunaticum, qui, ut suo loco demonstrabo suis signis, erat epilepticus. Cur autem epileptici vocati sint lunatici, ratio habetur apud Serenum medicum in lib. de Medicina. ubi scribit, quod qui oriuntur seu concipiuntur in interlunijs, quando luna in coitu est cum Sole sine lumine, fiunt epileptici. Est verò hic morbus nihil aliud, quam contractio, & retractio omnium musculorum, & neruorum interpolata præter naturam, & præter voluntatem. Dico contractionem, & retractionem, quoniam, ut scriptum est à Galen. 3. de locis affectis cap. 6. quemadmodum in motu voluntario musculi contrahuntur, & retrahuntur versus propriam originem; ita quoque in conuulsionibus ipsis accidit. Dixi musculorum, quandoquidem si rem ipsam omni auctoritate postposita expendamus, nerui non mouent partes, sed sunt musculi: nerui autem sunt veluti canales, per quos facultas mouet ipsos musculos, siue enim per spiritus siue instar luminis hoc fiat, non est locus disputandi. Non esse autem neruos, qui moueant, hac vna demonstratione conuinci potest, quod si capiantur nerui statim atque mortua sunt animalia, nerui, inquam, musculis implantati, facillime

mè discinduntur, vt non sit rationi cōsentaneum in motibus vehementibus animalium posse eos tanta vi conuelli & commoueri. Sunt itaq; mūsculi, qui verè contrahuntur, & retrahuntur. Dixi omnium, propterea quòd in hoc morbo omnes muscoli mouentur, & conuelluntur, eo quia, vt dicit Gal. 5. de locis affectis cap. 7. principiū neruorum totum se ipsum quatit, vt sit necessarium se se quatiente cerebro, hoc est principio neruorum, omnes musculos moueri & conuelli. Dixi præter naturam & voluntatē, quia à natura comparatum est, vt muscoli obediant voluntati; qui vbi præter voluntatis imperium mouentur, non solùm hoc fit præter voluntatem, sed etiã contra naturam. Addidi interpolata, quemadmodū addit Galenus & Auicennas, quandoquidem hoc conuulsionis genus interpolatū est; ceteræ conuulsiones cōtinuæ sunt, & magis permanent. Patet igitur morbum hūc puerilem pueri esse symptomam in genere motus deprauati, & quia actio deprauata animalis est iuxta regulā Gal. 1. de locis affectis in fine, læditur huiusmodi actio, vel læsa parte, vel læso principio; cū autē actiones naturales semper lædantur, læsa prius parte, in hoc morbo nō læduntur partes motæ. Itaq; læditur principium. est autē illud ipsum cerebrū, quod cū lædatur, lædi potest vel per essentiam, vel per consensum; vtro modo lædatur, læditur à morbo instrumētali, hoc est ab obstructione, vt dicūt oēs; addo ego, & à solutione cōtinui, q̄a molestia illa quæ impedit facultatem ad motū, nihil aliud est,

nisi vel morsus quidã, vel diuulsio partis. quem-  
 admodum etiam est in singultu, cui cõparat epi-  
 lepsiam Galenus. Sed cùm constet apud omnes  
 ad hunc motum efficiendum concurrere facul-  
 tatem expultricem, quæ irritata à morbo noxam  
 depellere quærit, hoc tamen incertum est inter  
 veteres, numquid etiã præter expulsiuam ad hũc  
 motum edendum concurrat facultas motrix? Ex  
 vna parte sunt Galeni auctoritates, in quibus vi-  
 detur demonstrare ad hũc motum edendum ni-  
 hil cõferre motricẽ. Primũ enim Gal.3.aphor.39.  
 demonstrans differentiam inter apoplexiam &  
 epilepsiam inquit in apoplẽxia penitus desinere  
 motum ipsũ, in epilepsia motum esse, sed præ-  
 ter voluntatem. Immo verò ponẽs differentiam  
 inter motum voluntarium, & conuulsionem, in-  
 quit motum volũtarium fieri quidem eo pacto,  
 quo fit motus conuulsionis, sed voluntarium fie-  
 ri à facultate ciente: conuulsionem autẽ fieri sine  
 facultate ciente. Hanc eandem sententiam vide-  
 tur habere 3. de locis affectis cap.6. sed clarius 2.  
 de symptomatum causis cap.1. dũ scribit conuul-  
 sionem esse solius morbi opus; quam eandẽ sen-  
 tentiam videtur sequutus Auic. in capite de epi-  
 lepsia, & Auer.3. collectaneorum cap.41. quasi  
 velint omnes hi, huiusmodi motus conuulsionis  
 à nulla alia vi effici, præterquam ab expultrice na-  
 turali. Ex altera parte sunt testimonia, & ratio-  
 nes; ea in primis ratio est, quòd vt præclarissimè  
 docuit Galenus in lib. de motu musculorum, mu-  
 sculi non mouentur nisi à facultate voluntaria,  
 hæc



hæc enim instrumenta, vt fusè docet ipse, ad id sunt à natura parata, vt secundum voluntatis imperium corpora nostra moueant. Iam verò in epilepsia mouentur muscoli omnes, & eo pacto, vt dixi, quo mouentur à voluntate. igitur si mouentur eo pacto, quo scilicet naturaliter corpora mouentur, rationi cõsentaneum videtur à nulla alia facultate fieri, quàm à motrice. Præter hanc est Galeni auctoritas, qui 2. aphor. 45. ponens differentiam inter apoplexiam & epilepsiam, inquit eundem locum esse affectum in vtrisque, & eandem materiam; differre autem, quoniam in apoplexia perfecta est actionum facultas deperdita, in epilepsia motus deprauatus, scilicet facultatis. id enim necessariò vult phrasis Galeni, & ita ab interprete translaturum est: quasi velit dicere, differre apoplexiam ab epilepsia, quia in hac facultas nihil operatur, in illa deprauatè mouet. Quid igitur dicendum est? Dicam breuiter quid statuentium censeam. Duplex est conuulsio; alia cùm motu euidenti & manifesto. alia sine motu manifesto. Cum motu manifesto & euidenti est epilepsia, quando scilicet principium motus est affectum. sine motu euidenti est, quando pars aliqua contrahitur insensibiliter ob tumorem aliquem, aut inflammationem in musculis obortam. Hæc postremam conuulsionem seu cõtractionem fateor quidem fieri absque vlla facultate motrice, quia cùm propter partis morbum secundum latitudinem augeantur muscoli, & simul nerui insensibiliter contrahantur, quia insensibiliter di-

minuitur longitudo; & de hoc genere conuulsio-  
 nis loquebatur Gal. 2. de symptom. caussis, cum  
 diceret, conuulsionem esse solius morbi. Quæ ve-  
 rò cū motu manifesto fit, epilepsia est, in qua tria  
 tempora consideranda sunt. Vnum, quādo ægri  
 in terram cadunt: aliud, quando iam in terrā pro-  
 strati huc atq; illuc mēbra iactant, & spumam ex  
 ore emittunt. Tertium, quādo iam sedatis omni-  
 bus motibus remanent quieti, & veluti immori.  
 Primo tempore & postremo feriatur prorsus fa-  
 cultas motrix. nam si operaretur in principio, in  
 terram non caderent; quia ad hanc pertinet non  
 modò mouere corpora, verū etiam erecta su-  
 stinere. Dum verò membra iactantur, sum huius  
 opinionis, omnino cum virtute expultrice etiam  
 operari facultatem motricem; atq; ita intelligen-  
 dum esse Galenum, quādo inquit, epilepsiam fie-  
 ri propter deprauiatum motum facultatis mouē-  
 tis. Sed cum dicantur motus præter voluntatem,  
 cur est quod ægri nō sentiunt hunc motum? Di-  
 citur præter voluntatem, quia licet fiat à faculta-  
 te mouente voluntaria, fit ab ea coacta, non na-  
 turaliter operante. do exemplum. Nonne saepe  
 aliquem contingit risu detineri etiam præter vo-  
 luntatem? iste motus fit à volūtate, sed coacta ab  
 obiecto risibili, vt fiat præter voluntatem. Pari  
 pacto non est mirum huiusmodi motum nō ani-  
 madueri, quia in somno pleriq; mouentur mo-  
 tu voluntario sine vlla animaduersione & sine  
 vllō sensu. dicebat enim Gal. lib. de motu muscu-  
 lorum, se interdū dormientē & nihil animaduer-  
 tentem

tentem ambulasse per duo stadia, vsq; quo tandē  
 excitatus à somno se ipsum animaduertisset. Qua  
 re, vt hanc rem breuiter definiam, morbus pue-  
 rilis fit non solùm à facultate expultrice, verùm  
 etiam à motrice, quæ irritata à relædente, simul  
 cum facultate expultrice mouet principiũ ner-  
 uorum, & consequenter totum corpus. Caussa  
 verò huius mali alia est interna, alia externa. In-  
 ter internas, aliæ sunt mediatae, aliæ immediatae.  
 De caussis mediatis cõstat apud omnes, eam epi-  
 lepsiam quæ fit per consensum, fieri vel propter  
 vapores à parte aliqua inferna in caput elatos:  
 vel, vt dicebat Pelops præceptor Galeni, propter  
 malam aliquam qualitatem ab infernis partibus  
 vsq; ad cerebrum propagatam. Sed de caussa im-  
 mediata epilepsiae, quæ fit per essentiam in cere-  
 bro, quandam inter veteres inuenio dissensionē.  
 Auctor enim libri de flatibus sub nomine Hipp.  
 eius fuit sentētiae, caussam materialem epilepsiae  
 esse vnum flatum. Maximus etiam Arist. in lib. de  
 somno & vigilia hanc penè sentētiam sequutus,  
 putauit eo pacto fieri epilepsiã, quo fit somnus,  
 & sicuti fit somnus à vaporibus sursum ad caput  
 elatis, pari pacto fieri epilepsiam. propterea dice-  
 bat pueros maximè tentari hac ægritudine, quia  
 cùm habeant partes supernas respectu aliarũ va-  
 stissimas, ad eas necessario natura continuò in-  
 signem copiam vaporum halibilium transmittit,  
 vt propter hoc etiã pueri sint valde somnolenti,  
 & consequenter epilepsiae obnoxij. Auer. 3. lib.  
 collect. cap. 40. placita præceptoris sui sequutus, nõ



contentus fuit docere, fieri hunc morbum à solo flatu, sed ex proposito contra Galenum disputas probat, non posse fieri vlla alia ratione, neque ab alia caussa, nisi ab ipso vapore, hac potissimum ratione vsus, quòd cum citò fiat hic morbus, & citò soluat, necessarium est fieri à materia, quæ citò abeat & citò dissoluatur, & redeat, cuiusmodi est vapor. nam non posse humore citò dissolui probat Auerroes, quia dissolutio fit per quandam coctionem: coctio autem fit tempore, non autem subito. Gal. ex aduerso 3. de locis affectis cap. 7. & 2. aphor. 45. & alijs in locis, quem etiam sequuti videntur ferè omnes scriptores Græci, dicit, nò posse fieri epilepsiam ab vlla alia caussa, quàm ab humore frigido & crasso; & quemadmodum Auerroes probat fieri nò posse nisi à vapore; quia citò fit, & citò dissoluitur, sic ille inquit, necessarium fieri ab humore frigido & crasso, quia citò fit, & citò soluitur. Et ne videatur rationem attulisse incongruam, fundata est in hoc, quòd oriatur hic morbus ob repletionem vetriculorum cerebri, qui vt omnia loca caua citiùs replentur à corporibus grauib, quàm à leuib, eo quia sicuti humores suo pondere illico præcipitantur in loca caua: ita quoq; ex locis spatiosis ab impulsore cito educuntur. Fauere videtur auctoritati Galeni in primis auctor ille de sacro morbo, qui cum scribat oues tentari hoc genere agritudinis ac multas perire, inquit ex dissectione apparere ventriculos cerebri repletos muco & pituita; vt ex hac vna demonstratione videatur necessarium, fieri hunc

hunc morbum ab humore. Fauet etiam eidem Auicennas, qui in capite de epilepsia ferè eadem verba eius transferens, inquit fieri hūc morbum ab humoribus frigidis & crassis, interdum quiescentibus & obstruentibus, interdum verò motis. & addit non solūm humores frigidos & crassos, verūm etiā & sanguinem, & bilem, & omnē humorem obstruentē facere epilepsiam. In hoc dissidio breuiter dicendū, epilepsiam quæ fit per essentiam in cerebro, fieri obstructis nō integrè vel aliquibus, vel omnibus cerebri vētriculis. obstrui autem hos ventriculos plerunq; ab humore frigido & crasso, cui permistus est flatus, qui & generari potest in toto cerebro, & quemadmodū dicit Auicennas, ex ebullitione & motu humorum in ventriculis; qui flatus, & humores cūm, quemadmodum dixi, non integrè obstruantur, mouētur in spatijs illis huc atq; illuc: in quo motu cūm percutiantur parietes ventriculorum, fit veluti quædam diuulsio & quidam morsus; quos percipiens facultas expultrix & motrix, excitantur, & excitata quatiunt totū cerebrum, præsertim autem principium neruorum, vnde sequitur motus. Et hoc licet temporibus posterioribus & Auic. & alij cognouerint, cognouit tamen diuinus Plato in Timæo, vbi scribit pituitam albam flatu plenam, si per superficiem diffundatur, vitiliginem parere. Si humori melancholico permista ingrediatur cauernas cerebri, facere morbum sacrum, hoc est epilepsiam. Inter causas morbi puerilis internas immediatas primum locum ha-

bet corporis puerorum habitus, de quo loquens Arist. 7. de hist. animal. 12. dicebat pueros *εὐτρόφους*, idest bene nutritos, & obesos maximè conuulsio nibustentari. Secundum locum habet temperatura corporis frigida & humida. dicebat enim Gal. 6. epid. com. 1. text. 5. intemperie cerebri maximè omnium hunc morbum generare, & ratio est, quia ab hac pituitosus, & viscidus humor generatur, à quo fit hoc malum. Tertio loco sunt partes corporis affecti. scriptum enim est ab eodem Galen. 3. de locis affectis 3. fieri hunc morbum interdum per cōsensum ab aliqua parte interna affecta. Sed, vt ait ipse, huiusmodi epilepsia rarissimè fit. Quare notandum est, si vera est hæc Galeni sententia, plerumque decipi medicos qui epilepticos ferè omnes existimât ægrotare propter alicuius partis consensum. vlt. loco est paterna & hæreditaria dispositio; Hipp. enim 2. proreth. multos esse dicit morbos, qui paterna hæreditate ingenerantur, inter quos epilepsiam enumerat. Sed dicet quis, quæ est ratio, propter quam epilepsia quasi per hæreditatem acquiritur? Explicat rationem Hipp. in lib. de sacro morbo, vbi scribit Phthificos fieri à phthificis, spleniticos à spleniticis, epilepticos, ab epilepticis. propterea quòd semen ab vniuerso corpore secedit, sanum à partibus sanis, & morbidū à morbidis; & in toto. Vt intelligatur, sciendum totam vim dispositionis hæreditariæ nō modò in hoc positam esse, verùm etiā in eo, quòd magna pars seminis à cerebro deriuat, non solum vt dixit Hipp. verùm etiam,



etiam, vt apparet ipsa experiētia: quia qui immo-  
 dica venere vtūtur, dicebat Arist. 4. sectione pro-  
 blematum, & citò caluescunt, & oculis laborant.  
 Hoc, nisi fallor, cognouit etiam verum esse Ti-  
 mæus Locrensis, qui in lib. de anima mundi scri-  
 bit, medullam spinalem suppositā fuisse cerebro,  
 vt per ipsam tanquam per pronū alueum deriuat-  
 ret materia sufficiens & ad semen, & ad genera-  
 tionē. quod cū ita sit, facile est videre cur ij ma-  
 ximè capite laborēt, qui à parētibus capite labo-  
 rantibus oriuntur. Signa morbi puerilis alia dia-  
 gnostica, alia prognostica sunt. Diagnosticorum  
 alia demonstrant morbum futurū, alia præsentē.  
 Interea, quæ demonstrāt futuram accessionem,  
 primum locum habet, ortū esse à parentibus epi-  
 lepticis. Notandū verò quod scribit Plutarchus  
 de sera numinis vindicta, scilicet eos, qui oriun-  
 tur ex parentibus epilepticis, statim debere cura-  
 ri; quasi certum sit indicium, filios etiam futuros  
 epilepticos, præterea in adultioribus futuræ ac-  
 cessionis præludia sunt dolor colli, spondyliū, cor-  
 dis, pauores in somno, motus inordinati in so-  
 mno, exspuitiones frequētes; his omnibus signis  
 potest iure colligi futurā esse accessionē. Signa,  
 quæ demonstrāt præsentē paroxysmū, illa ipsa sunt,  
 quæ infelix ille pater apud Matthæū c. 17. pposuit  
 Christo p puerō suo epileptico, neq; medici alia  
 signa pponūt. Nā, inqt ille bon<sup>o</sup> pater, Filius me<sup>o</sup>  
 stridet, clamat, cadit in ignē, spumā emitrit ex ore,  
 sine sensū est. hæc sunt ppriissima signa hui<sup>o</sup> ma-  
 li, & vt obiter dicā, dubitauit studiosissim<sup>o</sup> audi-

tor meus hac in re, nūquid scilicet ille puer fuerit epilepticus, an dæmoniacus; quia habetur ipsum fuisse à Christo curatum, eiecto dæmonio. Breuiter dico, duplici modo posse responderi. primo, quemadmodū respondet Caietanus, scilicet puerum illū fuisse epilepticum lunaticum, atq; etiā dæmoniacū; vel vt Origenes; fuisse epilepticum, sed morbum factū in ipso à malo dæmonio. Ad rem redeo, vt dixi, fit spuma in epilepsia, quoniā, vt scribit Galen. 2. aphor. 43. spiritus, & halitus, qui eleuantur ex pulmonibus, permiscetur saliuæ & pituitæ defluenti à capite; qui halitus, & pituita simul permisti, deinde motu agitati, & cōfracti, euadunt in spumam, haud aliter atq; contingit aquam maris spumescere, quando à multis ventis agitata frangitur. Stridor qui fit in epilepticis, non est dubitandum quin sit species quædam vocis. Vox autem à nulla alia fit facultate, quàm à motrice, & voluntaria. igitur adijciatur hoc argumētum alijs, quòd cū epileptici aliqui in ipso paroxysmo strideant, signū esse hunc motum deprauatum fieri etiam à facultate ipsa motrice læsa. Morbus hic puerilis acutissimus est, quemadmodum ex Auicennæ sententia docui; & cū sit acutissimus, etiam exitialis est. Causa verò propter quam hæc ægrotudo in pueris exitialis est, explicatur ab Hipp. lib. de sacro morbo, vbi scribit, pueros faciliè perire propter epilepsiā, eo quia venas angustas, seu, vt dicit Auic. strictas habent; propter quam angustiam, cū pituita alioquin crassa ab ipsis nō recipiatur, permanens  
in

in cerebro, huic vitio originem præbet. Sed multo melior, & verior huius rei ratio est, quòd cum pueri valde abundant humiditate secundum cerebrum, simulq; facultatē motricem; & nervos ipsos imbecillos habeant, non potest humor semel in ventriculo motus, atq; copiosus à facultate expultrice & motrice aut dissolui, aut longè propelli. Ceterùm, dicit Hipp. eodem in loco, eos pueros, qui semel ab epilepsia sunt curati, nō amplius eo morbo tentari, si aliquā partem eo morbo deprauatam habeant. Cuius rei ea est ratio, quia vbi ab epilepsia deprauatur aliqua pars, ex eo fit, quia materia morbifica à natura, & à facultate in eam partē semel detrusa est, vbi semel facultas viam inuenit, quares noxias deponat, & à se se expellat, in posterum eandē viam seruat, ita vt nō sinat amplius humores offendētes vel colligi, vel collectos in cerebri ventriculos præcipitari. Occurrit hoc in loco dubitatio, à nemine etiam proposita, quia Hipp. 2. lib. proreth. enumerans quatuor morbos, qui vidētur fieri hæreditate paterna, inquit eos, si sint congenei, hoc est si à principio sint congeniti, esse difficiliter mobiles, & iure; quia quæcumq; fiunt cū ipso animali, omnia ferè sempiterna esse solent. inter hos autem morbos enumerat ipsam epilepsiam, quasi hæc hæreditaria sit difficilis curatu. Ex altera parte idem Hipp. 6. epid. com. 1. text. 5. inquit, fulgores in pueris ætatis mutatione tolli. quod oraculum cū Galen. interpretaretur, multa pulcherrima docuit, inter quæ ait, illud vnum responden-



dum esse, epilepsiam duplicem generatione habere, alteram ab ortu; alteram verò propter vitæ errata. Eã, quæ fit propter vitæ errata inquit opus habere medicis auxilijs. Eam verò, quæ fit ab ortu, sponte ætatis mutatione curari, & nō facessere negotium medicis. Ex quibus duobus locis videtur apparens quædã contradictio, quòd in vno dicatur epilepsiam congenitam difficile esse curatu; in alio verò sponte curari, & medicis nō facessere negotiũ. Cuius solutio posita tota est in intellectu verborũ Galeni, quæ malè sunt expressa ab interprete, vt videre fit quãti referat auctores nostros legere propria lingua loquentes. hoc uerum est, morbos omnes congenitos, nedũ epilepticos, esse difficiles curatu. Neq; huic sententiæ contradicit Galenus, si eum rectè intelligamus. nam mens ipsius est, epilepsiam, quæ fit propter errores in victu, sponte nunquã curari, sed beneficio medicinæ, & iure; quia sicuti error fuit, qui fecit morbum, pariter necessarium est, vt diligentia, & studiũ medici curet eum. Ceterũ ea, quæ fit ab ortu, inquit Galenus, etiam sponte curatur sine medici auxilio. Ex quibus verbis non negat difficultatẽ curationis, sed solummodò hoc asserit, quòd sicuti alia opus habet medici auxilio semper, ita hæc curari potest sine auxilio medici, sed sola mutatione ætatis. Verũm dicet quis, quæ est ratio, propter quam mutatione ætatis potissimũ curatur hic morbus: & cur post mutatione ætatis, scilicet vigesimum quintum annũ contingat, vt difficillimus, & impossibilis sit curatu? Respondeo,

deo, curari morbum puerilem cū mutatione ætatis duplici de causa. Vna est, quia larga illa humiditas, quæ causa est huius morbi congeniti, ætatis mutatione mirum in modū diminuitur. Alia est, quia facultas motrix, & omnis facultas animalis mutatione ætatis robustior multo euadit, quo fit, vt diminuta materia & crescente robore facile morbus superetur. Ad secundum autē breuiter dicam, difficilem esse curationem, & impossibilem epilepsiam post mutationem ætatis, propterea quòd cum eo tēpore facultates animales sint robustæ, cum etiam sit diminuta humiditas congenita, signū est, si morbus hic fit, fieri eum à potentissima causa; quæ sicut apta fuit præter naturam quodammodo morbum inducere, ita quoque potens est morbum ipsum fouere & conseruare; quòd quidē propterea est, quia humores illi, qui faciunt epilepsiam hanc, sunt melancholici & sicci, vt non solū per se sint difficiles sublato, sed etiā quia in dies magis ac magis propter ipsam ætatem augentur. Ceterum pueri, qui hoc morbo exercentur, vel lactentes sunt, vel adultiores. quamobrem alia est curationis ratio, quæ debetur lactentibus, alia, quæ adultioribus. Et quia lactentes, vt aliàs dixi, gubernantur medicatione nutritiū, ea propter vna propè est ratio victus in hoc morbo curado, quæ debetur & lactentibus, & adultioribus: ac posita est in moderandis & superandis causis externis; Inter quas primò occurrit aer, qui debet eligi & parari calidus atque siccus. nam Hipp. in lib. de aere, aquis, & locis cap. 2. scri-

bit eos, qui habitant plagas frigidas, pueros habere, qui frequenter epilepsia tentantur. Somnus etiam moderandus est, quoniã si, vt scribit Arist. lib. de somno & vigilia, epilepsia est veluti quidã somnus, proculdubio vigiliae moderate magnam vtilitatem præbebunt. Exercitationes quoq; importuna sunt ablegandæ, sed præcipuè timores & periclitamenta omnia; quo fit, vt etiam hac in parte sit laudandus Plato, qui monet in 2. de Republica, ne matres figmentis & fabellis filios terreat, & his diebus scriptum est ad me è Germania de puella quadam, quæ tantùm ex terroribus facta est epileptica. Damnat balneã in epilepticis Galen. lib. de sectione venæ cap. 9. sic quoq; damnanda est omnis repletio, nimia inanitio, & Galen. loco citato, inter alia, quæ consentit Erasistrato non conuenire epilepticis, est inedia, quam ait mirificè caput replere. De potu video non nihil difficultatis, quia ex vna parte Aetius ex sententia Possidonij laudat proposuisse epilepticis potum & cibum calidum. Inter calidos potus nõ est dubitandum numerari vinũ, vt hac ratione videatur ex præcepto Aetij illud conuenire. Ex altera verò parte & omnes medici & Arist. nõ solum pueris, verùm etiam ipsis nutricibus vinum etiam atque etiam interdixere. Nec volo latere, quod facit ad propositũ, id quod scribit Plutarchus in problem. sapientes Romanos cauisse, ne in sacrificijs nutricum adhiberetur vinum, sed lac; ne scilicet ex vino ipsarum accederet pueris detrimētum. Hoc itaq; statuo, pueris, & nutricibus omnino interdendum



dicendum esse vinum, & præsertim cùm laborât epilepsia; quia tametsi calefaciat, verùm tamē habet aliud malum, quòd scilicet neruos vehementer percellit: pueri verò neruos omnes valdè infirmos habent. Pro potu itaq; conueniet & nutriti & pueris mulsæ, vel decoctio facta eiusmodi. Recipe aquæ communis lib. ij. foliorum betonica p. s. coriandri præparati drach. ij. fiat decoctio secundum artem: deinde facta expressione adde ad idem mellis optimè despumati, vel sacchari vnc. ij. s. & seruetur pro potu. Quare cùm Aetius laudat potum calidum, intelligere debemus non de vino, sed de huiusmodi potu, qui vim habeat calefaciendi, nec detrimentum inferat capiti. Cibi debēt esse calidi, & attenuantes; & ita hi iuuāt, vt dixerit Galenus, se quandoq; solo attenuante victu pueros epilepticos perfectè curasse. Sylua habetur huiusmodi ciborum in cōsilio pro puero epileptico, modò tamen prudēter eo vtamur. dico prudenter, quia illud cōsiliū multis, & mihi etiam fuit suspectum, & forsan non fuit Galeni; quia sunt ibi multa, quæ si examinentur, non admodum conueniunt. Quare vitare debebunt epileptici & nutrices legumina omnia, carnes animalium maiorum, & syluestrium, pisces omnes lacustres & graues, & summatim debent omnia vitari, quæ succos crassos gignunt, quæ flatuosa sunt, & caput proprietate quadam offendūt, atq; hæc cōmunis est victus ratio, seu moderatio causarum externarum. Iam verò in perficienda hac ratione illud spectandū, si puer sit lactens, vtrum

fiat ex consensu alicuius partis: an verò per essentiam in capite. quia si fiat per consensum alicuius partis in lactentibus, vix fieri potest vlla alia ratione, quàm propter ventriculũ. Offenditur autem is in huiusmodi etate, vel qualitate, vel copia lactis. Si copia lactis offendatur, studendum est, vt nutrix rarò mãnas præbeat. Si qualitate, quia scilicet lac sit acre, totum studium conuertendũ ad emendandum nutricis lac; interim tamẽ non negligendus ventriculus puelli, quod fieri potest aliquo cerato, vellinimẽto. & ceratum, quo ego soleo vti, istud est. Rec. pulueris aloes, myrrhæ ana scrup. s. pulueris masticis scrup. i. ceræ cum modica resina, misce, fiat ceratum, & apponatur ori ventriculi. Si verò sit per essentiam, quod frequentissimè cõtingit, dicit Aetius difficilem esse curationem; ea propter agendum est, quod potest fieri in hac etate, & intrinsecis, & extrinsecis. Intrinsecus laudat Aetius vsum mellis. soleo ego vti pulueribus, cuiusmodi est iste. Rec. seminis pæoniæ scrup. s. foliorum stœchados, betonicæ ana. p. s. cyperi scrup. i. terantur omnia subtilissimè. modus verò præbendi medicamenta in hac etate erit, vt accipiatur cochlear paruum, & accepto puluere immitratur in os: deinde statim porrigatur mamma; puer enim dum ea porrigitur, facile deglutit medicamẽta. Extrinsecus alia conueniunt capiti, alia toti corpori: capiti quidẽ puluisculi, qui superspergũtur ceruici, cuiusmodi est iste, Rec. adianti, cyperi, iridis ana drach. ij. caryophyll. scrup. i. teratur omnia subtilissimè, & misceantur.

ſceantur. In vſu eſt in plerifq; Italiae regionibus  
 pueros nō ſolum epilepticos, verū etiam quos-  
 uis ſtatim incendere, vt vocāt. nam ferro ignito,  
 aut titione, quemadmodum ſæpè feci, poſterio-  
 ra capitis in duobus vel pluribus locis vrūtur: hæc  
 enim vſtio mirificè valet ad deſiccandam puero-  
 rum humiditatem. & volo hic aliud docere. Re-  
 fert Herodotus lib. 4. Libyae populos quosdam,  
 conſueuiſſe omnibus pueris quadrimis ceruicem  
 inurere, atq; hoc remedio eos liberare ab omni  
 morbo pituitoſo, vt ſemper in poſterum ſaniſſi-  
 mi viuant; quod ſi inter vrendum forte fortuna  
 capti fuerint ſpaſmo vel conuulſione, dicit con-  
 ſueuiſſe eos curare aſperſione vrinae hirci. Totū  
 corpus inungi poteſt vel oleo ſeſamino, chamæ-  
 melino, vel irino. Laudatur etiā linteolum aſper-  
 ſum decocto vngulae caballinae, & viſci quercini.  
 Vel Rec. foliorum vngulae caballinae m. i. viſci  
 quercini vnc. ſ. fiat decoctio ſecundum artem, in  
 qua maſſa fiat linteolum, & circumponatur toti  
 corpori loco aliorū linteolorum. laudatur præ-  
 nia appenſa collo ita vt contingat ventriculum.  
 Albertus Magnus in libro de mineralibus lauda-  
 uit ſmaragdum appēſum. Sed ſi puer ſit grandiu-  
 ſculus, atq; epilepſia fiat propter cōſenſum ab alia  
 parte, primò expurgandum corpus prout patitur  
 ætas, deinde parti illi, ſiue ſit brachium, ſiue crus,  
 ſiue quodcūq; aliud, adhibēda ſunt medicamēta  
 ea, quæ poſſint & intēperiē partis alterare, & ma-  
 teriā quæ eleuat, diſſipare. Fit autē hoc primò fri-  
 ctionib. mox ſi ea nō pderūt, deueniēdū ad cera-



tum, quod possit discutere, vt est sacrū ceratum. demum ad sinapismos deueniendum, ad vsum cantharidum; & si hæc non profint, deueniendū ad ignem. nā memini me iuuenem curasse igne, à cuius coxa eleuabatur vapor, qui faciebat epilepsiam. Si sit per essentiam, purgandus est puer, & primò immittendus est clyster huiusmodi. Recipe foliorum centauree minoris m. s. foliorū maluæ m. i. furfurum in petia ligatorum p. s. fiat decoctio secundum artem: deinde Rec. dictæ decoctionis vnc. viij. mellis communis vnc. j. s. olei chamæmelini vnc. ij. s. salis drach. s. misce, & fiat clyster. Post erunt præparandi humores hoc pacto. Rec. foliorum stæchados, betonicæ ana. m. s. feminis præoniæ drach. i. fiat decoctio secundū artem, deinde Rec. dictæ decoctionis vnc. iij. plus minusve, prout fert ætas, oxymellis simpl. syrupi de stæchade an. vnc. s. misce. vbi erunt præparati humores, purgabuntur; & quamquā in hac ægritudine cōueniant vehementia medicamenta, attamē ratione ætatis abstinendum à grauioribus, aut vtendum in exigua quantitate; aut si placebit vti pillulis, nō transcendendi scrup. 2. pillularum de hiera Pachij, vel pillularum cochiarum. Si autem in potu accipiendum sit medicamētum, hoc modo præscribendum. Rec. agatici præparati scrup. 2. infundatur secundum artem in vnc. 2. aquæ betonicæ, & facta expressione, adde mellis rosati solutiui vnc. 2. electuarij de psyllio drach. i. s. misce, & fiat potus. Expurgato corpore, quia morbus contumacissimus esse solet, nō est fiden-

dum,

dum, etiam si per duos vel tres menses inducias  
 trahat; quoniam hic morbus consuevit diu late-  
 re, & tandem denuo reuerti, ea propter incum-  
 bendū grauiter ipsi curationi. Inter medicamen-  
 ta, quæ solent euincere huiusmodi morbum, est  
 vsus decocti guaiaci ritè facti, & vt habeatur ra-  
 tio ætatis, sic faciendum. Rec. ligni guaiaci vnc. 2.  
 aquæ betonicæ lib. 2. infundantur secundum ar-  
 tem, deinde bulliant ad consumptionem tertiæ  
 partis; & in fine adde ad bulliendum in panno li-  
 neo subtili seminis pæoniæ drach. 2. visci querci-  
 ni drach. 1. s. coriãdri drach. 1. deinde seruetur col-  
 latum pro syrupo. Rec. deinde idem lignū, aquæ  
 cōmunis lib. 4. bulliant ad consumptionē quartæ  
 partis, & in fine adde ad bulliendum seminis ani-  
 forum vnc. s. coletur, & seruetur pro potu quoti-  
 diano. dabitur syrupi quãtitas vnc. iij. vel iiij. quo-  
 libet mane. Victus erit tenuis, & attenuans. Per-  
 seuerandum autem in hac medicatione per qua-  
 draginta, aut quinquaginta, vel plures dies. Inte-  
 rim extrinseca medicamenta adhibēda, quæ pos-  
 sint caput calefacere & exsiccare. Sinapismis vtē-  
 dum erit in capite: sed etiam conueniunt caute-  
 ria in brachijs, & in cruribus; præsertim verò con-  
 ferre nuchæ facta. Sunt etiã aliqui pulueres, qui-  
 bus ego vti soleo, vt Rec. seminis pæoniæ, visci  
 quercini, ana drach. 2. cardamomi drach. 1. can-  
 tharidum præparatarum scrup. 2. puluerizentur  
 omnia & cum melle conficiatur bolus, cuius po-  
 terit sumi singula vice vel drach. 1. vel drach. s. su-  
 metur autem tribus horis ante cibum. Habetur

apud Mesuem confectionis genus, quod ab ipso, & alijs mirificè laudatur. Sunt etiam infinita alia, ita vt pauci sint morbi, qui plura habeant medicamenta à medicis laudata.

*De Conuulsione. Cap. IIII.*

**S**imilem alium epilepsiae morbum incurrunt facillimè pueri, quemadmodum dicit Hipp. 3. prognost. 3 4. atq; Arist. 3. de hist. animal. 1 2. qui à Græcis nūcupatur *σπασμὸς*, nostri vocāt conuulsionem, quā dicebat Gal. 3. aphor. 28. & 3. progn. loco citato. & Auic. 2. tertij cap. 8. propter imbecillitatem partiū neruolarum fieri; propter quod fit, vt musculi præsertim, & nerui facillè exponantur iniurijs morbificis. Similem autem dixi epilepsiae, quoniam in vtraq; hac ægritudine musculi cōtrahuntur versus propriam originē, sed quam hi morbi similes sint, nihilominus in multis differunt, quia epilepsia citò soluitur, spasmus verò non ita citò. ad hæc in epilepsia amittitur sensus, in hoc autem cū cerebrum nō sit ita affectum, minimè sensus amittitur. postremò, epilepsia est conuulsio totius corporis, spasmus est conuulsio vel partis, vel partiū corporis, vt Auic. dixerit spasmum esse epilepsiam partis, epilepsiam verò esse spasmum totius. Sed video dubitari, nunquid in hoc spasmo cōtrahantur duntaxat musculi, an verò etiam nerui afficiantur. Ex vna parte Galen. 3. de symptom. causis. capit. 2. videtur sentire conuulsionem duntaxat esse musculorum, & propterea ventriculū non conuelli, quia caret musculo. Ex altera parte idē Gal. lib. 2. cap. 2.



cap. 2. de conuulsion. & palpit. 8. manifestissime scribit in conuulsione affici & neruos, & musculos. Dicendum est in conuulsione duo spectari posse, & motum ipsam, & causam inotus. Si spectemus tantummodò motum, cum musculi soli, vt aliàs dixi, moueantur secundum imperium voluntatis, eos solos potest dici affici in conuulsione: Sed si spectemus causam mali, quandoquidè nerui in conuulsione vel replentur, vel exsiccantur, & malum consequenter musculis communicatur, hac ratione dici potest & musculos & neruos in conuulsione affici. Cùm itaq; hæc conuulsio sit contractio musculorum præter naturam vel vnius, vel plurium corporis partium, videndum est, quot genera, vel differentia huius mali fiant. nam partes nostri corporis vniuersaliter diuiduntur in anteriores, & posteriores. quo circa conuelluntur vel anteriores, vel posteriores, vel vtræque. Si conuellantur partes anteriores, vt contractio fiat colli versus pectus, appellatur hic spasmus ἐμπροσδότηνος, seu contractio ad anteriora. Si conuellantur partes posteriores dicitur ὀπισδότηνος, seu contractio ad posteriora. Sed si vtræque partes cōtrahantur, fit species conuulsionis, quæ τέτανος appellatur. Cornelius Celsus, Marcellus medicus, & Plinius appellarunt rigore, eo quod in ipso rigida euadant & permaneant corpora. nam si effectum consideremus, hæc species conuulsionis non potest appellari contractio, sed si causam consideremus, eum vtrinq; musculi, & nerui æqualiter contrahantur, fit ve-

luti contractio alternata, & continua: vt veluti in medio quodam situ corpora permaneant tenſa & rigida. Est hic affectus symptoma in genere motus deprauati: Sequitur autē hoc symptoma morbum instrumentalem multiplicem, solutionem cōtinui, auctam magnitudinem, situm mutatum, figuram cōmutatam. De caussis conuulsionis scriptum est ab Hippocr. 6. aphor. sect. aphor. 39. fieri eam vel à repletionem, vel ab inanitione. Et vt caussæ breuiter, & ordinatè habeantur, sciendum est cōuulsionem fieri vel essentialiter, vel per consensum. Per consensum, quotiescunq; cōmorſum ventriculi os, vel alia pars communicant laſionem vel principio neruorum, vel nuchæ; atq; fit conuulsio, quam appellant pleriq; medici spasmus non proportionatum ad materiam. Per essentialitatem fit vel à caussis internis, vel externis. Internæ causæ duæ numeratæ ab Hipp. scilicet repletio, & exsiccatio. nam quemadmodum dicebat Gal 3. de locis affectis cap. 6. sicuti chordæ cōtrahuntur, & rumpuntur vel quando nimium humore replentur, vel quando nimium exsiccantur, haud secus nerui ipsi contrahuntur, vel quando largo humore nimis replentur, vel quando nimis exsiccantur; vt repletionis causa nulla alia sit, nisi humor imbibitus in ipsis neruis, qui cūm faciat eos secundum latitudinem augeri, necessariò facit vt secundū longitudinem imminuantur. Exsiccationis causa interna vna penè sola præternaturalis ab Hipp. 3. prognost. & ab Auic. loco citato proponitur, scilicet febris praua,

praua, & magna. A febre hectica, in qua corpora mirificè exsiccantur, non fit hoc genus mali, propterea quod in ipsa exsiccatio fit pedetentim, & æqualiter per vniuersum corpus, vt non impetu magno nerui in ipsis exsiccentur. In febre autem praua, & magna cum non fiat exsiccatio vniuersalis, cumq; fiat subito, atque magis depopuletur neruos, quàm carnes, propterea fit, vt in hac febre fiant conuulsiones, in alia nequaquam. Inter externas huius mali causas primum ponunt medici aerem humidum; propter quod Arist. 1. 2. cap. 7. de hist. animal. dicit pueros maximè omnium conuelli in plenilunijs, eo quod tunc temporis aer humiditate grauidus faciliè neruos pueroꝝ alioquin infirmos malè afficiat. Vigilię inter has causas ab Hipp. numerantur, & timor. Ratio, propter quam præ timore conuelluntur pueri, luculèter explicata est ab Auicenna, quod cum intimore magno impetu ab externis partibus ad intimas recurrat spiritus, eos quodammodo nerui sequuntur, & inde fit contractio. Balnea etiam numerantur inter has causas, vnde Michael Ephesius super locum Auic. adnotauit institutum fuisse apud veteres, vt nomina non imponerentur pueris ante octauam diem, quia dum imponebant nomina, lauabant pueros, quemadmodum faciunt Christiani; & quia ex lotionem periculum impendet, ne spasmus fiat, iccirco noluerunt vt pueri propter hunc morbum ante octauam diem lauerentur. Alui adstrictio in pueris mirabiliter hunc morbum excitare solet, id quod non solùm Hipp. 3.



prognost. verum etiam Arist. adnotavit. Potus  
 vini nigri & generosi, inquit Arist. hunc morbum  
 maxime facere, siue potum ab ipsa nutrice, siue  
 à pueris. Sic lac vel copiose sumptum, vel crassum  
 huic morbo occasionem præstat, quemadmodum  
 etiam ploratus, vigilia, vsus etiam ciborum pra-  
 uorum in ipsa nutrice mirifice generationem hu-  
 ius mali inducit. Cognoscitur conuulsio facilli-  
 me, quia ipsis oculis apparet corpus pueri con-  
 tractum, vel in anteriorem, vel in posteriorem par-  
 tem, vel rigidum, & tensum. Vtrum fiat per con-  
 sensum, vel per essentiam, cognoscitur ex eo, quod  
 quæ fit per essentiam, perpetua est; sed quæ per  
 consensum, momentanea. quæ fit à repletionem,  
 cognoscitur eo, quod fit subito, vel breui tempo-  
 re; quæ verò fit ex inanitione, paulatim fit & lon-  
 giore tempore. Duo scribit Arist. quæ sunt hic con-  
 sideranda. Vnum est, conuulsionem quæ incipit  
 à dorso, esse exitialem in pueris; cuius rei causa  
 nec ab ipso, nec à quoquam est proposita. Sed pu-  
 to ego eam esse, quia quæ incipit à dorso, originem  
 ducit à spinali medulla, quæ est maximi momen-  
 ti in sustentanda vita nostra, & hæc pars in ipsis  
 pueris infirmissima semper est; vnde & propter  
 infirmitatem, & partis dignitatem, morbus, qui  
 fit in hac parte, exitialis est. Memini me legisse  
 apud Platonem in Timæo morbum exitialem esse  
 eum, qui fit in medulla. Alterum, quod scribit  
 Arist. pueros sub conuulsione vt plurimum perire  
 ante septimum diem, septimus hic dies intelligen-  
 dus est à die natiuitatis, non autem morbi; quem  
 admo-

admodum pueriliter interpretatus est Albertus Magnus. nam ita esse interpretandum Arist. illud fidè facere potest, quod ab illo subiungitur; quia pereunt pueri ob conuulsionem ante septimam diem, constituisse veteres, vt imponerentur ipsis nomina transacta septima die, quia tunc certior esset puerorum salus. id quod non solùm Græci factitant, verùm etiã Romani; cùm scribat Plutarchus in problematibus, Romanorũ consuetudinem fuisse, vt fœminis 8. die, maribus verò nono imponerentur nomina. Hæc Arist. sententia occasionem præbet dubitationi, quia scribit ipse pueros vt plurimũ perire propter conuulsionẽ; aduersam huic sententiã habet Galenus, Hippocrates, & Auicenas. Hipp. & Gal. 3. prognost. 3 4. & Auic. 2. tertij cap. 5. scribũt pueros faciliter curari à conuulsione, & triplicem huius rei rationẽ afferunt. Vna est, quia pueri facultatẽ iecoris naturalem robustam habent, merito cuius superantur causæ morbificæ. Altera causæ est, quia habet robustam facultatẽ vitalem, propter quam etiam facilè dissipantur humores facientes conuulsionẽ. Tertia est, quia humiditas qua abundat pueri, est aerea, tenuis; eiusmodi verò humiditates facilè dissipantur, ita vt inde videatur manifesta contradictio inter Arist. & hos scriptores. immo verò pro Arist. videtur experientia testari, quantũ enim ego obseruauì, multo plures pueri iugulantur ab hac ægritudine, quàm seruãtur. Ex hac verò dubitatiõe suboritur & alia, quod Gal. 5. aphor. 1. expones oraculum Hipp. cõuulsionem ex helle-

boro lxtalem esse; dicit, spasmm, qui fit ex sicci-  
 tate esse incurabilem. quam sententiam omnes  
 medici sequuti sunt. Sed ex altera parte est aucto-  
 ritas Auic. 2. tertij. cap. 5. quam etiam sententiam  
 videtur habere Gal. 3. prognost. dicit enim Auic.  
 spasmm ex siccitate in pueris facile curabilem  
 esse; contra quam sententiam videtur facere ra-  
 tio, quia si in morbis minus periclitatur illi, quo-  
 rum temperatura similes sunt morbis, magis ve-  
 rò periclitantur, quorum morbi sunt dissimiles,  
 procul dubio spasmm ex siccitate dissimillimus  
 est puerorum temperatura, vt apertissima videat-  
 ur contradictio inter medicos. Ad primam du-  
 bitationem respondendum puto veram esse me-  
 dicorum sententiam, scilicet conuulsiones in pue-  
 ris faciles esse solutu, respectu earum, quæ fiut in  
 viris, ea scilicet ratione, quia vt scribit Auic. pue-  
 rorum humiditas aerea, & facile superabilis est.  
 Sed quid dicemus ad Arist.? scilicet, quod pueri,  
 qui pereunt ex conuulsione, vt plurimũ pereunt  
 ante octauam diem ætatis, atq; hoc etiam nõ ne-  
 gabunt medici, quamquam alioquin vniuersali-  
 ter pueri facilius liberetur, quàm viri. Pro secun-  
 da dubitatione dicendum est id, quod colligitur  
 ex Gal. 5. aphor. 1. nimirum duplicem esse sicci-  
 tatem, à qua fieri possunt cõuulsiones; vel consum-  
 matam, & perfectam; vel non consummatam.  
 A conuulsione, quæ fit propter consummatam  
 siccitatem, neq; pueri, neque viri possunt curari,  
 neq; aliæ ætates. Ceterum quæ fit à siccitate non  
 consummata, adhuc duplex est, vel maior, vel mi-  
 nor.



nor. quę est à maiori siccitate, difficilis est curatu: quę fit à minori facilior. Iam verò cōuulsio facta ex siccitate in pueris, fit dumtaxat à minori, in iuuenibus verò fit à maiori, & propterea iure dictū est ab Auic, conuulsionem puerorum à siccitate esse facilem curatu, scilicet respectu iuuenum, in quibus fiunt cōuulsiones à maiori siccitate. Cur autē in pueris fiant à minori siccitate, & in iuuenibus à maiori, causa hęc est, quòd iuuenes robustam neruorum vim habent, cuius merito non possunt nerui offendi à parua intemperie sicca, sed dumtaxat à vehementi; puerorum autem facultas neruorum imbecilla cū sit, facilē à quauis intemperie sicca nerui læduntur; & quemadmodum leui de causa offendūtur, pari pacto leui de causa liberantur. Sed quid dicemus ad rationem ex Hipp. quòd in morbis magnis periclitantur quorum complexionones sunt dissimiles morbis? Respondeo dissimilitudinem inter morbos, & complexionones duplicem esse, vel secundum actum, vel secundum aptitudinē. inter spasmus siccum, & complexionem puerorum est quidē dissimilitudo secundum actum, sed nō est secundum aptitudinem. propterea quòd pueri propter tenuitatem humoris, quo abundāt, maximē apti sunt, vt facilē corpora ipsorum existantur. Curatio huius morbi alia est, quę debetur conuulsionibus ex repletionē; alia, quę ex siccitate. Quę fit ex repletionē, siue sit in pueris lactētibus, siue sit in adultioribus, hoc præcipuum habet, vt diligenter studendum sit calefaciendis, & exsiccan-

dis corporibus. Quamobrem vna est victus ratio, quæ vtrisque conuenit, & non solum ipsis, sed etiam nutricibus; & ne idem inutiliter repetam, eadem erit seruanda victus ratio, quam præscripti in epilepsia, quia eadē materia est & idem morbus. Ceterum quædam sunt, quæ circa corpora puerorum sunt agenda. si enim sint adultiores, erunt expurgandi, & præparandi humores eo pacto, quo docui in morbo superiori. Si verò sint lactentes, cum ipsis non debeat purgatio, ipsorum nutrices erunt purgandæ. Cura autem, quæ pueris debetur, est membra contorta, & spasinata diligenter, & blandè rectitudini manibus restituantur, & restitutis ijs inungantur & nucha, & vniuersa membra conuulsione detenta. olea quæ conueniunt plurima sunt; oleum vulpinum, oleum sycinium, idest ex cucurbita syluestri, oleum irinū, costinum. nam solent fieri capitibus puerorum, & præsertim secundū partes posteriores perfusiones ex eiusmodi oleis. Laudatur à proprietate etiā heliotropion, & coquitur in aqua, cum qua lauantur corpora puerorum spasmatorum; & postquam lota fuerint, & exsiccata, deinde inunguntur prædictis vnctionibus. Nicolaus parat quoddam olei genus, quod appellat moschelinū, atque hoc mirificè cōducit ad conuulsiones puerorum ex humiditate ortas. In rigore seu tetano solent parari vesicæ, & impleri eiusmodi oleis, atque ita plenæ applicari modo anterioribus, modo posterioribus partibus. Sed si spasmus fiat à siccitate conuertendum est studiū ad cōtrarium; fugiendus

dus aer calidus, & siccus; fugienda vigilæ; tota  
 victus ratio posita esse debet, vt corpora hume-  
 ctentur. Pro potu conuenit aqua, pro cibis ptisa-  
 na cum lacte amygdalarum dulcium; maluæ co-  
 ctæ, lapathium coctum; iura pinguia & pullorū,  
 & aliorum animalium. Omne genus medicamen-  
 torum frigidorum, quod exsiccare possit, cauend-  
 um; corpora spasmatata sunt in balneo calido hu-  
 mectante ponenda, cuiusmodi esset istud. Rec.  
 foliorum maluæ, violarum, lapathij, nenupharis  
 ana. m. ij. radicū althææ lib. j. capita castrati nu. ij.  
 bulliant in sufficiens quantitate aquæ, in ea aqua  
 mergantur corpora spasmatatorum; quæ demersa,  
 sunt ad propriam rectitudinem trahenda, vt scili-  
 cet paulatim manibus corpora, quæ sunt antro-  
 sum reflexa, conuertantur retrorsum; quæ verò  
 rigida sunt, in alterutra parte blandè flectantur.  
 tum inungenda sunt inunctionibus, quæ possunt  
 molle facere, vt oleo amygdalino dulci, butyro,  
 pinguedine anserina. Poterit linimentum tale pa-  
 rari. Rec. pinguedinis anseris, vrsi ana vnc. j. me-  
 dullæ crurum vituli vnc. s. œsypi drach. iij. masti-  
 cis drach. ij. olei amygdalarum dulcium quatum  
 sufficit, misce, & fiat linimentum.

*De Paralyfi, & Torpore. Cap. V.*

**H**Actenus vitia puerorum sunt tractata, quæ  
 posita sunt in motibus deprauatis. Sequitur  
 nunc, vt tractemus de motibus imminutis, & abla-  
 tis. nã sicuti pueris hæc actio motiua deprauari so-  
 let, ita cõsuevit & ex toto aboleri, & magnopere  
 imminui. Si ex toto aboleatur, vel in vna parte tã-



tum id fit, vel in pluribus. In toto corpore aboleri hunc motum fieri non potest in pueris, quia sicuti paralyfis particularis fit in ipsis, quoniam scilicet vel aliqua pars, vel aliquæ partes priuantur & motu, & sensu; sic nequaquam contingit vt vnquã ex toto aboleatur motus & sensus, ita vt fiat vniuersalis paralyfis, quæ apoplexia vocatur. nã licet Rases inter morbos pueriles connumeret etiam vniuersalem resolutionem puerorum, existimandũ est tamen, ipsum loqui de ea resolutione, quæ contingit in plurimis corporis partibus, non autem in toto; eo quia à nemine traditũ est pueros apoplexia tentari, neq; etiam experientia comprobatum est, hoc mali genus in ea etate fieri. Si diminuatur motus vbicunq; diminuatur in corpore puerorum, appellari potest torpor; sed vbi hic torpor generatur in lingua, fiunt alia vitiorum genera, quæ ad balbutiem pertinent, de qua polliceor me tractaturũ suo loco. Nunc itaq; duntaxat tractabimus de motu abolito, & diminuto in alijs corporis partibus; quorũ motuum vitiosorum alter paralyfis, alter torpor appellatur; & quia huiusmodi morbi differunt tantummodò secundum magis, & minus, sat erit vno capite de his tractare. Sed antequã id inchoemus, prius examinandũ est problema à paucis discussum; cur scilicet fiat, vt pueri, qui adeo frequenter epilepsia tentantur, nunquam tamen apoplexia corripiantur. nam quod facit hanc difficultatem, est quia Galenus 2. aphor. 49. & 3. de locis affectis 7. & alibi inquit, epilepsiam, & apoplexiam

xiam habere eandem materiam, eundemq; locū  
 affectum; differre verò quia in apoplexia motus  
 est sublatus, in epilepsia deprauatus. Si igitur tan-  
 ta est similitudo inter hos morbos, qui fieri po-  
 test, vt pueri altero tententur, altero verò non?  
 Accedit his, quod Hipp. 6. aphor. 57. scribit apo-  
 plexiam fieri maximè à quadagesimo anno vsq;  
 ad sexagesimum; vt & auctoritas, & experientia  
 perspectum reddat pueros nō tentari apoplexia.  
 Ex altera tamen parte videtur ratio exigere, vt  
 etiam pueri tententur apoplexia. Hieronymus  
 Cardanus, qui gustauit hanc difficultatē in com.  
 ad aphor. Hipp. lib. 5. de bacchans, vt sui moris est,  
 aduersus Galenum, inquit non alia ratione pue-  
 ros expertes esse huius mali, nisi quod apoplexia  
 fiat ab humore melancholico quo cū careant,  
 iure merito immunes sunt ab apoplexia; atque  
 hanc rem, & rationem, inquit vir ille, ignoratam  
 esse ab omnibus medicis, praterquam ab Hipp.  
 & Arist. ab Hipp. quidem, quia cū scribat fieri  
 apoplexiam ab anno quadagesimo ad sexagesi-  
 mum, nihil aliud vult dicere, nisi fieri ab humore  
 melancholico. Ab Arist. verò, quia is 30. problem. 1.  
 scribit morbos attonitos fieri à melancholia; sed  
 possumus addere ad has aliam auctoritatē Hip-  
 pocratis, qui in libro de glandulis scribit apople-  
 xiam fieri ab humore cerebrum rodente, cuius  
 modi est ipse humor melancholicus. verū pace  
 huius viri, falsissimū est, apoplexiam fieri à solo  
 humore melancholico; & vt primū auctorita-  
 te Hipp. agamus, is lib. 3. aphor. 23. scribit hieme

potissimum fieri apoplexias, si hieme fiunt potissimum, Hippoc. quem humorem dixit exuberare hieme, quos morbos fieri? sanè in lib. de Natura humana tunc temporis pituitam abundare dicit, quemadmodum autumnò melancholiam. Si hieme abundat pituita, & tunc fiunt frequentes apoplexiæ, sequetur apoplexiam fieri, si nō semper, frequenter tamē, à pituita; quæ cū sit in pueris, alia est quærenda ratio. Sed demus Cardano fieri hunc morbū ab humore melancholico, pueri nō ne tentantur quartana? atq; hæc fit à melancholia: poterit igitur in ipsis simili ratione etiam fieri apoplexia ab humore melancholico. Accedit his, in pueris ex materno alimento colligi sæpè humorem melancholicū, qui nihil prohibet, quin potens sit apoplexiam excitare. Quare alia, vt ego puto, ratio est, cur pueri nō tententur apoplexia. & vt mea ratio intelligatur, duo constitui debent. Vnum est, secundum genus similem esse materiam, ex qua fit epilepsia, & apoplexia; sed differre posse secundum magis, & minus. alterum est, facultates naturales in pueris vbiq; validas esse, & in cerebro, & in omnibus partibus; sicuti facultates animales sunt imbecilles. Cū igitur dicat Gal. apoplexiã, & epilepsiam esse similes tum materia, tum loco; differunt autem, quia in apoplexia ex toto aboletur motus ipsius facultatis, in epilepsia fit vitiosus, oportet causã quærere, cur in pueris ex toto facultatis motus non amittat, sed dūtaxat vitiosus reddatur? hoc aut vel esse potest respectu ipsius facultatis, vel materiæ.

Dico



Dico ergo ego & respectu materiæ, & facultatis hoc esse. respectu materiæ, quia tametsi in apoplexia, & epilepsia materia sit crassa, tamen multo crassior est ea, ex qua fit apoplexia, quam ea, ex qua fit epilepsia; quia ubi fit epilepsia, copulatur pituitæ flatus; ubi est apoplexia sola est pituita. propterea cum, ut dicit Auic. pituita puerorū sit aerea, & flatulenta, clarū esse potest ratione materiæ nō posse esse apoplexiā, sed epilepsiā: ratione etiam facultatis hoc fit, quia facultas naturalis cerebri expultrix valida est, & cum sit valida, efficaciter potest aduersus humorē ita ut ex toto humor nō obstruat vētriculos cerebri; quod quidem nequaquam contingit in illis ætatibus, in quibus humor crassior est, & minus flatuosus; & facultas expultrix cerebri imbecillior: atque hæc fuit mea sententia hac in re. Dixi torporē, & paralysem affectus esse eiusdem generis, ac differre tantum secundum magis, & minus; quia quemadmodū scriptū est 2. de causis symptomatum 2. torpor est veluti imperfecta paralytis, paralytis verò est veluti magnus quidam torpor; utriusque autem isti affectus symptomata sunt in genere functionū facultatis volūtariæ læsarum. læditur autem facultas volūtaria in his morbis, non quidem essentialiter, sed per accidēs, scilicet à morbo instrumētali, qui impedit facultatē, quo minus functiones proprias obire possit. Impedit autē hic morbus in paralyti, & in torpore. In paralyti impedit ex toto vel partē, vel partes, ne moveantur. In torpore autē nō ex toto, & ratio est,

quia in paralyfi ex toto obstructæ sunt viæ facultatum, in torpore non ex toto. & hoc est, quod dicebat Galenus 5. cap. 1. de symptomatum causis, scilicet paralyfis, & torporis causam cōtinentem esse affectum illum, qui impedit facultatem, qui affectus nihil aliud est, quàm obstructio viarum ipsius facultatis. Differentiæ autem eiusmodi impedimēti capiuntur ex parte, in qua propriè positus est affectus; in qua si morbus sit in principio spinalis medulle, omnes partes inferiores læduntur; ita tamen, vt si pars dextera solùm afficiatur, partes dexteræ afficiantur, si sinistra, sinistra. Si verò morbus positus sit in osse sacro, partes omnes superiores incolumes remanent, inferiores verò læduntur; in omnibus autem, vt dicit Gal. cap. 2. secundi de symptomatum causis, actio vitiatur & diminutè, & ablatè; atq; opus est non solum facultatis, verùm etiam morbi in torpore, in paralyfi autem solummodò morbi. nam dum membra torpēt, hoc est debiliter mouentur, iccirco fit, quia facultas operatur quidē, sed ægrè; ægrè autē operatur propter morbum. cuius aliæ sunt causæ internæ, alię externæ. Internæ sunt humores, qui in pueris vix alij possunt esse, quàm pituitosi; & quamquam Hippocrates in libro de virginibus, & in 1. de morbis videatur tribuere causam torporis ipsi sanguini, id tamen aliud est. & sciendum quæ ratione in paralyfi, & in torpore lædatur facultas, Gal. 5. capite primi libri de symptomatum causis dicit facultatē animalem oculis distribui per spiritus, qui perforatos

ros nervos pertranseunt; in alijs autem partibus distribuitur facultas eo pacto, quo distribuitur per aquam, & aerem ipsa lux. Si aer purus, & serenus sit, nec non aqua limpida & clara, radij solares per corpora diffusi egregiè illuminant. sed si aer, & aqua sint crassefacta, quanto magis crassefiunt, tanto minus per ipsos distribuuntur radij, & consequenter tanto minor fit illuminatio. Idè contingit, vbi animalis facultas distribuitur per corpus, quia si nerui sunt liberi, & puri, integra fit facultatis distributio; sin autè crassefacti sint, prout crassefactio maior, vel minor est; ita etiam facultatis trá situs modò magis, modò minus impeditur. Iam verò in paraly si nerui sunt integrè crassefacti, & præsertim secundum principium, hinc fit, vt ex toto impediatur animalis facultatis transitus; quemadmodù si nõ ex toto sint crassefacti nerui, sed aliqua ex parte, ita vt facultati pateat aliquis aditus, licet nõ integer, fit torpor. Inter alias causas, propter quas etiam crassefiunt, & condensantur nerui, est ipsa frigiditas siue sit interna, siue externa; verùntamen hac in re non videtur rectè Arist. sensisse 6. problemat. sectionis 6. vbi scribit torporem nihil aliud esse, nisi refrigerationè, quasi perpetuò fieri debeat à refrigeratione. nam sicuti fiunt aliquando ab ea torpores, ita fiunt etiam ab ipso humore crassefaciente ipsos nervos. Causæ externæ sunt compressiones, quæ fiunt ex casu, vel aliqua percussione, vel ex ligaturis, vel à tumoribus comprimentibus, vel ab aliqua alia causa, quæ ita possit densare,



& constringere neruos, vt liber facultatis ingref-  
 fus impediatur. Facile autem eſt cognoscere hos  
 morbos in pueris, & in alijs; cùm qui paralyſi la-  
 borât, nullo pacto membrum paralyticum mo-  
 uere poſſint; ſed ſi torpore fuerit occupatũ, am-  
 bulant quidem ac mouentur, ſed agrè omnino  
 ſecundum partes affectas. Vtrum verò morbus  
 fit in initio medullæ ſpinalis, vel in oſſe ſacro, eo  
 argumento cognoſcitur, quia vbi eſt in initio ſpi-  
 nalis medullæ, & brachia, & omnes partes infe-  
 riores morbo occupâtur. Si autè ſit in oſſe ſacro,  
 ſolùm partes infra illud os laborant. Ceterùm o-  
 mnis paralyſis, præſertim vetuſta, aut incurabilis  
 eſt, aut difficilis curatu etiam in pueris. Atq; ſoleo  
 ego dicere morbos omnes, qui Chriſto curandi  
 fuerunt propoſiti, difficillimos ſua natura curatu  
 eſſe. inter alios autem habetur puer paralyticus  
 Centurionis, poſſumus ergo hoc argumèto col-  
 ligere, paralyſim in pueris eſſe difficilem curatu,  
 facilior verò eſt torpor, de quo loquens Auic. 2.  
 tertij capite de paralyſi dicit, ſi paralyſi, atq; tor-  
 pori ſuperueniat febris, aut tremor, optimũ eſſe,  
 eo quia à febre materia morbigica diſſoluitur, à  
 tremore eadem materia depellitur à neruis; hoc  
 autem non ſolùm verum eſt in paralyſi, verùm  
 multo magis in torpore, ſed eſt hoc loco pulcher-  
 riſſimum problema nõ prætereundum. cur ſcilicet  
 pueri penè omnes magnopere infirmi ſint omni-  
 bus neruis, bruta autè ſtatim ac ex vtero exeunt  
 mouentur, & forſan magis quàm cùm ſunt paulo  
 grandiora. nam videtur natura hac in re nouerca  
 fuiſſe.

fuisse, quandoquidē homini, qui nobilissimus est  
 omnium animalium, debuit concedere, vt & ipse  
 statim posset & brachia, & crura mouere, si non  
 magis, æquē saltē ac cetera quadrupedia. Cur ho-  
 mo ita corpore, & præsertim cruribus, & brachijs  
 imbecillis nascatur, atq; perduret, caussa est situs,  
 quem habet in vtero. nam cū deberet ipse per-  
 fectionem aliquā nancisci in vtero, & propterea  
 in ipso diu permanere, necessarium fuit, vt non  
 rectis membris, sed cōtortis, & conglobatis in eo  
 loci iaceret; quemadmodum Hippocrates in lib.  
 de natura pueri, & Arist. 7. de hist. animal. cap. 8.  
 scribunt; vt autem posset homo conglobatus, &  
 totus flexus in vtero diu manere, necessariū fuit  
 naturam totum corpus veluti cereum facere, atq;  
 mollibus carnibus circū dare; propter quod cū  
 ex vtero corpus hominis veluti cereum exeat, &  
 molle, atq; flexibile, fit vt diu duret, priusquā hęc  
 mollitiem deponat, atq; duritiem induat; id quod  
 etiam tardius succedit propter summam curā, &  
 propter teporē, quo infantes custodiuntur. nam  
 certum est barbarorū infantes celerius exercere  
 sua membra, quā nobiliū, propterea quod te-  
 nera, & mollia ipsorum membra frigore aeris ci-  
 tius indurantur. Bruta verò, & præsertim quadru-  
 pedia, cū, vt Arist. loco citato testatur, in vtero  
 paruo tēpore maneāt respectu hominis, atq; vte-  
 ros amplissimos habeant, fit vt in ipsis situm ere-  
 ctum secundū membra possideāt, ita vt brachia,  
 & crura duriora ab ipsa natura in eo loco fiant,  
 quod eo maxime cōtingit, qd' statim atq; exeunt,

opus est ipsis, vt se se sustentare possint, cùm parentum cura non possint ita gubernari, quemadmodũ homines. Curatio huius mali, scilicet torporis, & paralysis tota posita est in remotione caussarum externarum, si illæ faciant malum. sed potissimum in exsiccatione, & cõsumptione humiditatis totius corporis, & præsertim neruorũ. In qua peragēda vniuersa viuendi ratio ea esse debet, vt exsiccare possit, potissimum cuiusmodi proposita fuit in morbis superioribus. Quoad chirurgiam, remedia quædam sunt, quæ accommodantur, vt sunt cauteria; quæ, si ætas patitur, fieri possunt in partibus superioribus & inferioribus, præsertim tamen vstiones factæ super initium medullæ, siue super os sacrum profunt, vbi-  
 cunq; sanè morbus fuerit positus. in reliqua autē medicatione id primũ cogitandum est, quòd cùm paralysis sit morbus maior quàm torpor, maioribus etiã auxilijs indigeat; vt debeant quidem in his ambobus affectibus eiusdem generis esse remedia, sed efficaciora in paralysis, mitiora in torpore. quamobrem purgandum corpus, vt supra dixi. vbi vero purgatum est, remedijs & internis, & externis agendum est, vt exsiccati nerui possint transmittere facultatem animalem. Intus, decoctum guaiaci, vt dixi de epilepsia, est præsentaneum remediũ. sunt etiam aliqua electuaria, quæ cum exsiccent, conferunt pueris, vt est istud. Recipe mei, asari, daronici, zeduarix ana scrup. i. cinamomi, caryophyllorũ, calami aromatici ana drach. s. foliorum stœchados, iux ana scrup.



*scrup. 2. terantur omnia, & cum melle despumato fiat electuarium; cuius puer pro ætate capere poterit modò scrup. 1. modò plus, minusve. Extrinsecus sunt multa, quæ conueniunt. balneum artificiale, quod parari solet pro pueris ex lixiuio, cui incoctæ sint baccæ lauri, folia stæchados, iua; nam in huiusmodi decocto demerguntur corpora puerorum, atq; in ipso detinentur dimidium horæ. vbi verò exsiccata sunt corpora eorum ab hoc malo, inunguntur oleis, veluti oleo vulpino, de euphorbio, irino. Præter hoc artificiale balneum, est etiam naturale accommodatum, veluti sunt aquæ omnes sulphuræ, quales nostræ Aponenses, in quibus demerguntur corpora torpida puerorum, prout necessitas exigit: vsus etiam luti utilissimus est, si pro more superponatur ipsi dorso, hoc est ossi sacro. nam & anno elapso, & præsentem puellam, & puerum curauimus, qui habebant partes inferiores resolutas, & torpidas. Hipp. in fine lib. de virginibus laudat vt ad torporem finiendū detineantur pedes in aqua gelida, vsq; ad maleolū, eo quòd, inquit, statim reuertitur sanguis; quæ Hipp. auctoritas mihi ad mentem reduxit quiddam, quod audiui à quibusdam nobilissimis Polonis, qui inquit, & est res notatu digna, in regione sua, quæ gelidissima est, sæpe fieri vt aures, nares, manus, pedes præ summo frigore ita rigeant, & torpeant, vt si vel tangantur manibus calidis, vel approximentur igni, statim decidant; atque vnum esse in eo casu summum auxilium, si priusquam se se calori exponant, partes torpescæ in*

aquam gelidissimã mittantur, cuius euentus breuiter ratio est proponenda. Nã definitum est ab Arist. 4. Meteor. corpora, quæ congelantur frigido, & sicco, vel summè cõgelari, vel minus. si summè congelata sint à nulla re, nisi à vehementissimo igne, & rarò etiã possunt dissolui; cuiusmodi est cristallus montanus, & adamas, quæ cùm sint summè congelata à frigido, nullo pacto dissolui possunt. Sed si non fuerint summè congelata, dissoluuntur tum à calido humido actu, tum etiam ab humido, & frigido. Exemplum est de glacie, quæ & à calida aqua, & à frigida dissoluitur. Sed differentia est, quia calida aqua citò dissoluit, atq; etiam consumit; frigida dissoluit tantummodò, non autem consumit. Quamobrem cùm partes externa à gelu torpescant, & congelantur, si à calore statim dissoluantur, simul etiam ab eo calore consumuntur, vt consumptæ statim decidant, veluti emortuæ; sed si tractentur aqua frigida, fit quidem pederentim illa dissolutio, absq; tamen vlla consumptione.

*De vitijs locutionis in genere. Cap. VI.*

**S**ermonem, quo dicebat Arist. hominem ciuile animal esse, motum quendam, seu operationem facultatis imaginatricis esse, non est dubitandum; cùm & voluntatis imperio, & musculorum ministerio efficiatur. Quare, vt de sermone vitiato hoc tempore tractemus, ordo, & ratio nostræ tractationis postulat. siue autem sermonem ipsum à natura esse constituamus, vt disputatum est apud Platonem in Cratylo, siue totum

ex disciplina, & hominum consuetudine cōstare  
 censeamus, aut nihil, aut parum ad negotiū no-  
 strum pertinet, cū de vitiata locutione tracta-  
 turi simus, quippe quę inter morbos pueriles fre-  
 quētissima esse solet. Est locutio nihil aliud, quā  
 vox articulata, qua homines inter se se loquūtur:  
 quoniam Gal. 3. in 3. epid. tex. 74. dicebat vete-  
 res appellasse sermonem, illum, quo homines in-  
 ter se se loquuntur, quasi bruta etiā quadam vo-  
 ce articulata vtantur, qua conceptus proprios ex-  
 primant. sed quia homines eo inter se se minimē  
 vtuntur, eapropter sermo appellari nō potest; vt  
 iure dixerit Arist. 11. sect. problematum, pro-  
 blem. 1. vnum hominem sermonis capacem esse;  
 qui litteras omnes profert, cū bruta vix vnam,  
 aut alteram proferre possint. Hęc itaque locutio  
 multis modis in homine vitari potest, vel enim  
 ex toto aufertur, vel difficulter fit, vel deprauatē  
 efficitur. Si ex toto sermo auferatur, fit vitium;  
 quod à Gręcis cōmuniter κώφωσις dicitur. Hipp. vt  
 docet Gal. 3. in 3. epid. ἀναυδία vocauit; nos, qui  
 hac ægritudine laborāt, mutos appellare solem⁹:  
 quo in loco adnotandū differētiā esse inter apho-  
 niam, atq; inter anaudiam, quoniam aphonia est  
 vbi vox ex toto amittitur: ἀναυδία verò siue muti-  
 tas, vt sic loquar, est quando salua voce, sermo ta-  
 mē amittitur, quod latissimē explicatum habetur  
 à Gal. 4. de locis affectis 6. Sed dubitari possit, nū  
 quādo infantes loqui nondū possūt, debeāt pro-  
 priē muti vocari, ita vt etiā in ipsis priuatio locu-  
 tionis morbus sit. nā Arist. 1. pblem. sectionis 11.



solet appellare infantes mutos. accedit etiã, quòd  
 si causas impotentia loquendi in ipsis expendamus,  
 vt videbitur suo loco, omnes morbosæ sunt;  
 vt hac ratione videatur statuendum esse etiã pue-  
 ros mutos appellari debere. Sed ex altera parte  
 non videtur hæc affectio morbosa in infantibus  
 ante debitũ tempus, quia pari pacto morbus ef-  
 fet, quãdo secundum rationem nondum opera-  
 tur, quod tamen à nemine proditum habetur. Ita  
 sentio statuendũ esse, infantiam, hoc est loquen-  
 di impotentiam in pueris per similitudinem tan-  
 tum modò debere vocari mutitatem, neq; mor-  
 bum esse, quia omnes morbosi nasceremur, &  
 consequenter natura, quod non fecit brutis, ho-  
 minibus fecisset, vt vitam à morbo auspica-  
 retur. Si locutio difficiliter fiat, aliud genus vitij obori-  
 tur, quod apud Aetium lib. 8. cap. 36. vocatur *μογι-  
 λαλία*, dicere nos possumus loquendi impedi-  
 mentum. Si sermo deprauetur, fit tertium genus vitij,  
 quod communi nomine ab Hipp. 6. lib. aphor.  
 aphor. 32. nuncupatur *τραυλότης*, seu *τραύλωσις* nos  
 quoq; cõmuni nomine balbutiem vocamus. Hu-  
 ius autẽ postremi vitij tres apud scriptores inue-  
 nio species esse. Prima est, quando nõ potest pro-  
 ferri oratio statim, sed cogitur homo, vel puer re-  
 petere aut primam, vel aliquam aliam syllabam  
 cum labore. appellatur huiusmodi vitiũ ab Hipp.  
 & Arist. *ισχυνοφωνία*, nonnulli latini vocãt tituban-  
 tiam lingue sed melius omnibus Theodorus Ga-  
 za doctissimus, linguæ hæsitantiam dixit. inue-  
 nio etiam appellatum hoc vitium battarissimum  
 à Batto

à Batto Cyrenarū rege, qui semper primam syllabam reperere cogebatur. Alterum vitium est, seu species, cūm puer aliquam syllabam omittit, hoc est cūm totum verbum, aut nomen minimè exprimere potest. Appellat Gal. & cū Gal. omnes alij *ψελλότητα*: vocat Arist. huiusmodi ægrotantes blæfos; quamquam nō desint, qui inducti auctoritate Arist. 2. de partibus animal. cap. 17. existimant blæfos propriè vocari illos, qui ob torturam oris etiā verba malè torquere & flectere videntur, ad similitudinem eorum, qui cōtortos pedes habent, quos scilicet Arist. 14. particula problematicū ait, vocari blæfos, quòd habeant pedes contortos, instar capillorum crisporū. quam affectionem tērare Aethiopes, & Aegyptios propter regionis feruorem, idem Arist. prodidit. Tertia species balbutiei est illa, quæ cōmuni nomine aliorum vitiorum appellatur *τραυλότης*, & est, vt scribit Gal. 6. aphor. cūm homo, seu puer non potest proferre r, sed mutat in l. vt fit quando quis vult dicere triticum, & dicat tliticum; quo etiā eodem genere comprehenditur quando c, mutatur in t, vt cum volunt dicere precium, dicunt pretium; & hæc est tertia species balbutiei, qua memoriæ proditū est laborasse Demosthenem & Alcibiadem. ex quo loco potest videri magnam esse differentiam inter blæsitatem, seu *ψελλότητα* & inter *τραυλότητα*. vt non possim excusare virum doctissimum Leonicum, qui contra commētarium Galeni aphor. 22. lib. 6. dixit, & ita transtulit, vt dixerit inter hos duos affectus nullam esse diffe-

rentiam; quod non solum est præter omnem rationem, & usum scriptorum, verùm etiam multū abest à littera græca ipsius viri. Sunt hæc omnia vitia symptomata in genere actionū animalium læsarum; læduntur autem hæc actiones, vel quia læditur facultas imaginatrix, vel quia læduntur instrumenta à natura fabricata propter locutionē. læditur facultas quotiescunq; propter aliquā intemperiem cerebri non potest facultas imaginatrix operari, & musculos mouere, quemadmodū deberet. sic in phrenitide vitatur locutio & in lethargo, & vt vno verbo dicā, in omnibus grauissimis intemperiebus cerebri. læduntur autem instrumenta, quādo læditur vel lingua, vel muscoli mouentes linguam, vel labia, vel dentes, vel nares; potissimum autem quando læditur lingua. siquidem Arist. 2. de partibus animalium 17. & Gal. 4. de locis affectis 6. docuerūt has omnes partes instrumenta esse locutionis, sed potissimum linguam, vt offensa lingua maximè omnium offendatur ipsa locutio. Possunt autem hæc instrumenta affici, prout sunt partes similes, vel prout instrumenta; vt partes similes offenduntur, quotiescunq; muscoli, nerui, immò ipsa lingua aliqua intemperie corripuntur, siue sit sicca, siue humida, siue frigida; quamquam multo sæpius intemperies frigida, & humida lædat instrumenta, quàm sicca. Afficiuntur autē veluti instrumenta, quando lingua vel nimis tumida fit, vel nimis lōga, vel nimis angusta, vel nimis lata. nā ita fabricata est lingua à natura, vt dicebat Arist. vt & mollitie, & sui



sui magnitudine ad dentes, & palatum impellens possit vocē ipsam dearticulare. Pari pacto laborant hæ partes vt instrumenta, quando muscoli vel resoluuntur, vel tumore aliquo afficiuntur; sic si dentes aut non debito ordine positi sint, aut aliqui deficient. si labia ipsa mutilentur, si nares vel polypo, vel aliquo alio morbo detineatur, vt scribit Galenus, ipsa locutio impeditur; potissimum autem quando cerebrum vt instrumentum, & vt simile simul patitur; quo in casu cum mens magnopere offendatur, consequenter necessarium est vt locutio magnū detrimentū incurrat. siquidem, vt optimè docuit Hipp. in lib. de carnibus, seu principijs, spiritus per corpus excurrit, caput verò resonat, & lingua à mente, & intellectu gubernata appellēs modò ad palatū, modo ad dentes, vocem ipsam dearticulat, & cōsequenter sermonem parit. Hæc sunt in vniuersum genera omnium vitiorū, quibus locutio, & sermo hominis offenditur.

*De Mutitate. Cap. VII.*

**V**T huius affectus natura magis percipiatur, vtile puto vniuscuiusq; speciei particulariter causas indagare, & iccirco incipiemus à mutis, quo affectu dicebat Arist. solū hominē tētari, quia solus sermonis capax est. Cū autē mutitas sit loquelæ priuatio, & consequēter actio læsa, vt saepe docui, necessarium omnino est, vt ab aliquo morbo pficiat, q̄ modò in principio ipsi<sup>9</sup> facultatis est, modò verò in aliquo instrumento; in principio est in apoplexia, in percussione ipsius cere-

bri, nec nō etiam in ebrietate. In percussione cerebri, quoniā vt dicit Gal. 7. aphor. § 8. vbi percutitur cerebrum, eo concusso ventriculi omnino in se se conuenient, quo fit vt facultas minimè mitti possit ad mouendam linguam; in ebrietate etiā idem fit, quoniam vt habetur §. aphor. §. in summa ebrietate ita repletur cerebrum, atque etiam nerui mouentes linguam, vt non solū destruat locutio, verū etiam destruat ipsa vox. vbi autem morbus lædens actionem hanc, est in instrumentis, vel est morbus similis, vel dissimilis. si sit similis, est summa intemperies frigida, quemadmodum cōtingit, vbi nerui ob errores chirurgorum ita denudantur, vt maximè frigeant, & cōsequenter vox tollatur. Fit autē morbus instrumentalis in paralyfi linguæ, nec non etiam in paralyfi musculorum mouentium linguam; siquidē resolutis his partibus, minimè fieri potest locutio, quamquam interdum fiat vox. Dico, quamquam interdum fiat vox, quia potest quidem amitti locutio, salua voce, sed è conuerso non potest locutio salua esse, si ex toto auferatur vox. Fit etiam morbus instrumentalis lædens loquelam in surditate, quæ plerunq; solet esse causa mutitatis. Immo verò Arist. quarto. de histor. animal. capitul. 9. scribit ferè pueris hunc affectū non ob aliud cōtingere, nisi quia surdi sunt; fiunt autem surdi, eo quod, vt dicebat quidam Arabs, cū lingua crassior facta sit, quàm debuisset, auditorij meatus ex toto sunt obcæcati; nec dubitandum est potissimā causam mutitatis esse natiuam

iuam surditatem; quoniam cum locutio sit opus facultatis voluntariæ motricis, nō potest ipsa excitari ad mouendam linguam, & dearticulandam vocem, nisi à phantasmatibus similibus locutioni excitetur. phantasmata autem hæc nō possunt recipi à facultate imaginatiua, nisi medio sensus auditus, propterea sublato hoc sensu, necessariò locutio amittitur, & fit mutitas. Sed hoc in loco dubia duo occurrūt. vnum est, an verum sit semper amitti loquelam, vbi amittitur vox. nā ex vna parte hoc videtur omnino absurdum: quia locutio, seu sermo nihil aliud est, nisi vox articulata. quare destructa voce, perit sermo. Ex altera parte Auicennas, qui 10. tertij tract. 2. c. 1. scribit feruari interdum loquelam destructa voce. Dicendum est breuiter aut literam Auicennæ corruptam esse, aut ab ipso pro voce intelligi vociferationem; alioquin nisi ita intelligendus sit Auic. meras nugas dixisset. nam illud verum est, vsque adeo interdum hebetari vocem, vt exigua admodum fiat, & tamen sermo, & loquela integra seruentur. Aliud dubium est circa dictum Galeni, qui 4. de locis affectis 6. scribit quinque esse actiones, quæ se se consequuntur. Prima est exspiratio; secunda exsufflatio sine strepitu; tertia exsufflatio cū strepitu; quarta est vox; quinta est loquela. inter quas actiones scribit hunc esse ordinem, vt læsa prima, scilicet exspiratione, consequēter lædantur aliæ quatuor; læsa verò vltima scilicet loquela, nō lædantur aliæ quatuor. item læsa secunda lædantur ceteræ tres; læsa tertia, reliquæ duæ;



læsa quarta læditur etiã postrema necessariò. ita  
 vt velit Galenus semper læsa voce, necessariò lædi  
 loquelam. Sed hoc falsissimum est, in raucedine  
 enim læsa est vox, vbi autem vox exilis fit, læditur  
 vox, nõ loquela; quia rauci etiam disertissimè lo-  
 quuntur. Quid itaq; dicendum? Locus hic apud  
 me semper difficilis, & salebrosus fuit, & nisi in-  
 telligamus apud Galenũ pro læsione destructio-  
 nem ipsius vocis, nescio quomodo ipsum tueri  
 possimus. Sed si intelligamus destructionẽ vocis,  
 non simplicem læsionẽ, proculdubio verũ dicit.

*De Balbutie. Cap. VIII.*

**S**equitur impedimentum loquelæ, seu *μογιλα-  
 λία*, vel *ἀγκυλόγλωσσον* cuius affectus duplex est  
 causa, alia natiua, alia accidentalis, & morbosa.  
 Natiua causa, vt docet Gal. 11. de vsu partium 10.  
 est colligatio innaturalis linguæ cū subiectis par-  
 tibus. quæ colligatio sæpissimè in ipsis pueris con-  
 ringit; causa verò morbosa est vel tumor subtus  
 linguã, vt in ranula, vel cicatrix derelicta ex vul-  
 nere illius pattis; ita vt huius mali nullæ aliæ sint  
 causæ, quàm propositæ, relatæ etiam ab Aetio  
 lib. 8. cap. 36. Sequitur tertium vitium, quod est  
 balbuties, seu deprauata locutio, quæ cū habeat  
 tres species, vniuscuiusq; speciei causa vel ad fa-  
 cultatis, vel ad instrumentorum læsionem perti-  
 net. Læditur facultas, quãdo vel cerebrum ipsum  
 aliqua intemperie turbatur, vel quando ipsamet  
 facultas detinetur quo minus transcurrere possit  
 ad mouendum aptè linguam; fit intemperies in  
 cerebro in ebrietate. nam Galenus 6. aphor. 32.  
 dicebat

dicebat balbutire ebrios, propterea quòd cerebrũ magis humectatur, quàm cõueniret, & consequenter cum eo etiam instrumenta mouentia linguam, & ipsa lingua. Fit etiam intemperies in cerebro in phrenitide, in qua cùm calefactum, & exsiccatum sit cerebrum, facultas imaginatrix nõ potest operari, & linguã mouere, vt deceret. Impeditur autem facultas à suo munere in extasi, & in melancholia; in illa quidẽ, quia à phantasmatibus alio auocata minimè regit linguã, quemadmodum deberet. In melancholia verò impeditur propter tres caussas: vna est timor, qui perpetuus est comes melancholiæ. vnde dicebat Arist. 11. sect. problematum, problem. 30. metuentes balbutire, & hoc est etiã, quod dicebat Hipp. 2. epid. quãdo scripsit balbos fieri melancholicos. Impeditur alia ratione imaginatio, seu facultas in melancholia, quia vehementissimè mouetur; quod proditũ habetur ab Actio lib. 6. cap. 9. ex sentẽtia Ruffi, & Possidonij. à magno etenim motu imaginationis fit vt ipsa erret, & propter errorẽ etiã linguã non ea ratione ac deberet, moueat. & hoc est, quod dicebat Hipp. in lib. præceptionũ sæpẽ linguam balbutire propter mẽtis errorem. Tertia caussa est multitudo phantasmatum, & imaginationum. nã Arist. 11. sectione problematum, tradens caussam hæsitantiæ linguæ, inter alias videtur statuere varietatem, & multitudinẽ imaginationum, quia dũ facultas hoc, vel illud phantasma p̄sequitur, lingua minimè potest actionẽ facultatis diligẽter p̄sequi, vnde errat, & fit hæsitans.

tia. atq; hæc sunt genera caussarum, quæ pertinet ad ipsam facultatem circa balbutiem. Quæ verò pertinent ad instrumēta, vel sunt vitia naturalia, vel præter naturam; seu, vt dicebat Gal. 4. de locis affectis 6. vel fiūt in ipsa formatione instrumentorum, vel post formationem. Quæcunq; autem sint hæc vitia, aut sunt morbi similes, aut instrumentales. Morbi similes sunt intēperies præsertim frigida, & humida, tum ipsius linguæ, tum maximè musculorū linguam, & laryngem mouentium; id quod voluit significare Gal. 2. in 1. epid. tex. 68. cū scripsit *ισχυροφωνία* fieri ob imbecillitatem musculorum laryngis, factam à caloris diminutione; id quod ante Galenum docuit nos Arist. 11. sect. problematum, probl. 10. 30. 35. quibus in locis scribit balbutiem, & hæsitantiam linguæ fieri à frigiditate, & humiditate. Sed circa hanc sentētiā occurrit dubitatio, numquid scilicet à sola intemperie frigida & humida fiat balbuties. nam Gal. 6. aphor. 32. omnem balbutiem videtur omnino acceptā referre humiditati; imo verò scribit fieri non posse, vt vniquam balbuties in pueris à siccitate oriatur; id quod etiā videtur voluisse significare Arist. 11. sectione problem. 30. quando dicebat, pueros magis balbutire, quàm viros, scilicet ob humiditatem. Sed contra est Hipp. 7. epid. circa initiū, vbi narrās quandam historiam ægrotātium inquit, ipsis propter siccitatem linguam fuisse subalbam; ex quo loco clarè colligitur balbutiem etiā à siccitate fieri. quod idem Auic. 6. tertij, tract. 3. cap. 16. manifestè



festè scribit. Pro concilianda hac scriptorum dis-  
 fensione, dicendū est, duplicem esse balbutiem,  
 aliam naturalem, aliam accidentalem. naturalis  
 non alia ratione fit, nisi qua dicebat Galenus, sci-  
 licet humiditate. innaturalis autem, hoc est acci-  
 dentalis, potest etiam fieri à siccitate, & de hac lo-  
 quitur est Hipp. & Auic. Modus autem, quo hu-  
 miditas naturalis facit balbutiem, & cur sit, quòd  
 aliqui non possint proferre r, necc, est, quia ad  
 proferendas has litteras necesse est vt lingua vali-  
 dè impellatur in dentes, atq; in palatū; lingua au-  
 tem mollis, seu nimis humida, aut imbecilla pro-  
 pter humiditatem musculorum nō potest ita ve-  
 hementer, quemadmodū par est, impelli ad den-  
 tes, propterea loco huius litteræ proferūtur illæ,  
 quæ cū sint similes, non opus habent tanta im-  
 pulsione. vel dicere possumus balbutiē fieri ple-  
 rumq; ab ipsa humiditate, rarò autem à siccitate;  
 id quod non solum ipsemet Auic. expressis ver-  
 bis dicere videtur, verū etiā Arist. idem dixit 4.  
 de hist. animal. 9. vbi dicebat fieri balbutiē in pue-  
 ris potissimū ob linguæ humiditatem, & laxita-  
 tem. Fit autem balbuties quando lingua vel lon-  
 gior est, quàm deberet, quemadmodum dicebat  
 Gal. 6. aphor. (licet hoc rarò contingat) vel quan-  
 do crassior, & tumidior euadit; vel quando den-  
 tes aut deficiunt, aut ordine malo sunt distincti;  
 vel quando labia sunt mutilata; vel quando na-  
 res, aut gurgulio sunt tumore, aut inflammatio-  
 ne obsessæ. Ex causis externis vitiata locutionis  
 in primis est frigidus aer. dicebat enim Arist. 11.

problematum sectione, frigus locutionē impedire propter tres causas. Primò, quia frigidum condensat. Secundò, quia calorē natiuū, & consequenter morricem facultatem hebetat. Tertiò, quia linguam veluti ligat. nam ad peragendā locutionem dicebat idē auctor 2. de partibus animal. 17. magnopere necessarium esse vt lingua libera, & expedita sit. sic regio frigida potest populos impedire quo minus rectē loquātur; qua etiā ratione fit, vt in quibusdam locis veluti hæreditaria quadam affectione in hominibus locutio vitietur. Animi affectus præ ceteris balbutiē inducere solent. De timore, & experientia perspectū est, & Arist. & Galenus confirmauit. De ira similiter. nam multos videre licet, qui dū præ ira nimis excandescunt, interdum non solum balbutiunt, verū etiam mutire coguntur. idē possunt profundæ cogitationes, nimix vigilix, immoderata Venus, quæ cū cerebrū, & neruos omnes vehementer lædant, consequenter locutioni detrimentum inferunt. potissimū autē locutionē impedit assidua ebrietas, vt Arist. 3. sect. problematum, & Gal. 6. aphor. 32. apertissimè docuerunt. Sunt etiam cibi, qui quadā proprietate locutioni puerorum videntur officere. nā Rabbi Moyses 20. aphor. parte scribit arcēdos esse pueros ab esu nucū, propterea quòd loquelam ipsorum vitiant. Ceterū non est opus signis, vt cognoscantur vitia sermonis, sed ad cognoscendas causas necessariū est adhibere & signa, & industriam magnā, nā qui fiunt muti à natiuitate propter

pter furditatē, cognoscūtur, tū quia nullo strepi-  
 tu, nullo sono mouentur, tū quia nullū defectum  
 neq; in lingua, neq; in ore habēt. quāquā Arist. 2.  
 problemate sect. 11. scribit mutos naribus loqui,  
 seu strepitū edere; propterea quod sunt cōpresso  
 ore; esse verò compresso ore, quoniā lingua nul-  
 lo vsui sibi est. Qui autē fiūt muti vel propter vul-  
 nus inflictum, vel propter musculorū linguæ re-  
 solutionem, cognoscūtur morbis ipsis antea actis,  
 nimirū apoplexia, aut eiusmodi aliqua ægritudi-  
 ne, quæ antecessit. Illi autē, qui vix loqui possunt,  
 & *μογιλάλοι* vocantur à Græcis, cognoscūtur, quo-  
 niam si lingua inspiciatur, frenū illud, quod phi-  
 letum vocant vulgares, admodū incōcinnum, &  
 ineptū est. nā vt habetur apud Meletiū de natura  
 hominis, cū lingua deberet suo expedito motu  
 modò in hanc, modò in illā partē efformare lite-  
 ras, cōstituit natura vt liberè hoc posset facere, ne  
 nimis soluta, & vacillans esset, alligauitq; eam ori  
 per quoddam frenum, quod ipsam cōtinet, ne la-  
 batur; quòd si huiusmodi frenū maius sit, quàm  
 oportet, ita vt nimis linguam deuinciat, impedi-  
 tur ne possit debitos motus in palatum agēs vo-  
 cem, vt deceret, dearticulare. vbi verò exiguum  
 est hoc frenum, cognoscitur, quia lingua eleua-  
 ta videtur veluti nulli rei alligata. quemadmodū  
 è conuerso si frenum hoc nimium sit, cognosci-  
 tur, quia multum linguæ complectitur, atque  
 ipsam arctè detinet, ne moueatur. Ha sitan-  
 tia linguæ, seu *ισχυροφωνία*, quotiescunque fit à  
 calore partis diminuto, cognoscitur euidentif-



fimè hinc, quia vbicunq; loquuntur pacatè & tardè, semper maius impedimentū apparet. vbi verò alta voce, & vehementer loquuntur, tunc expeditiorem sermonem habent; quia ex motu, & voce magna incalescunt muscoli linguam mouentes, & propterea faciliùs mouentur. Si balburies fiat ex larga partiū humiditate, cognoscitur quoniam ij somnolèti sunt, hebeti ingenio, nulla penè memoria, & dum loquuntur, multum semper saluæ emittunt. Si vitiata sit locutio vel ob defectum dentium, vel ob labia mutilata, vel ob naris aliquem morbum, cognoscitur hoc facilliter suis signis. Muti, qui & surdi sunt, nunquam curantur, & propterea ex miraculis, quæ fecit Saluator noster, vnum fuit quādo curauit illum mutum surdum apud Matthæum 15. Sed si mutitas, seu loquelæ priuatio oriatur ob nimiam resolutionem musculorum factam à larga humiditate, curatur huiusmodi vitium non solū opera medici, verum etiam interdum sponte naturæ. nam relatum est Maximilianum Friderici Tertij Imperatoris filiū vsque ad nonum ætatis suæ annum prorsus elinguem & mutum fuisse, sed tamen beneficio naturæ non solum sermonem acquisiuisse verum etiam fuisse eloquentissimum. nam in ipso existimandum est vitium originem duxisse ex larga humiditate, quæ ætatis progressu consumpta fuit. Sic quando legimus varios vel ob timorem, vel ob iram, dum muti essent, sermonem subitò acquisiuisse, putandum est non casu vllō, aut miraculo id fuisse factum, sed hac ratione, quia im-  
 pedimen-

pedimentum factum ab humiditate subtractum est. Sic balbuties oris naturalis, quæcunq; sit illa; difficilis est curatu; quemadmodum illa, quæ fit morbo aliquo aduentitio, non est ita difficilis curationis. Sed vt dixi de priuatione locutionis, quæ sponte naturæ curari potest, & curatur, ita de balbutie existimandū est. Circa hoc, priusquam curationem aggrediar, tria problemata occurrunt. Quorum primum est, cur dictum sit ab Hipp. 2. aphor. 3. 2. balbos alui profluuiū tentari. Secundum, cur idem Hipp. 2. 1. epid. in principio sect. 5. & 6. dixerit balbos bonos esse. nam Arist. quoq; in physiogn. scribit signum moderati animi esse sermonem grauem, & tardum. Tertium, cur in iisdem locis dixerit Hipp. balbos morbis melancholicis esse obnoxios; id quod etiam confirmatum est ab Auic. 1. tertij tract. 4. c. 18. Nam hoc videtur ferè præter rationem, vt qui habent cerebrum humidissimum, cuiusmodi sunt balbi, tentari possint à melancholia, quæ est siccus humor. Ad primum respondendum est, non alia ratione, quàm vt interpretatur Gal. in com. illius Aphorismi, nimirum balbos necessario habere aut humidum cerebrum, aut humidam linguam. Si humido sint cerebro, excrementa pituitosa præcipitata à capite in ventriculum, & consequenter in intestina, faciunt alui fluorem; id quod etiam traditū habetur ab Hipp. in lib. de affectibus internis. Immo verò dicebat Auic. 4. 1. doct. 5. c. 5. etiam balbos propter hanc rationem sæpè tentari cholericâ passione. Si autem balbi tales sint propter

linguæ nimiam humiditatem, cùm lingua tunicæ communem habeat cum ventriculo, necessariò habent & humidum ventriculum; humidi verò ventriculi familiaris affectus est alui fluor, vt dicit Gal. Ad secundum dicendũ est balbos propterea bonos esse, quoniam illi, qui sunt prauis moribus, propterea sunt, quia calidos, & siccos spiritus habent; propter quæ cùm animi eorũ celeriter moueantur, fit vt rebus minimè, vt deceret, animum aduertant, vnde & prudẽtia carent, & consequenter malis moribus sunt, quo fit, vt in regionibus calidis, & siccis versutissimi, & praui sint, in quibus etiam bruta immania & fera nascuntur. contra autem fit, vbi spiritus humidi sunt, quia cùm celeriter moueri nõ possint, cumq; animum magis aduertant, nec celeres motus habeãt, iure fit, vt & moderatis animis sint, atque etiam probis moribus. Difficilius autem omnibus est tertium & postremum problema, scilicet cur dictũ sit ab Hipp. balbos melancholicos esse, & melancholicis morbis tentari; facit autem hãc rem difficiliorẽ Galeni auctoritas, qui 7. sect. aphor. 40. exponens sententiam illam Hippocratis, qua scribit, si quis repente linguæ incõtinentis fiat, melancholicum esse, inquit se nescire qua ratione lingua incõtinentis melancholicum indicet, & tandẽ quasi & ipse cõfugiens ad rerum proprietates, subiungit, forsan hoc esse, quia sicuti ab humore melancholico fit paroxysmus quartanarius: ita quoque à melancholia fit linguæ incontinentia. Hãc sententiã cùm difficilem quoq; videret esse Hieronymus



nymus Cardanus, vanitate quadã ingenij sui dixit, apud Hipp. pro linguæ incontinentia interpretandam esse procacitatem, & maledicentiam; quasi illi, qui sunt procaci lingua, & qui obscæna loquuntur, sint melancholici. Sed tantum abest Hipp. pro linguæ incontinentia huiusmodi rem intelligere, vt si hoc dixisset, non minus vanus esset, quàm Cardanus. Nam Arist. qui penè iisdem vocibus vtitur, quibus Hippocrates, dicit in pueris linguam fieri incontinentem propter humiditatem, & infirmitatem. Auic. i. tertij tract. 4. cap. 18. totã hanc causam videtur attribuisse cordis calori, quasi balbi omnes, qui sunt cerebro humidissimo, sint etiã corde calidissimo; & propterea vbi cor calidissimum est, ex humiditate, in quam continuo agit calor, fieri humores melancholicos, & consequenter vbi humores eiusmodi abundãt, facilè simul oriri melancholicas ægri- tudines. Sed neque hæc sententia Auicennæ problematis difficultatem tollere potest. primùm, quia neq; auctoritate vlla veterum compertum est, eos qui sunt humido cerebro, simul esse corde calido; immo verò videretur contrarium esse debere, vt humidũ immensum cerebri quemcunq; corporis calorem retunderet. Sed dato etiã quòd balbi essent calidi corde, non est necessarium vt fiat humor melancholicus, quia potest fieri bilis flaua, quemadmodũ sæpè compertum est corde calido esse biliosos. quamobrem mihi videtur omnibus alijs melius hoc explicuisse Arist. 3. problemate sectionis 30. quo in loco quærès cur hæ-

sitantes lingua sint melancholici, scribit melancholicos omnes habere celeres motus imaginationis, & propterea balbos quoq; cum huiusmodi motus celeres habeant, melancholicos esse. habere autem celeres motus balbos & hæsitantes ait idem, quoniam cum infirma sint instrumenta ipsius linguæ, neq; possint animi cõceptus exactè sequi, fit vt motus animi semper anteuertat motus linguæ, atq; hinc fiat linguæ impeditio. Sed neque ex his Arist. verbis clarè colligi potest, cut balbi verè melancholicis morbis tententur, nisi etiam & illud addamus, quod balbi cum nõ possint, vt optarent, & vt animus dicat, loqui, quasi sibi ipsis irascentes, & corã alijs loqui formidantes mœrent, qui mœror & timor nõ est dubium, quin in ipsis melancholiæ prouentum magnum faciat, & consequenter melancholicis ægritudinibus illos subiiciat. Curatio locutionis vitiatæ adhibetur in pueris solummodò, quãdo iam sunt ablactati; eo quia ante illud tempus sciri non potest, nunquid sit vitiata loquela, necne; & eo magis, quod sæpè etiam cõtingit, pueros vsq; ad sextum, & septimum annũ balbutire & tamen sponte curari. quapropter vbi certũ est morbum non esse sponte finiendum, aggredienda est alacriter hæc curatio. Muti, qui simul sunt surdi, omnino dimittendi. Sed si remissa fuerit loquela propter linguæ resolutionem factam à nimia humiditate, eadem curatio adhibenda est, quæ in balbutie adhibetur; & propterea quando de balbutie curatione tractabo, simul etiam habebitur curatio

muti-

mutitatis. Si puer impediatur in sermone propter nimiam freni colligantiam, omnis cura posita est in sola manuali operatione. Galenus quidem scribit consueuisse obstetrices vnguibus abscindere illam membranam, quæ frenum dicta est; sed siue sit propter imperitiam nostrarū obstetricum, siue sit quòd interdum hæc sola operatio non sufficit, opus est aliam operationem adhibere. Cornelius Celsus rei chirurgicæ peritissimus lib.7.c.12. curationem proponit, quam etiã proposuit Aetius lib.8 cap. 32. est autem operatio huiusmodi, vt lingua eleuetur versus palatum, ita vt tangat eũ, deinde vncino leuissimo distendatur illa membrana, postea cultello acutissimo tota discindatur, ita tamen, vt vena: nullo pacto violentur. vbi hoc factum est, abluendum est os posca, deinde inspergendus est puluis manna, thuris: deinde curandum est vulnus, si opus sit, vt cetera vulnera. addit vnum Cornelius Celsus, scilicet plerumq; statim abscissa hac mēbrana loquelam restitui, interdum tamen non restitui; quia cum perpetuum sit, quod fieri debet, non est tamen perpetuum, quod sequi conuenit. Ceterum sæpè vsu venit, vt ex vena violata inter incidendũ, timeatur sanguinis profusio; quod dum timetur, moner, & prudētissimè, Auic. vt membrana ipsa non abscindatur, sed circa radicem acu perforatur, & ipso acu deducatur filum, atque ita ligetur. nam hoc filum, si quotidie stringatur, breui, & blandè membranam illam amputat; atq; hic modus iucundissimus est. vbi verò incisa est mem-



brana, ne iterum coalescat, vel vngueto Ægyptiaco, vel pulueribus exsiccantibus reliquum membranae consumitur. In curanda autem omni balbutie diligenter spectandum est, quænam causa præcipua sit, quia si polypus nasi eam efficiat, ad illum curandû dirigi debet omnis cura. Si fiat ob labium mutilatû, nulla spes superest. Si fiat propter dentem excissum, hæc vnica ratio est, vt dens eburneus paretur, atq; in loco deficientis ponatur, & reliquis dentibus alligetur, qui dens cum deinceps editur, aufertur. nã maximè inseruit hoc remedium & pueris, atq; etiã viris. Si factum sit vitium hoc propter vitium cerebri, vel lingue, vel musculorum, aut vitiû oritur ex siccitate, aut ex nimia humiditate, & frigiditate. Si ex siccitate, vt contingit in febribus, & post phrenitides, danda est opera; vt omni ingenio humectetur & lingua, & initium spinalis medullæ. Ad humectandam linguam lactis mulieris gargarizati vsus utilis est, vtile est etiam sæpè linguam madefacere aqua maluæ, cui admistum sit oleum amygdalarum dulcium; & si vnà in aqua coquantur folia nimpheæ maximum iuuamentum afferetur. spinalis, seu principio spinalis medullæ conueniunt linimenta, quæ possunt emollire partes illas. Rec. axungia porcina aqua maluæ lota, pinguedinis gallinae ana vnc. i. olei amygdalarum dulcium, nenupharini ana vnc. s. croci scrup. s. misce, & in mortario fiat linimentum. Multo maius studium adhibendum est, vbi fit balbuties ex humiditate, & frigiditate linguæ, tum quia frequētius hoc vitium

tium accidit, tū quia vt expugnetur, opus est plu-  
 rimis auxilijs, & quod dicam de huius curatione,  
 idem putandū de mutis, qui fiunt ob resolutionē  
 à nimia humiditate. Scopus præcipuus in hac cu-  
 ratione est, vt lingua, cerebrum, ac muscoli mo-  
 uentes linguam exsiccentur & calefiant; quia ve-  
 rò exsiccati possunt lingua & muscoli, præsertim  
 vel si dissipetur humiditas qua sunt oppleti, vel si  
 eadē humiditas in alias corporis partes deflecta-  
 tur, ea propter omnibus his incumbendum erit,  
 vt humiditates omnino exsiccentur. Ad hoc verò  
 peragendū auxilia petenda sunt & à materia dia-  
 tetica, & à pharmaceutica, & à chirurgica. Pri-  
 mū igitur, vbi curatio suscepta erit, erit prouid-  
 endum, vt æger curādus maneat in aere calido,  
 & sicco. & forsā ob hoc apud Herodotū, quan-  
 do balbus ille consuluit oraculū, qua ratione bal-  
 butiem suam curaret, responsum est ipsi, vt in Li-  
 byam iret regionē calidissimam, & siccissimam.  
 plus vigilandum, quàm dormiendum. De passio-  
 nibus animi clarū est iram esse vitandam, quoniā,  
 vt dicebam, relatū est multos sola ira in balbutiē  
 incidisse. Ceterū de timore pulcherrima est  
 quaestio, nunquid medicus in curāda balbutie de-  
 beat amare, aut fugere timorem? nā ex vna parte  
 est ratio, omnino fugiendū esse, quia non est du-  
 biū timorē frigefacere. quare dictū est à me aliàs  
 timētes interdū balbutire. Sed ex altera parte ha-  
 bētur apud Historicos exēpla, quibus solo timo-  
 re pueros, atq; etiam viros cū prius muti essent,  
 sermonem acquisuisse fertur. nam narrat Pau-

sanias Battum quemdā mutum conspecto in de-  
 fertio leone, maximo timore esse perculsum, &  
 statim loquelam comparasse. refertur etiam de  
 Aty filio Cræsi, qui timens ne pater occideretur  
 à Cyro, statim cōspecto periculo sermonem ac-  
 quisit. Quare cūm hæc, quæ referūtur, videan-  
 tur naturali cursu nullo miraculo euenisse, vide-  
 tur etiam posse interdum contingere, vt à medi-  
 co excitata formidine curetur mutitas, siue bal-  
 buties. Problema hoc à nemine propositum ita  
 soluendum mihi videtur; duplicē esse timorem,  
 alterum à Græcis appellatū *ἀγωνία*, à nostris tre-  
 pidationem. alterum verò esse, qui à nostris pro-  
 priè timor, à Græcis *φόβος* dicitur. Trepidatio est,  
 cūm homines aggressuri aliquam magnam rem,  
 timent; quod genus timoris est maius timore ap-  
 pellato; in trepidatione quemadmodum habe-  
 tur apud Arist. 11. sect. problemate 32. & 53. est  
 veluti species quedam pudoris; vnde sicuti in pu-  
 dore partes circa pectus, & faciem valde incale-  
 scunt, vt iudicatur ex rubore, sic, inquit ipse, trepi-  
 dantibus meritò fit calor circa pectus & circa fa-  
 ciem; propter quem calorem vox grauis fit. In ti-  
 mentibus autem secus, quia in ijs partes pectoris,  
 & partes superiores refrigerantur; calor autem  
 partes inferiores petit. Vnde dicebat Arist. 8. sect.  
 problem. 4. illis, qui timent, sponte fluere semen,  
 vrinam, & fæces, eo quia calor detrusus ad partes  
 infernas illas huiusmodi excretiones excitat. Hac  
 itaq; resolutione constituta, facile est hunc no-  
 dum soluere, scilicet timorem simplicem non so-  
 lum



lum non iuuare balbutiem, verùm potius auge-  
 re; eo quod ab illo refrigeratur & lingua, & pe-  
 ctus, & partes superiores, vt cognoscitur ex pal-  
 lore. Ceterùm trepidatio maximè iuuare potest  
 & balbutiem, & mutitatè, quia calefacto pecto-  
 re, & partibus superioribus non est dubitandum  
 posse tolli & humiditatè illam nimiam, & simul  
 imbecillitatem, quæ oritur ex paupertate caloris  
 natui, vnde trepidationem hanc inducere pue-  
 ris, omnino vtile esse potest. Exercendū est cor-  
 pus, quantum fieri potest, præsertim verò exer-  
 cenda est vox; & si quid est, quod possit prodesse  
 balbis, & hæsitantibus, est continua locutio alta,  
 & clara. habetur huius rei exemplum, Magni De-  
 mosthenis, qui, vt narrat Plutarchus in eius vita,  
 & in libello de decem Oratoribus, superauit bal-  
 butiem sola vocis exercitatione, & contentione.  
 nam dedit decem millia drachmarum Neopto-  
 lemo Histrioni, qui illū docuit versus plures vno  
 spiritu proferre; scilicet vt iniectis in os calculis  
 ascendens, & currens versus continuò proferret.  
 Abstinentum est, si viri sunt, à venere: pueris au-  
 tem abstinentum ab vsu balnearum; vnde ma-  
 tres, quæ balbutientibus pueris solent caput sæpè  
 abluere, malè agunt, cùm augeant humiditatem,  
 & caussam huius vitij. Curandum vt alius fluat  
 quotidie, si non natura, saltem arte. abstinentū  
 est à vino, vel vtendū est eo paucifero, & in pau-  
 ca copia. Vtendū est cibus aromatibus salitis, acri-  
 bus eduljis; abstinentū verò ab vsu pastitorum,  
 à nucibus, à piscibus; & vt vno verbo dicam, de-

bet tota ratio victus exsiccare & calefacere. Quae ratione victus instituta puer erit purgandus. Primum enim, si aluus sponte non fluxerit, erit liquanda, hac potiuncula, Recip. foliorum salviae, betonicae ana m. s. coriandri drach. 1. foliorum senae scrup. 2. fiat decoctio secundum artem, deinde Recip. dictae decoctionis vnc. 3. s. mellis rosati solutiui vnc. 2. vel vnc. 2. s. misce, fiat potus. Erit deinde corpus praeparandum ad expurgationem. Recipe foliorum salviae, origani, stœchados ana m. s. fiat decoctio secundum artem: deinde Recipe dictae decoctionis vnc. 3. oxymellis simplicis drach. 2. syrupi de betonica, de stœchade ana vnc. s. misce, fiat potus. Postquam praeparatum fuerit corpus, expurgandum erit & in hac expurgatione si licitum fuerit vti pillulis, erunt alijs medicamentis praeferendae. Recip. pillularum de hiera cum agarico scrup. 1. s. pillularum cochiarum scrup. 1. misce, fiant pillulae numero quinque; quae vt facilius à pueris deuorentur, poterunt occultari vel in panatella, vel in aliquo iuscule; sed si pillulas recusaerint, dabitur potiuncula haec. Recipe agarici trochiscati scrup. 2. caryophyllorum gr. 4. infundantur in aqua stœchados, vel betonicae, deinde facta expressione adde diacatholiconis drachm. 3. mellis rosati solutiui vnc. 1. cum decocto cordial. fiat potus. Purgato corpore deinde prouidendum erit vt adhuc magis illae partes, vna cum cerebro exsiccentur; & ad hoc agendum conueniant medicamenta, quae naribus attrahuntur, & sternutationes. Recip. succi radicis betae vnc. s.

succo

succi betonicae vnc. i. aquae coriandrorum lib. s. misceantur, & naribus attrahantur. Vbi paulisper purgatum fuerit pueri corpus, prouidendum est, ut & caput & lingua continuò exsiccetur. Exsiccatur continuò caput cauterium nuchae factum, quo remedio in hoc genere nullum ferè inuenitur praestantius; pari pacto ad exsiccandum caput magnopere valèt vesicatoria post aures adhibita, & diu conseruata. Exsiccandae linguae confert, si illa fricetur modo melle modò sale, sapissimè verò saluia; quam vsu probatum est magnopere vtilem esse ad tollendam balbutiem. atq; hic sit finis eorum affectuum, qui spectant ad motricè facultatem.

*De vitis sensus communis. Cap. IX.*

**R**eliquum est ut ad ea transeamus, quae pertinent ad sensus, & quia communis sensus alios antecedit & necessitate, & sede, ab hoc primò incipiemus. Solent aut duo vitia pueris circa hunc sensum contingere, quae omnia ad somnum, & vigiliam reducuntur. nam somnus in pueris vel nullo modo fit, aut paucus; & vigilia immoderata puerorum nuncupatur. aut fit alio modo quàm fieri deberet. In pueris quidem somnus nunquam fit moderatus. quando quidem, ut dicebat Arist. 5. de generatione animal. i. foetus quoadiu in vtero manet, perpetuo quodam somno opprimitur, vbi vtero egressus est, maxima ex parte dormit, tū quia infans memor est perpetui somni, quē habuit in vtero, tū quia corpus habet humidissimū. est inquā humidiss. infantis corpus nō solūm qa abūdat multis humiditatib. verūm



etiam quia, vt dicebat Alexāder 1. lib. Medic. problem. 2. partes eius solidæ humidissimæ, & molliissimæ sunt. quærens enim is eo in loco, cur senes, qui abundant humiditatibus, vigilantissimi sint, pueri verò somniculosi, inquit id iccirco esse, quia etsi senes pluribus humiditatibus scateant, habent tamen solida capitis sicca, infantes autem humida ea habent. Quare ex hoc discursu colligi potest, à natura comparatum esse, vt infantes maximè dormiant, & propterea somnos immensos in ipsis minimè morbosos esse. Morbosi autem contingūt pueris somni, quando fiunt diuerso ac prauo modo, atq; aliter quàm fieri deberēt. cum enim somnus à natura animalibus sit donatus, vt eo spiritus, & calor, qui in vigilijs consumuntur, reficiantur, & recreentur; id vt fieri possit, necesse est ipsum tranquillum esse. igitur vbi turbatur somnus, proculdubio naturalis esse non potest, sed morbosus est, atq; hunc somnū turbatum in infantibus & pueris appellat Hipp. 3. aphor. 24. somnos terrificos. Rases lib. experimentorum cap. 6. appellauit proprio ingenio matrem puorum. Est autem somnus hic perturbatus symptoma in genere actionum læsarum ipsius sensus cōmunis. læsarum (inquam) deprauatè, eo quod vbi infantes pacatè dormire deberēt, insomnijs quibusdam terrificis vehementissimè turbātur. Sed priusquā vltius progrediamur, hoc in loco eximendus est scrupulus, qui forsan ingenia multorū turbare posset, eo quæ Arist. 4. de hist. anim. 10. scribit infantes ante quartum ætatis annū non somniare,

mniare, & post quartum annum paucis etiam  
 insomnia contingere, quæ sententia non solùm  
 aduersa est communi medicorum sententiæ, ve-  
 rùm etiam quotidianæ experientiæ refragatur;  
 quoniam compertum est infantes multo ante  
 quartum annum somniare. Respondendum est,  
 & nodus Arist. ex ipsomet Arist. soluendus, qui  
 7. de hist. animal. quasi corrigens priorem senten-  
 tiam, inquit somniare quidē infantes, sed tardè  
 insomniorum memorias conseruare; vt non sit  
 dubitandum, quemadmodū tradunt medici, tur-  
 bari posse ab insomniis infantes, tametsi ipsorū  
 somniorū nullam apud se memoriam conseruet.  
 Symptoma hoc sequitur suū morbum, qui mor-  
 bus in ventriculo positus est, eo quia, vt copiosè  
 docuit Gal. in com. aphor. 24. lib. 3. fiunt isti pau-  
 res in infantibus non ob aliud, nisi propter debi-  
 litatem ventriculi, atque oris ipsius insignē sen-  
 sum; propter quæ omnia corrumpuntur cibi, &  
 ex iis corruptis fiunt isti pauores. Modū autem,  
 quo fiūt præclare, pposuit nobis Auic. lib. 1. tract.  
 3. doct. 1. c. 3. vbi scribit ex corruptis cibus in ven-  
 triculo tristitiam oriri, cuius phâsasmata deferū-  
 tur ad imaginationē, quàm necessariò deterrent;  
 & consequenter faciunt insomnia terrificæ; quæ  
 nihil aliud sunt, quàm operationes imaginatio-  
 nis cirçea phantasmata à sensibus oblata. Nec re-  
 fert quidquam quod Gal. scripserit semper ita fi-  
 eri: Auic. verò vt plurimum; quoniam hic specta-  
 uir totam ætatem puerilem, in qua forsan, & ob  
 alias caussas possunt hæc insomnia contingere.

ille autem solummodò infantilem ætatē. Causſa  
 interna itaq; eſt corruptus cibus in vētriculo; ex-  
 terna verò, vt Galenus aſſerit, lac, aut cibus, qui ſci-  
 licet copioſior ſumatur, quàm par eſt, ſiue ſit eius  
 natura, vt difficiliter cōficiatur in ventriculis in-  
 fantium, & puerorum, ſeu facile corrumpatur; &  
 corruptus acrimoniam quamdã acquirat, merito  
 cuius vellicetur, & veluti mordeatur os vētriculi;  
 ita vt duo affectuū genera exinde videantur oriri  
 in ventriculo, nimium ſolutio cōtinui, & intem-  
 peries, quæ facit imbecillitatē, à quibus poſtmo-  
 dum, quemadmodū dicebam, oriuntur triſtia illa  
 phantaſinata; vt etiam ſit hæc vera ratio, qua du-  
 ctus Gal. 6. libro de placitis Hipp. & Platonis & 2.  
 de acutis tex. 45. dixerit homines fieri triſtes, &  
 turbatos, quotieſcunq; ventriculus grauatus eſt.  
 Cognoscitur autem hic affectus eo potiffimum  
 ſigno, quoniam infantes inter dormiendum ge-  
 munt, concutiuntur; excitati verò vociferantur,  
 clamāt, nec vlla ratione ſedari poſſunt. adhæc co-  
 lor ipſorum præternaturalis eſt, pariter etiã & ca-  
 lor; ab ore fœtidus manat halitus, quo ſæpè deci-  
 piuntur mulierculæ, exiſtimantes illud eſſe indi-  
 cium vermium, cùm tamen non ſit. Gal. loco ci-  
 tato 3. aphor. ſcribit ſe ſe obſeruaſſe huiuſmodi  
 affectionem etiam in prouectioribus fieri, quod  
 quidem veriffimum eſt, & ſoleo ego dicere huic  
 affectui infantium proportionem reſpondere af-  
 fectum illum, qui ſit in prouectioribus, & qui in-  
 cubus nuncupatur; ita vt ſicuti incubus in adul-  
 tioribus paſſio grauis eſt, quippe quæ ſit veluti  
 ante-



antesignanus apoplexiæ, sic somnia ista terrificæ solent esse argumenta epilepsiæ, & aliorum pravorum morborum. Ex quo sicuti incubi habenda est ratio, pari pacto studendum est; ut quamprimum huic affectui occurratur. Ratio verò occurrendi posita est in hoc potissimum, ut diligenter perspicatur, ne cibi, aut succi in ventriculo corrumpantur; & quia contingit corruptio tum propter ventriculi imbecillitatē, tum maximè propter errorem alimenti, primum incumbendum est, ut omnis error alimenti euitetur; & ideo si puer lactens sit, diligenter perspicendum erit, numquid nutrix sit proba, vel improba. quæ si fuerit improba, mutanda est. si probæ nutricis habeat notas, existimandum est lac vitiatum esse aliqua ratione, aut ab ipsa plus offerri, quàm par est. Si plus offeratur lactis, studendum est ut parcius mammas porrigat. Sed si vitium sit in lacte, cum non habeat illud vitium ex nutricis intemperamento, necessarium est conijcere lac vitari propter errores vitæ. ea propter providendum erit, ut nutrix optima ratione viuat, atq; ea, quam sapius docui, quæ scilicet succum, & lac inculpatum producere possit. Pari pacto si puer ab lactatus sit, videndum est an plus comedat quàm par sit, an verò pravis edulijis nutriatur. Vtrum fecerit, providendum est, ne amplius vel in copia, vel in qualitate erretur. Id autē fiet, si fructus, cibos duros & graues, nimis calidos, potum vini præsertim meratoris fugiat. Sed quia non solet sufficere victus ratio ad affectum iam productum tollendum, opus est ut cibi cor-

rupti è ventriculo & intestinis tollàtur. Ad quod agendum laudat Rases loco citato, atq; Auicennas, vt mel deglutiendum detur infanti, quod sua facultate deterforia aluū eius mouet, & quidquid corrupti inuenit in vētriculo, & intestinis secum defert. Si mel non possit administrari, glandes erunt subijciendæ vel ex sapone, vel ex axungia porcina, vel ex melle. Vtilis est & clyster huiusmodi: Recipe seri vnc. 6. vel 8. mellis communis vnc. 1. s. salis scrup. 1. misce, fiat clyster, qui maximè potest abluere intestina, & humores corruptos ducere. Si vero sit grandiusculus, poterimus non solum vti vel melle, vel clysteribus, vel glandibus, verùm etiam hiera; quam laudauit mirificè Galenus ad educendos è ventriculo cibos corruptos. Vbi euacuati sunt cibi, & succi corrupti, relinquatur vt prospiciatur imbecillitati ventriculī & extrinsecus, & intrinsecus. Extrinsecus quidē inunctiones, fomentationes, quæ fiunt ex absynthio, rosis, & vino. Sunt etiā cerata, cuiusmodi est istud. Rec. foliorū absynthij drach. 1. s. polij mōtani drach. 1. schœnanthi, ladani ana scrup. 1. s. myrrhæ, aloes ana scrup. 1. terantur diligenter, & cum cera, ac modico terebinthinæ fiat ceratum, quod & ventriculo, & vmbilico apponatur. Extrinsecus vtile est gestare collo appensum corallum rubrum, quem experientia comprobatū est secreta qualitate corroborare ventriculum, si illū extrinsecus tangat. Vnde non malè faciunt matres, quæ puerorum colla, & pectora corallis ornare solent. Intrinsecus laudat Rases confectio-

nem diapliris arcont. laudat etiam si diamusci scrup. s. infans deuoret, vel si tantundem theriacæ magnæ sumat. Potest etiam parari aliqua rotula, quæ ventriculum pueri confirmare possit, exempli gratia. Rec. specierum diamusci scrup. i. diacalamenti scrup. i. s. sacchari, & aquæ rosacæ quantū sufficit, misce, & fiant rotulæ paruæ, quarum singulo mane poterit vna præberi, & paulo post exhiberi lac; aut si sit ab lactatus, modicū brodij, vel vini. nam aduertendū huiusmodi rotulas esse in puluerem redigendas, & infantibus, vt monebat Rases, vnà cum lacte exhibendas.

*De immodica puerorum vigilia. Cap. X.*

**S**icut in somno, quamuis immēso, pueri nunquam morboſi fiunt; sic vbi somnus exiguus est, vel nullus, necessariū est ipsos agrotare, idq; cū in viris perniciosum iudicetur, non est dubitandum multo magis in pueris nocere; quos, vt nuper dicebam, natura comparatum est somniculosos esse. Cū igitur pueri neq; motu, neque cantu, neq; pannorum mutatione, neq; vlla alia diligentia possunt ad dormiendum cogi, fit in illis ea præter naturā affectio, quæ appellatur immodica vigilatio. Diuersus tamē est hic morbus à vigilijs adultiorum, quoniam absurdum est existimare posse hunc in infantibus oriri ab ea causā, nimirum propter siccitatem, à qua fiunt vigiliæ in adultioribus. Eapropter iure hoc constitutum fuit ab omnibus medicis, vbi infantes nimium vigilant, id non aliunde proficisci, quàm à corruptis cibis in vētriculo, à quibus cū vapores acres iu-



giter in cerebrum feratur, ij membranas pertur-  
 dentes somnū impediunt. Sed dicit aliquis, cūm  
 & somnia terrifica, & immoderata vigiliae fiant  
 ob corruptos in ventriculo cibos, quae causa est,  
 quod nō semper vel vigiliae, vel insomnia produ-  
 cantur. Facile est huiusmodi discrimen intelligen-  
 re, quoniam vbi à corrupto cibo non feruntur va-  
 pores, sed tristitia phantasmata, quae solam ima-  
 ginationem percellunt, efficiuntur insomnia ter-  
 rifica. vbi verò vapores efferuntur, atq; illi acres,  
 cūm somnus impediatur, non insomnia, sed vigi-  
 liae suboriuntur. Nō autem est opus signis, vt hæc  
 affectio in infantibus cognoscatur; quia ferè sem-  
 per aut plorant, aut clamāt, nunquam dormiunt.  
 Malum verò est hoc ægritudinis genus, non tan-  
 tum, quia Hipp. 2. aphor. 3. dicebat somnum, & vi-  
 giliam, si modum excefferint mala esse, verū-  
 etiam, quia est affectio valdè dissentanea naturæ  
 infantium, & iccirco danda opera est, vt omnino  
 hæc vigiliae tollantur. Posita autem est tota cura-  
 tio in eo potissimū, vt ventriculus corrigatur,  
 quo cibos non corrumpat, tum vt omni arte so-  
 mnus procuretur. Pro vtrisque autem consequen-  
 dis magni interest lacti in primis prospicere, vt sci-  
 licet, quemadmodum dicebam, & debita men-  
 sura præbeatur, & illud sit debitis conditionibus  
 præditum. Vnde nutrienda est nutrix cibus opti-  
 mi succi, præsertim verò lactucis, seminibus pa-  
 paueris, amygdalis dulcibus, & id genus, quae so-  
 mnium conciliare apta sunt. à vino præsertim ge-  
 nerofo abstinendum erit, tum sæpè curandum,

vt puerorum corpora mundentur, ac abluantur, vt dum clamant, vel motu, vel cantu demulceantur. nam, vt hoc obiter doceam, refert Seneca in libro de prouidētia, Mæcenatem tribus annis integris sine somno permanfisse, & tandem ab hac ægritudine liberatum esse sola placida & leni harmonia. Ventriculo & linimenta & vnctiones, & fomentationes, vt monebam, erūt administranda. Puerò verò extrinsecus diapopuleon temporibus inungitur, succus etiã alterci cum oleo violato, succus papaueris. Solent quoq; mulieres aduersus hanc calamitatem vti confectione quadã, quæ vocatur requies Nicolai, qua vtendū saltem erit quando summa cogit necessitas. nam ore sumitur, vbi autem hoc modo nimis frequēter exhibentur hæc opiata, solent & corporibus officere, & ingenium puerorum mirificè retardare.

*Caput de Siriasi.*

**P**ostularet hic locus, vt vitia sensus auditus, & visus prosequerer; sed quia nihil ferè peculiare habent infantes in his morbis, satius esse ducò transire ad vitia capitis, quæ pertinent ad facultatem naturalē, quæve sæpius pueros infestare solent, & quodam modo illorum propria videntur esse. sunt autē huiusmodi vitia vt plurimū intemperies, & inter has vna est, quæ infantes, vt dicebat Alexander 1. problem. medic. 98. etiam num pfectos exercere solet, & vocatur à Græcis σιρίασις. Alexander loco citato appellat καύμα. Plinius imitatus Græcos appellat modò ardorem capitis; modò deustionē. Auicēnas de hac tractat sub no-

mine erysipelatis cerebri. Rases prim. cōtinentis nuncupat σικάχλο. Sed nolo præterire vnum circa hoc nomen σιρίασις. nã Aetius lib. 4. cap. 13. vult hanc ægritudinem propterea vocatam esse σιρίασιν, quia, vt videbitur suo loco, fit in hac ægritudine quædam fouea in syncipite infantis. à Græcis autem fouea vocatur σίρσις, atque inde siriasis. alij voluerunt σιρίασιν vocatam esse à sirio astro, hoc est à canicula, quòd scilicet, vt scribit Alexander, tunc temporis hæc ægritudo potissimùm gignatur. Nō desunt etiam, qui existimant hunc morbum esse illum, quem Plautus appellat morbum solstitialem, quo scribit, tempore suo consueuisse perire Syros omnes, id est seruos, qui è Syria veniebant. Sed vt cumque sit, Aetius loco citato, & Paullus Aegineta lib. 1. cap. 13. definiunt hunc morbum esse inflammationē partium, quæ sunt circa cerebrum, & membranas. ex quorum sententia patet hunc affectum esse morbum in magnitudine: vel, si loqui placet secundum Galeni consuetudinem lib. de differentijs morborum cap. 5. esse intemperiem cum affluxu materiæ. locum verò affectum esse cerebrū ex eo demonstrat Alexander, quoniam medicamēta refrigerantia cerebro adhibita hunc morbum tollunt. Et quia dixi esse intemperiem cum affluxu materiæ, non nihil diffusionis inuenio inter medicinarū scriptores in docendo, quodnam sit genus huius materiæ. Alexander loco citato scribit propterea siriasim oriri tempore astatis, quoniam capita infantium pituitosissima iunt, propter quod pituita ipsorum facile



cilè sub immenso aeris calore putrefit; qua putrefacta fiunt ardores, febres ardentes, & alui fluxus. Ex quo loco colligitur secundū Alexandrum hanc materiam esse pituitam, vel humorem pituitosum. Contrā Arabes ferè omnes statuunt hanc materiam esse bilem, nō quidem bilem illā deustam, sed mitiorem. atq; hanc sententiam confirmare nituntur ex calore, ex dolore, & ex vultus pallore, quo infantes sub hac ægritudine afficiuntur. Dicendum est pro hoc dissidio tollendo, materiam, quæ verè facit hunc morbum neque esse veram pituitam, neq; puram bilem. Non est vera pituita, quia illa frigida, & humida est; humiditates autem puerorum sunt calidæ. quod cum intelligeret Alexander 1. problem. 2. dicebat senescere, quia abundant pituita; nō canescere pueros, quia in ijs pituita, quæ est frigida, & humida, non abundat. Non est etiam vera bilis, quia in capite humido, & penè aqueo excogitari non potest, quomodo calor ante morbum, vel etiam in ipso morbo possit humorē feruidissimum producere. Quæ ergo est materia? Est humor, qui dū putrefit, quodam modo adumbrare videtur naturam bilis, non quòd sit vera bilis, aut vera pituita. Causæ externæ sunt aer æstuosus, percussiones, casus, lac. nā sicuti dicebat Lucretius in lib. 1. de natura fœtus, teneros caprarum dementari à lacte mero: sic non est dubitandum tenera cerebella infantium à lacte nutricis magnopere percuti, & offendi. Cognoscitur hic morbus quoniā in incipite apparet fouea facta. propterea quod

ardor inflammationis exsiccat cerebrū, quo exsiccato craneum deprimitur suo pondere, & cauitatem facit. adhæc oculi caui sunt eadem ratione, ardor totius corporis, adest febris continua, pallor vultus. addit etiam Alexander imbecillitatem quandam, vigilias, & alui fluorem. Ceterū malum hoc grauissimum est, & si est illud idē, quod Hipp. 7. aphor. aphor. 50. appellat cerebri spha-cellum, proculdubio exitialissimus morbus est, quippe qui soleat infantes triduo iugulare; & Hipp. inquit, si triduum transierit, spem esse salutis, quamquam in coacis preñotionibus dicat etiā septima die hunc morbū infantes perimere. Curationis ratio in duobus potissimum consistit, in refrigeratione, & in materiæ fluxæ dissolutione. Ad refrigerandū hanc cerebri intemperiem operæ pretium est diligentia vti, quo nutrix solam aquam bibat, & ijs cibis vtatur, qui maxime refrigerare possint, vt est ptissana cum emulsione seminum papaueris, brodia ex lactuca, & endiuia; præsertim verò in aere frigido nutrix, & infans tenendi, atq; simul in summa quiete & animi, & corporis. Vsus pharmacorum omnino inutilis, & perniciosus est, quòd si tamen alius pueri non respondeat, subducēda est vel glande communi, vel clystere factò hunc in modum. Recip, succi ptissanæ vnc. 3. feri caprini, vel qualiscunq; vnc. v. sacchari rubei vnc. s. misce. Extrinsecus laudant ferè omnes vitellum oui cū oleo rosaceo, exempli gratia; Recip. vitellum oui crudum num. i. olei rosati vnc. 2. succus quoque Heliotropij mirificè  
com-

commendatur & à Dioscoride, & ab alijs; conuenit etiã succus solatri, lactuæ; sed præsertim succus citrullorum, qui melones ab Arabibus vocantur, & succus cucurbitarum. nam poterunt capi cortex citrullorum, & caro cucurbitæ, atq; simul conteri, deinde succus exprimi, necnõ folia lactuæ in hoc succo immacerari, ac deinde capiti superponi. et si desint folia, loco ipsorũ panni subtilissimi linei capi poterunt. Sed duo debent obseruari. Vnum est, vt non transeantur hæc remedia refrigerantia, quia periculum est, ne vitantes ardorẽ, incidamus in glaciem, hoc est, ne ex graui morbo fiat alter grauior. Aliud obseruandũ est, vt hæc medicamenta, quemadmodũ omnes moment, assiduo mutantur, atque semper vel tepida tempore hiemis, vel frigida actu tempore æstatis vsurpentur; eo quòd si diutius detineantur, solẽt exsiccare, & incalescere, vnde postmodum tam obsunt, quàm iuuant. Ad dissoluendam materiã fluxam, vbi sedata erit inflammatio, erunt omnino auferenda medicamenta refrigerantia, & loco ipsorum vtendum erit primũ, quæ modicè discutiant, deinde quæ paullo efficacius; exemplũ primi hoc est. Recip. vitellum oui num. i. olei chamæmelini vnc. 2. misce. exemplum secundi. Recip. florum chamæmeli p. j. foliorũ pulegij, anethiana m. s. furfurum in petia ligatorum p. s. fiat decoctio secundum artem: deinde Recip. dictæ decoctionis lib. s. olei chamæmelini, anethini ana vnc. i. conquassentur omnia diligẽter, deinde adhibeantur tepida capiti.



**C**apitis intemperie sequuntur nonnulla alia symptomata, quæ ab Hipp. 3. aphor. 34. inter affectus puerorum numerantur; atq; ea sunt, coryza, tussis, & anhelitus difficultas. nec solum Hipp. verum etiã Arist. 1. problem. 16. scribit pueros tentari frequenter coryza, profluvio sanguinis è naribus, & pediculis. Sunt autem omnes hi affectus febiles, & effectus destillationis. Sed forsan curiosum aliquod ingeniũ intelligere optabit, an quemadmodum dicebat Socrates 3. de Republica, destillationẽ tẽpore suo fuisse novũ morbum, & non nisi tẽpore Homeri innotuisse; similiter destillatio puerorum eo tempore fuerit nova ægritudo. Breuiter puto ego huiusmodi ægritudinem ipsis pueris si nõ naturalem, saltem per familiarem semper fuisse, quandoquidẽ consequitur penè naturale, omnium puerorũ temperamentum. Illud quidẽ verum est magnopere referre parentum morbidum semen, quia sicuti tempore nostro infantes, qui oriuntur ex parentibus destillationi obnoxijis, mirificè hac ægritudine sollicitantur, pari pacto veterum tempestate cùm homines minus destillationibus tentarentur, erat rationi cõsentaneum, pueros etiam multo minus tentari. Itaq; destillatio cùm sit defluxus materie pituitosæ in subiectas partes, si ad nares materia fluat, fit ille affectus, qui vocatur coryza; si ad partes pectoris descendat, & à spiritu exeunte repellatur, fit ille motus, qui tussis vocatur.

tur. Sed si eadem materia magna ex parte in pulmones præcipitetur, & vias spiritus obstruendo, & corpus pulmonis grauando, anhelitus difficultatem inducit. rarò autè hæc materia facit in pueris raucedines, propterea quòd lactentes, vsu lactis assiduo detergunt fauces, neq; sinunt in illis partibus pituitam firmari. in adultioribus autem fit etiam rarò raucedo, quoniam secundum partes illas pueri valde calidi sunt, cuius caloris ratione facile exsiccat pituita in illis partibus. Sunt verò hæc omnia, vt dicebam, symptomata partim in genere excrementorum mutatorum, partim verò in genere actionum læsarum. Morbus autè quem consequuntur, nullus alius est, nisi intemperies semper humidissima cerebri, interdum frigida, interdum calida. Frigida est, quoniam, vt dicebat Rases in practica sua, infantes cum trahant aerem consueto frigidiorum, necessariò ipsis cerebrum refrigeratur. Calida autem fit intemperies in pueris propter varias causas. Primum, ob proprium temperamentum, quod calidissimum est: deinde, ob externas causas, quæ æquè possunt intemperiem calidam, atq; frigidam producere. Inter externas est aer frigidus, atque etiam calidus, ignis, fumus, integumenta nimia, præsertim capitis. & in hac re frequentissimè errant nutrices, quæ plus nimio calefacientes capita infantium, & integumentis, & igne, occasionem præbent destillationibus validissimis. sic etiam nutricum importuna ingluuies, præsertim verò crapulæ frequentes puerorum destillationes faciunt. Iaco-

bus de partibus in com. ad caput Auicennæ 3. doctr. 1. Fen. 3. primi libri scribit, Galenū in comm. aphor. 24. lib. tertij tribuisse causam tussis infantium lactis nimix sumptioni, quasi lac haustum vehementi impetu prorumpat etiam in asperam arteriam. Sed hæc sententia non habetur eo in loco à Galeno, neque etiam mihi videtur digna, vt adferatur; quia illa tussis, quæ fit ex lactis haustu, non est morbosa, neque opus habet medici industria, quandoquidem sponte curatur, vt vna, vel altera vice solo lactantis studio extinguatur. Ceterum facile est cognoscere pueros hisce symptomatib. oppressos; ad cognoscendū autem materiam peccantē, vtrum frigida, an calida sit, opus est aliquibus signis. nam si calida sit, frequenter sternunt infantes, color vultus floridus est, fauces rubent, & dum mammas sugūt, eas magnopere calefaciunt, vt referant ipsæ nutrices se calorem sentire. Contra, si materia frigida sit rarissimè sternutationes fiunt, nulla coloris vultus mutatio, nullus calor in ore percipitur. Malū hoc salutare est, sed si negligatur, quod quidem fit & à nutricibus, & à pueris, solet interdum non solū asthmata, verū etiam rames, seu hernias, atque alia mala producere, præsertim verò solet mortē interdum adferre. quapropter diligenter infantes sunt ab hoc morbo vindicandi; & tota curationis ratio in his posita esse videtur, vt prouideatur ne materia fluat ad partes infernas, & vt, quæ fluxa est, omnino educatur: deinde vt cerebri intemperamentum



corrigatur. quæ omnia vt præstari possint, quod  
 sæpissimè dictum est, magna diligentia adhiberi  
 debet, vt si infans sit lactens, nutrix omnino & se  
 ipsam & puerū custodiat ab omni aeris excessu,  
 ab igne, à fumo; præsertim autem dimittat vsum  
 vini, vel eo parcissimè vtatur. Sic etiam cibos o-  
 mnes vitet, qui flatulenti sunt, qui crassos succos  
 gignūt, & qui caput percutere solent: vt sunt aro-  
 mata omnia, & ea ciborū genera, quæ cū aroma-  
 tibus condiuntur. & aduertendū est, licet vbi ma-  
 teria calida est, possint concedi aliquantisper &  
 aromata, & calidiores cibi; verū tamen hoc par-  
 cissimè agendū esse, eo quia omnia, quæ petūt ca-  
 put, tum materias calidas, tum frigidas eliquare,  
 & fundere apta sunt; materia verò fusa, & liqua-  
 tæ omnes has agritudines, atq; etiam alias plures  
 inducere possunt. Cū, vt memoriæ mandauit  
 Auicennas, destillatio sit mater omniū agritudi-  
 num, atq; quod dixi, faciendū esse in nutricibus,  
 eadē ratione faciendū est in pueris ablactatis; qui  
 sæpè importuna viuēdi ratione & grauedines, &  
 tusses, & anhelitus difficultates, si nō insanabiles,  
 saltē valde diuturnas reddūt. Præter victus ratio-  
 nem sunt alia remedia, quæ partim ad retinendā  
 fluentem materiam, partim verò ad consumen-  
 dam iam fluxā conducūt. Paullus Aegineta lib. i.  
 cap. 7. cuius auctoritatē produxit Auic. loco cita-  
 to, scribit ad consumendam humiditatem capitis  
 prodesse, si capita puerorum perfundantur aqua  
 calida; quasi hoc sit efficacissimū remediū ad de-  
 stillationes, & tusses puerorū finiendas. Sed pa-

ce Paulli, & Auicenna huiusmodi consilium mihi probari nō potest, quia calida aqua affusa si nimium calida sit, offendit, quoniā & materias magis liquat, & sensus infantis imbecillos vehementer percutit. Si autem tepida sit, clarissimum est eam magis relaxare, magis humectare, & consequenter ægritudinem augere. Puto autem Paululum hac in re deceptū esse forsā ex malo intellectu sententiæ Hippocratis, atque Galeni; qui s. aphor. 2 2. dixerunt calidam capiti affusam κεφαλαργιαν, id est capitis grauitatem tollere. & Galenus interpretans sententiam Hipp. dicebat, calidam affusam capiti dissipare, & cōsumere graues humiditates à quibus capitis grauitas inducitur. Sed multum differt & capitis grauitatem curare, præsertim in viris, & curare vel tusses, vel grauedines, vel difficultates anhelitus in pueris. quo circa si esset aliquid capiti adhibendum in hac curatione, potius adhibēda essent ea, quæ cutim blandè exulcerant. quosiam sicuti videmus vlcera in capite sponte nata pueros à similibus ægritudinibus vindicare, similiter rationi cōsentaneum est vlcera arte facta posse eadē curare. Ad euacuandam materiam, & diuertendam confert, vt alius infantis sit soluta, quod fieri poterit vel glāde, vel clystere. Vomitus etiam maximè cōducit ad euacuandam pituitā, quæ & fluit, & fluxa est. ac propterea Paullus, Auic. & omnes iure ad excitandū vomitum, & euacuandam materiam laudant, vt digito melle intincto lingua pueri deprimatur, atq; ita vomere quodā pacto doceatur. Sic multa  
alia

alia sunt proposita à medicis, ad euacuandam huiusmodi materiam, cuiusmodi est mel violaceum cum puluere ocimi, exempli gratia: Recip. mellis violati vnc. i. pulueris ocimi drach. i. misceatur, & ponatur in ore infantis, deinde mamma porrigatur. hoc enim debet esse perpetuum, vt quotiescumq; puer debet ore aliquid sumere. statim eo accepto porrigatur mamma. Mel simplex cum sesamo etiam laudatur. Rases in materia frigida laudat myrrham cum melle; in materia autè calida poterit hoc vsurpari: Recip. seminũ papaueris albi drach. i. tragacanthi drach. s. sc. minum cucurbitæ drach. 3. contundantur omnia, & cū decocto sebesten fiat liquor. Sic diatragacanthũ, quod nos parari iubemus cum succo farfare frequenter vsurparũ ad tusses finiendas mirificè valet. Vsus autem est, vt in puluerem redigatur, & pulueris scrup. s. misceatur cū modico mellis violati, atq; ita infanti lambendum porrigatur. Valet enim ad tussim sedandam, & si difficultas anhelitus aderit, poterit administrari loco mellis syrupus de hyssopo. Extrinsicus etiã cura gerenda est, vt totus thorax infantis mollis conseruetur, quo possit dilatari, & inseruire educationi materiæ. quare optimum erit vel butyro aqua maluę loto, vel oleo amygdalarum dulcium, aut amararũ & pectus, & dorsum inungere; immò verò poterit etiam offerri ad deglutiendum ipsi puero oleum amygdalarum amararum, si sustineat, aut amygdalarum dulcium.



*De dolore, & humiditatibus aurium. Cap. XII.*

**I**Nter morbos pueriles numeratur ab omnibus medicis aurium dolor, qui à Græcis vocatur *ὠταλγία*. Hipp. 3. aphor. 24. numerat etiã aurium humiditates. Est autẽ dolor iste tristis quædam sensatio, quæ partes circa meatum auditoriũ vehementer afficiat. afficit autem vehemẽter eo, quia aures totæ ferè sunt nerueæ; & quemadmodum dicebat Hipp. in lib. de affectibus internis; cruciatus podagræ fieri acerbissimos ppter multitudinem neruorũ illius partis. pari pacto dicendum est dolores aurium esse atrocissimos, quoniã hæ partes maximè nerueæ sunt. Sed video dubitari, si nerueæ sunt aures, qua ratione Arist. 32. problem. scribat ipsas esse partes calidissimas, atq; iccirco maximè omniũ corporis partium esse coloratas, & rubore suffundi? Dicendum est aures posse cõsiderari & secundum partes internas, & secundum externas. Secundum partes internas frigide sunt, secundum externas calidæ; quoniam hæ partes & cartilaginosa, & carnea sunt. & de his loquebatur Arist. quando dixit, aures esse calidissimas. Ceterùm humiditates aurium sunt symptomata in genere excrementorum mutatorum, quæ oriuntur propter vitiatam coctionem cerebri. Vitiatur autem coctio ob intemperiem valdè humidam cerebri puerorum. Dolor vero symptoma est in genere actionum tactus deprauatarum. Læduntur autẽ istæ actiones propter morbum communem, nimirum solutionẽ vnionis, & propter intemperamentum, quod plerumque

cum

cum materia est, quæ non solum fouet intemperiem, verum etiam continui solutionem efficit. Causæ interne & contentiæ harum affectionum sunt ipsi humores, aut alia corpora, vt humores, seu humiditates variæ, pituitosæ præsertim, & biliosæ: pus, seu sanies: flatus: & vermes. nam hæc omnia corpora intra aures detenta magnopere ipsis nocent, vt dicebat Hipp. in lib. de glandulis. Sed priusquàm vltius progrediamur, duo occurrunt dubia circa has causas, cognitione digna. Vnū est, quoniã Galenus exponēs verba Hipp. 3. aphorif. 24. quærit quã ob causam Hippocrates inter morbos pueriles recenseat solas humiditates aurium, non autem humiditates palati, & narium; & respondens, inquit, hoc ideo factum esse à sapientissimo sene, quoniam excretiones humiditatum per nares, & per palatū naturales sunt, excretiones autem per aures morbosæ. Fauere potest auctoritati Galeni etiam auctoritas Hippocratis in libello de structura hominis, in quo recensens vias, per quas natura excernit excrementa, nominat & oculos, & nares; aurium autem nullam mentionem facit, vt eo loco videatur prætermiffa excretio per aures, quod non sit excretio naturalis, vt dicebat Galenus. Sed aduersus sententiam Galeni est alia Hippocratis auctoritas, qui in aureo illo libello de glandulis enumerās vias excretionum naturalium, dū loquitur de auribus, explicitè dicit, excretionē per aures esse secundū naturā. Facit etiã aduersus Galenum ratio, quoniã etiã excretiones narium, & palati interdū sunt morbosæ.

nam coryza est excretio humiditatum per nares, attamen, vt dixi, morbosa est; quo fit, vt quemadmodum hac excretio interdum morbosa & interdum secundum naturam est, pari pacto asserendum sit de excretionibus humiditatum per aures. Alia dubitatio est, an verum sit vermes posse aurium dolores in pueris facere. nam si locum auris consideremus, cum sit totus nerueus, & angustissimus, minimè capax videtur generationis alicuius animalis. Si pariter consideremus materiam, dicebat Arist. 32. sect. problem. excrementa aurium esse amara, quamquam in reddenda causa amaritudinis multo inferior videatur esse eius sententia, sententia Galeni, de qua alias dixi: Ex materia autem amara non potest gigni vllum animal. nam solebat dicere Galenus in mari mortuo nullum animal adulescere, neque generari, quoniam ea aqua amara est. Pro resolutione primi dubij, quod quidem grauissimum est, duobus modis responderi potest. vno modo, quod Hip. & Gal. 3. aphor. loquuntur tantummodo de naribus & auribus infantium, in quibus excretio per nares nunquam sit morbosa, sed solummodo excretio per aures. Verum hæc responsio non mihi satisfacit, & ideo accommodatius potest responderi naturam excernere humiditates vel spontè, vel coactè. Excernit humiditates per nares, & per palatum sponte, propterea iure naturalis nominatur à Galeno hæc excretio. verum per aures facit quidem natura excretionem, sed coacta; coacta, inquam, vel à copia humiditatum, vel à loci conditione. Vnde quando



do Hippocrates in lib. de glandulis ait, excretion-  
 nes per aures esse secundum naturam, vult dicere  
 fieri à natura, sed nō sponte. nam eo in loco enu-  
 merat vias, per quas natura excernit, tam spontè,  
 quàm coactè. Ad secundam dubitationē dicen-  
 dum est, vermes in auribus generati ex pituita  
 dulciori, non autem ex parte amara; immò verò  
 humiditates aurium puerorum non sunt amaræ,  
 quemadmodū sunt adultiorum, eò quòd in ipsis  
 non ea superabundat bilis, quæ humiditati aurium  
 permixta, inducere amarorem queat. Neque ob-  
 stat loci angustia, quoniam anfractus illi aurium  
 etsi satis arcti sint, capaces tamē sunt pusillorum  
 animalium, quales sunt vermes, qui in auribus gi-  
 gnuntur. Causse externæ sunt frigus, & calor im-  
 moderatus aeris, venti, temperatura humida. nā  
 Arist. 5. de generatione animal. 2. dicebat aures  
 vehementer affici sub constitutionibus tempo-  
 rum humidioribus, à quibus replentur spiritibus,  
 seu flatibus. Casus, percussiones, fricationes ni-  
 miæ aurium inter has causas numerantur. atque  
 est dolor aurium vitium satis graue, & molestū,  
 immò etiam periculosum; quoniam, si, vt dicebat  
 Hipp. in prognosticis, & in coacis prænotionibus  
 pertinax aurium dolor cum febre adultos septi-  
 ma die interimit. multo magis potest interimere  
 infantes, qui propter totius corporis teneritudi-  
 nem, & propter sensuum imbecillitatē magno-  
 pere à quouis dolore affliguntur; & iccirco non  
 est huius mali negligēda curatio. ac primo, quo-  
 niam isti dolores sustineri nō possunt ab ipsis in-

fantibus, neq; etiam à pueris grandiusculis, dan-  
 da est opera, vt quamprimum leniatur; alioquin  
 perseverante dolore suboriuntur vigiliæ conti-  
 nuæ, à quibus deinde exitiosa mala oriuntur. Mo-  
 dus sedandi hos dolores, varius est, & in primis  
 vtrendum est mitioribus; huiusmodi est aqua, &  
 oleum rosaceum mixta simul, in quibus tepenti-  
 bus immaceratur spongiola, & deinde supra au-  
 rem dolentem ponitur. Sic etiam iuuat lac tepi-  
 dum pannis lineis acceptum, & super aures posi-  
 tum; quibus si dolor non leniatur, ad alia trans-  
 eundum est, vt est decoctum papaueris. nam acci-  
 piuntur capita papaueris, & decoquuntur in aqua,  
 atque eo decocto tepido spongia tepida immace-  
 rata super partem affectam detinetur. atq; hi sunt  
 modi, quibus statim necessarium est lenire dolo-  
 rem. Sed quia vera curandi ratio posita est in caus-  
 farum doloris ablatione, diligenter in primis erit  
 considerandum quæ sint causæ doloris. Causæ  
 autem cognoscuntur aliquibus coniecturis. nam  
 cum infantes res suas narrare non possint, con-  
 iecturis quibusdam cum ipsis agendum est. Itaq;  
 si à flatu fiat dolor, cognoscemus, quoniam dolor  
 modò abit, modò redit. nã scire an dolor sit ten-  
 siuus, an pungitiuus impossibile est in pueris; im-  
 mo verò dolor in vniuersum aurium hoc solo fe-  
 rè indicio cognoscitur in hac ætate, quòd dũ con-  
 trectantur hæ partes, pueri vehementius clamãt,  
 & tactum auersari videntur. Si fiat dolor à caus-  
 sis calidis cognoscitur rubore, & calore ipsarum  
 partium. Si à frigidis, nulla erit mutatio coloris.  
 deinde

deinde etiã calida, vel trepida demulcent, quem admodum in calidis humoribus frigida. Si fiat dolor à pure, vel à vermibus, cognoscitur, quoniam hæc exeunt, & sponte se se manifestant. Itaque vbi dolor fit à flatu, victus ratio & pueri, & nutricis ea debet esse, quæ flatus discutere possit. inter cetera vsus coriandrorum nutrici accommodatus est: debet autem vitari aer frigidus, & ventosus, & puer ita iacere, vt super aurem dolentem dormiat, quandoquidem hoc situ partis calor auctus dissipat flatus. Extrinsecus vero poterit infundi in aurem vel oleum de piperibus, vel si hoc nimis calefacit, oleum chamæmelinum, anethinum. Confert etiam hæc decoctio cum spongia auri adhibita. Recipe florum chamæmeli p. i. foliorum anethi, maioranæ ana m. i. anisorum vnc. s. bulliant simul secundum artem. Si fiat dolor à vermibus, vel à pure, studendum est, vt diligenter aures detergantur continuo, quod quidem fit vel mulla, vel solo melle; & ad euacuandos vermes ea sunt auri infundenda, quæ suo amarore solent hæc animalia enecare; vt est oleum amygdalarum amararum, puluis nitri, puluis absinthij. poterit oleum hoc pacto parari. Recip. olei communis vnc. 2. seminum absinthij vnc. s. nitri drach. s. bulliant in duplici vase, deinde fiat expressio, & vsurpetur. Si sint humiditates, atque puer grandiusculus sit, ita vt expurgari possit, per tres dies sumat hanc potiunculam. Recipe foliorum myrti, betonicæ, stæchados, violarū ana m. s. fiat decoctio secun-



dum artem : deinde Recipe dictæ decoctionis vnc. 2. s. syrupi de absynthio , de stœchade ana drach. 2. misce. Post acceptam hanc potiunculam purgabitur caput hoc pacto. Recip. pillularum de agarico scrup. 2. castorei gr. 1. caryophyll. gr. 2. misce, & cum melle rosato solutio fiat pillulæ num. quinque. Expurgato capite deinde vtendum est medicamentis, quæ infunduntur, vt desiccet illæ humiditates. & si materia frigida fuerit, oleum irinum optimum erit, & oleum rutaceum, vel decoctum illud, quod præscripsi in materia flatulenta. Sin autem materia sit calida, oleum rosatum cum oleo chamæmelino conuenit, vel huiusmodi decoctum. Recip. florum rosarum p. s. hordei, lupinorum ana vnc. s. contundantur omnia, & in sufficienti quantitate aquæ fiat decoctio, in quo decocto immacerata spongia apponenda erit. Solent verò isti cruciatus vsq; adeo cõtumaces esse, & graues, vt opus sit descendere ad aliquas operationes chirurgicas. Ideo, si ætas ferat, ad diuertendam materiam, quæ dolorem attrahit, cõueniet vti cucurbitulis, primò natis, deinde etiam ipsis spatulis affixis : & ego quandoq; in extremo dolore expertus sum mirificè contulisse vlcera in capite pueri excitata, tum quia retardatur fluxus materiæ ad aures, tũ quia ipsæ humiditates cerebri, quæ alioquin ruerent ad aures, ferè per ipsa vlcera consumuntur. Sed circa vsum horum omnium medicamentorum debet animaduerti, nunquam esse humiditates fluentes ex auribus retinendas, eo quia, vt dicebat

bat Hipp. huiusmodi retentio valde incommodet. Præterea debet obseruari auribus nunquam infundendam esse aquam, quantumcumque doleant, eo quia aqua maximè noxia est auribus. propter quod dicebat Arist. loco citato vrinatores, dum subtus aqua permanere debent, opplere aures oleo, ne lædantur. adhæc debent omnia medicamenta aurium tepida administrari, non frigida, non calida; non in magna mensura, sed guttatim; & dum infusa sunt, prospiciendum est, vt infantes aurem dolentem supinam habeant.

*De tonsillis, seu paristhmijs. Cap. XIII.*

**Q** Vicumque de morbis puerorū tractarunt, copiosissimè de ijs qui fiūt in ore, sermonē habuere. & inter alios Omnibonius Ferrari<sup>9</sup> medicus id fecit in eo libello, in quo breuiter quidē, sed eleganter, doctè, addo & prudenter, tractauit. Quare & nos aliorum exempla sequuti, vitia oris puerorum diligenter tractare conabimur. Initium autem sumam ab eo morbo, quem appellant tonsillas, seu paristhmia; cuius morbi natura vt perspiciatur, sciendū est naturā ex vtraq; parte radice linguæ glandulas quasdam fecisse, vt illæ generantes saliuam, irrorarēt fauces, ne continua locutione exsiccarentur. Hippocr. libro de glandulis existimauit factas esse, vt susciperēt cerebri humiditates; sed puto ego ob vtrumq; eas esse à natura fabricatas. Inter os autem, & gulam est quædam via, quæ appellatur à Græcis *ισμὸς*: & cur ita vocata sit, luculenter nos docuit Gal. 3. apher. 26. in his partibus ob defluxum materiæ

à capite fiunt in pueris tumores quidam inflammatorij. qui vbi oriuntur in glandulis, vocantur *ἀντιάδες*. Cornelius Celsus lib. 6. medicinæ suæ, & Plinius, atq; alij Latini appellarūt tonsillas. Vnus Serenus medicus, nescio quo spiritu appellauit tolles. Neq; possum satis hac in re mirari oscitantia Altimari in legendo Celso, qui dubitauit nunquid apud Celsum tōsillæ sint illæ, quæ apud Græcos vocatur *ἀντιάδες*: quandoquidē ipsemet Cornelius 7. cap. 12. expressissimè dixit hæc verba: Tonsillæ, quæ à Græcis *ἀντιάδες* vocantur. Si tumores fiant in isthmo, siue fiant in musculis, siue in tunica, vocantur ab Hipp. *παρίθμια*. Sed animaduertendum confundi sæpè apud medicos has voces *παρίθμια*, & tonsillas, ita vt alter alterius nomine affectus vocetur. Adnotandū etiam *ἀντιάδες* seu tonsillas interdū significare, vt apud Paulum Æginetam, non solum tumorem inflammatorium, sed tumores duros, & scirrhosos, quos aliàs vocauit scrophulas. Et vt obiter hoc dicam, quando Legislatores præceperunt, vt seruus laborās antiadibus possit restitui, intellexerūt non de antiadibus inflammatorijs, sed de vetustis, & induratis, hoc est de scrophulis. Est hic morbus in temperies cū materia, vt appellat Gal. omnes inflammationes; possumus etiā dicere esse morbū in magnitudine aucta. atq; hoc intelligendum est tum de tonsillis, tum de ipsis paristhmijs eo modo acceptis, quo accipit Gal. 3. de sympt. causis 4. & loco citato 3. apher. Locus affectus est & glandula vtraq; & tunica isthmi, seu musculus subtus tunicam



runicam. Causſæ internæ horū morborum ſunt humores omnes, & ſanguis, & melancholia, ſed potiffimūm pituita, (loquor autē de pueris, quorum capita maximè omniū pituitoſa ſunt.) Inter cauſſas internas poſſumus adnumerare ætatem. nam Hipp. 3. aphor. 26. videtur exiſtimāſſe tertiā ætatem, hoc eſt eam, quæ eſt inter tempus dentitionis, & 14 annum eſſe huius morbi feracem. Sed hoc in loco oritur dubitatio, quæ mota fuit à Galeno in com. cur ſcilicet infantes vſq; ad tempus dentitionis nō tententur hac ægritudine. nā cū ſint capite humidiffimo & maximè repleto, rationi cōſentaneum videtur, vt hic morbus, qui fit à fluxione capitis, in ijs frequentiffimè gignatur. Galenus, vt redderet huius rei rationem, dixit ab Hipp. prætermiſſam fuiſſe hanc ægritudinem in primis duabus ætatibus; quoniā vſq; adeo ægritudines graues ſunt in ipsis vt prius iugulentur, quàm inchoet hæc ægritudo. Simili enim pacto dicebat Ariſt. & Galenus non tentari cor graui vſq; morbo, quoniā ſtatim atq; inchoant ſimiles morbi, animalia, & homines intereunt. Sed pace Galeni, non mihi ex toto videtur hæc reſponſio dubium tollere, propterea quòd cōuulſiones lethaliſſimæ ſunt in pueris, quæ ipſos ſtatim iugulant, verū tamen Hippocrates eas memorauit. Præterea non videtur mihi à ratione alienum, ſi fierent hæc ægritudines in pueris, aut, vt melius dicam, ſi inciperent, poſſe etiam vſq; ad augmentū peruenire; quia ſi iugularentur pueri, iugularentur propter prohibitam tranſpirationē, quæ non

statim apparet, nisi tumores sint insignes. Non defuerunt, qui alias rationes adferre conati sunt, & inter alios Hieronymus Cardanus multis verbis quædam proposuit. Ego autem existimo fidè habendam esse rationi allatæ à Gal. quòd scilicet ad generationem horum tumorum necessarium est, vt materia impetu quodam & copiosè fluat, & vt retineatur. Iam verò si consideremus naturam infantium, & puerorum, hoc est discrimen, quòd in pueris attrahitur copiosa materia ad eas partes, & cum attracta sit, non potest dissolui vt par esset, vnde necessariò tumores suboriuntur. In infantibus autem vel non fit attractio ad eas partes, vel non fit copiosa; vel si fit copiosa, non retinetur. Attrahitur materia in pueris, & non in infantibus, quoniam clamant, currunt, partes inclinatas ad terram inter ludendum gerunt, soli se exponunt, quæ omnia mirificè calefacere possunt partes internas, & ratione calefactionis attrahere copiosè, & attractam materiam tenaciter retinere. Contra verò infantes non loquuntur, non vociferantur eo pacto, quo pueri; partes capitis non gerunt humiles, sed semper elatiores. quo fit, vt vel non fiat in illis vehemens ad facile fauces attractio, vel si materia attrahatur lubrica, defluat à partibus illis faucium; vt iure cum hoc spectauerit Hippocrates, accedente quotidiano rerum vsu prætermiserit in prima, & secūda ætate hanc ægritudinem. Causse externæ sunt aer & calidus, & extremè frigidus, mansio sub sole, exercitationes immensæ, & præsertim capite in  
 terram

terram inclinato, vociferationes, potus meratio-  
 res, cibi calidi & actu, & potentia. Cognoscuntur  
 verò hæc mala, quia si os pueri aperiatur, apparêt  
 propè radicē linguæ tumores; immò verò si sub-  
 tus aures extrinsecus tangantur, facilè se se offe-  
 runt tumores. his accedit color rubeus faucium,  
 calor vigen, dolor etiam ad externū contactum,  
 difficultas anhelandi, & deuorandi. Si à materia  
 fiat calida, siue sit sanguis, siue bilis, cognoscitur  
 potissimùm colore; quem dicebat Hippocrates  
 in libro de humoribus, & Galenus esse verū indi-  
 cem dominantis humoris. Nam si sanguis fuerit,  
 color erit rubeus, calor magnus. si fuerit bilis, co-  
 lor flauus, seu pallidus. si pituita, subalbidus. Vi-  
 tium hoc grauissimum est, quoniã terminari so-  
 let in alias graues egritudines, in anginas, in peri-  
 pneumoniam, vt dicebat Hippocrates in libro de  
 dentitione. Si in tonsillis superueniat alui fluor,  
 tussim soluit, & cū tussi intelligebat præcipuum  
 malum, hoc est tonsillas ipsas. Curatio eadē de-  
 betur, quæ omnibus inflammationibus; & quia  
 tumores sunt, qui fiunt à materia, totū studium  
 conuertendum est ad materiam, nō neglecta ta-  
 men ea intemperie, quæ inflammationibus per-  
 petuò iuncta est. Iam verò materia partim in flu-  
 xu est, partim fluxa, & firmata, ea, quæ fluit, reuo-  
 canda est, quod fit duplici via, repulsione, seu re-  
 percussione, & reuulsione. Ea verò, quæ fluxa, &  
 firmata est, euacuanda. euacuari autē potest vel  
 per dissipationem, vel per suppurationem. Modi  
 verò, quibus his scopis satisfacere licet, capiuntur



ex vsu ipsius materiæ medicæ, in qua quoniã primum locũ obtinet victus ratio, hæc ante omnia instituẽda est, vt scilicet puer caueat ab omni aeris excessu, caueat à fumo, à sole, ab omnibus corporis exercitationibus, à vehemētibus animi motibus, præsertim ab ira, à balneo; & si aluus adstricta est, prouidendũ est vt fluat vel clysteribus, vel glandibus, quemadmodũ aliàs demonstratũ est. nã soluere aluum villo medicamento per os sumpto in hac ægritudine res periculosa est. Abstinedum à vino, & loco eius aqua sit cocta vel hordei, vel cum succo mororum, cydoniorum, granatorum; qui potus sunt accommodatissimi. Cibi forbiles in vsu veniunt, ptissana, panis tritus cũ brodio, cum succo seminũ melonum; vitellus ouorum in brodio cũ succo omphacino, vel cum succo granatorum. nam acetum, quod forsan in viris maximè prodest, in hac ætate maiore quàm par est cruciatum infert. Instituto victu, properandũ ad scopũ primum comparandũ, ad discutiendam & reuellendam materiã. reuellere licebit frictionibus assiduis, ligaturis, præsertim verò cucurbitulis & scarificatis, & siccis. Sed hoc animaduertendum, Galeni consiliũ, quod attulit lib. 12. Methodi cap. 19. hac in re sequendum esse, ne scilicet supernis partibus cucurbitulę affigantur; quoniã cùm in partibus supernis sit morbus, & cùm cucurbitulæ attrahant à capite, facillimè attrahunt ad affectum locum. vnde multo præstãtius auxiliũ est eas applicare & lumbis, & cruribus. Pro repellenda materiã in vsu solent esse & gargarina

smata, & pulueres. gargarismata fiūt ex medicamentis refrigerantibus, & adstringētibus, cuiusmodi istud esset. Recipe hordei p. s. florum rosarum rubearum p. i. myrtillorum, nucū cupressi, caryophyl. ana vnc. s. aquarū plātiginis, endiuixæ ana lib. i. bulliant ad consumptionē quartæ partis; deinde adde diamoro. vnc. 4. misce, fiat gargarisma. hac eadē intentione parantur pulueres, qui fistula insufflantur in partes affectas; & aduertendum vt puluis semper sit leuigatus, ne partem affectam, & dolentē vllō pacto exasperet. fieri autem poterit hoc pacto. Rec. foliorū rubi maior. m. s. florum rosarum rubearum p. s. gallarū, nucum cupressi ana vnc. s. puluerizentur omnia, & leuigentur. Pro euacuanda materia fluxa vt dissipetur, eligenda sunt ea medicamenta quæ possunt moderato calore attenuare, & materiā in flatū conuertere; vnde dissipādum huiusmodi gargarisma vtilissimū erit. Rec. foliorū anethi, florum chamæmeli ana m. s. furfurum p. s. foliorū origani drach. vi. aquæ cōmunis lib. i. s. fiat decoctio secundū artē, deinde adde ad colaturā mellis depurati vnc. 3. misce, & fiat gargarisma; aduertendū ēt huiusmodi gargarismata debere semper esse potius tepida, quā frigida, presertim verò quæ discutere debēt. Sed si materia discuti non possit, & natura suppurationē tentet, ipsi auxiliandum est & internis, & externis medicamētis. Inter externa est diachylon, & alia emplastra, cuiusmodi est illud. Rec. foliorū maluæ, violarum ana m. j. coquantur, & pistētur; deinde Rec. dictarū her-

barum lib.s. butyri vnc.3. farinae tritici vnc. i.s. croci scrup.s. misce, & fiat emplastrum. Intrinsicus adiuuare potest suppuratione decoctum caricarum, vel radicum maluae, aut potest fieri hic gargarismus. Rec. farinae tritici in petia ligatae vnc.i. caricarum vnc. 3. radicum maluae vnc. i.s. aquae communis lib.2. bulliant ad consumptione quintae partis, deinde coletur, & fiat gargarismus. Vbi ad pus tumores peruenerint, solent sponte naturae rumpi, & pus exire; id si non fiat, à dexterrimo chirurgo incidendi & aperiendi sunt; atq; vbi aperti erunt, detergendi primum mulsis, deinde vino mulso, & postea curandi vt alia vlcera curari solent.

*De Aphthis. Cap. XIII.*

**N**Vmerat Hipp. 3. aphor. 24. inter morbos pueriles quaedam vitia oris, quae à Graecis medicis appellantur aphthae. Cornelius Celsus lib.2. capit. i. vlcera oris serpentina; Arabes etiam, & praesertim Auicennas vocant alchota, & bothor, quemadmodum vocauit etiam Auenzoar. Aretæus medicus lib.2. de acutis cap.9. testatus est huiusmodi vlcera vocata esse antiquitus Syriaca, & Aegyptiaca. Serenus, & cū eo Isidorus lib.4. vocarunt hunc affectum oscedinem; sed de oscedine plura habentur in libro 5. variarum lectionum nostrarum. Sciendum autem, quod tamen si vlcera oris communiter vocata sint aphthae, verumtamen hoc nomē ἀφθα apud Graecos scriptores significat vlcus etiam aliarum partium. nam Gal. lib.9. de medicamentis localibus, & Paullus Aegineta



Aegineta lib. 3. cap. 54. scripserunt etiam vlcera quædam testium vocata esse aphthas. immo verò Hipp. 2. libro de morbis mōstrat aphthas etiã in pulmonibus generari. Ceterum aphthæ de quibus nobis in præfenti est sermo, vt definiuit Gal. lib. 6. de medicamentis localibus cap. 4. sunt vlcera superficiei oris cum ignea caliditate; & cū dico, superficiei oris, intelligenda est tota interna pars oris, quandoquidem in omni parte fit huiusmodi morbus. Ex hac descriptione vnicuiq; manifestū esse potest esse, morbum in mala intemperie, nimirum calida, & humida, atque in solutione continui, quandoquidem vlcus est. Quæ sit pars affecta, non est vt disputetur. quia verò in omni vlcere non solūm continuum soluitur, verumetiam substantia aliqua partis deperditur; sic existimandum est in hac affectione aliquam partem amissam esse. Ceterum causæ, quæ substantias, & particulas corporis consumunt, vt habetur apud Galenum lib. 5. de simplic. medic. sunt omnia ea, quæ acria, mordacia, & exedentia sunt. quapropter causæ huiusmodi vlcerum necessarium est, vt res sint acres, mordaces, atq; exedentes; quæ sunt vel humores, vel cibi, vel pharmaca. humores quidem, qui efficiunt aphthas, aut sunt benigni, aut pravi, & corrupti; quemadmodum colligere licet ex Gal. 3. 13. epid. com. 12. Benigni humores, hoc est, qui nulla insigni prauitate corrupti sunt, vel sunt pituitosi, falsi, vel sanguinei, vel biliosi, vel melancholici. Cibi, à quibus efficiuntur aphthæ aut sunt ex genere lactis, aut ex

genere aliorū ciborū calidorū, qui vel actu sunt  
 tales, vel potētia. Lac facit aphthas, vel quia acra,  
 & mordax est, vel quia in vētriculo infantis ppter  
 immensam sui copiam corrumpitur; & corru-  
 ptum cū sit, veluti ardens humores acres, &  
 mordaces in os mittit; qui partes ipsius exedunt.  
 Cibi calidi potentia auctores aphtharum sunt,  
 veluti allia, cepæ, & quicquid eius generis est.  
 Cibi autē actu calidi sunt. quicūq; reperiūt enim,  
 qui non possunt ferre, vt cibi calidi refrigerētur.  
 quare solent non rarò pati aphthas, eo quòd oris  
 partes à cibus calentibus incenduntur. Pharmaca  
 pariter faciunt huiusmodi vitia, tum ea, quæ pur-  
 gant; tum ea, quæ venenata sunt, atque corrode-  
 tia: vt est arsenicū, scammoniū. Possimus cōnu-  
 merare inter pharmaca etiam aromata. nam non  
 est dubiū piper diu ore detentum aphthas indu-  
 cere, quē admodū & grana cataputię, & alia cōplu-  
 ra medicamenta, quæ sua vi calida, & exedente  
 vlcera oris faciunt. atque tot sunt causæ imme-  
 diatę effectrices ipsarū aphtharū. mediatarū verò  
 aliæ internæ sunt, aliæ externæ. Internarum aliæ  
 sunt naturales, aliæ præter naturales. Naturalis  
 causa est temperatura corporis calida, ætas pue-  
 rilis, præsertim verò infantilis. Nā vt testatū ha-  
 bemus à Galeno 6. de medicamentis localibus  
 4. & 3. in 3. epid. cōment. 12. atq; etiam 3. aph. 24.  
 tres sunt causæ, propter quas infantes potissi-  
 mū aphthis sollicitātur. Prima, est teneritudo,  
 & mollities palati infantium. Secunda causa, est in-  
 assuetudo sumendi cibum. nam cū in vtero,

vt aliàs dicebam, infantes ore nō nutriantur, sed per vmbilicum; vbi in hanc lucem venerunt, vtētes ore & ad sugendum lac, & etiam ad deuorandos cibos læduntur, & vlcera hæc incurrūt. Tertia causa, est ingluuius ipsorū, propter quā fit, vt læpè plus lactis sugant, quàm par esset, quod deinceps in ventriculo corruptū huiusmodi vitiū facit. Et hinc adnotāndus est error nostrarū nutricū, quæ vt demulceant plorantes infantes, frequentissimè mammæ præbent; cū præceptum sit veterū medicorū, vt lac nō præbeatur nisi ter aut quater in die. Causæ præternaturales, sed mediæ aphtharū, sunt febres ardentes, & pestiferæ, quemadmodū colligitur à Galeno 3. epid. Causæ externæ sunt omnes illæ, quæ capita infantium incendere aptæ sunt; mansio sub sole, tempus calidū, vt æstas; regio calida. propter quod dicebat Aretæus in Ægypto, & in Syria abundare hæc vitia tum propter aeris incendium, tum propter vsum ciborum calidorum, quibus ea gens cōtinuò vescitur. Exercitationes, & labores immodici hæc faciunt; crapulæ, & potus vinorum generosorū, atque tot sunt causæ. Differentiæ autem aphtharū hæc sunt, quòd aliæ malignæ, aliæ verò benignæ sunt. Cognoscere aphthas nō est difficile, quādo quidē ipsis oculis cōspiciunt; & quæ oculis nō vidētur, veluti illæ, quæ oriūtur in partibus intimioribus, sese produnt dolore, & vorādi difficultate. Ceterū vt dignoscantur malignæ à benignis, opus est signis: nam malignæ, præterquam quòd solent consequi plerunque febres malas, & pe-



stiferas; habent & hoc, quod fætidae sunt nigrae, vel liuidae; dolorem inferunt, profundae sunt. Ex aduerso benignae sunt sine tumore, sine profunditate; & si à sanguine fiant, cognoscuntur calore, & rubore. Si fiant à pituita, minus calidae sunt, minus dolent, colore albo sunt. quae verò à melancholia, subfuscae sunt. Aphthae, quae fiunt à causis externis, salutare sunt ferè omnes; sicuti illae, quae sunt albæ, vel flauæ, superficiales. ecõtra, quae sunt nigrae, fœtidae, profundae, quae magnum dolorem inferunt, omnes valdè periculose sunt. Scribebat enim Aretæus lib. 2. de acutis 9. miserrimam, & horrendam mortem esse eorum, qui ab hoc morbo consumuntur; eo quòd vlcera hæc depascuntur partes oris internas; atq; sic & ingenti turpitudine, & insigni cruciatu infantes & pueros perimunt. Ceterum est hac in re contradictio inter Cornelium Celsum, & Galenum. Cornelius lib. 6. cap. 11. scribit aphthas in pueris valdè periculosas esse, eo quòd corpora horum sæpè consumunt; in viris autem, atque etiam in mulieribus minus esse periculosas. Contra Gal. lib. 6. de medicamentis localibus c. 4. & 3. in 3. epid. text. 12. asserit aphthas in pueris faciles esse curatu, quippe quae leuiter adstringentibus curentur. Dicendum est pro conciliatione horum aphthas posse esse vel benignas vel malignas. Benignae facilius in pueris curantur, quàm in viris, eo quia corpora ipsorum, hoc est partes palati cum sint tenera, & molles, sicuti faciliter læduntur, ita quoque facilliter sanescunt. Ceterum aphthae malignae in infantibus

fantibus periculosiores sunt quàm in viris, eo  
 quia, vt Celsus scribit, hæc ætas non admittit ea  
 remedia generosa, quæ necessaria sunt pro expur  
 gandis his vlceribus. viri autem cum admittat re  
 media, iure fit, vt possint facilius liberari ab aph  
 this malignis quàm infantes. Scopus curationis  
 varius, & diuersus est, prout variæ sunt aphthæ.  
 nam si sint benignæ, studendum est statim & in  
 temperiem illam mitigare, atq; cicatricem indu  
 cere, quæ inducitur medicamētis siccis & adstrin  
 gentibus. Vnde si factæ sint vitio lactis, videndū  
 est an lac peccet qualitate, vel copia. si propter co  
 piam fiant, prouidendum est, ne infantes plus al  
 sumant lactis, quàm par sit. Sed si lac vitiatis qua  
 litatibus præditum sit, vel statim mutanda est nu  
 trix, vel corrigendum lac. Corrigitur autem, vt  
 docui, & ratione victus, quam tenacissimè serua  
 re debet nutrix, & purgatione corporis facta pro  
 ratione peccantis humoris, quemadmodū mon  
 strauimus. vt autem vlcera sanescant, duo sunt medi  
 camenta à Galeno proposita. alterū, quod fit ex  
 succo mororum, & vocatur Diamoron: alterum  
 quod fit ex succo malorum granatorum. utroq;  
 licet vti, quia infantes dulcedine medicamēti at  
 tracti, facillè illud admittunt. Vfus autē huius est,  
 vt nutrix, vel quiuis alius intingat digitos in hoc  
 liquore, & aperto ore aphthas ipsas tangat. quod  
 si contumax sit vlcus, licebit commiscere vel dia  
 moroni, vel medicamento ex succo punicorum  
 modicum pulueris aluminis combusti. nam hic  
 puluis coercet serpiginem vlceris, nec insignē vl-

lum dolorem facit. atque hæc est ratio curatio-  
nis aphtharū benignarū in infantibus, quam et-  
iam facilem dicebat Galenus. Si autem sint gran-  
diores pueri, & fiāt aphthæ cibis, vel medicamē-  
tis, omnes caussæ efficientes externæ in primis  
tollendę sunt. deinceps præscribenda victus ratio  
vt scilicet abstineant ab omnibus rebus, quæ ca-  
put calefacere possunt ab aere, ab exercitatione  
corporis; à vino, ab aromatibus, à salsis, à dulcib. &  
quoniā solidi cibi solent exacerbare vlcus, vten-  
dū est cibis sorbilibus, cuiusmodi est ptissana, pa-  
nis tritus, oua cum brodio & & omphacio. Post  
videndū est an vlcera sint magna, necne. & quia  
magnas sepe solēt inflāmationes coniunctas ha-  
bere atq; cōsequenter humores à corpore attra-  
here & malū augere. ea ppter vtile erit cucurbitu-  
las apponere, sed natibus, aut in fine dorsi, per  
quas cucurbitulas licebit euacuare tantū sangui-  
nis, quātū ætas, & corporis habitudo permittet.  
Post agēdū erit medicamētis purgātib. sed bladi-  
oribus, vt est cassia, syrup<sup>o</sup> ros. solut. & quoad me-  
dicamēta localia spectat, in hac ætate licet vti &  
gargarismo, & linimentis. Linimēta fiūt, vt præ-  
scripsi in infantibus: gargarismata aut fieri pos-  
sunt hoc pacto. Rec. hordei torrefacti p. j. folio-  
rū plātaginis m. j. foliorū rubi, corticū granatorū,  
balaust. an. vnc. j. fiat decoctio secūdū artē. dein-  
de Rec. dictæ decoctionis lib. vnā, diamorō. vnc.  
iij. misce. Si aphthę malignę fuerint atq; puer ad-  
huc infans sit, est quidē prauitati occurrēdū, ve-  
rūtamen & ætatis & teneritudinis corporis in-  
fan-



fantuli ratio est habēda. Itaq; nō licebit in hac etate iis remediis vti, quæ sustinēt à grādiōrib. poterit autē medicamētū institui aduersus prauas aphthas, hoc modo, Recipe scordij subtiliter puluerizati drach. 1. corricū granatorū subtiliter puluerizatorū scrup. 2. aluminis cōbusti scrup. 1. mellis quantum sufficit, misce, & administretur vt docui. Ceterū aduertendū est, siue pulueres, siue quid aliud sit administrandū, necessariū esse, vt cū aliquo misceatur, quod sit ori gratū: nā in palato posita est facultas gustatoria, vt maxima ratio sit habenda gustus: propter quod, vt videri pōt apud Gal. 6. de medicamentis localibus, veteres medici omnes cōponebant medicamenta ad aphthas, vel cū sapa, vel cū melle. Et, vt hoc obiter dicā, in vita Hipp. relatum est in eius sepultura fuisse examen apum, cuius examinis mel singulari quadam ope curabat aphthas puerorū. Sed si sit grandiusculus, quoniā maximè refert, vt statim mali prauitas cōpescatur, ne vlcera euadant serpentina, statim, inquā, studendū est medicamētis grauiorib. prauitatē omnē auferre, ad quod mirificè potest succus granatorum, & præsertim acidorū: quē dicebat Theophrastus, mirum in modū à putredine conseruare. & aduertendum, ne apud Dioscoridem quis decipiatur, quod Ruellius interpres in capite de malis punicis transtulit hanc vocem *ἀσμον*, perinde atque Dioscorides dicere voluerit, punica esse ori inimica: quod quidē falsissimū est. vnde ea vox interpretanda est, ori ingrātū, non inimicum; & hoc experiētia

constat esse quid insuaue & ingratum; veruntamen maximè potest ad compescendas putridas aphthas. Sed sæpè vsu venit, vt hoc medicamentum non sufficiat, vnde ad valentiora deueniendum. In quo casu in grandioribus licebit vti vel aqua aluminis magistral. vel vngüeto Ægyptiaco, vel flore æris castigato cum diamorone. quæ omnia non sunt vsurpanda nisi in maxima necessitate. Et ratio est, quia, vt docet Galenus lib. 6. de medicamentis localibus in palato duæ sunt latissimæ viæ, quarû vna ad pulmones, altera ad ventriculum incedit, propter quod periculosissimû est, si medicamentum aliquod venenatum ad eas partes præcipitetur. Id quod cognoscēs Gal. dicebat, in medicamentis stomachicis haud vtendum esse chalcantio ob periculû, quod imminet, si huius medicamenti aliqua pars vel ad ventriculum, vel ad pulmones labatur. præterea etiam quotiescunq; vtendum erit his medicamentis, præstabit vti in ea forma, in qua nihil possit vltra palatû ire; quemadmodû fit, quando aphthæ malignæ tanguntur vel oleo chalcantii, vel sulphuris vel aqua sublimata; quæ efficacissimum remedium est nõ solum aduersus aphthas serpentes & prauas, verùm etiam aduersus praua, & inueterata vlcera. atq; fit hoc modo: Recipe argenti sublimati gr. 12. aquæ rosarum, plantaginis ana vnc. 3. ponantur ad lentum ignem in duplici vase ad consumptionem medietatis. vsus est, vt guttula vna tangatur aphtha, quæ si dolorem insignè faciat, deinceps lacte chalibeato dolor mulceatur.

*De Batrachio, siue Ranula. Cap. XV.*

**F**It in ore puerorum aliud genus vitij, quod à Græcis nuncupatur *βάτραχος*, interdum etiã *βατράχιον*. Latini appellant ranam, & ranunculam; atq; hic affectus non solum fit in pueris, verùm etiam in pecoribus, & præsertim in bobus; vt habetur apud medicos veterinarios, & præsertim apud Columellam. Aetius libro 8. cap. 37. & Paullus Aegineta lib. 3. cap. 26. definiunt hunc morbum esse tumorem quendam inflammatorium partium sub lingua, & præsertim venarum in pueris; quæ res vt exactè intelligatur, sciendū qua parte lingua alligatur palato, seu subtus summam partem ipsius lingue adesse quasdam venas admodum latas, quæ repleti solent interdū sanguine pituitoso, interdum melancholico. & qui profitentur cognoscere lepram futuram in corpore, solent à tumore, & nigredine harum venarum prædicere futuram lepram, aut elephantiasim. vbi igitur hæ venæ magnopere replentur, ex ipsis humiditas pituitosa, & sanguinolenta vel resudat, vel aperto ore exit; ac deinceps collecta intra carnis meatus ibi existentes in tumore eleuatur, atque hic tumor est ille, qui appellatur rana. vnde captum sit hoc nomen, ignoro, nisi forsan propter similitudinē aliquam, quam habet cum rana sic dictus est, aut potius quòd qui laborant hac ægritudine solent habere vocem parem voci ipsius ranæ. sed vtcūq; sit, est morbus instrumentalis, & similis. similis quidē, quia est affectus inflāmatorius; instrumentalis verò, quia & figu-



ra illius partis, & magnitudo aucta est, vt sit etiã morbus in magnitudine, à quo læduntur operationes naturales, & operationes animæ, nimirum motus ipsius partis. Sed dubitabit aliquis, quomodo sit morbus in magnitudine, quandoquidem Gal. lib. de caussis morborũ cap. 9. videtur statuisse morbos in magnitudine fieri à materia vtili, & naturali. Iam verò hæc materia, quæ facit ranunculũ, est materia excrementitia, & inutilis, vt nõ videatur posse facere morbũ in magnitudine. Res hæc difficilis est, & altiorẽ disputationem exigit. Sufficiat breuiter nunc dicere, morbos in magnitudine aut esse simplices, aut alteri cõiunctos morbo. Simplex morbus in magnitudine fit à materia vtili, & sic mammarũ magnitudo est morbus in sola magnitudine, item corporis nimia obesitas. atq; hi morbi fiunt à sola materia vtili, & de his loquebatur Galenus. Ceterũ morbi in magnitudine coniuncti morbo alteri, sunt omnes tumores p̄ter naturam. quidam nõ sunt simplices morbi, sed vt dicebat Galenus lib. de differentiis morborum 5. sunt intemperies cum affluxu materiæ, hoc est morbi in magnitudine ex intemperie. Causa immediata ranuculi est sanguis pituitosus, vel vt dicebat Auicenas est humiditas pituitosa. Causæ externæ sunt & vociferationes, & incisiones mēbranæ linguę, nec nõ cõpressiones linguæ à dentibus, quando scilicet inter dentes lingua cõpressa veluti sauciata est. Cognoscitur autem hic affectus primũ visu; quoniã tumor apparet, & color tumoris, vt dicit

dicit Auicēnas, est veluti cōmistus ex colore lingua, & venarum; adest feruor. addit etiam Cornelius Celsus lib. 7. cap. 12. adesse dolorem insignem. Sed est etiā & aliud signū, quia qui laborāt hac ægritudine, non possunt loqui, sed instar ranarum coant. Ceterū hic affectus si prudenter, & tempestiuè à medico tractetur, est quidē molestus, sed nō difficilis curatu. Curatur aut̄ primū recta victus ratione instituta, scilicet abstinentia vini, vsu ciborum qui refrigerent, & quodammodo adstringant; vt est vsus omphacij, aceti, succi granatorum, cydoniorū; quibus possunt ieri edulia. Si aluus non respondet, clysteribus, ærendum est; dico clysteribus, quia medicamentapurgantia ore excepta minimè cōueniunt, sed magis conueniunt clysteres. Si puer grādusculus sit inter cetera remedia maximè conuenit vsus cucurbitularum, scilicet ad auocandum fluxū humorum à parte affecta, & cauendū est ne cucurbitulæ apponantur dorso; quoniā cū trahāt à capte vt à toto corpore atque capita in pueris sint valdè plena, facilè contingere potest vt materia à capite tracta facilè in parte affecta sisteretur; erunt itaq; apponendæ vel natibus, vel cruribus, & pro ratione ætatis sanguis mittendus. inmo iuuabit interdū apponere cucurbitulas nō scaficatas, fricare extrema, & vt ligaturis. His peractis deueniendū ad localia, & in primis leuio:ibus vtendū. sal armoniacus affricatus illi parti, apud omnes commendatur: origanum similiter affricatum valet ad detergendā eā materiam.

Si hæc non profint, deueniendum ad valentiora, vt est flos æris, tragacanthum combustum, alumen; hæc enim redacta in puluerem, & parti affectæ applicata solēt valere ad consumendū eum humorem. Sed si hæc nullum emolumentum adferant, superest, vt deueniamus ad ignem, vel ferum. Modus vtendi ferro, qui proponitur ab omnibus ferè chirurgis, est vt vncino capiatur summitas tumoris, & cultello abscindatur radicitus vniuersus tumor. dico radicitus, quia vt optimè adnotauit Cornelius Celsus loco citato, interdū hæc materia in folliculo sita est, nisi autem huius folliculi radices prorsus euellantur, facilè possit morbus repullulascere. Vbi verò abscissus est tumor, tū vel sale, vel puluere gallæ, & myrti sistendus est sanguis; & si non potest sic firmari, deteniendum est ad chalcantum combustum. & vbi sanguis firmatus est, vulnus deinceps curandum est myrrha, aloë, thure, atq; huiusmodi alijs pulueribus, qui exsiccantes vulnera eadem curant. Sed aduertendum est aloë amarum puluerem blere reddi, propter quod in multis non est facile vti hoc medicamento.

*De dentitione. Cap. XVI.*

**I**Nter morbos pueriles recensetur dentitio, de qua opus est vt nūc tractemus. Sed statim occurrit nobis scrupulus non sine animaduersione prætereundus. est autē, quomodo dentitio possit esse morbus, compertum enim est naturam non intēdere morbos, neq; facere; sed dentitio est purum naturæ opus. quare nō videtur morbis esse  
appel-



appellanda. Dicendum est perfectionem, & generationem dentium esse quidem naturæ opus, atq; hanc vnam ab ipsa intēdi. Ceterùm quia materia nō patitur, vt hoc opus à natura fiat sine molestia, & sine dolore, hinc fit vt ad generationem dentium consequatur morbus: non propter hoc tamen dicendum est hunc morbum à natura intēdi. Ceterùm, quia hoc naturæ opus pulcherrima, & secretissima problemata habet, priusquam de morbo, qui sequitur dentitionem, loquar, deliberaui nonnulla, sed breuiter, & dilucidè proponere. Primum erit, quid sit dentitio, & quid sit dens. Secundum, cur à natura fiant dentes. Tertium, cur animantia bruta nascantur omnia cum dentibus, vnus autē homo in hanc lucem veniat sine dentibus. Quartum erit, cur dentes decidant hominibus, & renascantur, atq; toto vitæ tempore augeantur, cōditio sanè quæ nullis alijs ossibus communicata fuit. Quintum erit, quo tempore oriantur dentes, & vsq; quo ipsorū ortus perduret. Sextum, quot sint dentes, & quot ipsorū ordines. Septimum & postremum, cur fiat vt vnus homo tot molestias, & tot perturbationes sustineat, quo tempore dentes erumpūt: post quæ omnia modum curandi huiusmodi molestias docebo. Dentitio à Græcis medicis duplici nomine vocata est *ὀδοντίασις*, & *ὀδοντοφυΐα*. nostri medici vno nomine dicunt dentitionem, quæ nihil aliud est, nisi dentium prius in alueolis proprijsceptorum extra gingiuas eruptio. nam cū dentes deberent esse separati, coacta fuit natura sin-

gulis singulas & pprias caueas præparare, in quibus primùm conciperentur, qui cõceptus appellatur à Græcis medicis ὀδαξισμός, vbi verò extraginguas iam concepti erumpūt, fit dentitio, quæ appellatur ὀδοντίασις. vtrumque autem fit magna cū molestia. Sed ὀδαξισμός, siue pruritus gingiuarum fit cum minori molestia. eruptio autem dentium fit cum maximo cruciatu, ita vt dixerit Galenus perinde fieri, atq; si gingiuæ paxillo pertunderentur. & quia diximus esse dentitionem, dentis eruptionem, nūc videamus quid sit dens. sunt enim dentes ossa sentientia, quæ à Græcis appellantur ὀδόντες, & nos dentes dicimus eo quòd inferuiant edendo, atq; vtraq; hæc sentētia, & Græco, & Latino vocabulo accommodatur. Nicæder appellauit communi nomine dētes omnes κραιτῆρας. quamquam sic etiam appellati sint duo posteriores dentes. Et quia dixi dentes ossa esse sentientia, sciendum est inter veteres scriptores varias fuisse sententias, vtrū debeant dentes numerari inter ossa, nec ne. Hipp. 5. aphor. in eo aphor. vbi scribit frigidum esse inimicū ossibus, & dentibus, manifestè videtur seiunxisse dētes, & ossa. Arist. quoq; pluribus in locis, & præsertim 3. de hist. anim. cap. 9. separauit omnino dentes ab ossibus. Ceterum Gal. 6. de vsu partium, & alijs in locis appellauit sophistas illos, qui distingūt dentes ab ossibus. In hac sententiarum varietate ita puto statuendum esse, quemadmodum docuit ipsemet Arist. 2. de generatione animal. cap. 4. vbi scribit dentes, & ossa secundum genus, & materiam

teriam idem esse; differre autem secundum speciem, & nomen. Differentia naturæ, & speciei, quæ est inter ossa & dentes, in multis posita conspicitur; primùm enim ossa omnia in primo hominis ortu fiunt, dentes verò multis diebus post ortum. præterea ossa vsq; ad certum quendam vitæ terminum augentur, siue sit vigesimus secundus annus, siue paullo posterior; dētes autem toto vitæ tempore augentur; ossa secundum maiorem scriptorum partem sensu priuata sunt, dentes non modò sentiunt, verùm etiã exquisitè interdum videntur sentire. ossa vbi semel è corpore extracta sunt, nunquam renascuntur (nam fit quidem in fracturis substantia quædam ossibus simillima, sed nunquam fit verum os) dentes verò renascuntur postquam exempti sunt è maxillis. Notat etiã Plinius lib. 7. cap. 16. dentes solos inter ossa igne cremari non posse, & tamē putris pituitæ tabe corrumpi. Possumus & illud addere, dentes inter ossa corporis nostri medulla, & pinguedine carere; propter quod à canibus roduntur quidem alia ossa, dentes verò nunquam, eo quòd nihil pinguedinis in eis inuenitur. ex quo patet etiam, vt dicebat Cornelius Celsus, eos esse corpora durissima. Ceterùm cū sint dētes huiusmodi, vt dictum est, nō leuis est quæstio propter quam rationē nō videantur sustinere posse frigidum. Quam rem priusquam explicem, videndum est, an verum sit dentes offendi ab omni frigido. etenim Serenus medicus inter alia præcepta, quæ reliquit nobis ad cōseruandos dētes, fuit



vt creberrimè abluantur frigida lymphæ; experientia etiã cõprobatã facit nobis hanc Sereni sententiam, quandoquidẽ manifestissimũ est aquã calidam, si frequenter ipsa abluantur dentes, eos magnopere corrumpere; sicuti certum est experientia, à frigido siue vino, siue aqua ablutos dẽtes mirificè conseruari. Quid igitur dicẽdum est? debemus ne existimare Hippocratem nos fefellisse, quãdo scribit frigidũ esse dẽtibus inimicũ. Optarẽ sanè, vt hanc rẽ satis arduã Galenus nõ pertransisset silentio in eo cõmento, verũ tamen quia id non fecit, sum huius sententiæ, verum dixisse Hippocratem, modò tamen accuratè & prudenter intelligatur. Nam frigidum duplex est, aliud quod est potẽtia tale, aliud quod est actu. De frigido actu non est existimandũ Hippocratem loquutũ esse, quia quis vnquã audiuit etiã sub extremo gelu dẽtes vnquã aut friguisse, aut molestiam peperisse. quocirca non est existimandum Hippocratẽ de externo frigore, & actuali sermone fecisse, sed tãtũ modo de frigido, quod est potẽtia tale, atq; non de omni tali frigido, sed de eo tãtummodò, quod summè frigidũ est, & quæ sit rõ, cur huiusmodi frigidum magnopere noceat dẽtibus, præclarissimè exposuit nobis Arist. 34. sect. problematũ, probl. 2. & 3. quib. in locis quærẽs Philosoph. cur sit quòd à frigido magis lædantur dentes, quã caro, inquit eam esse rationem, quoniã dẽtes cum sint corpora durissima, maximè exiles poros habent, quo fit vt ex ipsis omnis penè calor exspirauerit; vnde cum priuati sint calo-

calore, non possunt valido frigori resistere. Cōtrà autem carnes, cùm in se ipsis retineant multo plus caloris, consequenter frigori multo magis resistunt. Finis, propter quem geniti fuere dentes, hic communiter ab omnibus assignatur, vt posset præparari cibus. cùm enim homo, & omnia etiã animalia deberēt nutriri cibo valdè dissimili, necesse erat multas tractationes, & præparationes subire; & quia esse plerūq; debebat cibus solidus, fuit quoque necesse, vt aliqua instrumēta pararet natura, quibus solidiores cibos frangeret; & propterea fabricauit dentes, quibus etiã deinceps in multos alios vtilissimos vsus vti voluit. nã vt docuit Gal. 6. de vsu partium, & Arist. in lib. de animalibus vsa est natura dentibus in hominibus ad sermonem formandum; quandoquidem vbi lingua variis modis ad dētes ipsos appellit, varietatem sermonis facit. vsa est etiam dentibus in alium non contemnendum finem, vt dicit Gal. 6. de vsu partiū cap. 4. & 6. in 6. epid. tex. 23. nimirū ad discernendos sapes, propter quem vsus, inquit Galenus, eos donatos fuisse à natura neruis mollibus. Nascuntur autem dentes post orrum hominis, & in brutis in vtero, non ob aliud quidem, nisi quia in vtero brutorum suppetit excrementum ad generationem dentium, in homine nequaquam. Quæ res, vt exactè intelligatur, illud sciendū est, quod scriptū reliquit Hippocrates in libro de carnibus, scilicet ossa capitis nutriri humido pingui, glutinoso, & terrestri; quo nutrimēto cùm ossa prædicta satis

superq; satiata sunt, excrementum pingue, & adu-  
 stum, quod superest, natura ad generationem, &  
 continuum augmentum ipsorum dentiũ usur-  
 pat; qui dentes, vt dixi, in omnibus ferè animalibus  
 separati gignuntur; verũ sunt reperti aliqui  
 viri, in quibus ita continui erant geniti, vt uideretur  
 vnus dens; quemadmodum de Pyrrho rege  
 Epirotarum prolatum est, & Herodotus de quodam  
 alio narrat. Cũ itaq; ex huiusmodi materia  
 generationem suam habeant dẽtes; in brutis,  
 dum sunt in vtero, suppetit huiusmodi materia;  
 quoniam sanguis brutorũ multo terrestrior est,  
 quàm sanguis hominis. qui cũ non habeat eiusmodi  
 sanguinem, quo alatur, fit consequenter vt  
 illi non suppetat excrementũ, ex quo possint generari  
 dentes. quòd si aliqui sint reperti, qui cum dentibus  
 in hanc lucem venerunt, vt relatum est de Marco Curio  
 dentato, & de quodam alio Romano, id fuit per accidens;  
 quia scilicet cõtigit in eo particulari indiuiduo  
 reperiri materiam in vtero, ex qua potuerint dentes  
 fieri. Sed etiã alia fuit causa, propter quam natura  
 animalium salutis amantissima voluit bruta cum  
 dentibus nasci, & non hominem; siquidem cũ  
 deberent animalia statim ac in lucem veniũt,  
 deserere à proprijs parentibus, opus erat, vt  
 possent se se statim sustentare; id quod vt  
 agere commodè possent, voluit eos dentibus  
 armare; homo autẽ, quia debebat à parentibus  
 suis & amari, & sustentari, multo satius  
 duxit ipsum armare dentibus multo tẽpore  
 post ortũ, quàm in ipso vtero; eo maximè quòd  
 nulli  
 vsui



vsui, neq; eo tempore, neq; etiam aliquot mensi-  
 bus post ortum esse possent. Democritus, à quo  
 Hippocrates noster multa bona didicit, eam sen-  
 tentiam habuit, dentes animalibus, & præsertim  
 homini decidere, quoniam præter tēpus oriun-  
 tur, hoc est præter naturæ institutū. Voluit enim  
 hic Philosophus ortus dentium naturale tempus  
 esse ætatem vigentem. Sed quoniam hæc senten-  
 tia satis refutata fuit ab Arist. s. de generatione a-  
 nimal. 8. id tantum dicēdum est, quod & ipsemet  
 Arist. & Hippocrates in lib. de princip. dixere, de-  
 cidere dentes, quoniam oriuntur ex materia ad-  
 modum fluxili, minimè tenaci, minimè dura; re-  
 nasci autem dentes dicebat Arist. eo quia fiunt ex  
 osse adhuc nascente; vt nulla etiam sit caussa assi-  
 gnanda augmenti dentium, nisi ea, quòd cum  
 gignantur ex materia, quæ superest alimento os-  
 sium capitis, cumque semper huiusmodi mate-  
 ria suppetat, consequenter fit, vt etiam dentes de-  
 cidentes renascantur. Ceterum finis, propter  
 quem natura comparatum fuit, vt dentes soli in-  
 ter ossa vsque ad finem vitæ augeantur, hic vnus  
 fuit, vt repararentur, ne prius corrumperentur,  
 quam homo moriretur. nam quoniam continuo  
 opus est dentium vsu in terendis cibus, necessa-  
 rium fuit, vt substantia ipsorum imminueretur,  
 & ob id nisi continuo augmento repararentur,  
 fierent homines, & animalia sine dētibus, prius-  
 quam morerentur, atq; ita malè consultum esset  
 à natura. Tempus, quo dentes oriri incipiunt, ab  
 omnibus definitum est septimus ætatis mensis,

ante quod tempus veteres in vsu habuerūt cada-  
 uera non cremare; verum quidem est nonnullis  
 etiam infantibus ante septimum mensem oriri  
 dentes, cuius rationem scripsit Arist. loco citato,  
 & 7. de hist. animal. cap. 10. scilicet lactis ipsius ca-  
 liditatē; vt quicumq; infantes calidiore lacte ve-  
 scuntur, ijs properet ortus dentium. Tempus du-  
 rationis ortus dentium definitum fuit ab Hippo-  
 crate primus septenarius annorum, & secundus,  
 post secundū septenarium; paucis enim amplius  
 nascuntur dentes, præterquam posteriores, gēmi  
 ni à Plinio vocati, qui interdum oriuntur etiam  
 octuagesimo ætatis anno. quæ forsan fuit ratio,  
 propter quam & Hippocrates, & Ruffus medi-  
 cus appellarūt hos dentes *σωφρονισήρας*, quasi tunc  
 oriantur, quādo homines iam sapiunt. Ceterū  
 de numero dentiū inuenio inter scriptores non-  
 nihil varietatis. Hippocrates, & Galenus 2. de vsu  
 partium 6. atq; omnes ferè, immo verò ipsa expe-  
 rientia docet homini triginta duos dētes innasci.  
 Referunt autē nonnulli de populis Turdulis vo-  
 catis, qui sunt in Hispania, eos habere plures den-  
 tes, quā triginta duos, sed forsan hoc etiā fabu-  
 losum est. Aristot. 2. de hist. animal. cap. 3. turpi  
 quodam errore dixit, viros plures dentes habe-  
 re, quā fæminas; qui error Arist. fecit errare &  
 Pliniū & Albertum Magnū, & omnes qui ipsum  
 sequuti sunt, immo verò auctor illius libri sub no-  
 mine Galeni de ordine partiū corporis ausus est  
 affirmare viros triginta duos dentes habere, fæ-  
 minas autem solos triginta sanè. quomodo diui-  
 nus

nus Philosophus in hunc errorem puerilē lapsus fuerit, ego intelligere non possum, nisi forsan, vt existimauit Albertus Magnus, hac ratione deceptus sit, quòd viri sint calidiores, fæminæ autē frigidiores. sed hac ratione deberet mulier plures dētes habere quàm vir; quia cùm debeant dentes inseruire præparationi ciborum, mulieres, quæ sunt frigidiores, & consequenter minus cibos digerunt, iure egent maiori præparatione, & consequenter pluribus dentibus. Scio & Hippocratem, & Arist. prodidisse, quæ habent plures dētes animalia esse viuaciora, sed hoc etiam non ita vfu compertum est, cùm elephas sit viuacissimus, & paucos habeat dentes; nisi velimus dicere hanc sententiã veram esse in genere humano tantùm; & iccirco inductum fuisse Arist. ad existimandũ fæminas habere pauciores dentes, quia sunt minus viuaces. Sed vtcunque sit, experientia ostendit tot esse dentes mulieribus, quot sint & viris. Ordo dentium hic est, anteriores supra & infra quatuor sunt, qui *πρῆεις*, à Græcis vocantur, nostri incisores appellant; atque qui priores oriuntur, fiunt ex materia tenuiori, quæ citiùs suppetit quàm materia terrestris; & quia fiunt ex hac materia, etiam infirmiores sunt, vt & prius cadāt ceteris, & facilius frangantur. Proximi his vtrinque sunt qui appellantur *κυνόδοιτες*, nostri caninos dētes vocant, quorum munus est frangere; & vt dicebat Arist. sicuti prius est incidere, quàm frangere, ita quoque prius sunt incisori, deinde fractorij. Proximi his oriuntur dentes molares, vo-



cati à Græcis γομφιοι, sicuti ortus ipsorum vocatur γομφιασμός. isti enim quoniam nascuntur ex duriori materia, & terrestriore, fit vt tardius erumpant. Postremi omnium sunt gemini, seu σωφρονισήρες, qui nunquam renascuntur. Cur autem tot mala sustineant infantes, cum dentes oriuntur, iam ex discursu colligere facile est. nam si orientur dentes, dum infans est in utero, expers esset huius molestiæ. quia igitur oriuntur post exitum ab utero, & quo tempore adhuc gingivæ tenerrimæ sunt, ac certum est, vbi partes corporis nostri teneræ à re dura pertunduntur, suboriri magnos cruciatus, rationi consentaneum est, vt etiam in pueris hoc tempore magni dolores fiant. Vnde si affectum ipsum spectemus, dentitio est symptoma in genere actionis tactoriæ deprauatæ. Sed si causam continentem spectemus, est morbus factus à solutione cõtinuitatis, & ab ipsa intemperie calida; vt intemperies calida posterior, solutio autè prius fiat. Solutionis autè continui causa est motus, & impulsio rei duræ per teneras gingivarum partes. aer etiam tanquam causa quædam externa magno opere cõfert ad generationem ipsorum dentium; propter quod Hippocrates lib. de dentitione dicebat, dentitionem, quæ fit hieme, salubriorem esse illa, quæ fit quouis alio tempore. Rasès autè lib. 10. continentis diuersam paullo sententiã videtur habuisse, cum scribat dentitionem, quæ fit vere, esse minus molestam; quæ fit autem æstate, fieri cum paucò dolore. Sed multo potior mihi videtur sententia ipsius Hippocratis, quamquam  
dicere

dicere possimus diuersa ratione posse dentitionē meliorem esse verno tempore, & meliorem hieme; ita vt hieme quidem fiant minores dolores, sed qui fiūt, periculosiores simul sunt, quàm tempore aestatis, & veris. Ceterum nō est difficile cognoscere, quādo pueri hoc affectu laborāt, quoniam clamant, alui fluxu tentantur; dum mamas sugunt, gingiuis arctè papillas stringunt; ora illorum veluti incenduntur, & cūm gingiua fricantur, veluti demulcentur. Dicebat Hipp. lib. de dentitione, minus molestari cōuulsione pueros, quibus in dentitione aluus fluit, etiam si febre teneantur; eos autem, qui sunt pinguiores, magis turbari, quàm macilentiores. Illud tamen verum est, quod scribit Hipp. 3. aphor. 22. à dentitione fieri in infantibus cōuulsiones, febres, & alia mala; propter quod non est opus negligere huius affectus curationem, quæ tota posita est in hoc, vt dolor sedetur, & reddatur facilis eruptio ipsius dentis, quod comparatur facillimè, si incendium, seu illa intemperies mitigetur; & si gingiue ita laxæ reddantur, vt possit citra insignem perforationem dens extuberare. & ideo studendum est, vt nutrix hoc tempore abstineat ab vsu ciborum calefacientium, ab vsu vini, & vtatur cibis refrigerantibus; vt est lactuca, endiuiā, pultes ex hordeo, & quicquid refrigerare potest. Quo in casu debet nutrix curare, vt papillæ semper frigidæ sint; id enim solet maximum esse refrigerium infanti sugenti. Vt autem prouideatur ipsis gingiuis, debent nutrices cauere, ne hoc tempore ci-

bum vllum durū mandant; post prouidendum  
 est ipsis gingiuis, vt refrigerentur, & vt laxæ  
 reddantur. Inter refrigerantia est succus maluæ,  
 succus lactuæ; & soleo ego huiusmodi linimētū  
 componere. Recipe succi maluæ vncs. butyri a-  
 qua maluæ loti vnc. i. dimidiū vitelli oui, misce,  
 & fiat linimentum, quo gingiuæ perungantur.  
 Sed quia sepe fit, vt neque hoc remedio incendi-  
 um extingui possit, ad magis refrigeratā accedē-  
 dum vsq; ad succum solatri, exempli gratia. Reci-  
 pe succi solatri vnc. s. olei rosati drach 6. butyri a-  
 qua lactuæ loti drach. 3. misce, & cū hoc frigido  
 actu inungantur gingiuæ. & aduertendum quo  
 tempore inunguntur, esse etiam procurandum,  
 vt gingiuæ digito pariter fricētur. hoc enim solet  
 demulcere dolorem dēritionis. Ad laxandas autē  
 gingiuas omnia sunt in vsu, quæ nō nihil pingue-  
 dinis habent, non eius tamen, quæ sit combu-  
 stibilis, quemadmodum sunt adipēs: ea propter  
 laudatur à proprietate lac caninū. Aetius laudat  
 mel coctum. Galenus verò quem penè sequuti  
 sunt omnes i i. de simplici medicina mirificè ex-  
 tollit cerebrum leporinum elixum, & ego hoc  
 soleo vt; sed vbi hoc non suppetit, cerebrū hædi,  
 vel gallinarū confert. Præter hæc remedia, quæ  
 intus administrantur, sunt alia, quæ extrinsecus  
 collo appēsa, & intus adhibita arcana proprieta-  
 te profunt. nam cinis dentis canis rabidi gingi-  
 uis affricatus, vt dicunt, facilem reddit dentitio-  
 nē. Sic dens apri collo alligatus existimatur, p del-  
 se; dens etiam lupi. propter quod non ineptè fa-  
 ciunt



eiunt nostrates mulieres, quæ vnà cum corallis infantium collis appendunt huiusmodi dentes. Sic existimatur prodesse iaspis viridis collo appensus, ita vt stomachum tangat. dens viperæ maris similiter appensus iuuat. dicunt quoque radicem colocynthidis syluestris anulo, seu canali aureo, vel argenteo inclusam facilem efficere dentitionem Atq; hucusque sunt morbi vëtris superioris, qui gignuntur in pueris.

*De Singultu. Cap. xvii.*

**S**equitur vt ventris inferni morbos, pertractemus. Est autem infernus venter vniuersus ille locus, in quo viscera naturalia collocata sunt; quæ tametsi cõplura sint, tria tamẽ potiora sunt, in quibus pueri solent morbos experiri. Primò, stomachus, quem dicebat Hippocr. lib. i. de diætâ, instar maris dare, & accipere ab vniuerso corpore. Secundò, vesica. Tertiò, intestina. De stomachi autẽ morbis primò loquar, qui duo precipui sunt, singultus, & vomitus. Singultus, ab hoc .n. exordiar, à Græcis scriptorib. vocat<sup>9</sup> est modò λυξ modò λυγμός: atq; inter eos morbos recēsetur, qui frequentissimè pueros inuadūt. Sed priusquã vltèrius pgrediamur, sciendũ, hoc nomen singultus apud Græcos, & Latinos scriptores duos affectus designare. Vnũ, qui fit in ventriculo, & de quo solũm locus hic postulat, vt loquamur. Alterum in pectore, & in thorace; de quo loquitur Arist. 38. probl. sect. i. quiq; contingere solet plorantibus, præsertim verò pueris, & mulieribus; qui singultus nihil aliud est, nisi interce-

ptio quædam spiritus, & vehemens eiusdem eruptio. Causæ verò, propter quam pueri omniam facillimè vtrumq; hunc singultum experiuntur, variæ & diuersæ sunt. Primùm enim, singultus stomachi fit frequèter in pueris, vt dicebat Gal. 6. aphor. 13. quod pueri instar brutorum & lacte, & cibis magnopere repleantur; ita vt vis ventriculi plenitudine coacta hunc morbũ edere cogatur. Cur autè pueri potissimùm inter plorandum singultiant, ea vna ratio est, quòd vehemètes passiones habent, præsertim verò iram, & voluptatem, vt dicebat Plato. vbi autè vehemens fit passio, vehemès quoq; fit in corde agitatio; ad quod cõfert maximè ipsius immensa caliditas, atq; vbi magna facta est agitatio, spiritus magno impetu emittitur; qui cùm confertim exire nequeat, interceptus, atq; interceptus quasi subsultans, dum iterum egredi vult, singultus edit; quos etiã sustinere mulieres facilliter ex eo puto, quòd & ipsæ vehementer passionibus, & præsertim ira sollicitantur. Sed de hoc singultu, qui est affectus thoracis, vt ait Arist. locus nõ postulat, vt dicamus. Sed de hoc loquemur, qui est affectus vetriculi, quiq; vt docet Gal. lib. 3. de symptom. causis cap. 2. & 6. aphor. 39. est motus cõuulsioni similis, quo ventriculus noxas ori eius infixas expellere conatur. Est enim singultus motus, & propterea res præter naturam; quandoquidè à natura comparatũ est, vt vetriculus pro perficièda coctione in summa quiete, & tranquillitate degat, nec alio pacto vnquam moueatur, nisi à circumferentiã ad centrum,

trum, atq; id blandissimè scilicet, vt alimentũ co-  
 quendum arctè complectatur. In singultu autè  
 primùm mouetur ventriculus, & motus eius est  
 à centro ad circumferentiam, secus scilicet quàm  
 à natura sit comparatũ. & quamquã dixerim esse  
 motum præter naturã, attamen sciendũ est mo-  
 tum hunc nõ ab anima fieri, sed à natura; à natu-  
 ra (inquam) nõ legitimè operante, sed coactè. Est  
 motus similis cõuulsioni, quia vt dicebat Gal. lo-  
 co citato, singultus nequaquã vera conuulsio est,  
 quia vera cõuulsio est opus musculorũ, iam verò  
 vetriculus musculis vndequaq; destitutus est: si-  
 milis tamen est cõuulsioni, eo quia fit hic motus  
 eo pacto, quo fiunt spasmi, & cõuulsiones. Dictũ  
 quoq; est fieri hunc motum ad expellēdas noxas  
 ori ventriculi affixas; dicit enim Gal. 6. aphor. 39.  
 quæ molestant ventriculũ, aut posita esse in spa-  
 tio, aut in substantia ventriculi ipsius. Quæ posita  
 sunt in spatio, solo vomitu eijciuntur; quæ autem  
 infixæ sunt substantiæ ventriculi, si superficie te-  
 nus infigantur, præsertim in ore nauseas cient; sed  
 si penitus infigantur, non nauseas, sed singultus  
 inducunt. Ex his omnibus perspicuum vnicuiq;  
 esse potest, hunc puerilem affectum symptoma  
 esse in genere actionum læsarum, nimirum in ge-  
 nere motuum deprauatorum. Læditur autem  
 hæc actio procul dubio, quia vt fuit Gal. senten-  
 tia. 3. de symptom. caussis cap. 2. læditur facultas,  
 tum expulsua, tum retentiua; quia facultates læ-  
 di solēt à morbis. atqui morbi sunt in hoc affectu,  
 & in mala temperie, præsertim frigida, & in con-



tinui solutione. Locus autem affectus est ventriculus, præsertim verò eius os. Sed video aliquem dubitare posse, qui fieri possit, vt facultas retëtrix in singultu lædatur, quia est motus conuulsioni similis, & in conuulsione perspectum est solam expultricem lædi; atq; scimus lædi retentricem, quando non retinet id, quod retineri deberet in singultu, cùm res sit aduersus materiã perniciosam, ea propter non est vlllo pacto res retinenda. ergo non videtur læsa esse retentrix. Explicat hũc locum Gal. loco citato, vbi docet in singultu primario, per se, & semper lædi expultricem: per accidens autem, & non semper lædi retentricem. nam vbi in ventriculo altè sit quidpiam infixum, quod stimulet materiã, vis expultrix insurgit ad eam expellendam. Sed si interdum contingat, vt ventriculus, vel lacte, vel quopiam alio alimento plenus inueniatur, fit vt ex eo motu retentrix offensa minimè alimentum retinere possit, & propterea illud reijciat. Vnde patet quomodo retentrix facultas in singultu non semper oblædatur. Causse singultus duobus generibus complexæ sunt ab Hippocr. nimirum inanitione, & repletione. Ceterùm in pueris fiunt singultus, vt testatur Gal. 6. aphor. 1 3. & vt colligitur ex 8. lib. de medicamentis local. cap. 3. à copia, vel qualitate lactis, aut nutrimenti. interdum autem, sed rarò ob inanitionem. copiam lactis & nutrimenti offendere expulsuã, non est opus vt longo sermone probemus. pariter etiam clarum esse vnicuiq; potest, lac, aut aliud nutrimentum si frigidius reddatur,

datur, siue acre, & mordax, expulsiuam facultatē vehementer stimulare, & consequenter hūc affectum efficere. Internæ autem causæ præter naturales huius mali sunt longæ febres ardētes, fluxus sanguinis, vomitus creberrimi, inedia. Externæ verò causæ sunt aer frigidus, cibus acris, vt piper, pharmaca calida, & acria. Singultum cognoscere non est arduum, quia statim ipso adspectu proditur. nam est vulgare prouerbiū, nec singultum, nec amorem celari posse. Sed si singultus fiat à plenitudine, cognoscitur, quia pueri voraces sunt, vomitus succedunt singultui, fluxus sanguinis, & euacuatio sanat ipsos. Si fiat à frigidityte cognoscitur, quia nutrix frigidis edulijis vescitur. adhæc cognoscitur ex externis causis prægressis; & si ventriculi puerorum, vel fomentis, vel pannis calidis foueātur, statim singultire desinunt. Si fiat ab euacuatione cognoscitur, quia, vel inedia, vel fluxus, vel vomitus præcesserunt. Sed si fiat propter acrimoniā, cognoscitur, quoniam vel cibi in ipsis corrumpuntur, vel cum sit lac acre, & mordax, frequenter & dolere & plorare consueuerunt infantes. Ceterum est singultus in pueris maximè salutaris. Sed si fiat ex inanitione est exitialis, quia cum pueri sint sua natura humidissimi, & pleni, si quandoq; vehementer exsiccētur, cum id fiat tantummodò ab excellēti causa, difficiliter restituuntur. Pari pacto si fiat singultus, vel cum epilepsia, vel cum alio conuulsionis genere, nemo vnquam euadit. Si fiat à frigida intemperie, vnus debet esse præcipuus sco-

pus, vt vētriculus calefiat tum internis remedijs, tum maximè externis. & quia vtraq; remedia in hac ætate & iucunda, & facilia esse debent, interius propinandū est modicū vel syrugi de mentha, vel de betonica; exterius verò agendum est & pannis calidioribus, & emplastris, & inunctionibus. emplastrum hoc accommodatū erit: Recipe florum chamæmeli, rosarum an. p. i. foliorum sisymbrij, origani, calamintha an. m. i. bulliant omnia in vino, & fiat emplasma, quod ventriculi ori apponatur. Conuenit etiam huiusmodi linimentum: Recipe olei anethini, de mentha an. drach. 3. croci scrup. s. vitelli oui dimidiū, miscantur omnia, & ori ventriculi illinentur. Si fiat vitio lactis, spectandum est, an copia malum faciat, an potius qualitas. Si enim fiat singultus ob nimiam lactis copiam, studendū est vt infans modicum lactis sugat. idē quoq; agendū erit, si propter nimium cibum pueri singultiant, scilicet vt parcius alantur. Si fiat ob lactis acrimoniam, purganda est nutrix, vt saepe numero docui. præterea ore administrari debet puero aliquid, quod conferat. Auicennas laudat nucis Indicæ medullam vnà cū saccharo. Ego soleo vtī saccharo rosaceo cū bolo armeno, vt, Recipe sacchari rosacei vnc. s. boli armeni scrup. s. fiat mixtura, cuius modica quantitas in os infantis mittitur. Si ex euacuatione fiat singultus, balnea conueniunt ex aqua dulci, & ex brodio. cibus sit in adultioribus ex vitellis ouorum, ex testiculis gallorum, & ex omni ciborum genere, qui & nutriant accommodatè, & facili-  
liter



liter coquantur. Sunt etiam quædã medicamenta peculiariora, quæ secreta qualitate putantur finire singultus. Dioscorides enim, & Plutarchus 3. Symposiacorum 1. scribunt eam herbã, quæ vocatur alyssum, siue manu teneatur, siue adspiciatur, siue odoretur, mirabiliter singultus finire; & vt dixi, hoc facit proprietate substantiæ, ob quam dicebat Gal. 6. medic. simpl. huiusmodi herbam etiam mederi rabiei canum. Rabbi Moyse scribit esse quosdam motus, qui si ab hominibus retineantur, solent finire singultus. nã quanto magis possunt se se abstinere ab aliquo horum motuum, eo magis vtilitatem capiunt. Sic & à Plat. & ab Hipp. & ab Arist. scriptum est sternutamẽtum, potum aquæ, spiritus retentionem singultus omnes curare; sed hæc in pueris, & infantibus difficillima præsidia sunt.

*De Nausea, & Vomitu. Cap. XVIII.*

**P**Ræter singultũ scribit Hipp. 3. aphor. 24. frequentissimẽ fieri in pueris duo alia vitia, nimirũ Nauseã, & Vomitũ; q̄ affectus motus sunt facultatis expultricis ad depellẽdas à vetriculo noxas, etenim materia, q̄ infestat ventriculũ, aut altẽ infixã est ori vetriculi, & singultũ facit; aut est infixã quidẽ, sed nõ adeo profundẽ, & vel in ore vetriculi, vel in tunicis eius, & nausea fit, quæ est vanus vomẽdi appetitus; aut materia cõtinetur in spacio, atq; ita vomitũ efficit. Tã verò nausea, quàm vomitus symptomata sunt in genere motuum deprauatorum; sic enim magis libet appellare cum Galen. 3. de symptom. causis 2. quàm recẽsere inter excre-

menta mutata. Actio hæc læsa fit à facultate, vel essentialiter læsa, vel per accidens. Læditur enim essentialiter facultas, vt dicebat Gal. 1. c. 3. de symptom. causis, à morbo. Læditur autem per accidens, vel ab humoribus, vel ab alia re externa. Locus affectus est ventriculus totus, præsertim verò secundū os. Sed priusquam causas huius mali aggrediar, duo pulcheriima pblemata dissolueda sunt. Vnū est, quod maximè facit ad hæc tractationem, scilicet cur pueri, quemadmodum dicit Hippocrates, & Galenus, ita frequenter, & vomitu, & nausea tententur. Aliud, quod quidem pulchrum est, sed veluti obiter dictum, cur sit, quòd animalia bruta hos morus præternaturales ferè numquam sustineant circa ventriculum. nã etsi sine vllò delectu, sine vlla ratione impleant sæpe ventriculū, attamen nulla bruta singultiunt, nulla penè ructus emittunt, paucissima vomunt. Et si enim Arist. in fine libri de hist. animal. scribat, animalia, quæ latum pectus habent, esse ad vomitum propensiora, inter belluas tamè pauca sunt, quæ vomunt. immo verò Plinius lib. 11. cap. 37. scribit solos canes vomere, eo quòd intestina ipsorum in extremis angustiora sunt, ita vt retenta ob angustiam excrementa veluti restagnent in ventriculū. Sed hæc opinio Plinij falsa est, quando quidem etiam feles, & cati vomunt; & sues, vt à Columella lib. 7. cap. 10. scriptum est. Arist. etiam 5. de hist. animal. cap. 5. hyænam dicit vomere; sed vt cumque sit, paucissima sunt bruta in hac animalium sylua, quæ vomitu tententur. Pro pri  
mi

mi problematis solutione dicendū veram causam, & à Galeno propositam, cur pueri frequenter vomitu tententur, eam esse, quòd ventriculū maximè laxum, & humidum habent. sicut enim siccitas mirificè confert ad retinendum, haud secus mollities & humiditas valent ad non retinendum. Accedit etiam pueros nihil exspuere, non emungere nares, & tamen caput excrementis, & humiditatibus refertissimum habere, quo fit, vt huiusmodi copiosa excrementa in ventriculum delabantur, eoq; delata huiusmodi detrimēta inferant. Ad secundum autem problema à nemine forsā propositum, dicendū animalia bruta ventriculum, & duriorē, & robustiorem esse nacta. quòd enim duriorē ventriculum habeant præclarissimè indicauit diuus Hipp. 4. de morbis nō longè à fine; vbi scribit Aphricanos populos consueuisse pellibus animalium vti pro indumentis; ventriculis autem pro crumenis, scilicet ob eorū duritiem insignem. Sed & illud etiam efficacissimum argumentum est eorum duritiei, quòd cibus spinosis, siccis, & duris vescantur, quæ procul dubio ciborum genera, nisi vētriculos duros reperirent, eos necessariò fauciarent. Habere etiam belluas robustos vētriculos, possumus & alijs argumentis conijcere. nam vacant curis, vacant animi passionibus, vtuntur plerumq; simplici cibo, quæ omnia solent in homine maximè ventriculum violare; & præsertim curæ animi, & studia. ob quæ solebat dicere Cornelius Celsus maiorē partem vrbānorum, & eorum, qui literis operam



nauant, ventriculo imbecillo esse. His itaque de  
caussis animalia ratione carentia motus præter-  
naturales in ventriculo non sentiunt, quos sentit  
homo; & præsertim infans. Peculiariter verò cur  
animalia non eructent, explicatum fuit ab Arist.  
10. particula problem. 43. vbi scribit, quòd cùm  
eructatio sit motus quidam flatus ad partes su-  
pernas, bruta cùm sicca sint, & collum longum  
habeant, ac propterea ventriculum remotiorem  
ab ore, fit vt minus flatuum gignāt, & etiam fla-  
tus genitos potius ad intestina, quàm ad os ob  
itineris longitudinem mittant. Quo in loco non  
possum tacere oscitantiam Arist. qui 33. particula  
problem. 15. dixit, homines magis dormientes,  
quàm vigilantes eructare; quæ res licet forsan nõ  
sit ita rationi dissentanea, est tamẽ aduersus quo-  
tidianam experientiam, cùm vigilantes innume-  
ri, paucissimi dormientes flatus per os mittant.  
Ceterum cur canes, & feles vomant, longè alia  
ratio est, quàm quæ proposita fuit à Plinio. si  
quidem huiusmodi animalia cùm siccum, & pla-  
nè excarnem ventriculum habeant, necesse est,  
vt is sit ipsis valde imbecillis. Accedit etiam, quòd  
hæc animalia vtuntur ossibus, spinis pinguibus,  
quæ omnia in ventriculo imbecillo facere vomitum  
non est mirum. Sues autem vomere apud  
paucos, excepto Columella, reperiõ; id tamen  
si verum est, totum tribui debet & pectoris am-  
plitudini. de qua loquebatur Arist. & quia sem-  
per os ad terrã tendũt, & magna parte iacēt ven-  
tre in terra posito. De hyæna verò scribit Arist.

non

non hoc animal vomere, sed vt venetur canes vomitum humanum imitari, quo maximè delectari solèr canes; verùm vt dixi, hæc obiter. Causæ vomitus, & nausæ in pueris illæ ipsæ sunt, quæ potissimum à Galeno proponuntur, scilicet laxitas, & humiditas ventriculi, copia frigidorum humorum delabentium à capite, copia lactis, vel cibi; acrimonia, & frigiditas ipsius lactis. Causæ verò externæ sunt, aer grauis, foetor, & sapor ingratus; vsus rerum oleaginosarum, & pinguium. Arist. 3. sect. probl. dicebat vinum dilutum nimis excitare vomitum, magis quàm vinum, & aquam separatim. Cognoscitur autem vomitus suis signis, quoniã est motus manifestus suapte natura; sed si fiat à frigiditate, cognoscitur, ex vita antecedente nutricis, quæ vsa sit victu refrigerante, aut potu aquæ nimio; cognoscitur etiam, quoniam vsu calidorum malum leuatur. Sin autem fiat ob acrimoniam lactis, ex eo cognoscitur, quia & ante vomitum, & post vomitum miserè pueri languent, & affliguntur. Sin autè ob copiam vomitus efficiatur, cognoscitur, quia factò vomitu malū leuatur. nam dicebat Arist. 5. sect. problem. etiã laxitudinē vomitu finiri, quotiescunq; illo euacuantur illa excrementa, quæ laxitudinem inducebāt. Pariter si fiat vomitus propter causas externas; cognoscitur, quia ipsæ nutrices, & alij referūt errata commissa, in quibus perquirendis laudo, vt diligentia adhibeatur. Ceterùm vomitus facilis curatu esse solet in pueris, sed si diu perseueret, in atrophiam, & tandem in mortem desinere con-

suevit, quo fit, vt debeant medici vigilantes esse in comprimendo hoc affectu. itaque vomitus, & nausea puerorum, quæ fit à copia lactis, & alimenti, potissimum curatur lactis & alimenti diminutione, vt dicebam de singultu. Quocirca in huius affectus curatione instituenda, illud primum erit curandum, vt infans moderatam lactis copiam sumat. Sed si fiat vomitus ob acrem lactis qualitatem, primum nutricis lac corrigendum erit victu, qui possit retundere lactis acrimoniam, deinde corporis purgatione, de qua sæpè, ac sæpius loquutus sum. Sed si purgatio non sufficiat lactis prauitatem corrigere, secundum erit, vt nutrix quamprimum mutetur. nam sunt quædam lactis genera, quæ vsq; adeo infantium ventriculis sunt aduersa, vt nulla industria, nulloq; studio corrigi possint. Verùm si ob stomachi imbecillitatē huiusmodi vitium oriatur, paulo maiori cura opus est, vt confirmetur ventriculus infantis. Laudabat magnopere Auicennas vsum caryophyllorū, coriandrorum. quocirca poterit nutrix mandere vel caryophyllos, vel coriandrum, atq; ita commansum instillare in os infantis modò solū, modò permixtum, aut syrupo cydoniorū, aut de granatis, aut myrtino. Extrinsecus multa administrari solent ad coercendos puerorum vomitus, in primis emplastrum de crusta panis accommodatissimum est, fit autem hoc pacto. accipitur magna panis crusta, & super carbonem assatur, vbi assata est, immaceratur vel vino austero, vel aceto. deinde ita immaceratæ crustæ inspergitur hic puluis.



uis. Recipethuris, masticis an. drach. s. coriandrorum, caryophyllorum an. scrup. ʒ. puluerizentur simul, & inspergantur. Hoc si non iuuat, fit pari pacto emplasma ex albumine ouorum, thure, mastice, & bolo armeno; exempli gratia. Recipe albumen oui, boli armeni, thuris, masticis an. drach. ʒ. misceantur diligenter, & panno lineo excepta calida ori ventriculi apponantur. Soleo ego parare ceratū, quod continuò gester infans supra ventriculum. Recipe olei myrtini drach. ʒ. succi omphacini drach. ʒ. s. vini austeri rubri drach. ʒ. bulliant in duplici vase, ad cōsumptionem vini; deinde adde masticis, myrrhæ, acaciæ, thuris an. scrup. s. ceræ quantum sufficit, & resinæ: fiat molle ceratum. Commendatum etiam est corallium appensum collo, ita vt tangat ventriculū; cuius vsus ego quoque nō damno.

*De vrinæ incontinentia. Cap. XIX.*

**S**equuntur vitia vesicæ, quæ omnia penè posita sunt in vitiata mictione. Vitiatur autem in pueris mictio dupliciter; vel quia sponte omni tempore vrina fluit, ita vt contineri nequaquam possit: vel alio modo vitiatur, quoniam minimè reddi potest. Vrinæ incontinentia, de qua nunc sum loquuturus, appellatur à Græcis scriptoribus ἐνέσπασις. Latini dicūt modò immictionem, modò imingere, modò immeiere: & est affectus præter naturam, quo pueri inuiti urinam reddunt omni tempore. Dixi non sine ratione, omni tempore, quia pueri, & præsertim adultiores, quemadmodum etiam & ebrij, noctu sæpè imingūt,

hoc est sponte urinã in lectum profundunt; quæ profusio nequaquam morbosa est. nam Arist. 3. probl. vlt. sect. quærens rationem cur adolescentes, præsertim verò quando inebriantur, magis mingant, quàm senes, dicit duas ob causas id contingere. Vna, quia cùm corpora adolescentium suapte natura humida sint, copiam potus nequaquam consumunt, sed totam in vesicam profundunt; quod quidem senibus minimè contingit, quorum corpora cùm sicca, & vt ita dicam, bibula sint, facile quamlibet potus copiam cõsumunt, & ob id minimum ad vesicam profundunt. Alteram causam habet Arist. quoniam adolescentes natura somnolentiores sunt quàm senes. vnde cùm somno facillimè demergantur, fit vt copiosa collecta vrina in vesica sponte profluat. Ex quo discursu colligi potest mictionem factam noctu in stratis solummodo, & ex ebrietate, nequaquam morbosam esse in pueris. Et in confirmationem huius notandum obiter apud Iuris peritos legem esse, vt si puer seruus venalis, qui immingat, vendatur, si hoc patiat in somno tantummodo, aut ob ebrietatem, non esse redimendum. Adferunt causam prudentissimi Iuris periti, quia hoc nõ fit vitio vesicæ. Habet itaq; immictio, de qua loquor hic, vt fiat omni tẽpore; atq; huiusmodi affectus, vt scribit Paullus Aegineta, lib. 3. cap. 25. pueris est familiarissimus. Modus autẽ, quo morbosus hic affectus oritur, hic est. Natura musculum circa collum vesicæ fabrefecit, non ob aliud, nisi vt retineretur vrina, ne scilicet vesica naturali expel  
lendi

lendi facultate irritata vrinam continuò profunderet, atq; ita & mores, & animū, & ciuilitatem hominis contaminaret. id quod intelligens Gal. lib. 6. de locis affectis cap. 3. dicebat mictionē esse actionē partim naturæ; partim animæ; eò quod à natura fit expulsio, ab anima fit retentio, & retentionis etiam omissio. Quando itaq; musculus hic aliqua ratione ita oblæsus est, vt volūtatis imperio minime obsequatur; fit vt semper natura operetur, & consequenter hoc vitium mictionis fiat. Videri itaq; potest hunc affectum esse symptoma in genere actionum læsarum; nimirū re-  
 tentricis abolitæ. alij recensent inter symptomata excrementorum immodicè; sed siue hoc, siue illo modo censeatur, non admodum curo. Sat illud sit locum peculiariter affectum esse musculum circundantem collum vesicæ, qui musculus affici solet dupliciter, & præsertim in pueris. Vno modo per essentiam, quando scilicet aliqua insigni intemperie, & præsertim frigida affectus est, siue illa intemperies nuda sit, siue coniuncta humoribus pituitosis & frigidis. Solet etiam affici per consensum, quando scilicet ad eum non mittitur id, quod mitti deberet, nempe facultas motrix. nam præclare à Galeno indicatum est 3. de locis affectis, affici etiam dici partes per consensum, quando facultas debita non mittitur ad eas. Causa autem propter quam non mittatur facultas ad musculū huiusmodi, est obstructio neruorum, & præsertim circa spinalem medullam; vt morbus, seu morbi, à quibus hæc actio læditur,



sint modò malæ intemperies, modò obstructio neruorum circa os sacrum. Ceterùm horū morborum interitæ causæ nullæ aliæ sunt, quàm humores pituitosi, & crassi, quibus solet mirum in modum abundare puerilis, & infantilis ætas. Externæ causæ huius mali sunt aer frigidus, cibus frigidus, potus aquæ gelidæ, percussiones circa spinam, casus, luxationes vertebrarum. Cognoscitur autem hic affectus, quoniam pueri adultiores, & strata, & caligas, & indusia semper lotio madida gerunt. nam hunc affectū in lactentibus pueris cognoscere per arduum est, quandoquidē illa ætas voluntariæ excretionis nulla testimonia edere potest. Si fiat ab intēperie musculi, cognoscitur ex complexione corporis pituitosa, ex vsu calidorum, quia calida collo vesicæ adhibita iuant. vel si hæc nō iuuent, & perseueret affectus, signū est causam esse in neruis finis spinæ. Si fiat à causis externis, cognoscitur relatione ad stantium, & ipsorum puerorū, qui vel errores victus, & percussiones, aut casus commemorant. Accedit etiā, quod, vt dicebat Hipp. 2. prorrhetic. affectus, qui fiunt à causis externis & procatartica & facilius, & citius curatur. Est verò hic affectus, si fiat ab intemperie, facilius curatur, quàm si fiat ab obstructione, vt Galen. 6. de locis affectis 4. testatur. Sed si fiat ab vlla causā procatartica, id est externa, letalis est, quando præsertim vel casui, vel luxationi aliqua signa copulantur letalia. Et quoniam plerumque hic affectus in pueris oriri solet ob humores frigidos, & crassos, qui vel

intem-

intemperiem, vel obstructionem inducunt, ratio curandi in hoc potissimum posita est, vt consumantur huiusmodi humores, & omnis frigida intēperies adimatur. propterea ante cetera pueri continendi sunt in aere calido, & sicco: potius vigilare debent, quàm dormire. Confert eos ad irā prouocare; confert quoq; exercere, & præsertim post corporis purgationem. Aluus lubrica semper conseruanda, vel clysteribus, vel supposito-rijs. repletio omnis fugienda, tam cibi, quàm potus. debet enim parcissimè vti vino, & potius subadstringente, & crassiori, ne scilicet facilè in vesicam deferatur. Cibi omnes debent esse calidi, & sicci; panis parandus cum furfure, & coriandris. carnes auicularum cōferunt, salitæ; aromata etiã moderatè sumpta. Abstinentum est à piscibus, à fructibus, ab herbis omnibus, & ab omnibus edulijis, quæ vrinam prouocare possunt. Instituto victu, quoniam chirurgicis auxilijs nihil opus est, transeundum est ad expurganda corpora puero- rum. Primò itaq; lenita aluo vel glande, vel cly- stere, exhibebitur syrupus huiusmodi. Recipe fo- liorum calaminthæ, plantaginis, mēthæ an. m. s. seminum rutæ drach. ij. fiat decoctio secundū ar- tem. deinde Recipe dictæ decoctionis vnc. ij. s. syrupi de portulaca, syrupi rosati recentis, syrupi de absinthio an. drach. s. misce. Postquam præ- parati fuerint humores, purgabūtur vel drach. i. pillularum de hiera cum agarico; vel si puer pil- lulas nō admittat, huiusmodi potu. Recipe myro- balanorum chebuloꝝ drach. i. seminum ru-

tæ drach. s. florum violarum, rosarum an. p. s. fiat decoctio secundum artem. deinde Recipe dictæ decoctionis vnc. 3. agarici præparati scrup. 2. s. infundantur secundum artem : deinde facta expressione adde mellis rosati solutiui vnc. 2. misce. Purgato corpore, deueniendum ad localia medicamenta; & siue fiat malum ab intemperie, siue ab obstructione, magnopere cõfert, pueros immergere præsertim vsq; ad mediũ dorsu in aqua thermali, quæ calefacere, & exsiccare valeat; cuiusmodi est aqua nostra Aponensis. iuuat quoq; adhibere lutum thermale, præsertim ossi sacro. Fiunt etiam inunctiones ex oleo castino, & vulpino; quæ si non sufficiant, ascēdimus etiam ad oleum euphorbij, ad vesicatoria, atque etiam ad ignem: quamquam corpora puerorum quanto teneriora sunt, tanto etiam blandius & mitius sunt tractanda. Gal. 9. de medicamentis localibus, & in libro de facillè parabilibus, multa remedia proponit, & inter alia proponit cerebrũ & testiculum leporis combustos, & potu datos; laudat etiam myrrham, calamintham, cochleam cum sua testa combustam, & potu datam. Adhæc laudat vesicam ouillam, & suillam similiter in puluerem redactam, & potu datam. Diosc. verò commendat semẽ rutæ in puluerem redactum, & exhibitum. Sed duo hic notãda sunt, vnum est quod tamen si Gal. nominatim proponat vesicã suillam, & ouillam: virtus tamen & facultas harum non est ex proprietate ipsius animalis, sed potius ex proprietate membri; quandoquidem, vt docuit Auē. 5. lib.



lib. collect. membra quæque ratione similitudinis iuuare putantur similia membra; vt quodlibet cerebrum cerebro humano, quodlibet cor cordi, & sic de ceteris. Alterum adnotandum est lib. 20. cap. 13. Plinium latenter damnare Dioscoridem, quod dixerit semen rutæ in hac ægritudine cõferre; & damnat auctoritate Hipp. qui lib. 2. de Diætâ scribit illud prouocare vrinam; vt si prouocet vrinam, nõ videatur conuenire posse in ipsius incontinentia. Sed vehementer allucinatus est Plinius, primò quia Hippocrates non expressè dixit semen rutæ valde vrinam prouocare, verum quod magis prouocat vrinam, quàm aluum. Sed dato etiam quòd prouocet vrinam, non inconuenit cõuenire quoq; in vrinæ incontinentia; quæ cùm fiat à crassis, & frigidis humoribus, proculdubio semen rutæ sua vi calefactoria & exsiccatoria valde conuenire potest.

*De Vrina suppressione. Cap. XX.*

**C**irca vesicam patiuntur pueri alia quædã vitia non contemnenda, & præsertim incurrere solent vrinæ difficultatem, qui affectus duplicem naturam sortitus est. Aut enim nihil planè vrinæ redditur, & appellatur huiusmodi affectus *ixoupiã* à Græcis; quã definiens quandoq; Galenus dicebat esse suppressionem vrinæ cum mortis periculo. Alter affectus est, in quo guttatim vrina redditur, & vocatur à Græcis medicis *σπαιψπία*. Marcus Varro in lib. de re rustica appellauit lotiũ substillũ, & veteres Latini appellarũt quoq; substillationem. Differũt hi affectus inter se se dum-

taxat secundum magis, & minus. quia in substillatione redditur paucum quid urinæ, in Ischuria verò nihil. Sunt autē symptomata in genere excrementorum immutatorum, cūm excrementa vesicæ non reddantur, vt deberent. Excrementa verò mutata sunt symptomata à Galeno secunda nūcupata, & propterea dependēt ab aliquo priorē symptomate, nimirum ab actione læsa. Læditur autem actio expulsoriæ facultatis, tum essentialiter, tum etiam per accidens. Læditur essentialiter ab intemperie frigida nuda, potissimūm autem humoribus cōiuncta: etenim ab hac intemperie expultrix facultas imbecillis reddita, aut nō potest expellere vllō pacto lotiū, aut saltem non potest eo pacto, quo deberet. Læditur autem per accidens à morbo instrumentali, nempe ab obstructione, quæ cūm canalē vesicæ offendat, aut ex toto impedit urinæ cursum, aut magna ex parte. Fit verò obstructio in pueris, tum à lapide, de quo mox loquar, tum maximè ab humoribus viscidis, & crassis; atq; hæ causse internæ sunt horū affectuum. Causse verò externæ sunt aer frigidus, cibi frigidi, & crassi; vina crassa, aque lutulentæ, potissimūm autem lac, siue nutricis, siue alterius animalis. nam dicebat Hipp. 4. lib. de morbis, quod quale est victus genus, quo nutritur, tale euadit & lac; & quale est lac, tales fieri pueros qui illud sugunt. Vt si lac sit pituitosum, crassum, & terrestre, similia lotia in pueris gignantur. adhęc caseus, lagana, seu crassa edulia, legumina, & pilces, præsertim lacustres & palustres, inter has

has causas recensentur. Facile est hunc affectum cognoscere, quia pueri, vel nihil urinae reddunt, vel illam guttatim, & cum gemitu emittunt. Quod si fiat propter intemperiem frigidam, ex eo cognoscitur, quonia si fricetur pecten, si calefiat, si comprimatur, urina protinus redditur. Ex aduerso si fiant hi affectus ex obstructione, cognoscitur; quia quantumcumque comprimatur pecten, nihilo secius urina impeditur. Cognoscitur etiam ex antea acto victu, & deinde ex eo quoque quod pueri antea assueti sunt urinas reddere turbidas, & lutulentas. Est verò uterque hic affectus grauis & difficilis, quando quidem in pueris omnia naturalium facultatum impedimenta valde periculosa sunt, & iccirco festinandum est in horum curatione. Primum itaque danda est opera, ut victus, aut nutricis, si lactens sit puer, aut ipsius pueri, si sit adultus, corrigatur. Vnde fugiendum est otium, omnis repletio, vina crassa, aqua impura, legumina, edulia crassa, lac, caseus; & praesertim fugiendus est aqua mineralis potus, quam dicebat Auicennas efficere urinae difficultatem. Praeter victum, cum scopus sit urinam omni ingenio prouocare, studendum est in primis, ut excrementa, quae sunt in ventriculo, & in primis vijs expellantur; & propterea necesse erit primum vnc. ij. vel iij. mellis rosati solutiui lenire aluum. Post praeparandi erunt humores hoc liquore. Recipe mellis rosati simplicis, oxymellis simplicis, syrupi de betonica an. drach. iij. misce. hoc enim aut solo uti debemus, aut admisto modico bro-



dij. fat enim est, vt præparentur humores existentes & in ventriculo, & in primis vijs; qui postquã præparati fuerint, euacuabuntur hoc bolo. Recipe floris cassiæ drach. v. specierũ hieræ drach. j. s. misce. vel si potus erit exhibendus, ita cõponetur. Recipe mellis rosati solutiui vnc. ij. electuarij lenitiui drach. iij. decocti cordialis vnc. ij. misce, & fiat potus. Postquam humores hunc in modũ erunt blandè expurgati, nihil aliud superest, nisi vt ad diuretica, & ad prouocandum lotium omnigenio properetur, tum medicamentis internis, tum externis. Intus maximè laudo decoctum senecionis, vel centinodij, vel saxifragæ. decoctum etiam cicerum maximè laudo. poterit etiam hoc decoctum parari. Recipe radicum asparagi p. s. foliorum saxifragæ, capilli veneris an. m. j. cicerũ rubeorum p. j. fiat decoctio secundum artem; cuius vnc. iij. exhibeantur cum modico sacchari, & corpore ieiuno. Exterius, vbi vrina à puero reddi non potest, primo vnguibus oleo scorpionum perunctis fricandus est diligenter pecten, atque etiam comprimendus; si non iuuat, decoquenda est parietaria in oleo rutaceo, & factum emplastrum pectini imponendum. radix mei decocta in oleo rutaceo, deinceps cõtusa, & imposita pectini, ad idem valet. Soleo ego accipere cucurbitam, in qua diu cõseruatum fuerit oleum, & eam curo poni in aqua feruente, ac deinceps virgam pueri iubeo conijci in os cucurbitulæ, & huiusmodi remediũ efficacissimum esse expertus sum ad prouocandam vrinam puerorum.

*De calculo vesicæ, & Satyrismo. Cap. XXI.*

**I**Nter alias caussas, quæ faciunt difficultatem mictionis in pueris, dixi esse lapidem vesicæ, qui à Græcis vocatur λιθίασις. Hipp. 4. de morbis appellauit lithidem; nostri medici communi appellatione modò calculum, modò lapidem vesicæ. De quo, priusquam tractemus, videndum est an hic morbus sit homini proprius, an communis cum ceteris brutis. Arist. 10. sect. problematū probl. 12. scribit calculū vesicæ fieri tantummodo in homine, in brutis verò numquam; & affert rationem, quia bruta, vel non habent vesicam, vt pisces, & aues; vel si habēt, canalis vesicæ ipsorum amplus est, vt facilè vrinæ terrestria excrementa exeant; homo autem, inquit Arist. angustum habet canalem vesicæ. Cui sententiæ adstipulatus etiam fuit Absyrtus & Hierocles Medici veterinarij, qui, vt habetur in libro Medicinæ veterinarie, cum diligentissimè perscrutati sint vitia mictionis in belluis, nullam mentionem fecerunt lapidis vesicæ; quo fit vt credibile sit hos insignes scriptores, nec experientia, nec ratione didicisse hunc morbum fieri in iumentis. Ex altera parte est Vegetius lib. 1. Medicinæ mulorum cap. 12. vbi non solùm commemorat hunc morbum in brutis, verùm etiam & signa, & curationem edocet. Petrus etiam Aponēsis in com. problematis nuperimè citati scribit, se vidisse calculum in vesica suis. Sed est etiam & ratio, quia bruta continuò vrinam reddūt crassam, lutulentam, & simillimā vrinæ hominū laborantium calculo. adhæc com-

pertissimum est bruta scatere excremētis terre-  
 stribus, & crassis; vt rationi consentaneum vide-  
 atur, etiam ipsa tentari huiusmodi ægritudine.  
 Dicendum est breuiter sententiam Arist. intel-  
 ligendam esse, vt plurimum; eo quòd sicuti fre-  
 quentissimè homines calculo laborant, ita rarissi-  
 mè fit propter rationes antedictas, vt cetera a-  
 nimantia simili morbo capiantur; id quod intel-  
 ligens Vegetius, noluit silere huiusmodi affectū.  
 Quod si verò obijciatur, bruta vrinam habere  
 crassam, & excrementa terrestria, non est mirū,  
 quia excrementa, quæ in lapidem conuerterentur;  
 partim per amplum vesicæ canalem exeunt,  
 partim in cornua, rostra, & vngues conuertuntur;  
 adeò vt manifestum esse possit hunc mor-  
 bum peculiarem esse homini. In genere autem  
 humano peculiariter afficiuntur calculo pueri,  
 vt prodidit Hipp. 3. aphor. 27. & cum Hippocr.  
 Galenus, Auicennas, & reliqui Medicinæ scri-  
 ptores. est tamen hoc intelligendum de pueris  
 tantummodo masculis, nequaquam autem de  
 puellis, & mulieribus. nam diligentissimus Auic.  
 18. 3. tract. 2. cap. 12. scribit, neque puellas, neque  
 mulieres faciliter tentari lapide vesicæ propter  
 tres causas; quia scilicet habent canalem vesicæ  
 breuem, latum, & rectum; nō autem anfractu-  
 sum. adeo vt sententia Hipp. sit interpretanda de  
 pueris masculis, qui frequenter lapide vesicæ  
 tentantur. Sed hac in re est dubitatio. nam om-  
 nes scriptores comparantes lapidem vesicæ, &  
 renum, tum in pueris, tum in senibus, dixerunt  
 pueros



pueros frequenter lapide vesicæ laborare, & frequentius quàm senes; lapidè verò renalem senibus esse magis familiarem. iã verò huic sententiæ quotidiana experiētia refragari videtur, quandoquidè multo plures cōspiciuntur senes, qui lapide vesicæ laborāt, quàm pueri. Alexāder etiã siue Trallianus, siue Aphrod. videtur dubius hac in re fuisse. nam lib. 2. probl. 4. scribit & pueros, & senes æquè laborare calculo vesicæ. Ceterùm lib. 1. probl. 109. & 110. quærens rationē quamobrem pueri calculo vesicæ magis tentētur quàm senes, inquit ex eo esse, quia pueri poros vřeteres habēt angustiores, & facultatē expulsivã robustã, quo fit vt materia non possit retineri in his locis; sed cùm stimulet vehemēter facultatem expulsivã, à renibus exploditur in vesicã, vbi concrevens in lapidem euadit. Senes verò inquit Arist. cùm habeant meatus vřeticos latiores, cumq; habeāt facultatem expulsivam infirmã, fit vt vrinæ crassa-  
 menta detineantur in renibus, & cōsequenter ibi in lapides cōcrescant. adeo vt videatur hæc res cō-  
 trouersa, vtrū pueri magis, an senes calculo vesicæ laborent. Pro resolutione itaq; huius rei, dicē-  
 dum est, calculū vesicæ duplicē generationē ha-  
 bere. Altera est, qua lapis primū fit in renibus, deinde explosus in vesicã per accretionem auge-  
 tur; quē vnicum modū generationis omniū ve-  
 sicæ lapidum cùm Fernelius esse voluerit, longè lateq; deceptus est. Alter modus generationis est, quo immediatè lapis in vesica generatur. His constitutis, dicendū est pro quæstionis resolutio-

ne, lapidem qui immediatè efficitur in vesica, frequentius in pueris fieri, quàm in senibus; atq; de hoc interpretandum esse tum Hipp. tum aliorum sententiam. Lapidem verò, qui nō immediatè fit in vesica, sed primò in renibus generatur, hūc verum est frequentius in senibus reperiri, quemadmodum quotidiana experiētia comprobatū est. Cur autem pueri potissimū laborēt lapide, qui in vesica immediatè generatur, explicuit Gal. 3. lib. aphor. 26. & 3. in 6. epid. com. 15. Quibus in locis scribit propterea pueros huiusmodi ægritudine magis infestari, quàm senes: quoniā vtraq; causa generationis lapidis multo maior & efficacior in eis est, quàm in senibus. nā cum pueri voracissimi sint, innumeros crudos humores cumulant; qui in vesicam delapsi, fiunt materia lapidis generationis. adhæc pueri natiuo calore robusto admodum valent, qui materiam in vesica repletam faciliter in lapidē indurat; vt dicebat Hipp. 4. de morbis indurari ferrum igne. Senes autē etsi abundēt crudis & terrestribus humoribus, quia tamen ipsorum calor imbecillis est, fit vt in vesica, vb. facultas caloris minor est, lapis minimè generatur. Ceterum, præter Galeni rationem, Auic. loco citato attulit tres alias causas. Vnam facultatis expultricis robur. Alteram, vasorum angustiam. Tertiam, humorum tenuitatem. Est verò lapis in vesica morbus, & morbus in numero. Sed hoc etiam in loco dubitari potest, vtrum verè sit morbus in numero. nā Gal. in arte medicinali, cap. 91. manifestissimis verbis reposuit inter morbos incau-

cauitate. præterea videtur potius lapis esse causa morbi, nempe obstructionis, quàm morbus. Est enim regula Gal. 2. cap. lib. de differentijs morborum, quod non est subiectum sanitatis, nõ potest esse subiectũ morbi. atqui lapis in vesica non potest esse sanitatis subiectum; igitur neq; ægritudinis. Dicendum est pro solutione non inconuenire eundem morbum sub pluribus generibus contineri. nã lapis in vesica potest esse, tum morbus in cauitate, si spectetur locus vbi positus est; tum morbus in numero. Est enim omnium medicorũ receptissima sententia morbos in numero fieri modò ex materia utili, & naturali, vt est sextus digitus; modò ex materia toto genere præternaturali, qualis est lapis. Itaque huius morbi causæ internæ materiales sunt humores crassi, pituitosi, atq; tenaces. Causã autẽ effectrix est caloris magnitudo, non quidem præseruantis, vt videtur censuisse Paullus Aegineta, sed naturalis. Causæ etiã internæ, sed mediatæ huius mali sunt, in primis angustia canalis, deinde proprietas hæreditaria. nam Auic. in fine capitis præcitati docet, hunc morbum etiã fieri paterna hæreditate. His causis addere possumus etiam lac nutricis. Namque Hipp. lib. 4. de morbis, loquens de hoc morbo, præclaram & memoria dignam doctrinam nobis reliquit, vbi scribit, lapidis vesicæ originem vniuersam ferè pendere ex lacte, quod homines in infantia sugunt; quod lac, si impurum sit, non solum lapides, verum etiã alios morbos inducit.



Impurum autē ait fieri lac, quando aut nutrix ves-  
 scitur cibis pituitosis & crassis; aut quādo suapte  
 natura est vel pituitosa, vel biliosa, vel aquosa, vel  
 sanguinea. Et notādū eo in libro Hipp. sub nomi-  
 ne aquæ sapius intellexisse humorē melancholi-  
 cum, vt aliās docui. Iam verò à nutrice huiusmodi  
 affectio imbibi potest, vt Hippocrates inq̄t, cū  
 lac impurū ab infante exsugitur: si enim venas la-  
 tas habeat, quæ à vētriculo in vesicā tendant, hu-  
 iusmodi impura materia in vesicam defertur; vbi  
 cūm vrina subsidet, perinde atq; aqua turbida in  
 vase aliquo conquassatur, & deinde quiescēs sedi-  
 mentum in medio facit; quod deinde sedimentū  
 vrinæ à pituita instar collis conglobatur, & tandē  
 conglobatum indurescit, haud aliter vt videmus  
 indurescere ferrū in fornace. atq; hic est modus  
 generationis lapidis ex lacte relictus ab Hippo-  
 crate. Causæ externæ sunt illæ omnes, quas pro-  
 posui, dum tractarem de Ischuria, & Stranguria.  
 Quinq; signa proponūtur ab Hippocrate, quibus  
 cognoscitur presertim in pueris lapis vesicæ. Vnū  
 est, quòd cū dolore & gemitu mingunt. Alterū,  
 quòd guttatim mingunt. Tertiū, quòd sæpe vrinæ  
 sanguis commistus exit. Quartū, est sabulum in  
 vrina perpetuò ferè apparens. Quintum & po-  
 stremum, inflammatio vesicæ. possumus addere  
 his & aliud signum, nempe præputium pruriens;  
 ob quod videmus pueros hac egritudine affectos  
 frequētissimè scalpere genitalia. Ceterū in pue-  
 ris hic affectus nō solet esse exitialis, quando qui-  
 dem si non alijs remedijs, saltē excisione curatur.

Illud

Illud verū est, nisi curetur excisione, pueros ple-  
rūq; cōsueuisse mori, eo quòd in hac ætate miri-  
ficè augetur lapis, ita vt crescētib. annis à natura  
minimè sustineri possit. In curatione huius vitij  
institueda, debent medici ante omnia alia diligē-  
ter animaduertere, nū pueri sint orti ex parentib.  
calculosis, quia quod dicebat Plutarchus in lib.  
de sera numinis vindicta, filios podagricorū esse  
statim curandos, idem quoque dicere par est de  
filiis calculosorum parentum. Est autem huius-  
modi curatio posita in recta victus ratione, & p-  
pterea statim prouidendum est, vt pueri abstine-  
ant ab importunis motibus, præsertim à cibo; vt  
fugiant omnes cruditates, crapulas, vina crassa,  
aquas impuras, cibos viscidos, & crassos; vt case-  
um, lac coagulātū, cerebella, & extrema animalii-  
um. præsertim verò incumbendum est, vt dum  
lac sugunt, nutrix vtatur victu extenuante, & ab  
omnibus crassis & viscidis abstineat. Ceterū  
si præter paternam dispositionē iam lapis in ve-  
sica esse appareat, diligenter cogitandum est v-  
trum lapis sit tener, & vix inchoatus; an verò sit  
diurnus, & durus. Vbi malum in initio est, co-  
nandum est medicamentis manifestis & arcanis  
lapidem cōminuere, & expellere. plura aut sunt,  
quæ ad hoc magnopere valere putantur, vt est  
sanguis hircinus, anonis, ceterachū, saxifraga, ra-  
dix petroselini, fœniculi; lapis spongiæ, lapis iuda-  
icus, lapis qui inuenitur in felle bouis; nam reda-  
cti in pulueres, & cum vino tenui, aut decocto  
anonidis ppinati, lapides recētes & teneros cō-

minuere cōsueuerunt. Soleo ego exhibere pueris drach. 2. vel. 3. terebinthinæ lotæ liquatæ, & cum vnc. 2. aquæ anonidis cōmiscere. Alexan. 1. lib. problematum medicinalium 108. quærens cur sit, quòd in lapide pueri, qui calore condensatur, vtamur potius medicamentis calidis quàm frigidis, cū secus esse debere videatur, duas causas adfert. Vnam quòd exustio magnopere confert ad lapidum diminutionem, cum videamus omnia ea, quæ comburuntur, in minutas arenas & in cinerem plerumque comminui. Aliud, inquit Alexander, interdū medicos vti etiam refrigerantibus medicamentis, tum ad mitigandū renū incendium, tū maximè ad facultatem expulsiuam corroborandam. Sed pace huius grauissimi auctoris nihil horum mihi satisfacit. nam etsi medicamenta calida aduersus hanc egritudinem administremus, non tamen ea adhibemus, quæ exurant, & ratione exustionis lapidē in minutas arenas conuertant; quia sicuti videmus hoc opus fieri ab igne vehementissimo, & flagrantissimo; ita quoque esset necesse euenire in vesica; quod tamen citra exitiale detrimentum sustineri non possent. Adhæc minimè fatendum est frigida conferre in hac ægritudine, eo quòd facultatem expulsiuam corroborarent; quoniam huiusmodi facultas non frigore, sed calore pro instrumento vtitur. Quamobrem multo satius est, vt dicamus nō quælibet calida medicamenta in hac ægritudine exhiberi, sed ea tantummodo, quæ tenuium partium sunt, eo quòd medicamenta huiusmodi

tenuia



tenuia potētissima sint ad lapides recētes frangēdos; vt nō ratione caliditatis hęc remedia quāratur, sed potius gratia tenuitatis parrium. Ad frangendum autem hunc lapidem proprietate valet guttur gallinæ combustū & in puluerē redactū cum vino exhibitum; eryngij etiam decoctum ea proprietate valet. Sed illud operę pretium est, vt intelligatur, quotiescunque libebit vti huiusmodi medicamentis, quæ vel manifesta, vel occulta facultate profunt, prius corpora puerorum aliquot diebus esse immergenda in balneo aque, in qua cocta sit malua, aut lapathiū, aut radix althææ; vt scilicet emollita aliquantisper materia faciliter obsequatur medicamētōrū viribus. Si autem lapis magnus sit atque durus, ita vt nullis medicamentis vinci possit, deueniendum est ad excisionem, & prius pedibus eleuatis agitandus est puer, ac deinceps eo pacto facienda est excisiō quo docuit nos Paullus Aegineta; & aduertendum, vt etiam prædixi, huiusmodi opus non vsque adeo verēdū esse in pueris, vt in vitis: quia tutius & facilius fit hęc sectio; immo retulerūt mihi Nursini lithotomi se non rarò accipere pueros è media via impurgatos, atque ab iis lapides ferro extrahere citò & tutò; vt non sit vsquequaque audiendus Auenzoar, qui præcepit medicis, ne vnquam interessent huic operi. Fuit enim ipse doctissimus, & exercitatissimus Medicus, sed vt ipsemet de se narrat lib. 1. tract. 8. cap. 23. ita timidus erat, vt in syncopē incideret, quotiescūq; videbat aliquē vulnerari; ob quod dicebat sese chirur-

giam exercere noluisse.

*De Satyrismo. Cap. x x i i.*

**P**riusquam finem imponam tractationi de morbis vesicæ, optimum erit, vt scrupulum quendam adimam. Nam Hippocrates libro tertio, aphorismo vigesimo sexto, inter alios puerorum morbos, quos recenset, adnumerat satyrismum; quid autem per satyrismum intellexerit, diuersas video fuisse sententias. Aliqui recetiores putarunt Hippocratem intellexisse priapismum, qui est morbus, seu tentigo præternaturalis ipsius pudendi. nam etsi satyrismos apud Aristotelem tertio de generatione animalium, capite decimo, & apud Aretæum, atque Galenum significet frequenter elephantiasim, significat tamen etiam priapismum; quamquam Paulus Aegineta videatur paullo diuersam proposuisse differentiam & priapismi, & satyriasis. Et quia poterat aliquis obijcere huic sententiæ, non posse in pueris fieri priapismum, seu hanc tentiginem, quoniam semine carent, respondemus ex Hippocrate, in libro de genitura, pueros habere quidem semen, sed illud non erumpere propter vasorum, seu venarum angustiam. ad cuius rei confirmationem potest adduci illud, quod à Diuo Hieronymo memoriæ proditum est, nempe nutricem quandam prægnantem redditam fuisse à puero decem annorum, quem ipsa aluerat, & cum quo conuersata fuerat. Alij existimarunt sub nomine satyrismi ab Hippocrate intellectam fuisse ipsam

ipsam elephantiasim; & inter hos fuit Brasauola, & Fuchsius. Alij probare conati sunt, primùm non posse elephantiasim ab Hippocrate intelligi, eo quòd non sit morbus proprius puerorum; deinde asseruerunt hanc vocem apud Hippocratem significare tumores quosdam, qui oriuntur in glandibus aurium, cuiusmodi depinguntur in vultibus satyrorum; & ad hanc suam opinionem adstruendam adducunt Galenum, qui in libro linguarum Hippocrat. hanc vocem proponens, eiusmodi etiam significatum adfert. Vnde cum ea vox nullibi vsurpata ab Hippocrate reperiatur, nisi hoc in loco, rationi consentaneum videtur non aliud eam significare, quàm quod dictum est. Ego verò cum videam Cornelium Celsum interpretantem hunc aphorismum, huius vocis nihil meminisse; cumque etiam Galenus, & Stephanus Atheniensis in suis Commentariis satyrisimi nullam faciant mentionem, in hanc sententiam venio, vocem illam potuisse forsitan ab aliquo nimis diligenti scriptore insertam esse. Verùm si legitima est, magis mihi placet, vt interpretemur satyrisimum priapismum, quàm vt interpretemur vel elephantiasim, vel illos tumores; eo quòd etiam in pueris, vt nuper dicebam, verè efficiatur hic affectus, de quo mihi visum est hæc pauca proponere.



**P**Lato in Timæo dum fabricam intestinorum persequeretur, inter alia dixit, summum opificem hæc membra animalibus fabricasse, vt ciborum receptacula essent; hominū verò intestina flexuosa fecisse, vt diutius in ipsis retineretur & cibi, & excrementa; ne scilicet homo à cōtemplatione auocatus cōtinuo ventri, & cibus indulgere cogeretur. haud secus & Arist. & Galenus de intestinis sensisse videntur: vt sit cōmunis omnium sentētia, intestinorū munus esse, tū vt excrementa ciborū susciperent, tū maximè, vt ea expellerent; propter quod nō solū ampla, vacua, & capacissima reddita sunt, verū etiam & retractive, & expultrice facultate prædita. Vtrum autem intestina facultatem etiam attractiuam sortita fuerint, non postulat hic locus vt disputemus. Illud quidem necessarium est scire, cum intestinorum functiones sint, & retinere debito tempore, & expellere excrementa, huiusmodi functiones vitari, quando aut debito tempore non retinent, aut debito tempore, modo, & mensura non expellunt. Si debito tempore non retineant, fiunt fluxus ventris, de quibus statim loquar. Si autem nec debito tempore, nec debito modo, aut mensura expellunt, fit aliud genus vitij quod à Medicis nuncupatur alui adstrictio. hunc affectum non videtur recensuisse Hipp. inter morbos pueriles, quē admodū non omnes persequutus est. Verūtamē Auicē. etiā pueros hac affectione tentari, & curatione indigere docuit, quem

quē nos sequētes, dicimus hūc affectū in pueris nihil aliud esse, nisi dispositionē quandā præternaturalē, qua pueri nec debita hora, nec debita mensura fæces corporis reddūt. Dixi debito tēpore, quoniā fuit sententia Hippoc. 2. prognost. 15. debere omnes homines, vt plurimum mane fæces egerere, eo quòd tūc tēporis omnis coctio celebrata sit; nec ppter hoc inferendū est, cibum, prout quotidie assumitur, sic quoq; quotidie exire debere; quoniam, vt idemet Hipp. testatus fuit 4. de morbis nō lōgè à principio, cibus altera quaque die exit, humores autem tertia die. Idem dum 2. prognostic. de vicibus, quibus fæces quotidie expelli debent, loqueretur, dixit aut bis, aut ter in die egerendum esse, semel autem noctu. Sed sepissimè miratus sum, quòd huiusmodi sententiam nobis reliquerit, quemadmodum etiam Gal. videtur ipsum tamquam hac in re superuacaneum damnasse; nisi, vt aliqui dicere voluerūt, asseramus Hippocratem loquutum esse secundum Græcorum morem, quasi ipsi toties in die fæces excernerent. Sed vtcumque sit, debent fæces quotidie exire, & secundum mensuram, & secundum qualitatem ciborum. Secundum mensuram, quoniam pueri, qui plurimum edūt, plus excrementorum egerere debent; qui minus edunt, pauciora quoque excrementa reddant necesse est. Pari pacto qui edunt aut panes surfuraceos, aut herbas, aut radices, multas fæces egerere debent; & qui ex aduerso, vel oua, vel carnes edunt, minus quoque excrementorū debēt red-

dere, Summatim quo cibi, qui capiuntur, minus nutriunt, plures faeces facere debet; & ex aduerso, qui vescuntur maioris nutrimenti cibis, minus egerant opus est. Ceterum est hic affectus symptoma in genere excrementorum mutatorum, cum faeces pauciores reddantur, quam par est; & quia haec symptomata secundaria sunt, & propterea ab aliquo primo pedent, primum symptoma est laesio actionis expultricis. nam huiusmodi laesio fieri solet, vel quia primum offenduntur intestina, vel quia offenduntur per consensum. Offenduntur autem per consensum, quando, vel facultas expultrix non mittitur ob resolutionem alicuius nerui, vel musculi; quae resolutio fit, aut ob morbum in intemperie, aut ob obstructionem. Vel fit haec laesio, quia non mittitur bilis ad intestina, quemadmodum mitti deberet. nam ut compertum est, natura ad hoc, ut intestina quotidie stimulantur ad deponendas faeces, constituit ductus & canales quosdam, qui a vesica felle ad intestina perferunt bilem, quae deinceps perlata sui acrimonia stimulat facultatem expulsiuam. Vbi itaque huiusmodi bilis non mittitur, actio expulsiua necessario labefactatur, non quod intestina primum patiantur, sed quia facta est obstructio in antedictis meatibus, cuius merito expulsio intestinorum vitiatur. Vbi autem expulsio haec vitiatur ob protopathiam intestinorum, fit, vel quia expulsiua facultas offensa est, vel quia adest aliquod erratum in intestinis, quod huiusmodi actionem impedit. Laeditur autem facultas intestinorum,

aut



aut propter morbum instrumentalem, nempe propter aliquem tumorem, aut cicatricem. vel propter morbū similarē, hoc est propter aliquam intemperiem. Sed priusquā ulterius progrediamur, proponenda est cōtradictio in verbis Galeni, nam lib. 1. de tuenda valetudine cap. 13. dum luculentissimè persequeretur causas omnes adstrictionis alui, posuit inter alias intēperiē frigidam & siccam, tum intrinsecus tum extrinsecus factam. Ceterum §. in. 6. Epid. tex. 27. explanās sententiā illam Hippocr. refrigeratio quæ sunt in ventre durat, inquit fieri nequaquam posse, ut intemperies frigida interna vnquam aluū adstringat. reddit rationem, quoniam vbi frigida est intemperies, vel in ventriculo, vel in intestinis, necessatio vitiatur coctio, fiunt cruditates, & consequenter potius aluum liquari, quàm siccare. Ex quibus verbis clarissimè patet repugnantiam euidētem esse in verbis Galeni. Et cum hanc cōtradictionem à nemine propositam adhuc viderim, apud me non est admodū facilis solutu. puto tamen dicendum esse, intēperiem internam, aut insignē esse, aut mediocrem; & aut fieri à sola interna causa, aut fieri etiam ab externa. Si intemperies frigida sit valde insignis, dico eam facere alui siccitatē; & ratio est, quia tametsi vitietur coctio, & propterea fiant crudi humores, vitietur tamē etiā expulsiua facultas, & propterea aluus retinetur; atq; hoc pacto loquutus videtur Gal. 1. lib. de tuenda valetudine. Sed si intemperies frigida non sit vsque adeo insignis, ut lædat

virtutem expulsiuam intestinorum, fit alui potius solutio, quàm adstrictio; quemadmodum 6. epid. significasse videtur Galenus. Possimus etiam dicere, intemperiem frigidam factam ab externo aere, licet interna sit, exsiccare aluum; factam autem intrinsecus absque vlla occasione externa, aluum liquare. Sed alij etiam examinare hanc pulcherrimam contradictionem poterūt. Illud autem certissimum est, quod scribit Galenus eodem loco 6. epid. scilicet à frigore externo indurari faeces, non quòd intemperies insignis efficiatur in intestinis, quàm eas induret, perinde ac videmus indurari lutum ab immenso frigore; sed quia musculus anum cingens, & costrictio nisi ipsius famulas, vehementer refrigerat, atque refrigerat vehementer adstringit; ob quam adstrictionem cum faeces in intestinis diutius retineantur, necessitudo durae & aridae euadunt. Latet quoque expulsio propter aliquod erratum, quod vel intra intestina fit, vel extrinsecus accidit. Intra intestina sunt humores viscosi, & crassi, qui obuoluti faecibus, eas inter se se colligant, vel intestinis affigunt, ita ut vel ægerrimè, vel nullo modo exeant. Erratum autem, quod extrinsecus accidit, est vel in aere ipso. nam certum est aluos fieri adstrictas magis tempore hiberno, quàm æstiuo. atque sic dicebat Hipp. 3. aphor. 10. flantibus Aquilonibus ventres durari. somnus etiam immodicus, otium consummatum, profundæ cogitationes aluum siccant. præsertim autem ad alui adstrictionem faciunt errores, qui committuntur vel in potu, vel in cibo; nam  
 si puer

si puer parcè bibat, si vinum crassum, & adstringens sumat, proculdubio aluus adstringitur. Pari pacto si plus, minusve cibi capiat, fæces non redduntur; si cibus adstringentibus vtatur, si ordinè præpostero, ita vt primum adstringentia, deinde liquida sumat. Similiter dicebat Hipp. 2. libro de acutis, eos, qui prandere consueti sunt, si prandium dimittant, aluum ipsis adstringi. atque hæc est series omniũ earum caussarum, quæ in pueris morbosam alui adstrictionem facere possunt. Dixi enim morbosam, quoniam sæpe vñu venit, vt pueri aluum adstrictam habeant, & tamen ab illa nihil detrimenti capiant; cuius quidem Medicus nullam curam gerere debet. Sed video aliquè dubitaturum, qua ratione fieri possit, vt puer multum edens paucas fæces egerat, & simul tamen sanus viuar. nam videtur hoc, & præter rationè, & præter auctoritatè scriptorũ esse. Præter rationem, quoniam excrementa retenta præterquã quòd vim inferũt intestinis, solent etiam per vniuersum corpus vapores mittere, à quibus vniuersus ipsius status violatur. Est etiam præter auctoritatem, quoniam dicebat Hippocrates in libro de aere, aquis, & locis, eos qui aluum fluidam habent, nunquam morbis acutis tentari, & præsertim pleuritide. idem etiam in penultimo aphorismo libri secundi dicebat in senibus adstrictam aluum meliorem esse, in iuuenibus verò liquidam; quam deinceps sententiam mutatus Celsus libro 1. cap. 3. dixit, in iuene fusa aluus, in sene adstricta melior. Et magnus ille



Auenzoar in initio sui libri dixit conuenisse inter omnes Medicos ad tuendam sanitatem maximè necessarium esse, vt aluus liquida sit. quæ omnia si vera sunt, quomodo igitur fieri potest, vt puer cum aluo adstricta sanitate fruatur? Dicendum est, rarò quidem vsu venire, vt pueri, qui sunt aluo adstricta, sani viuant; verùm tamen si id quandoque contingat, non alia ratione euenire, nisi quia maxima pars excrementorum aridorum à natura vel in halitus insensibiles euacuatur, vel per vesicā educitur. nā habetur apud Arist. 4. de gener. anim. in fine cap. 4. vaccam fuisse in Perintho, quæ cū anum natura occlusam haberet, & ppter ea fæces non redderet, vixit tamē eo quòd, ait Arist. per vesicam excremēta natura excernebat: id quod in pueris fieri posse, nō est rationi dissentaneū. Cognoscitur hic affectus, quoniam pueri non egerunt quotidie, & tamen plorant; aut si grandiusculi sunt, capite afficiūtur; & si quando fæces reddunt, id faciunt cum gemitu, & dolore. Si verò pueri aluo sint adstricta ppter aliquem errorem in cibo, aut potu commissum, non erit difficile cognoscere ab adstantibus ipsis, vt non sit opus multa sollicitudine in signis huiusmodi perquirendis. Sed si vitium hoc ab internis caussis oriatur, paullo maiore diligentia opus est. Cognoscemus enim fieri malū ab intemperie frigida, si maciem in corpore, pallorem, ructus & flatus adesse viderimus. Sin autē fiat propter humores viscidos, & crassos, cognoscemus, quia fæces quandoq; cū exierint, semper huiusmodi

modi humorib. obuolutę erunt. Pari pacto si fiat, eò quia bilis ad intestina non permeet, cognoscemus, quia corporis color luteus erit, fęces aut aut albę, aut subcineritię. Ceterum dicebā alui adstrictionem in aliquib. nihil ferè detrimenti adferre, in plurib. tamen, & præsertim pueris voracibus, admodū periculosam esse; quia etsi statim morbi non fiant, tamen longo tempore cōcipiuntur, & tandem erumpūt. quandoquidem, vt prodidit Hipp. morbi in corpore nostro nō generantur subito, sed longo tempore geniti, subito expullulant. Quamobrem si diutius adstrictio perseueret, omnino prouidendum est; prouidendi autē ratio in pueris posita est in duobus; in ipsius scilicet accidentis correctione, & causę sublatione. habet enim hoc vitium eas condiciones, vt vno atq; eodem tempore liceat Medicis, & causis occurrere, & symptomata sedare. Pro aluo itaque, vel quotidie, vel frequenter pueris mouēda sunt multa remedia, quę (cū tenerima corpora tractētur) blāda & mitia sint oportet. In lactētib. pueris studiū Medici debet esse, vt nutrix ijs cibis vtatur, quę aluū mollire possunt; vt maluis, ficibus aridis, passulis, iure caulium; & nelōgus sim, omnibus ijs ciborū generibus, quę aluū soluere possunt. nā sicuti lac generatur ex sanguine, ita sanguis ex cibis; vt non sit dubitandum lac affici qualitate ciborum, quibus nutrices vescūtur. puero aut lactenti quę adhibenda sunt, debēt omnia esse potius externa remedia, quàm interna. Inter externa fiūt enemata cum butyro,

fiunt etiam glâdes ex lardo, melle, & radice malua; porrū etiam sub cineribus assatū & ano puerili inditū, prouocat fæces. Soleo ego interdum curare, vt coriâdra saccharo cōdita imponantur in anū, quia titillât facultatē expulsiuā, nec vllam vim inferūt. Præter hæc fiūt medicamēta, q̄ extrinsecus vmbilico apposita, aluū pueri soluūt. nā soleo accipere, aut dimidiū albuminis oui p̄cocti atq; indurati, & replere butyro cū modico aut colocyntidis, aut granis duob. scamonij. fel bubulum illitum vmbilico valet ad idem. succus cyclamini cum equali portione olei amygdalarum dulcium, & adipis gallinæ, si illinatur vmbilico, ad idem quoque valet. Vbi verò puer grandiusculus est, laudat Paullus vsum terebinthinæ, cui ego adhæreo. caricæ etiā cū modico cnici sumptē iuuant. immo panis quoque multo fursure cōfectus, & passulis, in cōtinuo vsu sumptus, ex Hipp. sententia ad fæces educendas prodest. Ius brasicae, maluae pueris grandiusculis adhibere potest. Similiter etiam glandes, & enemata præscripta pueris lactentibus. Atque hic est modus, & ratio, qua statim licebit occurrere ipsi alui adstrictioni. Ceterum vt causæ vincantur, illud primò addendum est, vt omnes errores externi aboleantur; id quod fiet, si in lactentibus pueris victus ratio nutriti præscribatur, quæ nullo pacto adstringere aluū valeat. Vnde abstinentia erit ab otio, ab vsu vini adstringentis & acerbis, ab vsu ciborum crassorum, & qui facultate sint adstrictoria; vt mespila, cydonia, sorba, corna, berberæ, & tandē

quid-



quidquid adstringendi facultate pollet. In pueris grandiusculis itidem agendum erit, vt scilicet cibis vtantur aluum emollientibus; ab adstringentibus abstineant; in somno, & vigilia, in exercitationibus corporis moderatè se gerant, & aquilones ventos fugiant. Si fiat adstrictio propter intemperiem intestinorum frigidam, erit inuigilandum in lactentibus, vt vel lac corrigatur cibis calefacientibus, vel mutetur nutrix. ad hæc ventriculus & vmbilicus pueri erunt fouendi huiusmodi fomento. Recipe vini optimi lib. s. foliorum calaminthæ, abrotoni, mēthæ, origani an. m. s. bulliant simul, & cum spongiola foueatur venter vniuersus. iuuabit pariter huiusmodi inūctio. Recipe olei nardini, sampsuchini, vel de mentha an. drach. 3. pulueris caryophyllorū scrup. s. ceræ parum. misce, & fiat linimentum. Si fiat propter humores viscidos & crassos, vtendum erit ijs, quæ incidere & attenuare possunt; vt est oxymel, syrupus de prassio; hæc enim & lambenda puero data, & à nutrice vsurpata, maximè iuuare possunt. Vbi autem fit alui adstrictio, eo quòd bilis non penetret ad intestina, tota curationis ratio posita est in tollendis illis obstructionibus; & propterea si puer sit grandiusculus, iuuabit decoctum erythrodani, cicerum rubeorum, radicum sceniculi, vel asparagi; vsus etiam cetrachæ, & capilli Veneris prodest. nam in ætate, & in corporibus puerilibus medicamenta fortiora non sunt adhibenda.

*De Aluonimis fusa. Cap. xxv.*

**C**ontrarius huic affectus fit & alter in pueris, nimirum quando aluus illis fusa magis est, quàm conueniret; id quod pueris frequenter contingere solet, & præsertim quando dentes emittunt, vt scripsit Hipp. 3. aphor. 25. Est enim hic affectus alui nimia laxitas, qua pueri, & frequentius, & plus egerunt, quàm par sit pro ratione cibi, & potus. Dico pro ratione cibi, & potus; quia pueri, qui plurimum comedunt, si plurimas fæces edant, non est in ipsis affectio morbosa. Est autem hic affectus symptoma in genere excrementorũ immodicè, quod symptoma pendet à læsa actione, tũ retentricis, tũ expultricis facultatis. Læduntur verò huiusmodi actiones, vel ppter aliquã intemperiem, vel aliquod vitium intestinorum, vel quia ipsis intestinis accidunt quæ accidere non deberent. Intemperies intestinorum, quæ facit in pueris aluum laxiorem, est, vt dicebam cum Galeno, frigida intemperies; ob quam vitiata coctio, & corrupti cibi faciunt huiusmodi fluxum. Sed est etiam & intemperies humida, merito cuius facultas retentrix, quæ in sicco posita est, imbecillis reddita cum retinere non possit fæces, facit vt ab illis expulsoria facultas concitata expellat & magis, & frequentius quàm par esset. Quæ accidunt intestinis puero-  
rũ, & alui perfusionẽ faciunt, plura sunt. in primis enim est humiditas à capite ad ventriculum & à ventriculo ad intestina delata; sic enim crebrò fieri alui fluxum docuit Hipp. in lib. de affectibus  
inter-

internis. adhæc sunt corrupticibi, qui cùm acrimoniam acquirant, ad intestina prolapsi expulsiuam facultatem irritant. Sunt itè ichores acres, & mordaces; & hinc est quòd pueri quo tempore dentiunt, fluxu alui sollicitari solent; quandoquidem cùm opus illud naturæ sit, vt dicebat Democritus, violentum; ac gingiuæ veluti acubus terebrentur, insignes cruciatus fiunt, ob quos in illis partibus calor præternaturalis excitatur, à quo attrahuntur humores ad eas partes; qui iniubi putres, falsi, & acres redditi, nec non ad stomachum deinceps, & intestina præcipitati, mirificè expulsiuam facultatem excitant, & consequenter alui fluxus inducunt. Pari pacto humores biliosi solent aluos puerorum concitare; imo verò solent interdum intestina ipsa sauciare, & dysenterias facere. Ex externis caussis austrinus aer magnopere valet ad soluendam aluum; sic immoderatæ exercitationes corporis, vsus ciborum nimium liquidorum, & eorum qui aluum soluere apti sunt. Facile est cognoscere huiusmodi ægritudinem, quandoquidem non solùm pueri frequentissimè fæces reddunt, verùm eas semper liquidiores quàm cõuenit. Si verò fiat ex ciborum corruptione, cognoscemus, quia fæces fœtidissimæ sunt, apparent cibi inconcocti, ructus etiam creberrimos pueri edunt. Si fiat propter dentitionem, cognoscemus ex signis ipsius dentitionis, quæ aliàs monstraui. Si fiat malum propter ichores, & humores biliosos, cognoscetur etiam, quia fæces biliosæ erunt, flauæ; & si sauciata fue-



rint intestina, fæces sanguinolentæ erunt, & mucis sanguineis oppletæ. Si autem ab aliqua intemperie originem duxerit malū, cognoscetur, quia nulla alia signa caussarum aderūt; & præter hæc, signa aderunt vel intemperiei frigidæ, vel humidæ. Cognoscetur verò malum fieri ex destillatione, si puer catarrho laboret, & ad pulmones non delabatur. sicq; fæces ipsæ spumosæ fuerint. nam spumosas fæces capitis affectionem indicare aliàs docui. Si demum ab vlla causa exteriori malum profiscatur, intelligemus per obseruationē factam circa mores, & vitam puerorum; in qua obseruationē facienda hortor vt sollicitus, & diligēs quisq; sit. Ceterum dysenteria omnis in quolibet corpore perniciosa est. quare etiam in pueris semper est timenda. Dicebat autem Cornelius Celsus vna die fluere aluum, atq; etiam pluribus sæpe pro valetudine esse, modò febris absit, & malum intra septimam diem finiatur. Vnde non statim debemus, vbi pueri aluus nimis fluit, timere, aut providere; quia sæpe importuna diligentia in comprimēdis fluxibus puerorum exitialis esse solet. tunc autem est providendum huic morbo, quādo nimis diuturnus est; quia si diutius fluxus perseverat, solet pueros in atrophiam, & ex ea ad mortem perducere. In instituēda curatione fluxus alui puerorum, primū illud videndum est, an puer lacte adhuc vtatur, an verò adultior sit. Si lacte vtatur, studium totum cōuertendum ad nutricem, quæ, si fieri poterit, omnino mutanda erit; quandoquidē in diuturnis infantium fluxibus

bus nihil præstantius reperi quàm lac permutare; id si fieri non possit, corrigendum erit. Si causa fuerit calida, primùm curandum est, vt nutritrix victu utatur refrigerante; abstineat à potu vini, & loco eius vtatur aqua chalybeata, vel vino subadstringente, sed paucifero. Cibis quoq; subadstringentibus vtatur; & refrigerantibus; vt ptisana cum succo cydoniorum, pulpa ex farre, ex oriza, ex millio, necnon berberis etiam, mespilis, & tandem omnibus, quæ refrigerare, & adstringere valent. Infanti verò vtile erit huiusmodi unguentum illinire supra vmbilicum, & ventriculū. Recipe olei myrtini, cydoniorū an. drach. iij. pulueris, masticis, corallorum rubeorum, acaciæ an. scrup. s. ceræ parum; misce; fiat linimentum. Ex aduerso si causa effectrix fluxus fuerit frigida, nutritrix vti debet rebus calefacientibus; quæ admodum vino subadstringente; aromatibus; carne optiam; & cum brodijs incoqui poterunt mētha, origanus, serpyllum. Pueri autem ordinabitur huiusmodi inunctio. Recipe olei de absinthio, mastichini an. drach. iij. pulueris abrotani, consolidæ, boli armeni an. scrup. s. ceræ parum misce, & fiat linimentum. Laudant pleriq; coagulum hædi. Arist. verò 3. de hist. animal. cap. 27 scribit aduersus alui profluvia magnoperè valere coagulū leporis & cerui. quocirca poterimus etiam nos sine periculo hoc remedio vti, ita vt nō transcendamus vñquam in hac ætate scrup. s. sed optimum erit, quo tempore puer vtetur hoc genere præsidij, vt abstineat à suscipiendo lacte,

& eius loco vtatur panatella cum lacte amygdalino. nam sicuti coagulum extrinsecus lac cōdensat, sic si exhiberetur importunè, periculum esset ne idem faceret. Vbi verò puer grandiusculus est, primùm videndum erit, an alui fluxus sit obortus propter cibi corruptionem; quod si ita euenit, nihil facere debet Medicus, quo corruptos cibos retinere possit, sed sat erit pueri ventriculum corroborare huiusmodi oleo. Recipe olei nardini, mastichini an. drach. v. pulueris corallo-rū rubeorum drach. j. s. ceræ parū: misce. Si verò alia caussa fuerit, & præsertim fuerint humores pituitosi à capite descendentes, prouocanda erit omni diligentia vrina decoctis seminum cōmuniū, asparagi, petroselini, ameos; parantur enim decocta, vel in brodio, vel aqua, & propinantur puero; quæ cū prouocent vrinam, diuertunt materiam pituitosam ab intestinis. Sin autē oriatur malum ex confluxu humoris biliōsi, studendum erit, vt humor ille attemperetur, & vt prouideatur, ne intestina ab eo humore vlcerentur. Idcirco arcendus erit puer à vino generoso, à cibus actibus, & dulcibus: immo verò ab omni vino. Utendum erit, vel pulte ex hordeo, vel ex milio, vnà cum succo granatorum acidorum, cydoniorum; syrupus de ribes optimus est, succus berberorum cum saccharo, miua cydoniorum. Præ ceteris autem soleo ego vti felicissimè enemate ex milio cocto, & per colum transmissio, vna cum decocto myrobalanorum: exempli gratia. Recipe decocti myrobalanorum omnium vnc. vj.

succo



fucci milij per colum transmissi vnc.iiij. misce, & fiat clyster. Soleo etiã vti huiusmodi syrupo. Recipe thapli barbati, consolidę maioris an. m s. fiat decoctio secundum artem. deinde Recipe dictę decoctionis vnc.ij. s. syrupi de ribes vnc. j. misce. Serum chalybeatum præstantissimũ est, vbi fluxus alui fit ab humore bilioso, & potest exhiberi pueris ad quantitatem vnc.vj. vel viij. pro captu. Si autem intestina sint vlcerata, ita vt iam dysenteria sit facta, studendum est vlcera illa persanare, & si sordida sint, repurgare. Vtus zedoarię cõmansę diu, & deinde deglutitę mirificè prodest. Valet etiam huiusmodi confectio. Recipe cõseruã de ribes, vel berberorum vnc. j. thuris drach. j. masticis drach. s. pulueris consolidę scrup. ij. misce, & drach. ij. vel iij. singulo mane sumatur. Brodium gallinę antiquę, in quo verbascum sit coctum, prodest, & ad dysenteriam, & ad quemlibet fluxum pertinacem. Nam dicebat Gal. 6. de simplicibus medicamentis gallinę antiquę ius aluum adstringere. pari pacto iecur arietis, vel bouis assatum, & in puluerem redactum, si cum modico lactis chalybeati, aut decoctione verbasci propinerur, vtilissimum esse solet. poterit autem exhiberi vel dimidium scrupuli, vel scrup. j. cum vnc. iij. vel iij. lactis chalybeati. Est quoque necesse vti in his casibus enematibus. sed aduertendum ne illa sint acria, & mordacia, qualia solent fieri ex muria mirificè à Galeno commendata, quoniam hæc in pueris acerbissimos dolores faciunt, nec sustineri in hac ætate sine periculo

possunt. Iuuabit autem in initio hic clyster. Recipe aquæ hordei chalybeatæ vnc. viij. sacchari rubei vnc. j. misce, & fiat clyster. hic enim valet in principio, quia modicè exsiccat, abstergit, & mūdat vlcera; quæ vbi sunt mundata; postmodū sicanda, & curanda sunt; atq; tunc huiusmodi clyster valet. Recipe seri chalybeati vnc. ix. thuris, boli armeni, pulueris consolidæ an. drach. iij. sanguinis draconis drach. v. misce, & fiat clyster.

*De Tenesmo. Cap. XXVI.*

**P**ost fluxus, immo verò in ipsis, & ex ipsis fluxibus solet pueris suboriri alter affectus admodū molestus, qui à Græcis appellatur *τενεσμός*. Medici Latini vocant modò Tenesimum, modò Tenesimonem. Et est hic affectus quidam appetitus inanis egerendi fæces cum dolore, & molestia. Dicitur enim inanis appetitus, quia etsi continuò pueri desiderant fæces egerere, atq; etiam id conentur facere, tamen nihil propemodū expellunt præter mucos valde exiguos. Dicitur etiã cum molestia, & dolore, quia numquam hic affectus est absque aliqua molestia, & cruciatu; vt optimè docuit Cornelius Celsus. Vnde notandū hoc obiter, morbum, quo perijt Pomponius Atticus, non fuisse Tenesimum, vt malè Medici illius temporis persuaferunt; quandoquidem ille affectus fuit sine dolore, vt legitur in illius vita, cum Tenesimus necessario alicui dolori, vel molestiæ iungatur. Est verò hic affectus symptoma in genere actionis tactoriæ læsæ, & in genere expulsionis læsæ deprauatè, & diminutè. Læditur autè  
hæc

hæc actio, quoniam hæc facultas essentialiter læsa est, nimirum, vel ab intemperie frigida, vel calida intestini recti, & vltimi cū materia frequenter, rarò sine materia. Materia verò, est humor crassus, viscidus, adhærens, nec mordacitatis expers. nā cū huiusmodi humor tenacissimè in hæreat extremo intestino recto, sua illa acredine, & inimica qualitate stimulat facultatē expulsiuā, quæ excitata tametsi omni conatu nitatur eā expellere, cū tamē non possit ob tenacitatem, veluti diuellitur tunica ipsius intestini, atq; in ipsa diuulsione fit & appetitus, & dolor. Causse antecedentes huius mali frequentissimè sunt alui fluxiones præcedentes; fit enim, vt cū continui humores eas partes tangant & percellant, deducantur tandem ad intemperiem, vel frigidā, si humores sint pituitosi, vel calidam, si sint calidi. Vnde postmodum fiunt non solūm intemperies, sed & inflammationes. Vnde obseruauit ego sæpè pueros hoc malo fuisse tentatos, quod super saxū frigidum, vel terrā, aut herbam frigidam sedissent, nam ex huiusmodi longa sessione non est dubitandum intemperie frigidam intestinū rectum contrahere posse. Est etiam quædam species medicamenti venenati, appellata dorichnium, à qua scribit Nicæder in Alexipharmacis huiusmodi affectū generari. Etenim cognoscitur hic affectus, quoniam pueri appetunt, & conantur sæpe fæces egerere, ita vt interdū vi conatus extra propellāt ipsum anum. Fæces, quas educunt in hoc conatu, paucissimæ sunt, mucosæ, sanguinolætæ; & si ma-



lum fiat ab intemperie calida, calor percipitur à pueris in ano, rubor adest, iuuant remedia refrigerantia. Pari pacto si fiat malum ab intemperie frigida, multo minor est dolor, nullus adest calor, aut exiguus; nullus rubor. ac demum calefactione auxilia profunt. Solet hic quidē morbus, si ab initio, & diligenter tractetur, tandem finiri feliciter. Sed contingit etiā interdum, vt propter continuos dolores, vigilias, & ploratus, pueros ipsos deducat, & in febres letales, & in corporis consumptionem, & tandem in mortē. quapropter erit opus eos statim curari. Et quia rarò pueri lactentes huiusmodi vitio tentantur, opus erit, si quando tententur, nutrices, aut pueros adultos arcere ab omnibus cibis acetosis, falsis, acribus, dulcibus; vtendum autem ijs, qui vrinam prouocare possint. & si malum fiat à causa frigida, erit incedendum, quemadmodum in fluxu supra dixi. Pari pacto si materia fuerit calida, peculiariter autem ad dolorem sedandum, & ad illum appetitum inanem mitigandum adhibetur pueris infessus, fomentationes, suffumigationes, & glandes, siue suppositoria. Infessus ex decocto verbasci, aut dictami Cretensis, & thapsi barbati mirificè prodest ad tenesimum puerorum sedandū; vt etiam valet ipsum decoctum verbasci. Fomentationes quoq; fiunt ex vino adstringēte, in quo cocti sint myrobalani, chebuli, & folia verbasci. nam accipiuntur spongiolę, & imbutę eodem vino apponuntur ano. Suffumigationes fiunt ex resina, terebinthina, ex pice colophonia, ex corticibus

bus illis, in quibus manent nuclei pini inclusi. nā soleo ego curare, vt contundantur hæc, & ligna pini, & contusa super carbones conijciantur, ac deinde puer fumum ano attrahat; atq; hic fumus mirificè valet, & ad appetitum sedandum, & ad demulcendum dolorem. Sic etiã valet terebinthina, si super carbones iniecta supponatur ano, ita vt fumus ipsam ingredi possit. Si verò hæc non iuuerint, componantur glandes, quæ in anum immisæ dolorẽ tollūt. Rec. opij gr. iiii. croci scrup. j. thuris scrup. j. cum luteo oui assati formetur suppositorium, & in anum immittatur; huiusmodi enim præterquam quòd dolorem lenit, & tollit, habet etiã vim consumendi, & exsiccandi humores illos, qui adharètes extremo intestino faciunt malum, & præsertim si humores calidi sint.

*De torminibus intestinorum. Cap. XXVII.*

**F**it in puerorum intestinis alter affectus, qui non solum homines, & bruta, verum etiam pueros magnopere torquet; vt iure à Latinis vocatus sit hic affectus nomine torminum. Sed dubitari meritò possit, qui fiat vt intestina vsq; adeo ingentes, & sæuos cruciatus sustineant; quando quidem cum deberent recipere excrementa dura, & aspera; coacta fuit natura ea oblinire adipe, & mucos, vt sensum obtusum haberent; quod dixit Gal. 5. in 6. epid. 28. & alibi sæpe. Si itaq; intestina obtuso sensu prædita sunt, nõ videtur rationi cõsentaneum, vt ingenti dolore affici possint; quando quidem vbi dolor magnus est, ibi quoq; vt sensus sit egregius necesse est. Nam etsi Plinius

quandoq; videatur etiam arboribus dolorem tribuisse, ea potius fuit ipsius ingenij luxuria, aut quia Pythagoricos sequeretur, qui & dolores, & lacrymas in arboribus ponebant. Si itaq; intestina non possunt sustinere dolorem insignem, cur est, quòd & pueri, & homines sæpe vsq; adeo doloribus intestinorum vexantur, vt quod retulit Galenus secundo de medicamentis localibus, inuenti sint, qui ob doloris magnitudinem se ipsos interemerunt? Dicendū est id, quod videtur proposuisse Galen. 5. lib. de vsu partium, cap. 10. vbi quaerens qui fiat vt intestina dolores & mordicationes sentiant, atq; interdum à bile atra exulcerentur, inquit hoc iccirco cōtingere, quia cūm intestina sint anfractuosa, atq; etiam valde longa, diutius in ipsis humores retinentur; qui deinceps retenti, paulatim internas intestinorum tunicas denudant à mucis, atq; ita ipsorum substantiam corrodunt, & dilaniant. Vt iam sit aperta ratio, propter quam & intestinorum sensus sit obtusus, & tamē eximios cruciatus sentiant. Est dolor hic, sicut & reliqui omnes, symptoma in genere actionis tactoriae deprauatae. Deprauatur autem actio à morbo, qui est vel intemperies insignis, vel solutio cōtinui, vel vtraq;. Causæ porro intemperiei, atq; solutionis continui intestinorum, sunt modò flatus, qui & refrigerantes intestina, & ipsorum tunicas diuellentes dolorem inducunt. Sunt etiam humores vel frigidi, vel pituitosi & viscidi, vel calidi; vt lac corruptum, humor biliosus, melancholicus; quamquam hos dolores



lores à melancholico humore oriri per quam raro contingat. Sunt etiam inter has causas vermes, qui etsi omnem ætatem sollicitare soleant, præcipuè tamen vexant pueros, interdum lactentes, sapissimè autem ab lactatos. Externæ causæ sunt aeris frigiditas, frigiditas pedum, vsus ciborum frigidorum; cibi dulces, præsertim autem hos dolores in pueris facere solèt fructus omnes fugaces, qui hanc ætatem magnopere delectare consueuerunt. Cognoscuntur autem pueri dum his doloribus torquentur, quoniam plorant, mammas refugiunt, se se torquent, & incessanter perclamant. Sed priusquam alia signa percurram, cõuenit huic loco, vt proponam pulcherrimum problema propositum ab Arist. 27. problemate sectionis 9. scilicet cur sit, quòd homines, & præsertim pueri dum dolent, maximè clamant: vbi autem metuunt non solùm non clamant, immo verò alto silentio tenentur. Ratio huius verè Arist. digna est. homines dum dolent, magna vi spiritum retinere in partibus spiritui destinatis; vbi autem spiritus diu retenti sunt, cùm non possint capi, & sustineri, magno impetu erumpunt, in qua eruptione cùm aerem frangant, vehementem sonum, & clamorem faciunt. Contrarium autem, inquit Aristoteles, contingit in metuentibus, quorum præcordia cùm refrigerentur, atque pauci spiritus in ipsis sint, toti vnà cum calore congregati circa cor ibi manent, nec extra vllò impetu proferuntur. Ceterùm causâ propter quam in do-

lore homines, & præsertim pueri spiritum retinent, est, inquit Aristoteles, quoniã sicuti natura comparatũ est, vt bruta partim cornibus, partim vnguibus, partim dentibus indocta se se defendant, sic sponte naturæ, vbi aliquis dolor in corpore est, homines calorem natiuum ad locũ dolentem trahunt, & consequenter etiam vnã cum ipso spiritus, qui huiusmodi caloris, & vehicula, & domicilia sunt. Si dolor efficiatur à flatibus, cognoscetur, quia dolor modò vehemens est, modò remissus; modò abscedit, modò reuertitur. ad hæc erumpunt crepitus & ano & ore, qui etiam dolores leuant. Sin autem fiat ab humoribus, cognoscitur, quoniam dolor magis permanens, & magis continuus est. & si fiat ab humore pituitoso, fæces exiguæ egeruntur, atq; illæ mucis opplētæ. quemadmodum si fiat dolor à biliosis humoribus, cognoscitur, quia fæces crocæ exeunt. sicuti si à lactis corruptione, vel acrimonia fiat, cognoscitur, tum notis ipsius lactis, tum maximè, quoniam fæces quæ egeruntur, corrupti lactis specie præ se ferunt. Porrò dolor omnis qui perseverat in omni ætate, periculosus est; maximè autem in ætate puerili; quam dicebat Plato in lib. 2. de legibus, & alibi, à dolore, & à voluptate, quasi à quibusdam tyrannis magnopere affici. Afficit autè maximopere dolor intestinorum hanc ætatem, & inter hos dolores sæuissimi, & exitiales esse solent, qui fiunt à vermibus, & qui diu perdurant. quapropter diligenter & sollicitè debet etiam curatio huius affectus intelligi. Primùm enim, si  
dolor

dolor fiat à lacte corrupto, aut aliquo pacto vitiato, quamprimum est nutrix mutanda, si sint lactentes. dico quamprimū, quia doloris & symptomatis magnitudo tanti refert, vt non permittat corrigi lac; quia vsq; quò hoc fieret, tormento possent pueri interimi. Si autem fiat dolor à flatu, atq; puer lactens sit, ante cetera prouidendum est, vt nutrix abstineat ab omni genere eduliorū flatulentorum, vitet legumina, lagana, herbas, fructus fugaces, præsertim verò castaneas, vina crassa. præstabit autē vti coriandrīs, fœniculo. & quod dico de victu nutricum, idem quoq; dicendū est de victu eorum puerorum, qui iam grandiusculi & adultiores sunt. Iphis verò pueris ea sunt administranda auxilia, quæ propriè anodyna nuncupantur à Galen. §. de simplici medicina cap. 18. & sunt ea, quæ calefaciunt in primo gradu, quæq; materiam dolorificam euacuant, incidunt, attenuant, & dissipant; cuiusmodi est oleum anethinum. quare poterimus in his casibus, vel ventri pueri illinire largè oleum anethinum, vel habere omentum castrati, & incoquere, aut frigere in oleo anethino, ac deinceps ipsi ventri superponere. porrò si flatus dissipari, aut excludi nō possint, duo remedia solent administrari. Vnum est, vt clyster, hoc est instrumentum illud, quo imponimus enemata, vacuū blandè in intestina injiciatur, atq; lignum deinceps extra trahatur. solet enim aer in intestinis puerorum inclusus huiusmodi artificio extrahi. Alterum auxilium est, vt clysteres injiciantur; & si puer lactens sit, suffi-



ciet vnc.ij. vel iij. olei anethini lumbricati iniicere per clysterem. Sin autem grandiusculus sit, poterit cyminum, & anethū in oleo dulcissimo incoqui, ac deinde olei huiusmodi percolati vnc. vj. vel viij. pro captu, poterunt per clysterem iniici. Et, quemadmodum aliās monui, aduertendum est, vbi flatus excludi debent ab intestinis puerorum, illud fieri debere blandissimis remedijs; quandoquidem si calidiora administrentur, atq; in intestinis fomes flatuum reperiat, euenire solet, vt auxiliij loco sæpè dolores acerbiores euadant. Si fiat dolor in adultioribus pueris à materia pituitosa, enitendum est huiusmodi remedijs propositis blandè dolorem mitigare. interim verò ipsi causse occurrendum erit, vt scilicet humor pituitosus & crassus incidatur, attenuetur, & euacuetur. Erit autem accommodata hæc potio: Recipe foliorū anethi, origani, cymini ana m. s. fiat decoctio secundum artem. deinde Recipe dictæ decoctionis vnc. iij. oxymellis simplicis, syrapi bisantini an. drach. iij. misce. Vbi præparata erit materia, euacuanda est, & ad ipsam euacuandam nihil præstantius reperitur vsu hieræ simplicis. quare si infans sustinere possit, & sine febre sit, optimum esset exhibere drach. j. s. hieræ cum vino, quemadmodū faciebant veteres. Sed si puer auerſetur amarorem medicamenti, hoc exhiberi poterit. Recipe electuarij lenitiui drach. v. specierum hieræ drach. j. misce, & fiat bolus. Vbi autem dolor fit ab humoribus acris, & mordacibus, cuiusmodi sunt biliosi, studendum est ipsum sedare,

fedare, & per interna, & externa remedia. Exterius cōuenit vsus olei rosati lumbricati, vel solius, vel admisti cum pari portione aut olei anethini, aut chamæmelini. Conuenit etiam omentū prædictū frigere in oleo rosaceo lumbricato, & apponere ipsi vmbilico. Iuuant etiam clysteres parati primū ex sero, vel ex aqua hordei, deinde ex lacte, ex ptissana hordei. Soleo ego hoc parare tum in lacte corrupto, tum etiam in humoribus biliosis. Recipe ptissanæ vnc. vij. olei anethini vnc. ij. vitellum oui num. j. misce, & fiat clyster. Præter hæc remedia debet Medicus sollicitus esse in euacuandis ipsis humoribus; quandoquidem cum sint tenues, semper parati sunt, vt faciliter euacuentur. Erit autem accommodatum ad euacuandum hunc humorem in grandiusculis: Recipe diaphœnici drach. j. s. rhabarbari puluerizati scrup. ij. pulpæ tamarinth. drach. iij. misce. Vel si potu erit vtendum, poterimus biliosos humores hoc pacto euacuare: Recipe decocti tamarinth. vnc. ij. s. rhabarbari electi scrup. ij. spicæ grana ij. infundantur omnia secundum artem, deinde facta diligenti expressione adde electuarij lenitiui vnc. s. misce, fiat potus. Sed si nulla ex his remedijs iuuerint, quid agendum, ne pueri crucientur, & intereant? deueniendum est ad ea medicamenta anodyna, quæ sensum obtundunt, & adimunt; & quæ non propriè anodyna vocari scribit Galenus. Solent nutrices offerre pueris requiem Nicolai, sed sicuti hoc medicamentum laudo interdum, & prudenter vsurpatum; sic minimè lau-

dare possum eas nutrices, quæ, vt ipsæ dormire possint, cōtinuo hoc remedio infantes saturant; quandoquidem præter cetera mala, quæ in pueris facit nimius opiatorum vsus, solent quoq; mirificè mentem & intellectū hebetare. quare vel rarissime erit vtendum, vel, si puer grandiusculus sit, multo satius erit alicui ex clysteribus prædictis immiscere modicum, vel eiusdē requiei, vel philonij Romani; ita vt non transcendatur horum medicamentorum, vel scrup. s. vel ad plus scrup. j. Sed, vt dixi, hæc cura coacta, & impropria, non nisi urgente summa necessitate est efficienda.

HIE.



HIERONYMI  
MERCVRIALIS  
DE INTERNIS  
PVERORVM  
MORBIS,

LIBER TERTIVS.

*De nomine, & definitione Lumbricorum.*

*Caput. 1.*



VCVSQUE hæc doctrina in superioribus omiffa dilata de lumbricis excepta est ex lectionibus supra secundum Epidem. pridem habitis. Superest vt de animalib. intraneis, hoc est de vermibus pertractemus; quandoquidem perfectio huius tractationis illud etiam postulat. Erunt autem, quæ tractabo de hac materia, quatuor: Natura, Differentiæ, Signa, & Curatio. Circa naturæ cõtemplationem, & nomen, & essentiã, & causas omnes primò adducam. Apud Græcos Scriptores vocantur hæc animalia ἔλμυδες atque hoc nomen commune est ad omnes species, immo quandoque etiam aliquas species particulares significat. Ceterùm inuenire etiam est apud Hipp. & 1. & 4. epid. ἔλμυγες. Latini Medici, atq; etiam alij scriptores vocarunt modò lumbricos,

Bb

vt Cornelius Celsus lib. 4. suæ Medicinæ, modò vermes, modò intraneorum animalia, vt appellauit Plinius. Sed circa hoc nomen duo à notanda sunt. Vnum est nomen lumbricorum etiam communicari iis animalibus, quæ cùm similia sint lumbricis hominum, tamen nascuntur sub terra, & præsertim locis lutulentis, & aquosis; atque sic etiã Columella, & Plinius, & alij auctores linguæ Latinæ, vocasse inueniuntur. Aliud aduertendum est, differentiam esse apud scriptores Latinos inter vermes, & vermina, seu verminationem; quia vermes propriè sunt hæc animalia, quæ & inter ipsa viscera viuentium generantur, & etiam intra terræ viscera. Vermina autem dicuntur tormina intestinorum, non vermes ipsi; sic quoque verminatio appellatur torsio, quemadmodum apud Senecam epistola 97. Quare si quando apud scriptores rei Latinæ, & apud Medicos iumentorum legere contigerit vermina, & verminationem; sciendum, rem esse distinctam à lumbricis, de quibus agimus. Itaque lumbricus nihil aliud est nisi animal, seu substantia animalis formam referens, in corpore hominis nata, variè lædens operationes. Dixi animal, vel res animal referens, eo quia latus lūbric⁹, vt apparebit quādo tractabimus differētias, non propriè animal est; sed quemadmodum dicit Hipp. 4. de morbis, est quædam substantia adnata intestinis ipsis, quæ animalis formam repræsented quodam modo. Dixi in corpore, quia licet oriantur præcipuè hæc ani-

malia in intestinis, tamen oriuntur etiam in aliis locis, quemadmodum suo loco patebit. Ad didi quoque hominis, eo quòd animalia bruta maximè tentari solent hoc genere affectus vermium; verùm tamen neque tempus, neque locus postulat, vt de iis agamus. Dixi variè lædens operationes, quòd vt demonstrabo latius, hæc animalia modò dolores & cruciatus inducunt miròs, modò corpora contabescere faciunt, modò epilepsias, modò phrenitides, variaque alia mala inferunt. ex hac descriptione clarissimè licet colligere, lumbricum in homine esse morbum, quemadmodum docuit Gal. lib. de differentiis morborum 8. & lib. 14. Methodi 19. atque toto genere præter naturam, & inter morbos in numero ipsum connumerandum esse. propterea quòd substantia quædam est superflua, partibus solidis corporis adiuncta, non tamen ob hoc inferendum est, morbum esse de prædicamento substantiæ, quando non ea substantia verè morbus est, sed præternaturalis dispositio ab ea excedente substantia facta. Hæc itaque sit essentia lumbricorum, de qua tractaturi sumus, quæ essentia cum proficitur à suis causis propriis, atque quatuor sint generum causarum, efficiens, formalis, finalis, & materialis; opus est diligenter circa vniuscuiusque causæ speculationem versetur.

*De causa efficiente lumbricos. Cap. 11.*

**Q**uoad causam efficiētē spectat, fuit omnium rectè philosophatiū sententia, animalium



duplicem esse causam effectricem: alteram ex-  
 ternam, alterã verò internam, & immediatam.  
 Externa nihil aliud est, nisi vis quadam cœlestis,  
 quæ medio causarum immediatarum animalia  
 format, & fingit; quæ siue sit facultas formatrix  
 Galeni, siue sit potens ille factor Caleodea Auicennæ,  
 cuius metio habetur 16. tertij. tract. 5. cap.  
 1. siue sit anima mundi Platoniorũ, nõ est quod  
 hoc loco disputemus. nam certum est nihil aliud  
 per hanc voluisse Arist. intelligere, quando 2. lib.  
 Phys. scripsit, solem & hominem generare homi-  
 nem, quam etiam intellexit, quando 3. de gener-  
 ratione animal. cap. 11. mentionẽ facit cuiusdam  
 caloris vniuerso inexistentis; qui prout à corpo-  
 ribus plus minusve recipitur; sic nobiliora, aut i-  
 gnobilia animalia producit. Est ergo causa ex-  
 terna lumbricorum effectrix calor iste cœlestis,  
 proxima verò & per se est calor corporis inter-  
 nus; dico per se, quia tametsi ad generationẽ cõ-  
 currat etiam frigus attemperans calorem, con-  
 currit tamen per accidens, non per se, quemad-  
 modum colligere licet ex Arist. 2. de generatio-  
 ne animal. cap. 4. & lib. 4. Meteororum. Sed quia  
 calor noster duplex est, alter viuificus, alter verò  
 igneus, & putrefactorius, sciendũ ad generatio-  
 nem animal. ferè concurrere hunc vtrumq; ca-  
 lorẽ, sed diuerso planè modo. nam calor putre-  
 dinalis, & igneus disponit materiã, & putrefacit,  
 non quidẽ immediatè ad recipiendam formam,  
 sed ad recipiendam dispositionem caloris viuifi-  
 ci, qui calor deinde viuificus nõ solùm disponit  
 adre-

ad recipiendam formam, verùm etiam informat & efficit animalia ipsa. nam clarũ est eundem factorem, & efficere, & præparare sibi materiam. Vnde dictũ est calorem hunc viuificum non solum inducere formam horum animalium, verùm etiam præparare sibi materiam; adeo vt calor putredinalis nihil aliud habeat, nisi quod putrefaciens materiam ipsam facit, vt facilius disponatur, & tractetur à calore viuifico. Quod enim calor igneus, & putredinalis, neq; generare anim., neq; disponere ad formam suscipiendam possit, luculentissimum habetur testimonium Aristotelis 2. de generat. animalium cap. 3. quo in loco scribit ignem nullum animal generare posse. Sed video statim ingeniosum aliquẽ dicturum, nonne Arist. 5. lib. de historia animalium 19. scribit in fornacibus Cypri, vbi vritur Chalcitis, fieri quasdam bestiolas quæ volant, quod etiam habetur confirmatum, apud Theophrastum libro de igne, & apud Antigonum De mirabil. auscult. Respõdeo posse animalia in his fornacibus reperiri, sed nequaquam generantur illic. verùm cum prius laterent in illa terra, quæ vritur, ignis deinceps vi exeunt ex ea, atque volitant. Quod etiam intelligi debet de ea sententia Herodoti, qui apud Actium lib. 9. cap. 39. scribit in febribus generari lumbricos, siquidẽ à calore febrili nequaquam generantur hæc animalia, sed quæ prius genita erant & latebant, ob caloris febrilis vehementiam agitantur, & è corpore exeunt. Est ergo calor viuificus, ille, qui lumbricos efficit, qui ve

blandus, & mitis est, nō autē vehemēs, aut mordax & vorax; propter quod alucinatus est vehementer Montanus, qui dixit in pueris lactentibus non fieri lumbricos, quia in ipsis non est adeo calor viuificus vehemens, quemadmodum requiritur in generatione horū animalium. nam calor blandus & mitis esse debet, non magnus. Et cur in lactentibus non fiant vermes, multo melior est assignata caussa 4. de morbis ab Hipp. seu à Polybo, quàm ab ipso Montano, vbi scribit in pueris, dum vtero clausi sunt, generari vermes, eo quòd fæces in ipsis retinentur. postquam verò exeunt in lucem, non generari, quoniam in ipsis fæces non amplius retinentur; & ob id ait sagaces nutrices, & solertes matres consueuisse statim pueris exeuntibus in hanc lucem offerre medicamenta, quæ possint exonerare intestina, & depurare ab iis excrementis quæ re-tenta generant lumbricos.

*De caussa formali lumbricorum.*

**F**ormalis caussa horum animalium nulla alia est, nisi ea anima, vis & forma, qua & viuunt & mouentur; quamquam Albertus Magnus lib. 21. de animalibus videatur hoc asseruisse, quòd lumbrici nullum alium sensum habeant, præterquam tactus, & gustus, medio quorum radices plantarum rodunt, atque nutriuntur per quandam fissuram, quæ in ipsorum ventribus reperitur. Sed vt vera est sententia ipsius Alberti in animalibus huiusmodi extra hominē, pariter etiam vera inuēitur in animalibus, & lumbricis hu-  
ma-



manis, nisi quòd hæc ore licet obscuro nutriūtur.

*De causa finali lumbricorum. Cap. III.*

**C**ausam finalem nullam habere lumbricos nō defuere qui opinati sunt, sed potior semper mihi visa est sententia Auicen. qui 16. tertij tract. 5. cap. 1. duos fines omniū lumbricorū constituisse videtur. Vnum, vt materia huius mundi, & præsertim animalium, per generationē lumbricorum depuraretur; si quidem si materia putrida ita remaneret, & ex ipsa nullum animal fieret, adeo cresceret putredo, vt maxima detrimēta inferret. Alterum finem posuit Auicennas horū animalium, vt scilicet tum ipsorum generatione, tum etiam nutritione excremēta copiosa corporum consumantur. Et quamquam sententia ipsius Auicennæ videatur esse de lūbricis, qui vbi cumq; nascuntur, peculiariter tamen intelligēda est de animalib. genitis in corpore humano, quæ etsi interdū bonā materiā corporis consumant, id tamē est per accidēs, scilicet ppter multitudinē, & copiā immoderatā; eo quòd vbi immodicè excrescūt, & excremēta consumūt, & etiā vtilia alimēta, sed si nō admodū crescant, aut magnitudine, aut multitudine, superflua tantum consumere vidētur. Verūm hoc in loco duo oriūtur pblemata. Vnum, si est morbus lūbricus, quomodo fieri potest, vt habeat causam finalem? si quidem morbus cū sit res præter naturam, proculdubio ab ipsa, neque vlllo fine, neque vlllo modo factus est, aut fit. Præterea cū dictum sit & lumbricos mundi, & lūbricos corporum no-

strorum vtilis esse, nunquid tanta sit vtilitas eorum, qui in nobis sunt, atque est eorum, qui extra corpus generantur. vt primo problemati satisfiat, ad memoriam reuocare nobis debemus duplicem esse naturam, aliam vniuersalem, aliam verò particularem. Si vniuersalem spectemus, proculdubio lumbricus non est præter hanc naturam, neque sic morbus appellari debet; & propterea quando diximus duos esse fines lūbricorum, respeximus hanc naturā. Sed si spectemus naturam particularem, proculdubio lumbricus est præter intentionem ipsius, & vt talis morbus est, simulq; nullum finem habet in corpore nostro. Ad secundum problema respondemus, nequaquā tantam esse vtilitatem lumbricorum in hominibus genitorum, quanta est eorum, qui in mundo sunt propter tres causas. Vna est, quia, intestina sortita sunt à natura facultatem expulsiuam, merito cuius etiam si non gignantur hæc animalia, tamen expelluntur ex corpore excrementa & putredines, in mundo autem nequaquam. Vbi cum non sit hæc facultas expultrix, quæ cōsumat, & in alium mundum expellat putredinem, vtilissimum, ac penè necessarium est alia fieri, quæ huiusmodi excrementa, & putredinem consumant. Secunda ratio est, quia si proportionem animalium generatorum in homine ad ipsa corpora spectemus, & cōparemus ad animalia genita in mundo, multo magis exsuperant animalia nostra materiā corporis nostri, quàm animalia mundi exsuperant corpus, & materiam

vniuersam; vt hinc fiat posse magis nocere hæc animalia in homine, quàm in mundo ipso. Tertia ratio est, quia etsi & generatione, & nutritione sua huiusmodi animalia in homine absument excrementa, absument tamen interdum alimenta vtilia, & necessaria; in mundo vero solummodò superfluas, putridas, & excrementitias partes consumunt; vt hinc apparere possit multo maiorem esse vtilitatem lumbricorum à mundi, quàm lumbricorum animalium.

*De causa materiali lumbricorum. Cap. IIII.*

**Q**uæ sit materia ex qua animalia intraneorū gignuntur, opinionum diuersitatem inter veteres inuenio. Hippocr. siue alius auctor 4. de morbis hanc sententiam habuisse videtur, generari ea ex stercore. Arist. autem 5. de generatione animalium cap. 19. cum enumerasset varia animalia, quæ gignuntur ex putri materia, dixit aliqua gigni ex excrementis animalium, atq; hæc ipsa ἐλμυδαίς, seu lumbricos esse; quasi censuerit ipse ex omnib. excrementis corporis nostri gigni lumbricos. Sed quod ad Hipp. opinionem spectat, sanè vera nequaquã videtur, quandoquidẽ si vermes gignuntur in variis corporis nostri partibus, sequeretur ibi etiã reperiri stercores, quod absurdissimũ, & à ratione alienũ est. Præterea stercores in corpore nostro paruo tempore manent, vt dixit Hipp. interdum altera die à sumpto cibo exire, quo fit vt nõ sit tẽpus idoneũ ad huiuscemodi generationem. Sed quod magis refert, stercores sunt partes siccæ, & omni vitali humiditate ex-



haustæ, propter quod idonea materia huius generationis nequaquam esse possunt. Sic etiam Aristotelis sententia nequaquam firma esse videtur, quia cum multa sint in corpore nostro excrementa, planum est ex determinato aliquo genere gigni, quod genus cum non determinauerit ipse, nequaquam eius sententiam sequi possumus. Oribasius lib. 3. aphor. 30. quæ inter posteriores lectatus fuit Montanus, habuit hanc sententiam, ex omni humore corporis nostri posse gigni, & verè gigni animalia intraneorum, immo quod peius est, existimarunt hanc sequutos esse & Arist. & Galenum. Sed ratio potissima, qua ad hoc credendum impulsæ fuerunt, est varietas colorum horum animalium; quia cum conspiciantur lubrici modò colore fuluo, modò albo, modò subnigricatè infecti, modò rubei, statim arbitrati sunt horum colorum varietatem non aliunde proficisci, quàm ex varietate humorum, ex quibus fiunt. Verùm mea sententia & Oribasius, & Montanus sunt alucinati. Primùm quidè, quia adscripserunt eam & Arist. & Gal. sententiam, quàm nec vnquam somniarunt. Si enim verba Arist. videamus loco citato, nihil aliud sonant, nisi fieri lumbricos ex excrementis, tam intra animalia, quàm extra repertis. Similiter si videatur Gal. 3. aphor. 26. vbi tractat de his animalibus, multum abest, vt eo loco asserat fieri ex omni humore: At quod peius est, præter rationè, & absurdum omnino est, existimare ex omnib. humoribus fieri hæc animalia: Quod enim non fiant ex sanguine

satis compertum esse potest, quia sanguis numquam ad tantam putrefactionem peruenit, vt ex eo gignantur animalia; immo verò Alexander Trallianus libr. 12. cùm referat quorundam sententiam, qui putarunt nullam fieri putredinē in venis; ex eo illud comprobabant; quia in venis, vbi est sanguis, numquam animalia oriuntur. Non etiam possunt fieri hæc animalia ex humore melancholico, eo quia humor frigidus, & siccus est. vita autem animalium viuentiū, vt vbiq; restatus est Arist. & Hipp. in calido & humido posita est, vt satis manifestum esse queat idoneam non esse materiam melancholicam, quia frigidus, & siccus succus est, qualitatis nimirum contrariæ. Neque etiam fieri possunt ex flaua bile, quia est sententia Arist. animalia ab iisdem cōseruari, & nutriri ex quibus fiūt; sed hæc animalia interimūtur amaris rebus. igitur non possunt ex amaris gigni. quia sic cōseruarentur potius ab ipsis. Accedit his, quòd Galen. 4. de simplicibus medicamentis scribit in mari mortuo, quod flumen Iordanis in sacris litteris est appellatum, nullum animal generari, neque cōseruari; eo quia aqua illa propter bitumen est amarior. igitur fieri nequaquam potest hoc exemplo Galeni, vt ex simili humore amaro viuant, aut producantur illa animalia. Quam rationem cùm Paulus Aegineta lib 4. cap. 27. examinasset, addidit non posse hæc animalia gigni ex humoribus vllis calidis; propterea quod cùm non possint ipsi hæc animalia alere, non possunt etiam generare.

remanet igitur, vt dūtaxat generari possint ex pituita. Sed pituita duplex est, alia est naturalis, quæ cum aliis humoribus conficitur, aut perficitur in iecore, & sanguini miscetur. alia est pituita, quæ communiter vocatur humor crudus, quod memoriæ proditum habetur à Galen. 3. de alimentorum facultatibus; atque etiam aliis locis. Ex pituita naturali existente intra venas nequaquã fieri possunt hæc animalia. quamobrem remanet vt generentur ex ea tantum, quæ humor crudus vocatus est. Hac determinatione iam patet aditus ad conciliandos Galenum, & Auicennam, & posteriores omnes; quandoquidem cū Galen. 3. aphorif. 26. ex humorib. crudis fieri lumbricos asserit, & cū Auicennas 16. tertij tract. 5. dicit fieri ex pituita inuoluta stercoribus, idem omnes dicunt, quia ea pituita nihil aliud est nisi humor crudus, & genitus, atque productus, in ventriculo. Hanc sententiam sectati sunt Alexander in epistola de lumbricis. Paullus Aegineta loco citato; Columella inter Latinos etiam libro 6. cap. 28. dixit lumbricos generari ex materia cruda. Sed dicet quis, quomodo igitur Paullus, & Alexander interdum dixerunt generari hæc animalia, ex cibis corruptis? Dico hoc etiam esse verum, quandoquidem alia est materia mediata, alia immediata. Immediata materia ex qua fiunt lumbrici, est humor crudus, seu pituita. mediata verò materia, sunt cibi corrupti, quia vbi cibi rectè in corporibus conficiuntur, non fiunt crud ihumores, & consequenter nec  
fit



fit materia vermium ; & propterea in istis nequaquam gignuntur , vnde eos vehementer falli sciendum est, qui falsa quadam opinione ducti crediderunt in omnibus hominibus etiam sanis generari vermes; quandoquidem, vt saepe videtur ex anatome, inveniuntur corpora , in quibus nulli vermes sunt . Cùm itaque materia mediata sint cibi corrupti , ex quibus generatur succi crudi , sciendū est eos omnes cibos aptissimos esse , vt ex ipsis fiant hæc animalia , qui sunt faciles corruptu , & qui nō possunt probè concoqui à stomacho . Sunt autem cibi tales, vel propter quantitatem, vel ppter qualitatem; ppter quantitatem clariss. est interdū cōtingere, vt cibi nequaquam coqui possint; & hinc est, quòd & pueri propter imensam voracitatem, & illi, qui gulæ, & ventri sunt dediti, vehementer cruciantur, & tentantur his animalibus . Secundum qualitatem cibi sunt facilis corruptionis illi, qui sunt crassiusculi, & qui malos succos gignunt; vti sunt fructus omnes, cuiusmodi etiam in pueris sunt carnes. Auenzoar lib. 2. tract. 7. cap. 22. scribit fieri lumbricos ex vsu frumenti, & farinae non coctæ, eo quòd huiusmodi. ciborum genera facilè corumpuntur, & producunt crudos succos. Verùm potest dubitari hoc loco, nunquid res dulces, quemadmodum existimat vulgus muliebri, sint aptæ ad generationem lumbricorum. Fuerunt aliqui inter recentiores, qui opinati sunt hanc vanam esse vulgi opinionem, adducti ad hoc credendū hac ratione, quia sapor dulcis po-

situs est in quadam partium, & succorum tempe-  
 rie; vbi temperies adest, non potest, dicunt isti,  
 adesse putrefactio. Et quia isti videbant ob fre-  
 quentem dulcium esum magnopere, & frequen-  
 tissimè vexari ab his animalibus pueros, dixerūt  
 non ob id esse, quòd ex ipsīs gignantur animalia  
 hæc, sed quia dulcedine tracti lumbrici huc at-  
 que illuc per corpus cursitant, vt hac dulcedi-  
 ne fruantur; in qua cursitatione non solùm vel-  
 licant intestina, & pertundunt, verùm etiam  
 quandoque adscendentes in ventriculum ipsum  
 miserè cruciant, & lacerant. Sed huiusmodi sen-  
 tētia aliqua ex parte vera, aliqua ex parte falsa est.  
 Est quidē vera, quòd lumbrici dulcedinem perse-  
 quentes, infestant pueros, & homines; sed est fal-  
 sa, quòd dulcia non sint apta ad generationem  
 vermium. quia etsi sint optimè temperata, dul-  
 cia tamen temperata quando corrumpuntur eo  
 maiorem contrahunt putrefactionem, quo sunt  
 temperatiora. Habemus exemplum in homine  
 Nam quod est inter animalia, quod temperatio-  
 rib. rebus vtatur ipso homine? nullū planè. erat  
 enim æquum, & conueniens eius temperatura;  
 attamen non inueniemus animal vllū, cuius ster-  
 cora magis fœteāt stercorib. humanis; eo quòd  
 temperata quando corrumpuntur insigni putre-  
 factione afficiuntur. Videamus modò an dulcia  
 facilè corrūpantur; dico ppter duo ea facilè in no-  
 bis corrūpi. Primùm, quia cū sint temperata,  
 sunt posita in medio extremorum; quæ verò  
 sunt in medio, facilè inclinant, & facilè desle-  
 ctun-

Et tunc ad alterum extremorum, quod quidem non contingit in corporibus intemperatis. Accedit etiam aliud, quòd dulcia omnia supernatant facile omnibus aliis cibis, & cum propter suavitatem copiosè sumi consueverint, hac ratione etiam facile corrumpuntur. Est & altera ratio, quia dulcia priusquam benè coquantur in ventriculo, attrahuntur à vicinis membris; & propterea permanentia cruda, fiunt materia idonea generationi vermium: Neque est quod existimemus per accidens hoc esse, scilicet ratione mali vsus, quia experientia quotidiana comprobatur, etiam illis, qui moderatè comedunt res dulces, & in aliis non delinquunt, abundare lumbricis; immo verò Hippocrates 4. de morbis manifestè dicit, ex vsu lactis propter dulcedinè hæc animalia fieri. fiunt itaque ex humoribus crudis, & pituitosis. Sed quid dicemus ad argumèta Mōtani ex coloribus facta? Dico animalia hæc non fieri simpliciter ex ipsa putrefactione, sed, vt colligitur ex Arist. 3. de generatione animalium 11. ex coctione, quæ coniungitur ipsi putrefactioni; putrefactio enim ex sui natura destruit, non generat. Sūt diuersissimæ & cōtrariæ actiones generatio, & putrefactio; verùm materia ipsa putrefacta coquit à calore solari, vel à calore natiuo; ex qua deinde coctiōe fiūt animalia. Et quæ potest huiusmodi coctio modò maior, modò minor esse, sic possunt ex varietate coctionis varij acquiri colores in animalibus. Experientia etiam comprobatum est, vel tantillo maiorem coctionè variare insigniter colores rerū coctarum.



Possumus & alio modo respondere, tamen si hæc animalia gignantur ex crudis humoribus, nihilo minus ratione alimenti variari possunt colores ipsorum; ita ut si alimento nigro, aut flauo vrantur, ita et ipsi etiam inficiantur, si alimēto rubro, ruborem contrahant, & sic de aliis. Neque hoc mirum videatur quandoquidem Arist. 3. de hist. animal. cap. 6. exemplis, & rationibus docuit, & propter aquas, & propter alios cibos colores pilorum animalium vehementer mutari. Præter causas immediatas, quæ ad lumbricorū generationem concurrunt, sunt & alia, quæ diligenter spectanda sunt; veluti est temperatura, sexus, ætas, locus, regio, & tempus. Inter temperaturas ea maximè est obnoxia lumbricis generādis, quæ ferax est humorum crudorum, & pituitosorum, cuiusmodi est temperatura frigida, & humida. nam quæ est sanguinea, minimè omnium crudos humores producit. Biliosa autem, & melancholica prorsus inepta est generationi animalium, quo fit, ut sola frigida, & humida quātū sit ex sese, apta sit generādis lūbricis. Dixi quātū sit ex sese, ppter ea quia omnes temperaturæ possunt lūbricos facere, modò in ipsis ppter errores externos gignatur materia illis apta. Atque hoc experientia quotidiana comprobatur. quandoquidē licet quotidie videre & biliosos & melācholicos lūbricis abūdare, & tūc præsertim, quādo ppter ingluviē cibi in ipsis corrupti vberem materiam suggerunt. Muliebris sexus propter hoc maximè promptus est ad generandos lum-

lumbricos, quòd propter vitiatas concoctiones plurimi humores crudi in ipsis fiant, ex quibus vermes producuntur. Inter viros verò & mulieres omnis ætas planè idonea est generandis lumbricis, sed maximè omnium ætas puerilis, hoc est ab ablactatione vsq; ad decimum quartum annũ. Senes etiam post pueros infestantur vermibus ob vitiatas coctiones. memini enim, dum anatome elapsis annis in hoc gymnasio administraretur, visum esse senis cadaver, cuius intestina tota lumbicis erant referta. Sed occurrit hoc in loco dubitatio. nam Gal. 3. aphor. 26. scribit pueros lactantes minimè lumbricis infestari, & adfert rationẽ, eo quòd tametsi in hac ætate materia sit copiosa, tamen ita calor ab humiditate superatur, vt nequeat ea animalia producere. Sed aduersus Galenum est auctoritas Hippocratis, & experientia. Hippocrates enim quarto de morbis libro scribit in pueris dum adhuc sunt in vtero matris, generari lumbricos, & propterea in vsu esse, vt mulieres statim aliqua offerant ipsis in lucem editis medicamenta, vt per ipsa educantur excrementa, & huiusmodi animalcula. Est & hoc cõtra experientiam, quandoquidem & qui medicinam faciunt, frequenter vident etiã in lactentibus pueris fieri lumbricos. Pro cuius rei resolutione statuendũ est, veram esse Galeni sententiam vt in pluribus, & in illis solum, qui lacte solo victitant. nã si qui pueri repetiuntur, qui inter lactandũ etiam lumbricis infestantur, est iccirco, quòd præter lac etiã alia edulia assumunt; quo fit, vt morẽ nostrarum

fœminarum damnare soleam, quæ lactantibus pueris statim etiam panē coctum offerre conantur. docuit enim nos natura tādū, esse procreatos lacte solo nutriēdos, quousq; in vberibus pabulum sufficit. Sed quid dicemus ad Hippocratē? fateamur etiam, quod ipse dixit, verum esse, non propter hoc tamen eius sententia cōrraria est sententiæ Galeni, quandoquidem aliud est non fieri lumbricos in pueris lactentibus, aliud est eos fieri intra vterum maternū; quia vbi pueri lactant, vt ait Galenus, eorum calor nequaquam vincere, & informare potest humorem excrementitium. In vtero autem materno præter calorem fœtus cūm adsit etiam maternus, ille quidē efficax est, & potens ad superandum, & informandum excrementum, quo fit vt sit statuendum, pueros solo lacte victitantes minimè omnium infestari lumbricis.

*De loco vbi fiunt lumbrici. Cap. III.*

**D**E loco vbi fiunt hæc animalia intra corpora nostra, inuenio inter veteres scriptores maximam controuersiam. Galen. i. de locis affectis cap. 5. tradens indicia, quibus cognoscuntur affecti loci, inquit, esse morbos aliquos ita proprios vni parti, vt statim ex ipsis dignoscantur affectæ partes; & huiusmodi asserit esse lapidem in renibus, in vesica, nec nō lumbricos in intestinis; quasi velit ille in intestinis dumtaxat lumbricos fieri. Aduersus Galeni sententiam Petrus Aponensis conciliator differentia III. longa disputatione contendit demonstrare, vbi que in corpore

nostro



noſtro generari lumbricos exceptis vitalibus partibus. Atq; ſententiæ huius viri multa placita, & ſcripta antiqua atteſtari videntur. In primis autē magnus Hipp. qui in lib. 2. de morbis mulierum non longè à fine apertiffimè ſcribit etiã in vtero lumbricos generari, 7. etiam epid. in historia filij Dini monſtrat, alibi quoq; quã in inteſtinis generari poſſe lumbricos; ex quibus Hippocratis locis clariffimè colligitur etiam in alijs corporis partibus generari poſſe lumbricos. Eiuſmodi quoque ſentētia videtur fuiſſe Ariſt. qui 5. de hiſt. animal. cap. 59. cū traderet generationem lumbricorum, dixit, produci ex excrementis intra animalia exiſtentibus; quaſi voluerit maximus Philoſophus non vnum locum generationi horum animalium eſſe deputatum; id quod etiã clariffimè confirmare videtur 2. de hiſt. animal. cap. 15. vbi ſcribit vermes generari in capitibus ceruorum; neq; verò ſolus Ariſt. hanc ſentētiã habuiſſe videtur, immo verò locus eſt præclariffimus apud Alexandrum lib. 1. cap. 15. vbi narrans oraculum quoddam ab Apolline Pythio Democrati Athenienſi traditum, demonſtrat etiã in capitibus caprarum vermes generari, quos cōferre epilepiæ docuit oraculum; mirum fortatte non erit in alijs brutis generari vermes in capite, ſed magis eſt mirum, quòd ſcriptores referūt etiam fieri in hominibus. Raſes lib. 1. cap. 9. & Auic. 1. tertij. cap. de ſoda, apertiffimè docent fieri capitis dolorem etiam à vermibus in capite humano generatis. Præter hos ſcriptores ſunt etiam & aliorum teſti-

monia. Plutarchus 8. symposiacorum 9. scribit Ephebum quendam Atheniensem lumbricum vnà cū femine reiecisse. & Gentilis Fulginas Medicus satis nobilis, se quoq; vidisse testatur vermē vrina reiectum. Auenzoar lib. 1. tract. 2. & Alzarautis cap. de tussi memoria prodiderunt etiam in canā pulmonis vermes generari. Paullus Aegineta lib. 4. ex inguinibus, & naribus se se reiectos vidisse lumbricos apertissimè testatus est; Ex quibus omnibus testimonijs perspectū vnicuiq; esse potest, non in vno loco corporis nostri lumbricos generari; & ideo sententiam Galeni non esse veram, cū scripsit in solis intestinis fieri. Quid igitur dicendum est in hac dubitatione? Statuendum est, mea sententia, lumbricos, aut verè tales esse, aut veris similes. lumbrici veri dūtaxat in intestinis generantur, cur id fiat dicā suo loco. lumbrici autem non veri possunt generari in varijs corporis nostri locis, quando quidem potius vermes, quàm veri lumbrici sunt appellandi. Itaq; quotiescumq; aut Hippocrates, aut Aristoteles, aut alius quilibet auctor tradiderunt, fieri vermes in alijs corporis partibus, ipsorum sententia intelligenda est non de lumbricis veris, sed de genere vermiū, quod lūbricos æmulatur. Quod si vel ex inguinibus, vel ex vmbilico, vel ex naribus lumbricos esse reiectos scriptum est, existimandum est nō eos in illis partibus esse genitos, sed ex intestinis in eas partes fuisse expulsos. Nā Hipp. 4. de morbis scribit interdum hæc animalia præ fame in iecur adscendere, atq; ibi incredi-  
biles

biles cruciatus excitare. Scribit etiam Alexander in lib. suo de lumbricis, interdū hæc animalia præ inedia perforasse intestina, & per vmbilicū exiisse. Idem etiā arbitrari debemus de lumbricis, qui exeunt ore, non quòd in ventriculo gignantur, quemadmodum malè existimavit Petrus Aponensis; quoniā præclarissima est sentētia Arist. 4. Meteor. cap. 3. in ventriculo nō generari lumbricos, sed quòd ex intestinis in ventriculum reiecti, deinceps vomitu reijciantur. Verū video dicturum esse aliquem, cur igitur Theodorus Priscianus Medicus antiquus docuit nos, etiā in stomacho fieri lumbricos? Dico, forsan huius viri eam sententiam fuisse, vt materia quidem, ex qua fiūt lumbrici, gignatur in ventriculo, sed nō ipsi lumbrici. sicuti hanc quoq; sententiam habuit Gal. 3. aphor. 26. Fiunt itaq; veri lumbrici solūm in intestinis, sed differentia est, quia rotundi gignantur in gracilibus intestinis. Ascarides vocati procreātur in crassioribus, latum autem lumbricum cū interdum longissimus esse videatur, ita vt duodecim pedum mēsuram excedat, opinandum est in omnibus intestinis fieri. Cur autem in intestinis, & non alibi fiant hæc animalia, est multiplex ratio. Vnā, quia materia ex qua fiunt, nimirū succus crudus in intestinis ita copiosus solum reperitur, vt possit sufficere generationi, & nutritioni horum animalium; reperiūtur quidem succi crudi etiam alibi in nostro corpore, sed qui ita pauci sunt, vt omnino inepti euadāt ad generanda hæc animalia. Alia ratio est, quia ad generationē lum-



bricorum non solum requiritur materia idonea, verùm etiã locus capax, & spaciũ idoneum; intestina autem sunt huiusmodi. Venæ verò cùm sint angustæ, nequaquam receptacula horũ animalium esse possunt. similiter nec aliæ cavitates. Tertia ratio est, quia natura sollicita vitæ animalium voluit hæc, quæ sæpe vitam tollũt, in ijs potissimũ procreare locis, vbi & minimè omniũ lædere possint, & facilè à corpore reijci.

*De nonnullis concavissis lumbricorum. Cap. VI.*

**P**Ræter locum intimum confert quoq; locus externus ad lumbricorum productionem: nobilissimus enim auctor Theophrastus lib. 9. de historia plantarum cap. vlt. scribit populos Ægypti, Armeniæ, Arabiæ, Ciliciæ, Syriæ lūbricis infestari. Ex aduerso Thracas, & Phryges populos prorsus huius mali immunes esse. Similiter inter Græcos, Thebanos esse lūbricis liberos, & quod magis mirum est, cùm Bœotij & Athenienses finitimi sint, tradit Bœotios laborare lumbricis, & Athenienses nunquam eos sentire; quem locum dum in suos libros transferret Plinius, nonnulla est mentitus, sed ipsius correctionem aliàs tradidimus in nostris varijs lectionibus. Tempus idoneum generationi lumbricorum, vt scribit Hippocrates sexto epid. & secundo epid. est autumnus, aut, quemadmodum alibi dicit, anni occasus, hora diei vespertina. Cur in autumno potissimũ gignantur lūbrici, videtur Aristoteles causam attribuisse paucitati humiditatis; scribit enim hic philosophus quinto de histor. animalium c. 15.

Alca-

Ascaridas generari autumnno propter humiditatis paucitatē; sed cū eo in loco loquatur de alijs ascaridibus, non de illis, qui gignuntur in corporibus nostris, minimè hoc loco eius sentētia alioquin dubia examinanda erit. Auicennas autem, cur autumnno fiant lumbrici, videtur causam attribuisse fructibus. nam cū eo tempore homines, & præsertim pueri satientur fructibus, ex ijs postmodū facilè pituitosi ac crudi humores excrementitij fiūt, & facilè copiosi vermes gignuntur. De vespere autem an fiant vermes, siue infestent eo tempore, sanè admodum sum anceps, quandoquidem nequaquā experientia comprobatur eo tempore magis hunc morbum infestare quàm alio. nam & noctu, & meridie qui habēt lumbricos, promiscuè vexantur. Sed si sententia Hippocratis defendenda sit, dicerem suo tempore hoc verum fuisse, eo quòd cū homines die semel ederent, atq; hæc animalia in corporibus famelicis acerbiora euadant, iure vespere potius infestari cōsueuisse; quo scilicet tempore corpora magis famelica erāt. Cur autē pestilenti tempore, quemadmodum in præterita constitutione est visum: frequentissimi lumbrici videantur, puto rationem esse, nō quòd potissimū eo tempore fiant; falluntur enim qui sic credūt. quandoquidem cū morbi pestiferi quàm citissimè iugulēt homines, quis credere possit spacio vnus, vel alterius diei tot generari vermes? Itaq; iccirco pestilenti tempore vermes copiosi vidētur, quia eadē corpora subiecta sunt & pesti capiendæ, & lum-

bricis generandis. Nam corpora quæ pesti sunt præparata, sunt ea, quæ abundant crudis, & multis excrementis, atq; etiam calida sunt. eiusmodi autem sunt ea quæ apta sunt ac disposita gignendis lumbricis.

*De differentijs lumbricorum. Cap. VII.*

**D**ifferentiæ lumbricorum duum apud scriptores reperiuntur esse generum; quorum alterum à figura desumitur, alterum à colore. Quo ad figuram scribit Alexander in epistola de lumbricis, in hoc conuenisse omnes scriptores Medicinæ tria esse genera lumbricorum. Vnum, quod appellatur lumbricus rotundus. Alterum, quod vocatur lumbricus latus. Et tertium, quod vocatur ascaris. atq; vt à postremo incipiã, ascaris, siue ascarides sunt lumbrici parui instar vermium, qui oriuntur in crassis, & extremis intestinis quos voluit Hippocrates secundo de morbis muliebribus etiam fieri in vtero mulierum. habent autem ascarides hoc peculiare, vt fiant potius in iumentis, quàm in hominibus; propter quod Hippocrates quarto de morbis, & Cornelius Celsus lib. 4. cap. 7. Hippocratis sectator ascaridas siluerunt, quasi raro fiant in hominibus, aut saltem rariùs in hominibus, quàm in iumentis. Porro inter homines. vt testatur Hippocrates tertio aphor. 26. pueri adulti, & iuuenes magis infestantur quàm ceteri. immo verò Auicennas. 16. 3. tract. 5. cap. 2. videtur censuisse fieri potius in iuuenibus, atq; in ijs excerni sæpenumero stercoribus inuolutos. Cur vero potius ascarides fiant in iumentis quàm  
in



in hominibus diuersi diuersas attulerunt causas. nonnulli existimarunt ideo hoc esse, quia iumenta cū minus conficiant cibos, ij in ipsis magis corrumpuntur, ac propterea facilius gignuntur vermes. Corrupti autē magis inde probatur, quia stercora fœtida magis egerunt. Sed ratio horum minimè mihi probatur, quandoquidē si propter corruptionem, & propter fœtorem fierēt in iumentis ascarides, par esset vt magis fierent in hominibus, eo quia in ipsis fiunt deteriores corruptiones, & ex eo cognoscitur, quia stercora humana peius olent quàm stercora brutorum. Alexander primo problemate 27. docet stercora hominum iccirco peius olere quàm stercora brutorum, eo quòd homines cū varijs cibis vtantur, illi promptius corrumpuntur, & consequenter peius olent. Montanus etiam causam, cur ascarides in iumentis generentur, adferre conatus est, vbi scribit iccirco fieri in iumētis potius quàm in hominibus eo quòd calidiora bruta sunt homine, esse autē calidiora probat, quoniam cōficiunt paleas, & stramina, quę minimè homo potest cōficere. Igitur, inquit, Montanus, ascarides cū gignātur à maiore calore, iure merito in brutis calidioribus potius fiunt, quàm in homine. Sed pace Montani, tres grauissimos errores commisit. Primum enim falsissimum est ascaridas generari à maiori calore. nam animalia maiora necessario requirunt maiorem calorem, qui extendat in omnem dimensionem, iam verò lumbrici teretes & lati, sunt multo maiores ascaridibus. quare ne-

cessariò requirunt maiorem calorem. Præterea quæ pluri indigent calore animalia in sui generatione, ea iure debuerunt procreari in calidiori loco. Sed alij lumbrici ab ascaridibus gignuntur in locis calidioribus, nimirum in intestinis superioribus. quare iure in sui generatione requirunt maiorem calorem. Adhæc fiunt alij lumbrici in ætate calidioribus: Ascarides verò in ætate minus calida. itaq; etiam hac ratione videntur ascarides egere pauciore calore in sui generatione. Est igitur primus error Montani, cum dixit, ascarides fieri à calore maiori. Alter error nec minor est, cum scripsit bruta esse calidiora homine. Arist. enim 4. sectione problematum, problem. 7. quæres de homine multa, clarissimis verbis demonstrat esse omnium animalium calidissimum, & humidissimum. Sectione etiã 10. problem. 55. quærens cur cetera animalia sapius capiãt cibum siccũ, quàm humidum; homo verò è contrario sapius capiãt humidum, quàm siccũ, inquit ideo esse, quia homo cum calidissimus sit, opus habet refrigeratione; quæ refrigeratio præstatur melius à cibo humido, quàm à sicco. Præterea Aristoteles in lib. de longitudine, & breuitate vitæ, inquit hominẽ, & elephantem esse longioris vitæ præ ceteris omnibus animalibus, quia habet copiosiore calorem, nec non purius, & viscidius humidum. Si igitur causa caloris est viuacior homo ceteris brutis, proculdubio necessarium est, vt sit calidior. nam malè probaretur, & leonibus, & tauris esse homo viuacior, nisi certum esset, calorẽ qui

est

est causa vitæ, copiosorem esse in hominibus, quam in brutis. Tertius error commissus à Montano est, quia ex leuissimo argumēto conatus est probare homine esse belluas calidiores, nimirum ex eo, quòd bruta paleas conficiant, quas homo conficere non potest. Nā Arist. 10. sectione problematum, problemate 9. tradens rationē, propter quam multa bruta vtūtur cibis siccis, inquit esse propter temperaturæ similitudinē. Est enim sententia Galeni in arte medica, tēperaturas conseruari à similibus. quare cūm asinus, camelus, equus, mulus habeant siccas temperaturas, propter earum conseruationem opus habēt alimentis siccis. Sed dicet aliquis. si hoc verum est, cur igitur Theophrastus 2. de causis plantarū cap. 6. inquit, corpora sicca, & macra indigere pingui, & largo alimento, atq; eo magis proficere in caloribus, in robore, cūm ex aduerso, vel nullā, vel minimam capiant vtilitatem ex alimento sicco. Respondeo corpora sicca, & macra, vel consistere in latitudine sanitatis, vel morbosa esse. quæ consistunt in latitudine sanitatis, vt cōseruentur opus habent simili cibo; si sicca sunt, sicco; si humida, humido. quæ verò morbosa sunt à contrarijs potius iuuantur. Et de his cūm loqueretur Theophrastus, dixit iure corpora macra & arida indigere pingui, & largo alimento; atq; propterea nō est necessarium calorem maiorem esse in brutis, quòd conficiant paleas. Clarius verò adhuc demonstrauit hoc Theophrastus, qui 4. de causis plantarū cap. 10. disputās, cur sit quòd cetera ani-



malia melius nutriantur hordeo, quàm tritico; & ex aduerso homo melius alatur tritico, quàm hordeo; inquit, cibum ferè vnicuiq; animali proprium esse datum, quem melius cõficit quàm cibum non sibi, sed alijs animalibus datum. & hinc est, quòd equi melius aluntur hordeo; muli similiter, quos si nutrias tritico, facilè interimes. Ex aduerso homo melius nutritur tritico, quàm hordeo, nõ ob aliud, nisi quia vt dicebat idem Theophrastus, triticum est cibus homini à natura tributus. quapropter quòd bruta melius conficiant paleas, quàm homo, non est propter caliditatem, sed est propter proprietatem huius cibi; qui cùm sit brutis à natura datus, & proprius, iure etiam ab ipsis melius conficitur. Quæ est igitur causa, cur ascarides in iumētis potius fiant, quàm in homine? hæc sanè nulla alia est, nisi quia bruta magis vitioso vtuntur alimento, quàm homo; præterea frigidiora sunt, & ratione frigiditatis fiunt in ipsis ciborum corruptiones idoneæ ad generationem ascaridum. Ita namq; esse, facit vt credã auctoritas Aetij, & Paulli; qui omnes dixerunt ascaridas generari propter vitiosum alimentum, propter frigiditatem, & propter corruptionem. Accedit etiam Aristotelis testimonium, qui lib. 5. de hist. animal. cap. 29. præter ascaridas, qui fiunt in hominibus, aliud etiam genus esse dicit quod extra animalia fit, atq; hoc etiam Theodorus Gaza potius tipulas, quàm ascaridas vertere voluit, quas inquit Aristoteles generari ex humiditate, quæ multum sedimentum crassum habet, & propterea

pterea gigni huiusmodi tipulas Megaris, & in operibus. Ad similitudinem ascaridum generatur etiam in hominibus ex excrementis multam faciem habentibus, (cuiusmodi sunt in brutis, potius quam in hominibus ipsis) rotundi lumbrici, qui sunt vermes longi, & teretes. Fiuntque in intestinis superioribus; quos etiam scribit Alexander, & iure, sæpè in ventriculum adscendere, & vomitu reijci; propter quod puto deceptum fuisse Montanum, & alios, qui existimarunt lumbricos teretes in stomacho generari, cum hoc esse falsum ex Aristotelis sententia docuerim. Ceterum duas conditiones horum docet esse Hipp. 4. de morbis. Vnam, quod fiant in infantibus intravterum; scribit enim ex lacte dulci, & pingui in pus feruidum cõuerso fieri lumbricos in infantibus intravterum maternum. Aliam conditionem tribuit Hipp. lumbricis rotundis, scilicet eos parere; quæ sententia mihi semper suspecta fuit admodum, quia si, vt mox videbitur, lumbricus latus secundum Hipp. parere non potest, multo minus videtur tribuendum esse hanc conditionem ipsis rotundis: quare nisi dicamus lumbricos teretes parere materiam, ex qua fiant alij lumbrici: & ideo dictum esse ab Hipp. parere, planè nõ video quomodo ipsum, vel Polybũ tueri possimus: eo magis quod Aristoteles 3. & 5. de hist. animal. aperitissimè dixit, omnes lumbricos hoc peculiare habere, vt alia animalia non gignant. Vnde cū neq; alia gignant, nec similia, necessariũ est fateri, aut falsam esse sententiã Hippocratis, aut intelligen-

dum esse, ita vt dicat præparare materiã ad suscipiendam formã alterius. Latus lumbricus à Græcis dicitur *κερπία*, & præsertim ab Hippocrate, quæ admodũ docet Herotianus in onomastico Hippocratis. Latini verò imitati Græcos, *põtamias* dixerunt, eo quòd & longitudine, & forma referunt fascias illas, in quibus inuoluuntur infantes. Dixi enim, propter longitudinem, quandoquidem & ab Hippocrate, & à Plin. lib. 11. cap. 33. relatam est, visos esse interdum huiusmodi lumbricos latus longitudinis tricenorum pedum, atq; etiam plurium. Porrò Aetius quidem & Paullus Aegineta fuerunt eius sententiæ, huiusmodi lumbricum latum nihil aliud esse, nisi corticẽ, seu membranam intestinorum interiorum conuersam in figurã animalis; sed quid voluerint scriptores isti docere, planè ignoro. nam si loquantur de pellicula illa, quæ necessario facta est ipsis intestinis à natura, proculdubio absurdum esse videtur, vt ex ipsa possit fieri animal, tum quia materia arida est, vt sunt omnes membranæ, & ideo inepta generationi animalium, tum præterea, quòd vbi gignuntur lumbricilati, deberent statim homines interire, aut saltem semper incredibiles cruciatus fieri; quia vbi pellicula illa abraditur, videmus excitari incredibiles cruciatus; sin autem nõ intelligant de hoc cortice, sed de humiditate oblita ipsis intestinis, hoc faciliè concedo, verùm tamen hæc nequaquam est membrana cingens ipsa intestina, sed est humor crudus mucilaginosus ad tuenda ipsa intestina ab asperitate stercoris à natura

ipsis



ipsis oblitus. Puto autem & Aetium, & Paullum  
 deceptos esse duobus; tum quia fieri potest, ut dū  
 excernuntur lumbrici lati, simul etiā aliquid cor-  
 rodatur ipsius tunicæ intestinorum. tum quia  
 Hipp. 4. de morbis de lumbrico lato verba faciēs,  
 inquit esse *όχοϊό: περί: τέρε: ζύσμα λευκόν:* idest, veluti  
 abrasionem albam intestinorum. in quibus ver-  
 bis nequaquā voluit Hipp. significare esse ipsam  
 tunicam, sed assimilari abrasioni albæ intestino-  
 rum. Quare latus lumbricus fit ex eadem mate-  
 ria, ex qua fiunt & ceteri, sed rarissimè fit. propter  
 quod dicebat Gal. 5. aphor. 26. ab Hipp. ipsum si-  
 lentio prætermisum esse, quia rarissimè hoc ge-  
 nus animalis fit in homine. Causa autē, ob quam  
 rarissimè fiat, est, quia & longo tempore, & mul-  
 ta materia in sui generatione, & augmento opus  
 habet; vnde cum non facilè suppetat copia mate-  
 riæ, & cum etiā prius excernatur à natura, quàm  
 adolescat, fit ut quàm rarissimè conspiciatur hic  
 lumbricus in hominibus. Ceterum fuerunt in-  
 ter veteres Medicos, qui existimarūt latum lum-  
 bricum parere alia animalia, atq; hi ducti sunt hac  
 ratione, quòd qui laborāt hoc genere mali, emit-  
 tunt quædam cucurbitæ seminibus similia, quæ  
 etiam animalia videntur. Atque huius opinio-  
 nis volunt aliqui fuisse Arist. 5. de hist. animal.  
 cap. 19. eos, *ἀποτίκτειν* (seu parere) nescio quid si-  
 mile semini cucurbitæ. Sed si Aristotelis verba  
 cōsiderentur, potius videtur contrarium voluis-  
 se; quandoquidem scribit nullum genus lumbric-  
 orū aliud animal aliquod efficere. quod si scri-

bit latos lumbricos aliquid parere, non intelligit quòd animal pariat, sed aliquid aliud. Manardus Medicus lib. 4. epistolarum medic. cap. 1. refert se audiuisse à quadam muliere, quæ dicebat se lumbricum latum eiecisse, in quo alij vermes inerāt; quasi hoc exemplo demonstraret istud lumbricorum genus parere. Ceterùm Hipp. 4. de morbis falsam esse horum sententiam tribus rationibus ostendit. Vna est, quòd fieri nequaquam potest, vt animal vilū tot forus edat, quot apparent feminibus cucurbitæ similes. Altera ratio est, nequaquam locum intestinorum capacem esse tot fœtuum, quot dicūt. Tertia est, quòd si laboranti lūbrico lato præbeatur medicina, aut potio purgatoria, vel exit lumbricus in formam globi redactus, & figuratus; vel si non educatur, sed resistat medicamento, tamen longus erit, & abruptus; ex quo loco colligitur etiam, cur fit, quòd appareant excrementa illa feminibus cucurbitæ similia, quoniam lumbricus latus, aut vi medicamenti, aut inter exeundum contractus in ea minima segmenta diuiditur, quæ postea excrementa æmulantur formam seminum cucurbitæ. Atq; hinc potest colligi nugas esse, quas dicūt Arabes de lumbricis cucurbitinis, quandoquidem nulli sunt tales. Habentur itaq; tres species lumbricorum apud Græcos Medicos. Sed dubitatur, numquid Auicēnas 16. tertij, tractatu 5. habuerit eandem sententiam de speciebus lumbricorum, eo quòd fere omnes interpretes existimarūt ipsum fecisse quatuor species; verùm, & ego huius sum  
sen-

sententiæ, cuius est Manardus loco citato, veteria solum esse genera lumbricorū, videlicet rotundos, qui ab Auicenna longi, & rotundi nuncupantur; ascaridas, qui ab eodem Auicenna parui, & minuti vocantur; nec non lati, qui ab eodem longi, & lati nominantur; ita vt dicendū sit lumbricorum alios esse longos, alios esse paruos; rursus longorū alios rotundos esse, alios latos; paruos autem esse ascaridas solos. Sed dicet aliquis, quomodo ascarides parui appellari debent? nam Gal. in lib. de linguis Hippocratis scribit, ascaridas vocatos esse ab Hippocrate lumbricos tenues & longos; si sunt tenues & longi, ergo non parui. In hac difficultate à nemine proposita duplex responsio est. Vna apud Galenū loco vocis μακρὸς, idest, longos, legendum esse μικρὸς mutata vna littera, idest paruos. Alia responsio est, ascaridas, vel posse comparari ad alios lumbricos, vel sibi ipsis, idest longitudine, & crassitie sui corporis. Si comparentur lumbricis rotundis & latis, proculdubio parui sunt appellandi, atq; ita existimandum est esse loquutum Auicennam; sed si consideretur ipsorū crassities, & latitudo, proculdubio longi sunt vocandi; atq; ita possumus existimare loquutum esse Galenum ex Hippocratis sententia. Porrò differentiæ lumbricorum, quæ sumuntur à coloribus, hæ sunt; quia alij sunt albi, alij rubri, alij liuidi siue cineritij, alij flauī, siue, vt dicitur Cælius Aurelianus, fellofi; alterius verò coloris vermes in nobis nasci non est facile reperire. Varietas autē horum colorum vario modo orti po-



test. nam fieri potest, aut propter cruditatem, vel ex coctione materiæ, ex qua fiūt; aut propter varietatem nutriti; aut propter diuersitatem ciborum corruptorum, ex quibus gignuntur.

*De signis lumbricorum. Cap. VIII.*

**S**equitur vt signa prosequamur, quorum inuenio apud Medicos tres classes. alia sunt communia generibus, alia particularia, & quasi propria vniciq; generi. alia, quæ distinguunt hunc affectum ab alijs similibus affectibus. Signa communia plurima scriptis tradita sunt ab Alexandro, & Auicenna, quæ omnia reduci possunt ad tres fontes signorum, scilicet ad actiones læsas, ad excrementa mutata, & ad accidentia mutata. Quod spectat ad læsas actiones, in primis in hoc genere morbi functiones animales penè omnes læsæ cōspiciuntur. nam delirāt sæpenumero qui lumbricis vexantur, malè discurrūt, pessimè imaginantur, & interdum offensam vehementer memoriam habent. Motiue quoq; offensæ sunt facultates, quia videmus à lumbricis vexatos non rarò motibus quibusdam conuulsorijis, & spasmodicis tentari. sensus omnes exteriores valde turbati sunt, & in primis visus, & auditus; nō dormiunt, sed vigilant, strident dentibus, labia conterunt, masticant, gemunt, atq; sine vlla occasione magnopere clamant; nares perfricant, & quasi locostare nequeant, huc atq; illuc modò pacatè, modò impetu magno vertūtur. Quæ omnes functionum læsiones maiori ex parte oriuntur à vaporibus acerbis, & mordacibus, qui in caput ab his  
anima-

animalibus attolluntur. Functiones pariter facultatis vitalis non parum offensæ conspiciuntur in hac ægritudine, eo quia ægri irascuntur, inconstantes sunt. adhæc, ut dicebant Alexâder, & Auicennas, pulsus paruos habent, obscuros, atq; difficiles. Addit Themison 9. libro epistolarum, in æquales esse pulsus, ut plurimum, eo quod cor ipsorum magnopere est occupatum. Naturales quoque functiones læsæ inter signa lumbricorum non minima sunt. nam si spectes appetendi actionem, sæpe laborantes lumbricis, sine villo prorsus sunt appetitu, immo videmus quandoq; experientia cogi matres vi maxima offerre cibum. Contingit quoq; interdum, ut appetitus caninus in laborantibus lumbricis excitetur, non ob aliud, nisi quia hæc animalia interdum vsq; adeo voracia sunt, ut statim rapiant alimenta ex ventriculo, quo tempore, ut dicebat Galenus in lib. de Theriaca ad Pisonem, & Rabbi Moyses in aphor. ex sententia Galeni, corpora vehementissimè emaciantur. Retentricis functio etiã læditur sæpe in hac ægritudine. quandoquidem rarissimè contingit, ut vel vomitu, vel nausea laborantes lumbricis non exerceantur. Sitis quoq; maxima contingit, adeo ut facile appareat non minimam partem inter signa lumbricorum habere functiones naturales offensas. Ceterum signa, quæ capiuntur ab excrementis mutatis, & ipsa sunt complura. Dicebat enim Auicennas fæces duras, & siccas esse: & adfert rationem, quia vermes, cum humores omnes exsugant, reddunt fæces aridas, & duras: Sed hæc senti-

rentia Auicennæ non est ex toto vera, eo quòd  
 experientia compertum est, rarissimè continge-  
 re, vt qui tentantur lumbricis, nō habeant aluum  
 solutā: nisi dicamus non solui aluum ratione ver-  
 mium, sed potius ratione cruditatū, quæ eo tem-  
 pore plurimæ gignuntur in agris. Vrinæ spumo-  
 sæ sunt, albæ, interdum obscure, ferè semper per-  
 turbatæ. Sudores fœtidi, & frigidi, vt dicebat Au-  
 cennas. saliuæ etiā fluit plurima ex ore, labia no-  
 cte humescunt, & die siccantur: eo quòd in die  
 vermes magis infestant ventriculum, & propte-  
 rea desiccāt. Fœtorem demū, aut spiritum quen-  
 dam fœtidum ex ore ipsorum manare, experien-  
 tia compertum est. Accidentia autem quæ indi-  
 cant lumbricos, alia sunt externa, alia interna. In-  
 ter externa in primis numeratur tēpus anni: iam  
 enim dictum est, esse Hippocratis sententiā con-  
 firmatam & ab Auicenna, & ab omnibus, autu-  
 mno maximè lumbricos fieri: adhæc etiam regio  
 numerari potest. Nā, vt aliàs dixi, ex Theophras-  
 to, & Plinio; Arabia, Armenia, Syria, Cilicia,  
 Bœotia, Thebana regio maximè obnoxia sunt  
 lumbricis. Possumus etiam nos adnumerare pa-  
 triam nostrā, in qua regione frequentissimè hæc  
 mala conspiciuntur. Victus ratio præcedens est  
 etiam signum lumbricorum. Dicebat enim Ale-  
 xander Trallianus, si ægri vtantur cibis corrupti-  
 bilibus, fructibus, balneis, facilè generari lumbric-  
 os. Inter intrinseca verò accidentia in primis hæc  
 sunt signa: color pallidus, extremorum frigiditas,  
 tumor ventris, punctiones, dolores colici, iacta-  
 tiones



tiones corporis atq; tot sunt signa communia omnium generū lumbricorum à scriptoribus memoria nobis prodita, præter quæ sunt & alia vnicuiq; generi peculiariora. In primis autē rotundorum signum est inappetentia, eo quòd hoc genus animalium ventriculum sæpe ingreditur, vbi appetitum prostermit: adhæc delirium, stridor dentium, morsus ventriculi, masticationes, tusses sicæ exiguæ, partium pruritus, color pallidus, aut rubeus. De lumbricis latis scribit Aetius & Paulus eos interdum abūdare in febricitantibus, interdum in morbis diuturnis; sed id ferè perpetuū habent, vt inducant stomachi morsus, appetitum caninum, & animi deliquia, pulsusq; inæquales faciant, imbecilles, & deficientes. Pueris autem dormientibus, si latus lumbricos habeāt, os figuratur ad similitudinem lactantis, aliena loquuntur, ac etiam stare loco nequeunt. Certissimum verò indicatiū est, quod & Hippocr. 4. de morbis, & Galenus, & Aristoteles 5. de histor. anim. 19. & alij omnes testantur, si inter excrementa alui appareant veluti semina cucurbitæ. hæc enim cum sint veluti segmenta ipsius lumbrici lati, procul dubio certissima signa sunt. Ascaridum propria signa sunt, vehemēs infernarum partium pruritus, atq; assidua egerēdi cupiditas: cum enim hæc animalia in extremis partibus gignantur, ibi adhærentia vellicant intestina, atq; ita pruritum potius inducunt, quàm cruciatum: quoniam, vt notū est, intestina illa sunt crassa, & minimè omnium sensus participantia. adhæc ab egestione temper

fœtor maximus percipitur; quo signo solēt Hip-  
 iatri cognoscere, quando iumenta laborant hoc  
 genere mali. Sunt porrò & alia ægritudines cõ-  
 plures, quæ accidentia similia habēt accidentibus  
 lumbricorum. Eapropter Cælius Aurelianus 4.  
 de morbis diuturnis cap. 8. diligēs fuit in demon-  
 strandis signis, propter quæ distinguuntur simi-  
 les passiones à lumbricis. & auctor ille, quamquã  
 fuit Medicus methodicus, non tamen est negli-  
 gendus, & præsertim in tractationibus signorũ,  
 in quibus diligentissimus fuit. Signum itaq;, quo  
 laborantes epilepsia, & apoplexia discernuntur  
 à laborantibus lumbricis, est spuma, quæ non ap-  
 paret in pueris, dum vexantur lumbricis, sed so-  
 lum dum laborant vel apoplexia, vel epilepsia. Et  
 quia sæpè cõtinget medicos vocari ad pueros, qui  
 modò epilepsia, modò lumbricis vexantur, si hoc  
 signũ præ oculis habuerint, scilicet spumam, faci-  
 lè poterunt discernere an hoc, vel illo morbo ve-  
 xentur. In præfocatione matricis etiam acciden-  
 tia cõtingunt similia lumbricis; sed distinguũtur  
 præfocata à laborantibus lumbricis, eo quòd in  
 præfocatis vox ex toto amputatur, & necessario  
 præcedunt querele vteri; quòd si lumbricis labo-  
 rant mulieres, neq; vox ex toto perit, neq; vteri  
 præcedit mala dispositio, sed ventris. In laboran-  
 tibus catalepsi febres sunt maiores, pulsus quoq;  
 maiores; quos pulsus, & paruos, & obscuros esse  
 in laborantibus lumbricis iam docui. Qui labo-  
 rant ileo, ventrem adstrictam habent; qui labo-  
 rant lumbricis, fluidam potius habent, aut saltem

non

non adstrictam. Adhæc pallent lumbricis tentati, dormitant, & inter dormiendum gemūt, atq; clamant; quorum nihil sustinent, qui ileo tentantur. Stomachici, humores habent in ventriculo, lumbricis tentati et si nauseant, vomunt; vix tamē vnquam cōspiciuntur euomere humores pituitosos, aut biliosos; sed plerumq; aut cibos corruptos, aut quidquid potant, & edunt. Ceterū reperire est nonnullos, qui proprietate quadam naturæ id habent, vt in somno deducant labia, corrodant, clamēt; non aliter atq; faciāt illi, qui lumbricis vexantur; signum autem, quo distinguuntur illi, vnum adfertur à Cælio Aureliano, & est, quòd isti vtilitatem percipiunt ex cibi paritate: contra autem faciunt, qui exercentur lumbricis; nempe, qui si esuriant, si ieiunēt, multo vehementius, & multo atrocius turbantur.

*De prognosticis lumbricorum. Cap. IX.*

**P**rognostica indicia, quæ in ægritudine lumbricorum feruntur, à diuersis locis capi possunt, seu potius à diuersis conditionibus, quæ circa hæc animalia spectātur. possunt enim capi vel à differentijs ipsorum, vel à quantitate, vel à qualitate, vel à tēpore exitus, vel à modo. A differentijs, quæ capiuntur indicia, sunt ea, quæ in primis reliquit nobis Hippocrates 4. de morbis; vbi scribit laborātes lato lumbrico nequaquam debiles fieri; & si fortè debiles fiāt, minimè cōualescere, addit etiā hoc genus animalium minimè è corpore spōte exire, sed solū vi medicamentorū, atq; minimè letalē hęc ægritudinē esse, sed cōsenescero.



Quo Hippocratis indicio intellecto, nō arduum est intelligere quid voluerit Cornelius Celsus, Hippocratis sectator lib.4. suæ medicinæ cap.17. vbi scribit latos lumbricos ceteris esse deteriores; siquidem non sunt deteriores lati lumbrici, eo quòd inferant mortem, sed potius quòd hoc genus morbi ferè in homine fit sempiternū. Alcarides autem omnium minimè sunt prauī propter tres causas. Vna est, quia sunt animalia exigua & tenuia; quarum conditionum merito fit, vt vel nullum, vel perexiguū detrimentum inferre possint; altera causa est, quia oriuntur in intestinis crassis, quæ cum sint ignobilia, atq; etiam à locis nobilibus maximè remota, vix fieri potest, vt vllū in signe periculum secum ferant. Tertia causa est, quia cum sint in extrema intestinorum sede, per quam excurrunt dura & graua sterco-  
ra, facile fit, vt à stercoribus secum rapiantur, atq; proinde facile exeant; sicut & medicamentorum operationibus facile cedūt. A quantitate capiuntur prognostica indicia, quia si exeant lumbrici graciles, parui, & extenuati, multo melius est, quàm si exeant magni, pingues, crassi, & præsertim sanguine repleti; & ratio est, quia vbi exeunt graciles, & parui, argumentum est in corpore nō benè fuisse nutritos propter materiæ inopiam; ex aduerso, si corpore crasso & magno exeāt, est indicium abundare multam materiam in corpore, qua hæc animalia ita creuerint & adoleuerint. Pari pacto si sanguine pleni exeant, indicium est corrosisse venas, atq; ex ipsis sanguinē exfluxisse.

Haud

Haud secus & à quantitate discreta capiuntur indicia, quandoquidem multo melius est, vt lumbrici pauci numero exeāt, quàm vt multi. A qualitate hæc etiã indicia ferri poterunt. nã si exeant albi, ferè res sine periculo est. ex aduerso, si exeāt vel flauī, vel liuidi, vel rubri, sunt multo deteriores; deterrimi verò sunt, si sanguineo colore saturati fuerint. At per exitus ferūtur indicia de lumbricis, eo quòd, vt dicebat Hippocrates 2. prognosticorum, & libro de internis affectibus, si exeant circa tempus iudicij, optimum est. & Hippocratis sectator Apollonius dicebat bonum esse, si dum morbus iudicatur, lumbrici reijciantur. In initio verò morborum si exeant, signum est magnarū, & multarum indigestionum. porrò Herodotus apud Aetium scriptum reliquit: si lumbrici in inclinationibus & declinationibus febrium exeāt, nihil mali indicari; ex aduerso malum esse, si exeant in statu, & augmento, eo quia signum est fieri in corpore turbationē: quamquam Cælius Aurelianus 1. de acutis passionibus dixerit rarò in initijs morborū apparere lumbricos; qui Cælius 4. long. passionum cap. de lumbricis scribit. Si appareant in augmento febrium, malum esse, in declinatione verò laxamentū adferre. A modo exitus hæc postremò capiuntur indicia, quia, vt dicebat Antiphanes apud Cælium Aurelianum, & vt scribit Auicennas, multo melius est, si lumbrici exeant soli, & per aluum, quàm si exeant aut per vomitum, aut cōmisti stercoribus. Ceterum dubitatum inuenio apud veteres medicinæ scripto-

res, vtrum melius sit vt exeāt lumbrici viui, an vt exeant mortui? Cælius quidē Aurelianus auctoritate Hippocratis in Prognosticis scribit, mortale esse, si lumbrici mortui exeāt, Hippocratis sententiam sectatus. Apollonius verò Melphitanus dicit, omnia interanea animalia optabilius esse vt exeant mortua, quàm viua; Chrysippus etiam, Asclepiadis sectator in eadem sententia fuisse videtur, scil. magnū exitium portendi, si lumbrici exeant mortui, & adferebat rationem, quoniam argumentum est magnum esse impetum morbi, quo non modò exeant lumbrici, verùm etiā interimantur. Ex altera parte Diocles medicus sentit, siue supra, siue infra exeant lumbrici, nullum ferè bonum, aut malum portendi ex ipsis; melius ramen esse, si mortui exeant, quàm si viui. Dioclis sententiam videtur quoque sectatus Herodotus apud Aetium. Apollonius horū sententiā sectatur, & ipse videtur potius dānasse viuos lumbricos exeuntes, quàm mortuos. Vt conciliaret hos scriptores antiquus Chrysippus, dixit, Hippocratem, atq; alios iccirco dixisse mortale esse si exeāt lumbrici mortui, quia loquuti sunt de febribus stricturæ. alios verò contrariā sententiā habuisse, quòd loquerentur de febribus laxitatis. Puto enim neminē ignorare, Methodicam sectā omnes morbos reducere cōsueuisse ad duo genera, nimirum ad stricturam, & ad laxitatē. Sed quia Chrysippi responsio est solū Methodica, melius erit, vt nos dogmaticè hāc rem resoluamus. quare dicendum est, quemadmodū dicere visus est Aui-  
cennas,



cennas, lumbricos exeūtes aut sine febribus exire, aut cū febribus; rursū si cū febribus exeant, aut cum febribus malignis, & pestiferis; aut cum benignioribus; atq; tunc vel in augumēto, vel in statu, vel in declinatione. Si exeāt sine febre, nullo ferè malū portenditur, verū tamen multo optatius est, vt exeāt mortui, quàm viui; & ratio est, quia si mortui exeant, signū est nō alia ratione fuisse interemptos, nisi propter alimenti inopiam. Si cū febre exeant pestifera, & maligna, exitiale est eos mortuos exire; quemadmodū magis salutare est, si exeāt viui. atq; hac potissimū verificantur in augumēto, & in statu; Ratio autem huius est, quia signū est, tantā esse materiæ prauitatem, tantūq; venenū, vt ipsi lumbrici interimantur priusquā fugiant; ex aduerso, si viui egrediantur, signum est quidem prauitatem materiæ eos expellere, sed indicium est etiā & vim expultricem fortem esse, & materiam non vsque adeo prauam, vt ipsos interimat: dixi potissimū vera esse in augmento, & statu; quandoquidem in declinatione nō ita est. nam etsi mortui exeant declinante morbo, argumentū est eos potius fuisse mortuos propter inopiam nutrimentī, quàm vlla vi morbi, quæ iam transijt. Si cum febre benigna exeant lumbrici, etiam in hac multo melius est, vt exeant mortui, quàm viui; quia inde quoq; iudicari potest, eos lumbricos esse interēptos inopia potius materiæ, quàm vllō veneno. Ex hac itaq; resolutione possunt facilè cōciliari antiqui, qui hac in re diuersi fuisse videntur,

*Decuratio lumbricorum. Cap. X.*

**S**equitur modò, vt curationem aggrediamur, quæ facilè inuenietur qualis esse debeat, si ad naturã ipsius morbi cõuertamur. Est enim lumbricus, vt scriptum est à Galeno libro de differentijs morborum cap. 8. & in fine 14. Methodi, & vt supra explicuimus morbus in quantitate, & est toto genere præter naturam; quo fit, vt statim indicatio curatoria oriatur, lumbricos omnes penitus è corpore esse extirpandos. Sed quia lumbricus est animal, & propterea huc, atq; illuc facilè mouetur, neq; ita expelli potest quemadmodum alia excrementa, propterea quòd refugit & resistit; necessario sequitur, vt possint è corpore expelli, prius esse interimédos, aut saltem ita hebetandos, & stupeficiédos, vt nullo modo resistere possint, sed expellantur. atq; hinc surgit alia indicatio, vt interimãtur lumbrici in corpore, vel saltem stupefiant. Et hæ sunt omnes præcipuæ indicationes curatoria, quæ dogmaticè, & ex rei ipsius natura comparantur in lumbricis curandis. Sed præter indicationes curatorias habentur & alia, quæ respiciunt ablationem caussarum, potiusq; præseruatoria indicationes sunt, quàm verè curatoria. Causam autem, quæ lumbricos facit, fouet & auget, cùm duplex sit; vel efficiens, nimirum calor internus; vel materia, nempe cibus corruptus, atq; humor crudus; ea propter indicationes, quæ comparantur in hoc genere, totæ sumuntur & à cibis ipsis corruptis prohibendis, à prohibenda humorum cruditate, & à temperando

rando calore illo, qui genitilis esse solet. Et quia natura semper præcedit præservatio curationem ipsam, & tota hæc ratio præservationis posita est in ratione victus, & in aliquibus medicamentis, quæ euacuant humores dispositos ad generandos vermes. iccirco prius vitæ recta ratio instituenda est in omnibus sex rebus non naturalibus. Aer itaq; eligendus erit temperatus in actiuis, in passivis verò siccus, eo quòd siccitas non solum confert ad absumendam materiam vermium generationi idoneam, verùm etiã ad enecandos, & consumendos lumbricos. Somnus & vigilia moderati esse debent, & ante cetera monitum est à medicis magnopere nocere, si statim dormiat à cibo, & multo melius esse duabus horis à cibo se se ad dormiendum conferre. Exercitium moderatum esse debet, præsertim verò ante cibum. nam otium, & quies cùm maximè cõferant ad cumulandas indigestiones, consequenter etiam conducunt ad cumulandam, & conseruandam materiã vermificam. Aluus inter cetera maximè lubrica est seruanda, nō solum ad prohibendam lumbricorum generationem, verùm etiam ad ipsos iam factos enecandos; quare nisi spõte fluat, erit cienda vel communi aliquo suppositorio, vel clystere aliquo. Sed in præservatione quodlibet suppositorium, & quilibet clyster vsui esse potest, modò sufficiat ad leniendam aluum. In curatione verò debent clysteres omnes parari ex rebus dulcibus, minimè autè ex amaris & acribus. ratio est, quia hæc animalia, sicuti prosequuntur dulcia omnia,



quibus delectantur; sic refugiunt acria, & amara. Et ideo huiusmodi clysteribus plerunq; efficitur, vt vermes, qui per aluum exire deberent, ore reuomantur. Materia autem idonea ijs clysteribus erit in primis, lac, mel, saccharum rubrum, brodia pingua, exempli gratia. Recipe lactis cuiuscunq; lib. i. mellis depurati vnc. z. misce, & fiat clyster. Vel Recipe brodij pinguis lib. i. butyri, sacchari rubei an. vnc. j. s. misce, fiat clyster. Dubitari posset hoc in loco, an huiusmodi clysteribus, liceat injicere sales, & oleum. Sanè si spectemus facultatem salis, & facultatè ipsius olei, sal potest quidem sua acrimonia, & siccitate interimere lumbricos, vt ideo videatur conuenire; similiter etiã & oleum; oleum (inquam) cū omnia insecta enecet, iccirco videtur etiam cōuenire ad enecandos lumbricos in clysteribus. Sed, si ex aduerso consideremus omnia animalia, quacunq; solēt quadam naturæ proprietate, & promptitudine refugere ea, quæ sunt sibi ipsis inimica, etiã conijciendum est, lumbricum refugere oleum, & sales; & ideo nequaquam conuenire, vt clysteribus misceantur, præsertim verò oleum. nam salis potest quidem paucum quid adijci, vt excitetur facultas expultrix. Potus, si sint ægri sine febre, debet esse vinum oligophorum, subadstringens potius, & amariusculum, aut acre, minimè verò dulce. Acetum cum aqua etiam conuenit, & hac ratione vinum acidum minimè inutile est. Sed si ægri laborent febre, loco vini potest fieri decoctum, aut myxarum, aut granatorum, aut prunorum acerborum,

borum, aut cerasorum acidorum. Fiunt enim ex his varia decocta, quæ & per se sola, & vino granatorum permixta maximè conueniunt. Cibi verò qui conueniunt in curatione lumbricorum, sunt omnes illi, qui faciles cōcoctu sunt, qui attenuât, qui incidūt; & iccirco accommodati sunt omnes cibi acerbi, adstringentes, acidi, amari, & oleosi. Noxia verò sunt omnia dulcia, crassa, viscida, & pingua. Ex carnibus cōmendantur aues omnes, carnes vitulinæ, agninæ; bubulæ maximè dānantur. Quæ autē non conueniunt, aut ipsis miscendum est acetum, aut omphacium, vel succus granatorum, vel aliquis alius liquor acidus. Vitanda sunt omnia legumina, omnia lacticia, & pisces. Inter fructus verò ij solum conueniunt, qui acidi sunt, vt granata, aurantia poma, citria, mespili, pruna acerba. Atq; inter cetera omni studio vitandæ sunt cruditates, & indigestiones; quod quidem fit, non solum perspecta qualitate eduliorū, verùm etiam quantitate. quare media quædam via tenenda est in quantitate ciborum præscribenda; quoniam si parcissimè nutriantur ægri, solent præ inedia effrenari hæc animalia, atque huc & illuc percurrentia pertundere intestina, & incredibiles cruciatus excitare. Ex altera parte, si plus quàm par sit saturentur infirmi, fiunt indigestiones, & cruditates, ex quibus non solum nutriuntur, & augentur magis interanea animalia, verùm etiam iugiter noua gignuntur. quare præstat parum cibi offerre, sed sæpè, ita vt neque ieiunent, neque etiam vltra æquum saturentur.

Medicamenta, quæ in præseruatione à lumbricis conferre debēt, id habeant necesse est, vt ab ipsis materia idonea generationi lumbricorū penitus cōsumatur. Et quia hæc materia tota in ventriculo, & in intestinis continetur, ea propter medicamenta debēt exsiccare, & consumere materiam in his locis existentem. Vt hinc colligere liceat pharmaca *ἐκκοπρωτικά*, id est stercoraria, accōmodatissima esse ad præseruandos à lumbricis homines. Quare vsus senæ, tamarindorum, myrobalanorum vtilissimus est; sed præ ceteris vtilissimus omnium est aloes vsus, & quidquid componi ex ipso solet. Cōsueui ego vti in illis, qui facile corripiuntur hoc morbo, huiusmodi pillulis. Recipe aloes succotrinæ drach. ij. myrrhæ, scordij, dictami albi an. scrup. j. cum syrupo de absinthio fiant pillulæ: quarum quauis vice sumatur drach. j. & si puer sit tenerior drach. s. aut scrup. ij. Percunctabitur aliquis à me, nunquid etiam medicamenta, quæ euacuant insensibiliter, cōueniant in his casibus, veluti est inter cetera decoctum ligni: proculdubio si spectemus locū, vbi materia lumbricorum posita est, nequaquam conuenire videtur huiusmodi medicamēti vsus, eo quòd ipsum euacuat materiā in ambitu corporis existentē. lumbrici autem gignuntur in intestinis, verū tamē cū lignū amarorem habeat, & eius decoctum, & acre, & amarissimum sit, puto ego inter alia remedia ipsum esse vtilissimum, eo quòd nō solum exsiccando potest consumere crudos humores ventriculi, & intestinorum, verū etiā amarore illo



illo insigni, & acrimonia potens est ipsa animalia iugulare; vt ob hæc omnia, tam in curatione, quàm in præseruatione decoctum ligni vtilissimum sit. Tot igitur agenda sunt ad auertendam lumbricorum generationem: Superest vt rationem curandi edoceam, & primò nonnulla præcepta adferam, maximè conducentia ad vniuersalem curationem, daturus demum cuiusq; speciei propriã curationē. Dixi ex sententia Gal. 14. Methodi, scopū in curandis lumbricis præcipuū esse, vt ipsi è corpore educantur. Sed quia educi nō possunt faciliter dum viuunt adhuc, ideo prius necessariū est ipsos interimere, aut saltē ita hebetare, vt medicamentis resistere nequeant. Iam verò quæ vel interimunt, vel hebetant animalia interanea, sunt amara omnia, acria, incidentia, adstringentia, acida, & oleosa; quæ omnia, siue intrinsecus, siue extrinsecus adhibeantur, conferre consueuerunt. Sed in recto horū omniū vsu administrando, nonnulla sunt intelligenda. Et primò, quia hæc animalia sunt fallenda, & cūm dulcibus rebus delectentur, præsentaneum est remediis interimentib. semper delectantia cōmiscere, & ideo malè agunt, qui amara sola, aut acida exhibent, eo quòd lumbrici non sugunt, neq; trahūt venenū apertū. Sed si venenū commisceatur rebus dulcibus, ludificantur lūbrici, vt dicebat Lucretius de pueris; & ideo venenū cum melle & dulcibus trahunt. Quare semper medicamenta, quæ offerentur in vermibus, immisceantur saccharo, aut lacti, aut melli, aut mulsæ; &

domi mea pro pueris iubeo parari oxymel, factū ex melle, & aceto acerrimo, & decocto absinthij: huiusmodi enim oxymel conseruat mirificè pueros à lumbricis. Alterum admonédū est, in iis medicamentis, quæ per aluum infundūtur, semp̄ dulcia aut sola esse debere, aut valde p̄ualere aliis. ratio est, quia facilè hæc animalia tracta dulcedine, inferiores regiones perūt. Ex aduerso, in his medicamentis, quæ ore capiuntur, debēt semper p̄ualere medicamēta acria, aut amara ipsi dulcibus: ratio est, quia si plus dulce esset, quàm amarū, traherentur facilè hæc animalia in stomachū, nec cōmodè interimi possent. Tertium est obseruatione dignū, medicamēta lūbricis interimētis accōmodata, nequaquā vehemētia esse debere; ratio est, quia si vehemētia sint, præterquā quòd ab ipsis vētriculus offenditur, fit etiam vt lūbrici agitati vehemēter acerbiores, & crude liores euadāt. Quartū est, horā vtēdi medicamētis omnib. esse, vbi vētriculus exinanitus est; eo quòd si pleno vētriculo offerātur medicamēta, facilè eorū vis alioquin imbecilla obtūditur, & penè extinguitur. Quintum est, nullam esse medicinam, quæ communiter omnibus lūbricis encandis conueniat, nullumque esse magis p̄sentaneū remedium, quàm corallina vocata, vt est muscus marinus: hac enim in puluere vtuntur Medici isti foranei, & miracula faciūt: adeo vt viderim incredibilē copiā lumbricorū interdum deiectam hoc solo medicamento. Postremò obseruandū est, ægros qui afflictiuntur hoc morbo,

plerumque pueros esse, atque omne genus medicamentorum auertere; ea propter sicuti auersantur medicamēta: ita etiam cogendi sunt omni ingenio, vt ea sumant, loquor de medicamentis, quæ ore capiuntur, quoniã extrinseca faciliè admittunt. Modus cogendi pueros indicatus est à Paulo Aegineta lib. 4. cap. 55. vbi instrumentorum mentionem facit, quibus vtendum est ad cogendum pueros. Et est cochleare, quod primum intra dentes ponitur vi, quo scilicet dentes à se inuicē abscedant. deinde fistula angusta quidē ex vna parte, latissima verò ex altera parte, & longa, hæc qua parte angusta est, mittitur in os vsque ad fauces, & qua parte latissima est, infunduntur medicamenta; sic enim fit, vt nolint, velint, sorbeant pueri medicamenta. Potest his addi interdum agros febre tentari cum lumbricis, interdū verò esse sine febre. Vbi febricitāt, quantū fieri potest, eligenda sunt medicamenta frigidiora. Vbi autem sine febre sint, licebit vti etiam calidioribus. Atque hæc vniuersaliter erunt obseruāda in curatione lumbricorum. Sunt etiam, vt dicebam, propria remedia vniuscuiusque speciei; & primò, rotundi cum sint in locis ventriculo proximis, nequaquam exigunt ea medicamēta generosa, quæ postulant ceteri. quare in his, vt habemus apud Galenum multis in locis, fact est adhibere vel absinthium, vel abrotanum, vel coriandri semen, vel decoctum calamenti. Laudatur etiã ab Aetio lapis gagates, amygdalæ amara, lupinus amarus aqua non maceratus;



quæ omnia variis modis possunt vsurpari. Possunt etiam vsurpari & in decocto, & in puluere; exempli gratia si decocto placebit vti, poterit ita cõponi. Recipe Lupinorũ p.s. absinth. p.j. brodij quãtũ sufficit, bulliãt, simul, & facta colatura addatur saccharũ vsquequo dulcoretur, & poterit pro captu pueri etiam quãtitas metiri interdum ad duas, tres, & quatuor vncias. Sic etiam possunt fieri decocta ex aqua, & mel misceri, vt dulcoretur. Puluis etiam sic vsurpari poterit. Recipe lapidis Gagatis drach. j. Scordei, seminis absinthij an. scrup. 2. terãtur omnia simul, & cum modico mullę offeratur. drach. s. vel. scrup. 2. laudauit etiam Auicennas copiam olei potatam; nam, vt docui ex Aristotele, insecta omnia interimuntur oleo. Arist. 9. de hist. animalium 6. scribit, canes, dum laborant lumbricis, à natura doctos esse, vt sumant tritici vel spicam, vt antiquus interpres transtulit, vel, vt Gaza, herbam tritici. Sic poterit quis ad enecandos vermes aceto acerrimo in potu vti, succo citri acido, & similiter aurantium succo. atque hæc intus conueniunt. Extrinsicus verò conueniunt & vnctiones, & cataplasmata; sed animaduertendum varium esse debere locũ extrinsicum remediorum in applicãdo in lumbricis rotundis, & in ascaridibus; quia cùm ascarides infestēt extrema in restina, infra vmbilicũ applicanda sunt remedia, & circa podicem. In lumbricis rotundis applicanda circa vmbilicum, & paullo supra, eo quia propria sedes ipsorum est in primis intestinis, quæ circa eam regionē sunt

collocata. Pro inunctione conueniunt hæc. Recipe succi absinthij, succi abrotani an. drach. j. s. pulueris scordei, aloes an. scrup. ij. olei communis vnc. j. ceræ parum misce, & fiat linimentum. Si ceratum facere placeret, sic illud componetur. Recipe myrrhæ, aloes an. drach. j. pulueris scordij, seminum absinthij, seminum citri an. scrup. s. cum cera, & resina quantum sufficit fiat ceratum. Fiunt quoq; emplastra veluti est istud. Recipe foliorum absinthij, abrotani an. m. j. lupinorum contusorum crasso modo p. j. s. bulliant simul in aquæ lib. vj. & aceti squillitici lib. j. deinde omnia simul pistentur diligentissimè, & loco prædicto apponantur. Theriaca quoq; succo citri, vel aceto liquata, & apposita locis dictis maximè confert; nec solum utilis est extrinsecus, verùm etiam intrinsecus; sicut etiam & semē vrticæ à Celso valdè commendatur, semen fœniculi, cymini, menthæ; siue extrinsecus, siue intrinsecus adhibeantur; cōferunt ad enecandos lūbricos rotūdos. Contingit verò vt lūbrici etiā si enecētur, nō exeant. quare necessariū est, vbi nō exeūt, medicamenta offerre, quæ mortuos educant; & in hoc casu laudatur rhabarbarū præ ceteris, hiera, aloe, agaricus etiam; quorum hoc, vel illo vti licebit, prout videbitur ægrum ipsum, aut pituitosum, aut biliosum esse. Quare si fuerit biliosus, hoc medicamendo vtendum erit. Recipe seminum citri, seminum vrticæ an. drach. s. myrobalanorū, citrionorū scrup. ij. passularum vnc. s. fiat decoctio in aqua absinthij secundum

## 438 DE MORB. PVERORVM,

artē. deinde Recipe dictæ decoctionis vnc. iij. rhabarbari electi scrup. ij. s. feminū fœniculi, calami aromatici an. gr. j. s. infundantur secundū artem: deinde facta diligenti expressione adde mellis rosati vnc. j. s. succi citri vnc. s. misce. Hoc medicamentum efficacissimum est ad educendos & viuos & mortuos lumbricos; addidi mel rosaceum tum vt dulcoretur medicina, tum etiam quia Alexander Trallianus in epistola de lumbricis cōmendat illud; quamquā existimem veteres mel rosaceū habuisse amariusculū magis, quàm nos. Sin autem ager potius sit pituitosus, aut etiā melancholicus, poterit loco rhabarbari vsurpari vel sēna, vel agaricus; atque cetera iam prædicta, & hæc dixi agenda esse, dum sponte vermes ipsi enecati non exeunt. Sed si, vt sæpe vsu venit, huic malo sit etiam iunctus fluxus alui, dicebat Aetius studendum esse, vt fluor alui crassescat, & addit rationem, quia quanto magis fluit aluus, tanto copiosiores fiunt lumbrici; qua in re suspecta est mihi hæc sententia Aetij. Primò, quia non video, quomodo stante alui fluxu possint lumbrici copiosiores generari; etsi enim concedam fieri in his plurimas cruditates, cōtingit etiam, vt secundum quod fiunt humores crudi, ita excernantur priusquam ex ipsis possint generari lumbrici. Accedit etiam, quod Auicennas, qui videtur accepisse hanc Aetij sententiam, non dicit generari vermes ex maiori fluxu, sed copiosiores educi. aliud est enim quod fiāt lūbrici in fluxu alui, aliud quòd exeant. Quare nisi fluxus sit  
immo-



immodicus, numquam est cohibendus vlla ratione, sed sinendus potius; quandoquidem animalia nocentia sic exeunt felicius. Sed si fluxus alui immodicus sit, ita vt vires penitus deiciat, tunc sanè, vt docuit Aetius, erit satagendū, vt nō violenter, sed blandè coerceatur; Quo in casu decoctum plantaginis, & portulacæ in brodio cōmodissimum est. Puluis etiam vermium terrestrium, si cum sapa, vel melle exhibeatur, utilis est. Extrinsecus quoque conueniunt vnctiones, & cataplasmata adstringentia moderatè. exempli gratia hæc inunctio erit accōmodatissima. Recipe olei rosacei omphacini, de absinthio an. vnc. s. olei myrtini drach. ij. pulueris boli armeni, cordicum granatorū an scrup. j. succi limonum parū, cum cera quantū sufficit, fiat linimentum. Emplastrū etiam hoc accōmodatissimū est. Recipe corticū granatorū, corticum cydoniorum, foliorum absinthij, rutæ, plantaginis an. m. j. coquantur omnia, deinde pistentur diligenter, & cum modico olei rosati omphacini fiat emplastrum. Vsus autem horum emplastrorum est, vt in linteamine subtilissimo ponantur, & parti affectæ applicentur; si que refrigerentur, recalescant, ita vt semper saltem tepentia conseruentur. Lati lumbrici curatio parum est diuersa à curatione rotundorum, quemadmodum dicebat Aetius, & Paullus. Sed si vlla differentia est, ea proposita fuit à Gal. 14. Methodi, & ante etiam significata à Corn. Celso, scilicet, latos lūbricos vehemētiorib. egere medicamētis quàm rotun-

dos. Ratio est, cùm hoc animal sit satis magnum, proculdubio maioribus armis confodiendum est. Tradita tamen sunt à Medicis, quædam remedia huic malo peculiaria; & inter cetera Gal. 8. de simplici Medicina silicem scribit propriè necare latum lumbricum. Sic Alexāder Trallianus scribit hoc animal interaneū interimi à nucibus regiis, à cardamomo, & costo; succus quoque centaurij, siue eius decoctum mirificè in hac ægritudine confert. Celsus, & Alexander laudant corticem morum, si in puluerem redactus cum modico hyssopi, aut piperis exhibeatur. Pari pacto scamnoneum à Celso laudatur. Theriaca quoque mirificè valet ad enecandū lumbricum latum. Porro ascarides adhuc maioribus medicamentis indigent, quàm vllum aliud lumbricorū genus, quod traditū habetur à Gal. in fine 14. Methodi. Atque huius rei quinque afferuntur rationes ab Auicenna; quarū vna est, hæc animalia, vt diximus, remotissima esse à ventriculo, & ab ore; & ideo si medicamenta eò penetrare debent, necessarium est, vt sint valida satis. Altera ratio est ascarides ferè semper conuolutos esse humoribus lentis, & viscidis; propter quos fit, vt etiamsi medicamenta eo penetrent, tamè nisi valida sint, eorum vis penitus infirma sit. Tertiam adfert causam Auicennas, quòd ascarides sæpe vsq; ad monoculum intestinū ascendunt, ibique firmati magno labore inde auelluntur. Quarta causā est, quòd ascarides, qui ex materia crassa, & viscida gignūtur, similiter medicamen-

tis vehementioribus indegeant, quæ conterere huiusmodi materiam valeant. Postremò est, materiam, ex qua fiunt ascarides, venenosam ferè esse; cùm autem medicamenta sint ferè venenosa, atque simile à simili non admodum patiatur, ideo fit, vt à medicamentis, nisi sint vehementia, parum, aut nihil ferè offendantur. Ceterùm ascarides habent quoq; peculiaria remedia sua, quorum aliqua administrantur per aluum immediatè, aliqua verò per os. Quæ administrantur per aluum, sunt clysteres, suppositoria, fomentationes, inunctiones. Inter clysteres ab omnibus acris laudantur, veluti sunt hi, qui fiunt ex materia sola, vel decoctione absinthij. & vt aliquod exemplum habeatur. Recipe foliorum absinthij m. i. lupinorum p. j. s. bulliant diligenter simul, deinde: Recipe dictæ decoctionis lib. i. mellis rosati vnc. iij. salis drach. j. s. misce, & fiat clyster. Pro supposito hinc poterit parari. Recipe nitri, salis gemmæ an. scrup. j. fellis taurini drach. j. mellis quantum sufficit, fiat suppositorium. Fomentationes possunt parari ex decocto parato pro clysteribus. Vnctiones autem hæ sunt accommodatæ. Recipe fellis taurini drach. j. s. pulueris lupinorum drach. ij. olei de absinthio vnc. ij. vini generosi albi vnc. s. misce ad ignem. Modus administrandi has inunctiones est, vt fiant ex linteamine collyria longa, & oblita hoc medicamento indantur in anum. Laudat similiter Actius carnem salitam de rasâ pinguedine in formam glandis redactam. Sic etiam caseus antiquus sali-



tus mirificè pdest. iuuat quoq; cedria per clysterē infusa. Vbi expurgata sunt huiusmodi medicamentis intestina ab ascaridibus, fuit sententia Aetij, vtendum esse adstringentibus, quasi medicamenta adstringentia sui frigiditate & siccitate conferant ad prohibendā nouam ascaridum generationem; eapropter, dum erit occasio, eadem curationis ratione vti conueniet. Exempli gratia, huiusmodi clyster erit utilis. Recipe foliorum plantaginis, polygoni, nucleorum myrobalanorū citrinorum, corticum granatorum, baccarum myrti, lupinorum an p.s. contusis omnibus diligenter fiat decoctum; cuius decocti Recipe lib. j. olei rosati omphacini vnc. iiii misce & fiat clyster. qui vt prodesse valeat, continendus est quamdiu fieri potest. Per os etiam sunt multa, quæ laudantur in hoc genere lumbricorum curando. Laudat Auicennas scammonium, & colocyntidem. Sed hæc remedia generosa in pueris sunt vitanda. quare multo melius & vtilius medicamentum est illud, quod proponit Auicennas, factum ex succo ireos; huiusmodi enim succus non tantum ducit aluum, & consequenter ascaridas: sed etiam peculiari quadam facultate eos interimit. Multa alia à Medicis tradita sunt remedia pro lumbricis; quæ non est, vt hoc loco prosequar omnia; sat fuerit exempla eorum, quæ putantur efficaciora, proposuisse.

F I N I S.

ALEXANDRI  
TRALLIANI  
DE LVMBRICIS  
EPISTOLA,



*Clarissimis viris*

PETRO IVSTINIANO,  
IACOBO FOScareno DO-  
*ctori, & Iacobo Suriano;*

Hieronimus Mercurialis s. D.

**H**X quo inter tot praclarissimos hu-  
iusce gymnasij professores, ut ego  
quoq, cooptarer à vobis, dignus ha-  
bitus sum, id semper cogitavi, ut a-  
nimi mei gratitudine aliquando a-  
pud vos testatam facerem. sed haectenus nihil mihi  
contigit cuius perspecta conditiones planè vota  
mea explere visa sint. Ne tamen quod occasionis in-  
opia factum est, ingratitude potius factum pute-  
tis, aliquod veluti procerium futurarum mearum  
erga vos actionum tradere statui; non quòd vestris  
in me maximis beneficiis hoc testimonio vlla ex par-  
te responsurum me confidam; sed ut ex huiuscemo-  
di exiguis rebus quam voluntatem geram, & id a-  
liquando prestaturus sim, intelligatis. Etenim cum

libros quatuor variarum in medicina lectionum à me olim Roma collectos, edere à multis, qui gymnasticam meam anno elapso editam, magnoque eruditorum applausu receptam scientes, idem his euenturū sperant, coactus essem; forentque ex auditoribus meis plurimi, qui obnixè peterent, ut illis quam manuscriptam haberem Alexandri illius Tralliani summi medici de Lumbricis epistolam Græcam simul atque Latinam, nec non aliqua ex plurimis quæ feci de rebus medicis responsis coniungerem; non potui omni ex parte deesse ijs, qui à me iure quodam omnia exigere videntur. Itaq; responsis in aliud tempus dimissis, epistolam sub vestris nominibus publicandam curavi; persuasum habens, hac nuncupatione non parum auctoritatis illi accessurum esse. Quod namque sit Alexandri epistola, primo indicat codicis Vaticani, à quo illā accepi, vetustas, deinde scribendi modus, atq; orationis character; postremo Arabum scriptorum fides; qui cum quadam, quæ solum in hac epistola reperiuntur, eo pacto citent, quores Tralliani consueverunt, sanè videntur ipsam veluti illius genuinā agnouisse. Vestrū igitur erit, hanc qualemcumque alacriter suscipere, maioraque (si Deus dabit) certo in dies à me expectare. Valete.

Patavij Kal. Nouembris,

M D L X X.



## ΕΠΙΣΤΟΛΗ ΑΛΕΞΑΝ-

δρου Τραλλιανῶ, Περὶ ἐλμίνθων.

**Γ**ΕΓΡΑΦΑΣ μοι φίλτατε Θεόδω-  
 ρε πατρὶ τῷ σου πατρὸς ἀπολέσθαι κιν-  
 δυβόοντος, ὅπως αἰπιτῶν ἐλμίνθων ἀνα-  
 ρθῆν διωκαμένων ὑμῖν ἀποδείξαντες φάρμα-  
 χον, ἡγοίμεθα βοηθοὶ αὐτῶν. ἐχρήσθαι δὲ ὑμᾶς  
 μὴ μόνον τῷτο γράψαι, ἀλλὰ καὶ αὐτὸν τὸ ἄρ-  
 ρῶσον ὑποπείθεσθαι, εἰ πάρεστι πυρετός, ἢ  
 ἔμετος, ἢ τῆς γαστρὸς φθορά· καὶ πῶς ἔχει τὰ τῶ  
 ὀρέξεως, ἢ δίψης· αὐτῶν τε τῶν ὀφθέντων τῶ  
 εἶδος τῶ ἐλμίνθων καὶ ἀπλῶς ἀπὸλυτα διελ-  
 θεῖν, ὅσα τε τῶν νῦν ἀγέθουσι σκευασθῆναι, καὶ  
 ὅσα παρηγήσασθαι. ἔγω γὰρ σοὶ τε δι' ἡμετέ-  
 ρα τὰ παρ' ἡμῶν ἔδοξεν, ἐγὼ τε οὐκ αἰδέθη-  
 διν πλείονα σκευάσαι. νῦν δὲ τῶ ἀπορρο-  
 θῆναι τῶ ὑπὸ σου γεγραμμένων ἀναλ-  
 κείσθαι μὴ πρὸς ἓν, ἀλλ' εἰς πολλὰ βλέποντα  
 ποιῆσθαι μᾶλλον τῶ ἔκθεσιν. πρῶτον τοῖ-  
 νω ὑμᾶς εἰδέναί δεῖ, ὡς τελειὸν εἰρήκασιν οἱ

παλαγοὶ τῶν ἑλμίνθων εἶδος· ἐν μὲν, ὅ μιν  
 κρὸν πρῶτον καὶ λεπτόν, ὃ καλεῖται εἰώθασιν ἀσκα-  
 εἶδας· δεύτερον δὲ τέτων, ερογγύλον· καὶ  
 τρίτον ἄλλο ὅ τῶν πλατέων. ἔχουσι δὲ τῶν  
 γένεσιν, αἱ μὲν λεπταὶ καὶ μικραὶ, πρὸς τὰ κα-  
 τὰ μέρη τῶν παχέων ἐντέρου· αἱ δὲ ερογγύ-  
 λαί, πρὸς τὰ αἰώμαλλον τῶν ἐντέρων· ὡστε  
 καὶ ἐπομβαίνουσι αὐταὶ ἀκριβῶς τῆς γαστρὸς· ὅ-  
 θεν καὶ ἐμοῦται πολλάκις. αἱ δὲ πλατεῖαι εἰς  
 τοσοῦτον ἤκοισι μέγεθος, ὡστε καὶ ὅλην συμ-  
 παρεκτείνεσθαι τῶν ἐντέρων. οἶδα δὲ ἐγγί-  
 που ἰσχυρῶν ἐκείνησαν. καὶ αὕτη μὲν  
 αὐτῶν ὅστις ἢ δισφορεῖ· τίκτον δὲ ἀπὸ δισ-  
 φορεῶς σιτίων, καὶ σήψεως ὡμῶν χυμῶν.  
 ἀφαινοῦσι οὖν πρῶτον τίνες τῶν εἰσὶ καὶ πε-  
 εὶ ποῖα μᾶλλον μέρη οἱ πλεονάζοντες ἑλ-  
 μινθες, καὶ πολὺ πρῶτον αὐτὰ τέτω οἱ  
 πλεονάζοντες ἑλμινθες, ἔρχου ἕτως ὅτι τὴν  
 θεραπείαν αὐτῶν. συμβαίνει γὰρ δάκνεσθαι  
 τὴν ναυλίαν τὸν πᾶσα, καὶ εροφᾶσθαι· ἐνδέ-  
 χεται δὲ καὶ ἀπὸ χολώδους χυμοῦ, καὶ μο-  
 ρφῆς,

ῥηθεις, κὶ ἀφαφθοραὶ, τὰ αὐτὰ γίνεσθαι.  
 μὴ οὖν δὲ ὑπονοίας, ἀλλὰ μὲν σκέψεως ἄ-  
 μα πρότα εἰ φανῆ ἀκριβῶς, τότε καὶ αὐτὸς  
 ἔρχου ὅτι τὴν θεραπείαν θαρρῶν.

Σημεῖα τῆ ὑποκείσθαι ἑλμινθας.

Διαγνώση δὲ τῆς ἑλμινθας ἕκ τε τῆς  
 πωρηγμοσμηδίων ἀγρυπνιῶν τε πολλῶν καὶ  
 ἀπεψιῶν, ὧν πωρηγμῶνται παχύτεραί τε κὶ  
 πλεόστερα τῆς ἐδεσμίτων ἐδώδα, κὶ βα-  
 λανείων σμύχλαι, καὶ μὲν ἔσθλιον γίνονται  
 δὲ αὐτοῖς ἐρόφοι, καὶ ἰύξας, καὶ δήξας, κὶ συ-  
 σολαί πινές ἀναδέεις εἰς δρῶδρα. ἢ δὴ ὅσμιε-  
 χόμηνοι τὰ πάθη καὶ τῶ ἑλμίνθων αὐξανο-  
 μηδίων ὅτι πλέον, καὶ οἱ σφυγμοὶ μικροὶ γί-  
 νον) κὶ ἀμυδροί, κὶ τοῖς ἐκλείποισι, κὶ παλιν-  
 δρομοῦσιν. ἢ δὲ ἀφή καταψύχεται· καὶ πα-  
 ραφρογῶσιν, καὶ βίξοισι τῆς ὀδόντας, καὶ τῆ  
 γλάσῃ τὰ χεῖλη τείβοισι, καὶ λοιμῶδες  
 καὶ σηπεδονῶδες ἀναπνέοισι ἀφ' αὐτῶ σώμα-  
 τος, καὶ ἀγορεκτῶσι· καὶ ἴω ἀν' ὡροσιν ἐκω-



σι Ξοφίω, ἐμοῦσι ταύτω δ' ἄγ' ἔχουσιν ἔγρηφο-  
 νται σιωχῶς, καὶ ἀπορουῶντες ἀνακλήσεως,  
 ἄλλοτε ἐν δ' ἄλλω τόπῳ ῥίπτουσι μέγρι πολ-  
 λῶ· καὶ τελευτᾶν ὅταν ἔχωσιν ἐγάτως, ἰ-  
 δρουῶντες ψυχρὸν τε καὶ συσκοτικόν. Ταῦ-  
 τα ἔστι τ' ἐχόντων ἑλμινθας σημεῖα· μηκέτι  
 δὲ μηδὲν ἄλλως βοηθεῖν, καὶ πωρροφέρειν ὀρθῶς,  
 ἢ ὅσα περὶς αὐταὶ τὰς ἑλμινθας ἀναγράφει.

Θεραπεία ἐλμίνθων μετ' πυρετῶ.

Ὅτι μὲν λεπτιώσα διαίτα πᾶσι τοῖς ἔ-  
 χουσιν ἑλμινθας ἀρμόζει, παρτί που δὴλον.  
 ἀλλ' ὅτι τῶν πολλοῖς τῶν λεπτιωόντων ἀ-  
 πύτων ἓ μία τις ἀφωγία, ἀλλὰ ποικί-  
 λη καὶ ἀφωροσ, ὅ μὲν αὐτῶν μετέχον σα-  
 φῆς θερμασίας καὶ πολλῆς, ὅ δὲ μετεῖως καὶ  
 ἀνεπαμαθῆτως, καὶ ἀσπίον ἔστιν ἄρην τὰς πυ-  
 ρετὰς ἔτως παροξυώντας, ἀδὴλον ὡς εἶγα  
 πυρετὸς ἅμα τε ἑλμινσιν ἐνοχλῆν φαίνοιτο,  
 ὡς ὁδὲ τοῖς σφόδρα καὶ λεπτιωῶν δυνάμε-  
 νοις χρῆσθαι καὶ ἀναγράφει αὐτοῖς καὶ φθειρῆν εἰώ-  
 θασιν,

θασι, ἀλλὰ μάλλον τοῖς μετείοις (ὡς ἐν-  
δέχεται) θερμαίνην καὶ λεπτιώην δυναμέ-  
νοις. ἔστι δὲ τὰ τοιαῦτα, τῶ τε σελίνου τ' ῥίζης  
τ' ἀπόβρογμα, καὶ τῶ χαμαμήλου, καὶ τῶ  
μιχλίων καλουμένων. ὧν ἡ ὕλη μάλλον τ'  
κατὰ γλιχρον κέκτηται μὴ λεπτιώων. εἰσὶ δὲ  
ἀφ' ὧν τὰ τοιαῦτα, ἢ τὰ πρὸς θερμαίνον-  
τα τῆς πυρετῆς αὐξή, καὶ καταβολῆς τ' δύνα-  
μιν. δρόσος εἰχέτως ὄντων πυρετῶν, ἀνοίκεια  
εἰσὶ τὰ τοιαῦτα, ὅσα δὲ πρὸς τ' πικρὸν καὶ δρι-  
μὺ κέκτηται.

Περὶ ὑπαγωγῆς γαστροῦ.

Ἐπαγωγή ἐστὶ γαστροῦ ἀπὸ ὑδρελαΐας, καὶ  
ἢ μελίκερατος ὑδατος, ἢ χαμαμήλου μετὰ  
μέλιτος. ἔξωθεν δ' ἐπὶ οἰνελαΐᾳ δεῖ βρέχην τ'  
σπλάγχνον ἀποβραχείσης πρὸς ὀλίγον ἀ-  
ψίνθον.

Περὶ τῶ σφόδρα πυρεσσόντων.

Εἰ δὲ σφόδρα ὁ πυρετὸς εἴναι σοι φαίνοιτο

πόνυ, καὶ ὁ ῥόδόμελι δίδου. καὶ γὰρ δισόμα-  
 χόν ἐστιν, καὶ ἐλμίνθων ἀναιρετικόν. ἀλλὰ ὁ ἐν  
 αὐτῷ ὑπόπικρον. ἔστι δὲ καὶ ἀδιψόν, καὶ ληξο-  
 πύρετον. τύπου δὲ μὴ παρόντος, ὑδρορρόδινον  
 δίδου, ἢ ὑδρορρόδινον. ἔξωθεν δὲ κηρωτῆ ῥοδί-  
 νη καλῶς σκόδαθεισα. δεῖ γὰρ τὸν κηρὸν ἐν  
 ὕδατι πολλάκις ἀποπλῦν, καὶ ἔτιος ὁ ῥο-  
 δινὸν ὀπιθώμεν καὶ λισον, ἡρέμα τε ἐψῆν, ὡς-  
 τε μὴ καῖναι ὁ ῥοδινόν. ἔστι δὲ ὁ ἴσος ἔκη-  
 ροῦ. μὲν δὲ ὁ μιγνῶναι καλῶς, ὀλίγον πεί-  
 μνον ἕως ἐψυχθῆ. φύξας αὐτὸ καὶ μικρόν,  
 ἕως ἀνένωθῆ, ἐκ τῆς χαλκοῦ ὀπιθώμεν πόνυ-  
 τα ἐν τῇ θυεῖα, καὶ τείθεστω πίνως, ὀπιθώ-  
 λων ὀλίγον ὑδρορρόδινον, ἕως ἐψηθῆ. μαλα-  
 κὸν πόνυ, καὶ δίουρον. εἰ δὲ οὖν ἔτιος σκόδα-  
 θῆ, καὶ τὰ πυρετὰ μάχε, καὶ εἰ ἄρτι καὶ δῆ-  
 λο παρενοχλῆ, καὶ τὸς ἐλμίνθας ἐκλινάσθαι.  
 ἀλλὰ τὸ καίτω γαστρός, καὶ νεκρὰν τὴν ὄρεξιν καὶ  
 ἀσθενῆσαν ἐπεγείρῃ, καὶ πρὸς δῆλα δὲ πάθη  
 ἀφαικῆ ποιῆ καλῶς, οἷον ὀπιθῆ ἐρσιπέλα-  
 τος, καὶ ἀνδράκων, καὶ τὸ ἐν δακτυλίῳ θυομέ-



νης φλεγμονῆς, καὶ ἐπιρρομαλισμῶ ἢ ποδῶν  
 θριμῶ καὶ χολῶδες ἔστι ὃ ἐπιρρέον· καὶ κε-  
 φαλαλγίαν δὲ χροῖαν, ἀφ' ἧς θερμότησα γι-  
 νομῆναι, ὡφελῆ· καὶ ἀπλῶς ἔτω πολυχρη-  
 σον κηρωτῶ ὄκκ ἀνδύοις. καὶ ἀφ' ἧς  
 ἀγχρύσης ἢ ἐὰν ἔτω σκευασθῆ, χρησιμοπο-  
 τη ἔστιν ἐφ' ὧν ἔστι πυρετός. καὶ ράκη εἰς ὑδρέ-  
 λαμον ἄρεια. ποῖς δὲ ὃ ἔλαιον εἰ ἔστι χαμψί-  
 μήλινον. ἐν δὲ τῷ ὕδατι τῷ ἐπιμιγνυμένῳ  
 δεῖ ἐμβασθῆν μελίλωσα, καὶ χαμψίμηλον, καὶ  
 ὀλίγον ἀψίνθιον, καὶ ἔτως ἀποζέινυσθαι. ράκη  
 δὲ πρὸς φερέσθω μὴ πόρῳ θερμῷ. εἰ δὲ θε-  
 ραπείας, ὡφελήσθαι δὴ· ἐκτός μὲντοι τῶ  
 ἀψίνθινος. πικρῶν γὰρ εἰ θεραπείαν ὁδοῦ-  
 νι τῶν κατὰ γαστέρα. Ἰωάννηον γὰρ ἀνα-  
 δραμοῦνται αἱ ἔλμινθες μάλλον ἐν τῆσιν  
 αἰῶ. δεῖσθαι εἰ μὴ πόρῳ κωλύσθαι ὁ πυρετός, ἐ-  
 πιβάλλειν δεῖ μέλι. ἔτω γὰρ ἅμα καὶ τὸς ἔλ-  
 μινθας πρὸς βεπέσθω τῶν κατὰ, καὶ τὰ τῶ-  
 ποῖς βέβη δυνάμεινα πείσθαι παχέα καὶ  
 γλίχρα ὄντα. εἰ ἢ καὶ τῶν γινόμενων ἐπι-

μύδ' τὰ τῶν πυρετῶν, καὶ δίψα πολλὴ ὑπάρ-  
 χει, κέχρησο καὶ τῇ δὴ διαίτῃ τῇ φύξιν τε καὶ  
 ὑγρὰν δωμαμύην. ὃ γὰρ σφοδρὸν τῶ πυρε-  
 τῶ, γλωδὴ ἔπιμιξίαν χυμοῦ δείκνυσι ἐν τῷ  
 σώματι. ἔπι τούτων ἐν πᾶσι φέρειν δεῖ πι-  
 σάνην μὲν φύξιν καὶ τῶ ὑγρῶ, καὶ τῶ λεπύ-  
 νην δωμαμύην. καὶ μὴ θαυμάσις εἶπαι πᾶσι  
 φύξιν ἐχρησάμεν. αἰεὶ γὰρ πᾶσι ὁ κατε-  
 πείργειν σίτισα ἄχρη, καὶ σπουδάζειν δίκρα-  
 σίαν αἰεὶ πεποιθὴν τῷ σώματι. ταύτης γὰρ  
 παρῴσης ἔξον, ἔστι καὶ τοῖς λεωλιώουσι ἀ-  
 βλαβέστερον κεχρησάσθαι λοιπὸν, ὅξοις τε βρα-  
 χύ, καὶ ῥίζης σελινος, ἐν τῇ ἐφήσῃ αὐτῆς ἐμ-  
 βλήσοντας. ἔτω κέλλιστος καὶ ὠφελιμώτατος ὁ  
 χυλὸς αὐτῆς. εἰ δὲ μηδὲν πᾶσι λάβῃ τῶ  
 εἰρημύων, ὅθεν δὴ ἢ ἔσφῃ τῶ ἐλμίνθων  
 γνήσεται μᾶλλον. ἀλλὰ καὶ τῶ λαχρῶν  
 ἐαδίετω τὰ ἰνπιθα, καὶ τὰ θριδακίνας, τὰ κα-  
 λάμνα μαροῦλλα ἐφθὰ εἰς ὄξύκρατον αὐ-  
 τὰ ὑδαρὲς ἀναβάσσειν. εἰ δὲ ἀκαίρως ἔχη,  
 καὶ διψώδης ὁ κάμνων, καὶ τῶ πέπωνος τὸ ἐν-

τεριώνην

τρειώνιω δίδου ἔχθρὸν καὶ ῥυθμικόν. ἀλλὰ καὶ  
 συκαμίνα. ταῦτα δὲ μὲν τὸ τριῶν γαστέρα ὑ-  
 πάγαν, καὶ ἀλλῶς πῶς ἐλμίνθων εἰσὶν αἰαιρε-  
 τικὰ. δίδου πάντα εἰς κόρον. ἀλλὰ πολλάκις  
 καὶ δι' ἀπορίαν Ἑσφῆς αὐτῶν τῆς ἐντέρων  
 εἰς τοσοῦτον ἤφαντο, ὥστε καὶ ἀπὸ τῆς δερμα-  
 τος αὐτῶν ὀφθιῶσαι διεξιόντας. νυκτὶ δὲ καὶ πρὸς  
 τὸν πυρετὸν καὶ περσάοις ἰσχυρὰς δίδου πωροφ-  
 λιφότας ἐν τῇ ἐψήσῃ ὄξος. ἀλλὰ καὶ πε-  
 ρειτεράς. ταῦτα καὶ πρὸς τῆς ἐχόντων  
 ἐλμίνθας μὲν πυρετῶ.

Πρὸς τῶν ἐχόντων ἐλμίνθας αἰὲν πυρετῶ.

Εἰ δὲ ἀπύρετος ἔσται ἀρχῇ, μηκέτι δὲ ῥο-  
 δόμελι δίδου, μήτε πέπωνα δι' ἡμερῶν. ἀλλὰ  
 καὶ δὲ πόμα, καὶ ἢ Ἑσφῆ πᾶσα, γινέσθω λε-  
 πτωμάσθω. οἶον ἀπὸ σελίνων τε, καὶ πωροφ-  
 σων, ἢ καυκαλίδος, ἢ γιγιδίς. ἔσθ' ὅτε δὲ καὶ  
 σκερδάων, ἀμυδάλεων πικρῶν, καὶ ὅσα τρι-  
 αῦτα. μελαίθιον τε ἐπὶ κύμινον μετὰ ὄξοις  
 συκαμίνον. καὶ μασίχην ἢ κάρωπαρις ἀρ-



μωξ τῆποις, καὶ ὁ τῶ ἀβροτόνζ ζῆμα, τῆς  
 κέμης τῶ ἀψιθίς, καὶ ὁ τῶ ἠδυόσμε, καὶ ὁ  
 τῶ δικτάμιν, καὶ ὁ καλυμνόν κύφιερα-  
 υκόν. καὶ ἡ θμειακὴ καὶ πωρὸς ταῦτα ἀρμό-  
 ζι· ἔμόνον τῶσόντας φτείρι, ἀλλὰ καὶ ἄλλες  
 οὐ συλχωρὴ ἀποτελθῶναι, εἴγε πωρπίνῃ τις  
 ἀπαλξῆ δις τῶ μινυός. καὶ ἔγωγε πολλάκις  
 ἐπέτυχον δεδωκὸς αὐτῶ ἔπι τῶ πολλὰς  
 ἐχόντων ἔλμινθας μετὰ ἀναεσπῆς σωμα-  
 χος. καὶ ὁ γαζάτης δὲ λίθος, πωρμύ ποιῆ. κα-  
 λῶς δὲ ποιῆ, εἴ ἄρ τι καὶ δῆο, κερκία διδόμε-  
 να ἔσωθεν, καὶ ἔξωθεν ἔπι τῶ δέμα. καλῶς ὁ  
 ποιῆ καὶ ἡ ταυρία χολὴ μετὰ μωελεῦ ἔλα-  
 φείς, ὡς ἄρ καὶ μετὰ κεδρίας μινυομένη. ὁ-  
 μοίως δὲ ποιεῖ καὶ ὁ θέρμινον ἔλαμον, μετὰ  
 μωελεῦ ἔλαφείς, κατὰ τῶ ὀμφαλοῦ ἔπι-  
 πλεμνον. καὶ ἡ κηρωτὴ δὲ ἡ Γαλιυία ὁμοίως  
 ποιεῖ. καὶ ταῦτα μὲν ἀρκουώτως δοκῆ μοι  
 ἔχεν. καὶ γὰρ εἴρηται πωρὸς αὐτῶν εἰκότως ὁ-  
 ποίοις δεῖ βοηθήμασι χρῆσθαι πωρὸς τὰς ἐπι-  
 τὰ σώματι πλεοναζούσας ἔλμινθας, εἰ με-  
 τὰ

Τὰ πυρετῶ ὑπάρχουσι. ἵνα δὲ καὶ ἐτοιμῶς  
 ὑπομνήσκῃ ἕξ μέρους· ἢ μηδὲν πολ-  
 λῶν βιβλίων ἐκρήσομεν σοι, πλείων εἰς ὅσα  
 τοῖς τε αἰείοις τῶν ἰατρῶν καὶ τῶν ἀκρῶς ὑπὸ  
 ἐμοῦ μεμῶρτηρημένων ἢ πείρα ἐξέδωρεν· καὶ  
 ὡρθῶτον γὰρ τῶν πλεονεξίας ἐλμινθας ἀγα-  
 ρῆν διωαρμῶν μνημονόσομεν, ἕως ἵνα τῶν δῆ-  
 λων μᾶλλον αὐταὶ ἔπι κίνδυνοὶ εἰσὶ.

Περὶ τῶν πλεονεξίας ἀγαρῶντων ἐλ-  
 μινθας· Ἀλεξάνδρου.

Κάρδαμον ἐλμινθας πλεονεξίας ἐλκῆ  
 καὶ τριπόρνον. ὁμοίως δὲ καὶ ὀκέστος, καὶ ὁ  
 κίκνον ἔλαμον πινόμενον. καὶ κάρνα βασι-  
 λικὰ πλείονα βρωθέντα, ἐλμινθας πλε-  
 νεξίας ἐκβάλλει ἢ ἀγαρῆ. ἐλμινθας ἐκβάλλει  
 ἡ φλοιὸς ῥοδακινέας, φύλλα μυρσίνης, ῥοιαῖς  
 ἀγῆ· καὶ ἐλμινθοδότανον τείφας πόπιζε.  
 συκαμινέας τῆς ῥίζης ὀφλοιὸς ἐν ὕδατι ἐψη-  
 θείς· καὶ ὁ ἡλιόθεπιον πινόμενον ὁ πικρὸν  
 μετὰ τῶν καρπῶν, σιῶν ἵβω καὶ ὑσώπω, καὶ  
 κάρδαμον σιῶν ὕδατι πινόμενον ἐλμινθας

ερογγύλας καὶ πλατείας ἐκλινάσθαι μετὰ  
 γάρου ἢ μέλιτος, < γ' ἐκλιχόμενον, καὶ χα-  
 μαλέοντος λδοκοῦ ἢ ῥίζα ποτειῖσα ὄξυβάφει  
 πλήθος στυοίνω αὐστηρῶ μετὰ ὄξει γύλας ἀ-  
 φεψήματος, ἔλμινθας ἐκβάλλει. ὑσώπου  
 καὶ καρδάμου ἢ ῥίζα τέταρτον < μετὰ μελι-  
 κράτου ἐκλαμβανόμενον ἔλκει· βέλιον μὲν  
 τοι μετὰ σκαμμωνίας ἢ ἐλλεβορέου μέλανος  
 ὀβολῶν β'. εἴ τις δὲ σκέρδα φάγη, καὶ λάβῃ  
 θηλυπτερεῖς ἢ ῥίζαν ἐκλιγῶν ὄξυ μέλιτι, ἔξ-  
 ἀγ' ἔλμινθας πλατείας. στυοίνω δὲ πινο-  
 μένη < πλήθος ερογγύλας ἐκβάλλει. ἢ χυλῆς  
 κενταυρεῖς μετὰ κυμίνης ὀπιλιθέμενος, ἔλμιν-  
 θας ἐκβάλλει. μέλαντιον ὑδατι λφωθὲν καὶ ὀπι-  
 καταπλασθὲν κατ' ὀμφαλοῦ, ὁμοίως ποιεῖ. καὶ  
 σικύα ἀγρίη ἢ ῥίζα ἐψημένη ὑδρομέλιτι. καὶ  
 τέτω, ὀπιβαλλομένη μετὰ ὄξει ἐψηθῆναι,  
 λινοσπέρμου μέρη β', θερμίνε ἀλόρου μέ-  
 ρος ἓν, καὶ πάλιν ἐψημένη, καὶ καταπλασ-  
 τήνη τὰ αἰώπηδύτα μέρη τέτων, καὶ πλα-  
 τείας ἀναίρει, καὶ ερογγύλας. καὶ ἀπλῶς σφό-  
 δρα



δρακινδιωδόντων ὑπὸ ἐλμίνθω, ἔξωθεν  
 πωρεσφένε), καὶ θαυμασῶς.

Περὶ τῆς ερογγύλας ἀναρωτώτων ἔλμινθας.

Αἰαμφὶς ἢ καὶ ἐκβοήθῃ ἔλμινθας ερογγύ-  
 λας, καὶ ὁ σπέρμα τῆς ἡμέρας κράμβης, καὶ μά-  
 λιστα τῆς Αἰγυπίας πινόρμυον, καὶ ἔλαμον κοινὸν  
 πόρυ μετὰ πηγρῶς ἐφῆθεν, καὶ ποτὲν θερμὸν  
 κυάτους εἶ, καὶ πλήθος ἐλμίνθων ερογγύλων  
 ἐκβοήθῃ. καὶ ἀνδράχης ὀχυλὸς πινόρμυος. καὶ  
 θαλασσία ἀψίνθη ἐφῆθεισα ἢ καθ' αὐτήν, ἢ  
 μετὰ οὐρίσης, καὶ ληφθεῖσα μετὰ μέλιτος, ἀσκα-  
 είδας ερογγύλας ἐκλινάσθῃ, ὑπεξάστῃ τῆς  
 κυλίας. καὶ λίθον γαγάτιον ἐφῆσαις ὕδαλι δί-  
 δου πίνθῃ. καὶ ὕατωπον ἐφῆθεν μετὰ σύκων καὶ  
 ὕδατος καὶ πηγρῶς ποτὲν, τὰ αὐτὰ ποτὲν, καὶ σιὴν  
 μέλιτι ἐκλεχόμενον. καὶ χυλὸς ἠδυόσμη με-  
 τὰ ὄξους πινόρμυος. καὶ χαλαμίνθη πινορμύη  
 σιὴν ἀλοῖ καὶ μέλιτι ἐφῆθη τε, καὶ ὠμὴ τεδιμ-  
 μύη, λίαν ἔλμινθας ερογγύλας καὶ ἀσκαεί-  
 δας ἐκβοήθῃ. καὶ γύμος πινόρμυος μετὰ μέ-  
 λιτος, καὶ ὁ κορὸς σπέρμα ὀλίγον ποτὲν μετὰ

γλυκέος, ἔλμινθας ἰκθιδή, καὶ τὸ ὄξαιον  
ὅτι πλέον κινῆ.

Περὶ ἀσκαείδων.

Κέδρος σκώληκας καὶ ἀσκαείδας κλυζο-  
μύη φτεῖρ. οἶνον καὶ ἄλουργον ἐφήσας σιῶ  
μελανθίω κατὰ πλάσσει. κέλλιον δὲ γίνε<sup>ν</sup> εἰ  
κρίθινον εἰς ζέμα χαμαιμήλου ἐφήσας ὄξαι-  
κλύζης. κτείνδ<sup>ν</sup> καὶ σκώληκας πορυτοίας, καὶ  
ἀσκαείδας, καὶ ὁ ῥίνισμα τῷ ἐλέφαντος δι-  
δόμνον. πορυτοίας ἔλμινθας φτεῖρ καὶ χαλα-  
μίνθ<sup>ν</sup>, ξηραὺν βάλλων εἰς ζέμα. β' καὶ ἐφε μέ-  
γρι τυσάπεως τείτου. τὸ πορὶ πρὸς πορυ-  
τοίας ἔλμινθας. καὶ ῥόδιον ἔλαμον μετὰ ἐφή-  
ματος χλιαίων πόπιζε. καὶ ἀλείω δίδου καὶ  
ἰλίθον μετὰ ὄξαι. καὶ σόροδα ἐσθιόμνα  
ποιῆ. καὶ ὁ ἀβρότονον ζενύμνον ἕως συσά-  
σεως τείτη, δίδου πρὸς ἔλμινθας. βέλιον  
καὶ εἰ ὄξαι πρὸς πλέξης ὡς ζέματι. ἐστὶ καὶ  
ἀπὸ μυσία εἰρημνία τοῖς παλαγοῖς, εἰ κα-  
λῶς πρὸς ἐξής, καὶ ἀκριβῶς ποιήσας.

Τέλος Ἀλεξάνδρου.

ALE-

ALEXANDRI TRAL-  
LIANI EPISTOLA DE  
LUMBRICIS: EX ANTIQVIS-  
SIMO CODICE VATICANÆ BI-  
BLIOTHECÆ: NUNC PRI-  
*mum Latina reddita.*



DE literas à me Theodore ami-  
cissime efflagitasti, vt puero tuo  
iam à ventris animalibus iugula-  
ri periclitanti medicamento ali-  
quo ex iis quæ lumbricos necant  
misso succurrere velim. Atqui  
non hoc solum vos ad me scribere opus erat, sed  
& ægrotum ipsum conspici, si febre tentetur,  
si vomitus, aut ventris fluxus adsit; nec non quo  
pacto fame, sitiue teneatur: ad hæc vermium i-  
psorum inspectorum formam; ac (vt vniuersim  
dicam) omnia enarrare conueniebat, quæ affe-  
ctionem præsentem comitantur, quæque ean-  
dem præcesserunt. Sic enim, & tibi scripta nostra  
visa fuissent faciliora, nec plura simul congerere  
mihi necessum fuisset. Nunc verò cū scriptis tuis  
nil diffinitum habeatur, non vnius tantum, sed  
multorum consideratione habita sententiam  
meam exponere cogor. Itaque vobis primo sci-  
endum est: veteres tria vermium genera tradi-  
disse; vnum paruum admodum, atque tenue;



quod ascaridas nuncupare consueuerunt : alterum, rotundum; tertium, tæniarum, siue latiorum. Generantur autem tenuia & parua animalia circa inferiores crassi intestini partes, rotunda potius in intestinis superioribus; ita vt ipsa vsque ad ventriculum ascendant: vnde & sæpe numero vomitu reijciuntur. ceterùm lati vermes interdum ad tantam magnitudinem accedunt, vt vniuerso intestino coextendantur. Constat quãdoque excretos esse, qui sexdecim pedum longitudinem prope æquarunt. Atque hæc est ipsorum differentia. Gignuntur porrò ex ciborum corruptione, ac humorum crudorum putrefactione. Cùm igitur primo cognoueris qui sint, & circa quas potissimùm partes sint vermes qui abundant, tum curationem ipsorum aggredere. Accidit namque vt puer nauëa mordeatur, ac torqueatur. at idem etiã à biliosis & prauis humoribus, nec non à corruptione efficitur. Si igitur tibi non suspicanti, sed diligenter consideranti simul omnia exactè apparuerint, tunc ipse ad curationem confidenter accedito.

*Signa animalium in ventre existentium.*

**L** Vinbricos cognosces, tum vigiliarum, tum cruditatum præcedentium copia; quas plurimorum atque crassiorum eduliorum esus; nec non assidua eaque post cibum balinea antecedunt. Fiunt verò ipsi tormina, punctiones, morsus, & quædam ad articulos turpes contractiones. sunt etiam qui hac affectione detenti, lumbrici

bricisque plurimum crescentibus, pulsus paruos, obscuros habeant; aliquibus deficiētes, rursusque redeuntēes fiunt. Alij frige fiūt, delirant, dentibus fremunt, labiaque lingua premunt. Ad hęc ab ore pestiferum necio quid, & putridum efflant; inappetentia laborant, & quemcunque cibum offeras, eum statim vomūt. Continuo vertuntur, & quasi nullum decumbendi commodū sitū inueniētes, in aliū atq; aliū subinde locum seiplos diu iactant. Deniq; cū in extremo sunt, frigidis sudoribus ac animi defectionibus sollicitantur. Hęc sunt eorum quos ventris animalia infestant, indicia; quibus nulla alia ratione auxiliaberis, nec quicquā aliud cum fructu præbebis, nisi ea quæ lumbricos necare creduntur, exhibeas.

*Lumbricorum cum febre curatio.*

**A**Ttenuantem viuendi rationem omnibus lumbricos habentibus conuenire, vnicuique clarum est. sed quoniam etiam apud vulgares attenuantium quarumlibet non vnum discrimen est; sed variæ ac diuersæ differentiæ, quando eorum aliud manifesta ac insigni caliditate pollet; aliud moderatè, & insensibiliter calefacit; item raro contingit quin febres exacerbentur; constat quòd vbi febris cum lumbricis vexat, nō rebus magna attenuādi facultate præditis, etiam si animalia illa interimere & corrumpere consueuerunt; sed potius ijs vtendum sit, quæ vtcūq; contingit moderatè calefacere, ac attenuare pos-

sunt; cuiusmodi sunt aqua in qua radix apij, & chamæmelum, & ea quæ vocatur mischilia, sint macerata; quorum materia potius visciditatem, quàm attenuandi vim possidet, (cuiusmodi autem diuersa sunt) quandoquidem, quæ multum calefaciunt, vt febres augent, sic virtutem deiiciunt. iccirco merito febre existente, ea minimè congruunt; quemadmodum amara & acria sunt.

*De ventris subductione.*

**L**iquatur venter cum hydrelæo, vel cum melicrato aquoso, vel cum chamæmelo, & melle: extrinsecus verò madefaciendum est viscus vino, & oleo, in quibus absinthij modicum sit maceratum.

*De iis qui vehementer febriunt.*

**S**i vehemens febris adesse tibi videatur, tum rosaceum mel præbeto; nã & stomacho accommodatum est, & ob exiguam quandam sibi inexistentem amaritudinem lumbricos interimit: præter hæc sitim leuat, & febrem soluit. Eo verò deficiëte, hydrososatū propinato. Extrinsecus ceratū rosatum optimè paratum conueniet. oportet enim ceram in aqua sæpius abluere, atq; ita optimum rosaceum iniicere, atque lentè coquere; ita vt rosaceum non comburatur. (sint autem ceræ, & rosacei pondera paria) tum postquam exactè mixta fuerint, parum desistes, quousque refrigeretur. cùm autem paullatim ipsum  
refri-



refrigeraueris, donec vnitum sit, ex aeneo vase omnia in mortarium conice, ac valenter tunde, rosacei parum infundens, quousque admodum molle & liquidum euadat. si igitur in hunc modum paratum sit, febrī, si quid aliud, aduersatur, & lumbricos per inferiorem ventrem ducit; emortuam & imbecillam appetendi vim excitat: ad alias similiter feruidas affectiones, veluti erysipelata, carbones, bellè facit: & inflammationes ano innascētes, & acres biliosasve pedum fluxiones, inueteratosque capitis dolores, ex caliditate ortos iuuat: & (vt vno verbo dicam) nullum aliud ceratum ita multis vsibus accommodatum reperies. Ceratum etiam ex anchusa si eodem modo paretur, vbi febris sollicitat, vtilissimum est. Panni etiam hydrelæo imbuti optimi sunt. Efficax autem est oleum, si sit chamæmelinum; in aquam verò quæ oleo miscetur, melilotum, chamæmelum, & absinthij modicum iniicere oportet, atque ita feruere. sed lana non multum calida applicanda est. Quod si etiam ventrem laueris, remoto tamen si voles absinthino, vtilitatem attuleris. neque vlla amara per inferiorem ventrem cuiquam administra bis; quoniam animalia ex aduerso, potius ad superiores partes in hisce recurrunt: & iccirco nisi febris multum prohibeat, mel iniiciendum est, nempe quod simul, & lumbricos, & quæcunque crassa & viscida ipsos nutrire apta sunt, deorsum trahat. His autem omnibus peractis, si febris, & sitis maguitudo adhuc per-

seueret, vt etiam reliquo victu qui refrigerare & humectare queat. Vehementia namque febris, biliosi succi mixtionem in corpore indicat. Quamobrem his ptissanam cum aliquo quod refrigerare & humectare atque attenuare valeat, offerre necessum est. Nec te admiratio capiat, si refrigerantium vsus commendem; quoniam semper ei quod magis vrget, oblistendum est; studendumque semper vt corporis bona temperies inducatur; nimirum qua præsente, tutius de cetero attenuantibus vti licet; veluti si parum aceti, apiive radicis inter coquendum inieceris, sic optimus ac vtilissimus eius succus euadet. Verùm enimuerò si nihil prædictorum insit, nil aliud efficietur, quàm lumbricorum nutrimentum. Ex oleribus intybum, & lactucas marullas vulgo dictas, coctas, oxycrato aquoso intinctas comedat. Quod si ægrotus vexetur, sitiq; exerceatur, peponis interiora offer: abstersoria enim facultate non catet. quin & mora exhibeas; quippe quæ non modò aluum ducant, verùm etiam aliquo pacto animalia eius interimant. Omnia vsque ad satietatem concedito. quandoquidem sæpe obseruatum est ea ob alimenti inopiam ita intestina lacerasse, vt per cutim ipsam egredi visa sint. Ad hæc propter febrem saxatiles quoque pisces, qui in coctura acetum præhabuerint, dabis; similiter & palumbos. Atque tot dicta sint de iis qui à lumbricis & febre simul tentantur.

*Deijs quos sine febre lumbrici  
vexant.*

**S**I æger febre careat, neq; rhodomel, neq; p<sup>o</sup>ponem prompte concedas; sed tam potus, quàm cibus omnis attenuatorij sint; veluti apiū, & porrū, vel caucalis, vel herba bisacutū vocata. Interdum etiam allia, amygdalæ amaræ atque similia. Melanthium, cyminum aceto cōditum, nec non mastiche, vel capparisi. Conuenit his & decoctum abrotoni, comæ absinthij, maioranæ, dictamni. Cyphi item sacrificiorum vocatum. Præter hæc theriaca non solum ad existentes lumbricos interimendos valet, verum etiam eorum generationem inhibet, si quis semel vel bis in mense eam bibendam præbeat. & ego sæpius eam in magnam cum stomachi subuersione lumbricorum copiam habētibus felici successu exhibui: facit multum & lapis gagate. Belle quoq; faciunt, si quæ alia, granatorum grana data intus, exteriusq; applicata. Multum valet & fel taurinum, medullæ ceruinæ, quemadmodum & cedriæ commixtum. Pariter iuuat oleum lupinorū cum medulla ceruina vmbilico inunctū, sicut & Galeni ceratū. Atq; de his satis mihi dictū videtur. Nam de ipsis sufficienter dictū est, quibus auxilijs aduersus animalia in corpore exuberantia vti oporteat, si febris adsit. Quædam tamen particularia libenter monebo, neq; multis libris exponam; sed ea tantum, quæ & ab optimis medicinarum auctoribus & à me summa experientia comprobata inueni. Primū igitur eo-



rum mentionem faciam, a quibus lati lumbrici occiduntur, cum ab ijs minus quàm ab alijs periculum impendat.

*De ijs quæ latos lumbricos necant.*

**N** Asturtium potu sumptum latos lumbricos deorsum trahit; similiter & costus, ac oleum ricinum bibita. Nuces quoque regiæ magna copia deuorata, lata ventris animalia iugulant, atque expellunt, sicut & mali persicæ cortex, myrti folia, maliq; punici flores. Ad hæc herbam lumbricariam (*sive corallinam*) tritam bibendam dabis. Mori radice cortex aqua coctus, deinde potatus; nec non heliotropium paruum cum semine, nitro, achylo bibitum. Nasturtium præterea, tum rotundos tum latos lumbricos extrahit, si cum gari vel mellis drachmis iij. lambatur. Chamæleonis albi radix oxybaphi pondere in vino austero cum origani decocto pota lumbricos eijcit. quod similiter facit hyssopi & nasturtij radix quatuor drachmarum pondere cum melicrato exceptæ; sed melius cum scammonij, siue ellebori nigri obolis duobus. Si vero quis allia edat, ac filiculæ sceminæ sumat radicem cum melle terēs, latos lumbricos educit. & eadem radix drachmæ pondere bibita rotundos pellit. Centaurij succus cum cymino impositus, lumbricos eijcit. Melanthium aqua maceratum, & emplastri forma umbilico appositum, idem facit: idem cucumeris siluestris radix cum hydromelle elixata. cui si etiam post elixationem iniecerimus seminis lini partes duas, lupinorum  
farinæ

farinæ vnam, ac deinceps iterum coquatur, & superioribus omnibus partibus emplastri forma adhibeatur, tam latos quàm rotundos lumbricos necat. quin immo ijs omnibus indifferenter, quia a quibusuis ventris animaleulis magno periculo sollicitantur, extrinsecus adhibetur, ac mirifice auxiliatur.

*De ijs quæ rotundos lumbricos occidunt.*

**I**nterimit atque pellit lumbricos rotundos, brassicæ domesticæ, ac præsertim Ægyptiæ semen potu acceptum; oleum commune vetustum cum ruta coctum, calidumq; potum drachmarum sex pondere, rotundos lumbricos expellit. Portulacæ succus potatus, ac absinthium marinum elixatum, vel solum, vel cum orizâ & melle acceptum, ascaridas & rotunda animalia ventrê soluens educit. Lapidem Gagatem aqua coctum bibendum præbeas. idem operatur hyssopum cū ficibus, aqua, & ruta potu sumptum; atque etiam cū melle lambendo acceptum. succus menthæ cum aceto bibitus; calamentū cum sale & melle bibitum, tam coctum, quàm crudum; ac valde tritum, lumbricos rotundos & ascaridas eijcit. Thymum cum melle potu acceptum, necnon coriandri semen modicum cum passo bibitum, lumbricos educit; mentemque plurimum agitat.

*De ascaridibus.*

**C**edræ vermes atq; ascaridas clysteri infusa occidit. Vinum & farinam cum melan-

thio simul coquens, emplastri forma adhibe, melius autem fit, si hordeaceam farinam in chamæmeli decocto incoquens clysterem pares. Occidit vermes quoslibet ascaridasq; etiã eboris rasura data. vermes omnes perdit & calamentum; aridum sextarijs aquæ duobus inijecto, tum coquito, vsq; ad tertiæ partis consistentiam: hoc auxiliatur aduersus quosuis lumbricos. Oleum rosaceum cum defruto tepesciens, potandum præbeto. Dato quoq; aloen, ac intybum cum aceto. Allia manducata profunt, abrotonum ebullitum vsque ad tertiæ partis consistentiam, aduersus ventris animalia datur: melius autem euadit, si acerum decoctioni admisceatur. Sunt mille alia à Veteribus memoriæ tradita, si recte adhibeas, ac exacte componas.

*Alexandri Epistola finis.*

INDEX



# INDEX RERVM IN

## HOC DE PVER. MORB.

### TRACTATV MAGIS

#### MEMORABILIVM.

- A**CETVM neruis ob-  
est 194  
Actionum corporis quæ nã  
prius, & quæ posterius in  
macie offendantur 77.  
actiones naturales be-  
neficio natiui caloris fi-  
unt, ibid. actionum  
cerebri animalium tria  
genera 200. actio ce-  
rebri motrix tribus mo-  
dis vitatur 201. actio  
animalis dupliciter lædi-  
tur 203. actiones natu-  
rales læsæ partis læsio-  
nem præsupponūt ibid.  
Adolescentes ebrij cur ma-  
gis meiant quàm senes  
328  
Adstringentia aluum 98  
Ægyptus plena medicis 4.  
Ægyptij puerorum Me-  
dicis caruere ibid.  
Aer vel substantialiter cor-  
rumpitur, vel vitio aqua-  
rum, halituum terræ, &  
cadauerum 21. aer ca-  
lidus maciei obest 101  
Æs constringit & glutinat  
64.
- Ætatum varia diuisio 2.  
ætas puerilis 14. annorū  
termino finitur 3  
ætas puerilis neruos ma-  
ximè infirmos habet  
194  
Æthiopes natura sunt gra-  
ciles 101  
Affectus idem præter natu-  
ram morbus esse potest  
& symptoma 76. affe-  
ctus à causis externis  
producti facilius curan-  
tur 340. affectus ani-  
mi lac nutritiū corrup-  
punt 94  
Albertus Magnus falsi cri-  
mine notatus 12  
Alexandri Petronij de vari-  
olarum origine opinio  
refutatur 32, 33  
Alimentum à natura secun-  
dum temperaturæ di-  
gnitatem animalib. tra-  
ditur 33. alimentū pu-  
tre non potest foetui in  
vtero esse familiare ib.  
Altimari oscitantia 294  
Alui fluxus in variolis per-  
nitiosus est 59. alui so-  
Gg iij

INDEX IN H. MERC.

- lutio maciei inimica est  
 96. aluum in pueris quæ  
 causæ adstringunt 361,  
 362. alui magis hieme  
 quàm æstate adstringū-  
 tur 362. aluum fluidam  
 habentes morbis acutis  
 non corripuntur 363.  
 aluus fluida in iuvene,  
 adstricta in sene melior  
 est, ibid. alui adstri-  
 ctæ signa 364, alui ad-  
 strictionis curatio 365,  
 366. alui fluxus à qui-  
 bus causis excitetur in  
 pueris 368. alui fluxus  
 absque febre si intra se-  
 ptimum diem finiatur,  
 salutaris est 370. alui  
 puerorum fluxus cura-  
 tio 371, 372. alui ad-  
 strictio spasmus in pu-  
 eris excitare solet 225
- Allium appensum collo pu-  
 erorum effascinationes  
 arceret 100
- Alyssi ad finiendum singul-  
 tum efficacia 331
- Amara cur maximè noce-  
 ant infantibus 59
- Anima pueri nihil dif-  
 fert ab anima belluæ 200  
 animi affectus balbutiæ  
 inducunt 254. animi viti-  
 um corrumpit spiritus 86
- Animalia lati pectoris ad  
 vomitum propensiora  
 sunt 332. animal tactu  
 animal est 73. anima-  
 lia cuncta excepto ho-  
 mine perfectis ossibus in  
 lucē p̄deunt 239. anima-  
 lia cornigera carēt alte-  
 ro ordine denticum 151
- Apollonius corpora emaci-  
 ata sale impinguabat 81
- Apoplexiæ & epilepsiæ dis-  
 crimen 204, 205. apo-  
 plexia non tentatur pu-  
 eri, & quæ sit ratio 232,  
 235. apoplexia maxi-  
 mē fit à quadragesimo  
 anno, vsque ad sexagesi-  
 mum 233. apoplexia  
 potissimum fit hieme  
 234. apoplexiæ & epile-  
 psiæ materia secundum  
 magis & minus differt  
 ibid.
- Αρωιας καὶ ἀρρωδιᾶς dis-  
 crimen 243
- Aphtharum definitio 301.  
 aphtharū in pueris caus-  
 sæ ibid. 302. aphthis  
 potissimum infantes sol-  
 licitantur, & quæ sit ra-  
 tio 302. aphtharum dif-  
 ferentiæ & signa 303.  
 aphthas benignas à ma-  
 lignis discernēdi modus  
 305. aphtharum curatio  
 305, 306, 307.
- Appetitus in impinguatio-  
 ne necessarius est & quo  
 pacto sit excitandus 102
- Aquæ lacustres melancho-  
 liam

DE MORB. PVER.

- liam gignunt 79. aque  
 frigida vsus pinguefacit  
 106. aqua mineralis  
 potus vrinae difficulta-  
 rem parit 345. aqua  
 maximè nocet auribus  
 293
- Aquilonis flatus aluos ad-  
 stringit 362
- Aristotelis locus, vbi pro  
 ioveos & pros legitur, cor-  
 rector 11, 12. Aristoteles  
 errat 74. Aristotelis lo-  
 cus explicatus 226. Ari-  
 stoteles in describendo  
 corpore torpescit 237.  
 Aristotelis sententia re-  
 iecta 334. Aristoteles  
 hominem primo septe-  
 natio perfici statuit 3. de  
 labiorum vsibus nimis  
 ieiunè locutus est 150.  
 epilepsiam & somnum  
 eodem modo fieri asse-  
 rit 207
- Aromata caput tentat 141.  
 mulieribus nocent 140.  
 aromata coctionem ad-  
 iuuant 104.
- Arabum circa cibos in vari-  
 olis accommodatos sen-  
 tentia 60, 61. Arabes  
 in secunda vena audacis-  
 simi 62
- Ascarides iumentis famili-  
 ares sunt 408. ascari-  
 des cur. siluerit Hipp.  
 408. ascari des cur in iu-  
 metis potius fiant quam  
 in hominibus 409. a-  
 scaridum in pueris signa  
 421. ascari des cur ce-  
 teris lumbricis minus  
 prauit sint 424. ascari-  
 dum curatio, 440, 441.  
 ascari des cur vehemen-  
 tioribus egeant remedi-  
 is quam vllū aliud lum-  
 bricorum genus ibid.
- Auctoris libri definitionū  
 medicarum deprauatus  
 textus corrigitur 110
- Auenzoar filio suo trium  
 annorum sanguinē mi-  
 nuit 62. Auenzoar re-  
 prehenditur 55. Auen-  
 zoar de causis variola-  
 rum & morbillorum  
 sententia 18
- Auertoes fallitur 46
- Auicennæ & Arabum de  
 iisdem opinio 17. Auic-  
 cennas Rasi conciliatus  
 49. Auicennæ locus ex-  
 plicatus 54. Auicennæ  
 sententia exploditur 63.  
 Auicennæ erratum 102
- Aurium in variolis dolorē  
 curandi ratio 57. auri-  
 um dolor vnde oriatur  
 in pueris & qua ratione  
 curari debeat 288, 291.  
 aurium dolor in pueris  
 à vermibus excitari po-  
 test 288. aurium ex-  
 crementa amara sunt,



INDEX IN H. MERC.

ibid. aurium dolor per-  
 ricolofus eft 289. au-  
 rium doloris cauffæ qui-  
 bus fignis inueftigandæ  
 fint 290

B

Balbutie tres fpecies 244,  
 245. balbuties à quibus  
 oriatur cauffis 250, 251.  
 Balbuties naturalis à fo-  
 la humiditate oritur 253.  
 balbi fiunt melancholi-  
 ci 251. balbutiei figna  
 255, 256. balbuties in-  
 terdum ætatis progres-  
 fu curatur 256. balbi  
 cur alui profluuiò ten-  
 tentur 257, 258. balbi  
 cur melâcholici fint &  
 melancholicis morbis  
 infestentur, ibid. 259.  
 balbi cur bonis fint mo-  
 ribus 258. balbutiei cu-  
 ratio 262, 263.  
 balbutiei vocis exercita-  
 tio prodest 265  
 Balneum ficcis conuulfio-  
 nibus accommodatum  
 231. balnea in ficca to-  
 tius corporis intemperie  
 accommodata 231  
 Barbarorum infantes cur  
 celerius fua membra ex-  
 erceant quàm nobilium  
 239  
 Bafilifci in interimendis a-  
 nimalibus celeritas 85  
 Bilis in corpore humano v-

fus 360

Blæfi quinam dicantur 245  
 Boues cur hieme emacien-  
 tur, oues verò minimè  
 151

Bruta omnia fanguinea mē  
 ftruas purgationes ha-  
 bent 24. bruta variolis  
 non tentantur ibid.  
 bruta cur nunquam fe-  
 rè vomant 333. cur nō  
 eruclent 334. cur vefi-  
 cæ calculo rariffimè la-  
 borent 348. cur cibus  
 ficcis potius quàm hu-  
 midis vtantur 410.  
 Butyrum à cafeo qua ratio-  
 ne feperetur 20. buty-  
 rum ad inungenda cor-  
 pora loco olei in vfu fuit  
 apud veteres 99

C

Calculus veficæ homini pe-  
 culiaris eft 347. calcu-  
 lus veficæ cur pueros fre-  
 quentiffimè infefter, pu-  
 ellas verò minimè 348  
 calculi veficæ duplex ge-  
 neratione 349. calculus  
 veficæ à quibus cauffis  
 producat 351, 352. cal-  
 culi veficæ figna & cu-  
 ratio 352, 353. calculo  
 veficæ remedia calida &  
 tenuium partium pro-  
 funt, quæq; fit ratio 354.  
 Calida capiti affufa κεφα-  
 λαλγία tollit 284  
 Canis

DE MORB. PVER.

Canis rabidi venenum la-  
tere potest in corpore ad  
multos annos 23

Cantharides in pueris fugi-  
endæ sunt 143

Capitis aucta magnitudo  
quando morbosa sit ap-  
pellanda 108. capitis  
aucte magnitudinis que  
sint causæ, & quot spe-  
cies 108, 109. caput at-  
tractoriæ vim habet  
potentissimam 113. ca-  
put ventri superposi-  
tum est tamquam cu-  
curbitula quædam 114.  
capita augefcentia sana  
sunt 115. capitis tumor  
flatuosus quo pacto gi-  
gnatur 115, 116. rarius  
in foetu contingit quàm  
hydrocephalos, & quæ  
sit ratio 116. capitis su-  
dor cur exiguus sit in in-  
fantibus, ibid. capitis  
inflatio cui alui fluxus  
succedit, ferè irremedia-  
bilis est 119. capitis in-  
flationis curatio diæteti-  
ca 120. capitis flatuosi tu-  
moris tum in infantibus  
tum in adultioribus cu-  
ratio 121, 122. capitis a-  
quosi tumoris in adulti-  
oribus curatio 122. ca-  
pitis aqua ab internis  
partib. ad externas pro-  
pulsæ quando curari pos-

sit, & quando non 123.

capitis aquæ in externis  
partibus consistentis cu-  
ratio 123, 124. capitis a-  
qua copiosa extra cra-  
neum existens qua rati-  
one curanda sit, & quæ  
in eius curatione obser-  
uanda 125. capitis aqua  
intra cutem & musculos  
temporales consistentes  
curatio 125, 126. capitis  
tumoris ab ichorib<sup>9</sup> hu-  
morũ excitati cura 127

Cardanus alucinatur 259

Carnes in macie consumũ-  
tur 72. carniũ in cor-  
pore nostro vsus 73, 75.  
carniũ tria genera 73.  
carniũ quænam pri-  
us in macie, quæ poste-  
rius consumãtur 73, 74  
caro consumi potest a-  
ctione tactus illæsa 75  
carne consumpta vel di-  
minuta calor natiuus of-  
fenditur, & quæ sit ratio  
77.

Capræ pinguescunt cicutis  
105

Caseus recens pinguefacit  
103

Celsus à Græcis discrepat  
158. Celsus falsò flatuo-  
sam tierniam curari non  
posse asserit 160

Cerebri intemperies maxi-  
me epilepsiam gignit

INDEX IN H. MERC.

210. cerebrum vel per  
essentiam læditur, vel per  
consensum 203. cere-  
brum radix est omni-  
um morborum 107  
χάλαζα morbus suillus 11  
Cibi propria natura maci-  
em inducentes 84. ci-  
bi nutricibus conueni-  
entes in lactentium ma-  
cie 95. ciborum pin-  
guium vsu qua ratione  
aliàs pinguescant corpo-  
ra, aliàs verò macrescant  
103. cibus frigidis qui  
pinguescant 105. cibus  
partibus emaciatis affi-  
gendi ratio, ibid. ci-  
bi laxantes variolis ob-  
sunt 59. cibi in vario-  
lis accommodati 60.  
cibus corruptus in ven-  
triculo insomnia terrifi-  
ca parit 269  
Cicatrices pilos non admit-  
tunt, & quæ sit ratio 42  
Cōfectio nutricis lacti vim  
status discussoriam largi-  
ens 121. confectio ex-  
teuuatis corporibus ac-  
commodata 104  
Conuulsionis & motus vo-  
luntarij discrimen 204  
cōuulsio solius morbi o-  
pusest, ibid. cōuulsio du-  
plex est 205. conuulsio  
ex elleboro letalis est 227  
Coralus ruber ventricu-  
lum corroborat 272  
Cornarius fallitur 137. Cor-  
narij erratum 110  
Corpora collum breue ha-  
bentia cur strumis facile  
tententur 133. corpo-  
ra frigida quiete, calida  
motu macrescunt 83.  
corpora longo tempo-  
re extenuata longo tem-  
pore refici debent 91  
Coryza effectus est destilla-  
tionis 280. Coryza cur  
veterum tempestate non  
ita innotuerit ibid.  
Crisis æquæ bona atq; ma-  
la dicitur 53  
Cucurbitulæ pueris appo-  
nendæ non sunt ante ex-  
actum ætatis annum  
193. cucurbitulæ pue-  
ris adhiberi possunt tri-  
bus conditionibus ob-  
seruatis 194. cucurbi-  
tularum forma in febri-  
bus puerorum conueni-  
ens 198. cucurbitulis  
os strictum habentibus  
quando vtendum sit, ib.  
cucurbitulæ lati oris  
quando vsurpandæ ibid.  
Cura Græcis μελεδώνη δι-  
cta, & quæ sit ratio no-  
minis 83  
Cutis infantium rara est  
116. cutis dupliciter ac-  
cipitur 16. cutis qua  
ratione possit esse mor-  
bi



DE MORB. PVER.

bi subiectum ibid. cutis est veluti cloata totius corporis 17

D

De ambulationes tardæ pingue faciunt 102

Decoctum ligni materiam euacuat in ambitu corporis existentem 433

Demosthenes balbutiem vocis exercitatione superavit 265

Dentitio quid sit, & quo pacto fiat 313, 314. dentes ossa sunt sentientia 314. dentes igne cremari nequeunt 315.

dentes quo pacto ab ossibus differant ibid.

dentes cur à frigore magis lædantur quam caro 317. dentiũ vsus, ibid.

dentes cur nervis molibus à natura donati sint, ibid. dentes cur brutis in materno utero nascantur, homini verò minimè ibi. 318. dentes cur soli inter ossa ad finem vsque vitæ augeantur 319.

dentes quam ob causam decidant ac denuo renascantur, ib.

dentes quibus ante debitum tempus oriantur 320. dentes tot sunt

mulieribus, quot viris 321. dentium ordo ib.

322. dentitio cur tot cruciatus in infantibus pariat 322. dentitionis morbosæ signa & curatio 323.

dentitio curalui fluxum in pueris excitare soleat 369

Depilationes in morbis perperuæ qua ratione oriantur 42

Destillatio quid sit & quas habeat species 280

destillatio in pueris raro raucedines parit, & quæ sit ratio 281.

destillatio in pueris causæ & signa 281, 282. destillationũ curatio 283, 284.

destillatio mater est omnium ægritudinum 283

Digitorum breuitas paruitatem iecoris indicat & Auic. & Rasis sententia 43.

Dolor magnus sensum requirit egregium 377.

dolor in homine clamorem, metus verò silentium excitat, & quæ sit ratio 379

Dulcia variolis nocent 59.

dulcia cur facillè corrumpantur 398. dulcium vsus lûbricos parit 399

Dysenteria puerorum curatio 373

E

Ebrietas assidua maximè locutionem impedit 254.

INDEX IN H. MERC.

- ebrii cur balbutiant 248  
 Effasciatio in infantibus  
 quo pacto cōtingit 85,86  
 effasciatio tribus mo-  
 dis fieri potest ibid.  
 effascinationes arcendi  
 modus 101  
 Elephantiasi laborantibus  
 labia crassissima sunt 151  
 Empedoclis de ossibus opi-  
 nio 48  
 Emplaftra variolis non cō-  
 ueniunt 67  
 Ἐμψύσημα κεφαλῆς 109  
 ἔμψυσηματος materia  
 quæ sit 115  
 Epilepsia cur pueros frequē-  
 tissimè interimat 201  
 epileptici cur lunatici  
 dicantur 202  
 epilepsia quid sit 202  
 quo pacto ab alijs con-  
 uulsionū generibus dif-  
 ferat 204  
 epilepsia symptoma est  
 ingenere motus deprau-  
 uati 203  
 epilepsia cum motu est  
 euidenti 205  
 epilepsia tria tempora  
 206  
 epilepsia qua ratioe mo-  
 tus præter voluntatem  
 dicatur ibid.  
 epilepsia per consensum  
 immediata caussa 207  
 epilepsia caussarum se-  
 ries 209  
 epilepsia interdum fit  
 per consensum ab aliqua  
 parte interna affecta 210  
 epilepsia quasi per hære-  
 ditatem acquiritur, &  
 quæ sit ratio ibid. 211  
 epilepsia signa 211  
 epilepsia signum futu-  
 ram accessionem demō-  
 strans ibid.  
 epilepsia cur exitialis sit  
 in pueris 212  
 epilepsia semel curata in  
 pueris si aliquam partem  
 deprauatam reliquerit,  
 non amplius reuertitur  
 213  
 epilepsia duplex genera-  
 tio 214  
 epilepsia cōgenita spon-  
 te ætatis mutatione cu-  
 ratur, & quæ sit ratio ibi.  
 epilepsia quæ post ætatis  
 mutationem contingit  
 cur difficillima sit cura-  
 tio ibid. 215  
 epilepsia pueris frigidas  
 plagas inhabitatibus fa-  
 miliaris est 216  
 epilepsia diætetica cura-  
 tio 217  
 epilepsia est veluti quidā  
 somnus 216  
 epilepsia per essentiam  
 difficilis est curatio 218  
 epilepsia curatio phar-  
 maceutica 217,218

epile-

DE MORB. PVER.

F.

- epilepticis posteriorum  
capitis vstio confert 219
- epilepsie vehementia cō-  
ueniunt remedia 220
- epilepsia interdum diu  
latere consuevit & tan-  
dem reuerti 221
- Erysipelas morbus est &  
symptoma 76
- Ἐξάνθηματα, seu ἰκθύματα  
Latini efflorescentias, ac  
tubercula transferunt, &  
quæ sit ratio nominis 8,9
- exanthemata qua ratio-  
ne oriantur 9
- ἑξάνθημα Aristoteli viti-  
ligo dicitur ibid.
- exanthematum nomen  
multis commune est 29
- exanthematum duo ge-  
nera 30
- exanthematis alti & lati  
discrimen ibid.
- exanthemata fiunt ab-  
undantibus ichoribus  
36
- Ἐξομφάλου quo pacto ab  
umbilici tumore inflā-  
matorio differat 156
- ἑξομφάλου quot sint spe-  
cies, & quæ generatio 157
- ἑξομφάλου specierum si-  
gna primò ex Celsi, dein-  
de Arabum & Græcorū  
sententia 158, 159
- Excrementa latis lumbricis  
laborantium cur semi-  
nibus cucurbitæ similia  
appareant 416
- Facultas animalis oculis di-  
stribuitur per spiritus 86
- Facies cur maiorem patia-  
tur humorum putredinē  
quàm aliæ partes 47
- facies cur naturalem fa-  
cultatem habeat imbe-  
cillem ibid. 48
- Fæces spumosæ capitis af-  
fectionem indicant 370
- Febrium synocharum or-  
tus ab ichorum sangui-  
nis ebullitione, vel putre-  
dine dependet 37
- febris pestiferæ signum  
53
- febrium reditus quæ sit  
ratio ex Galeno 138
- febris puerorū vel den-  
titionem sequitur, vel  
sponte oritur 189
- febris puerilis omnium  
est generum 190
- febrium quæ maximè  
pueros infestet ibid.
- febris synochos in qui-  
bus potissimum fiat cor-  
poribus, & cur pueros  
maximè inuadat 190
- febres quartanæ extra vi-  
gesimumquintū & qua-  
dragesimumquintū an-  
num admodum breues  
esse solent 191
- febres in pueris quibus  
de causis excitentur 191,  
192.



INDEX IN H. MERC.

- febres puerorum cur fe-  
 rè semper salutares sint  
 192  
 febris maxime lædit ac-  
 ctiones naturales. *ibid.*  
 febris puerorum curatio  
 193, 194  
 febris incendium qua  
 ratione in pueris mitiga-  
 ri possit 195  
 febris puerorum præci-  
 puam iecoris & ventri-  
 culi curam postulat *ibi.*  
 febris synochus cum pu-  
 tredine qua ratione ori-  
 atur 169  
 febri synocho cum pu-  
 tredine quæ in pueris cõ-  
 ueniant remedia 197, 199  
 febris synochi putridæ  
 præstantissimum reme-  
 dium est sanguinis eua-  
 cuatio 198  
 febris praua & magna  
 spasmus inducit, hecti-  
 ca verò minimè, & quæ  
 sit ratio 224, 225  
 Fernelij de morbillorum &  
 variolarum origine sen-  
 tentia refellitur 28  
 Fernelius sibi ipsi con-  
 tradicit *ibid.*  
 falso ἐξ ἀσθήματα καὶ ἐκ  
 θύματα diuersa esse sta-  
 tuuit 29  
 Fernelius fallitur *ibid.*  
 non rectè Hipp. auctori-  
 tatem in suum vsum de-  
 torquet 29  
 Fernelij erratum 349  
 Fœtus in vtero nutritur  
 sanguine purissimo 18,  
 20  
 fœtum ali sanguine mē-  
 struo qua ratione dixe-  
 rit Galenus 18  
 fœtus cur contracta la-  
 be non etiam in vtero æ-  
 grotet 19  
 fœtus interdum impuro  
 sanguine nutritur in vte-  
 ro ob inopiam 33  
 fœtus cum sanguine pu-  
 ro non nihil etiam impu-  
 ri attrahit 20  
 fœtum natura tribus  
 modis ab excremento-  
 rum illuue vindicat 25  
 fœtus si vitioso lacte ve-  
 scatur, exitiales morbos  
 subit 34  
 fœtum putri alimento  
 non nutriri in vtero ostē-  
 ditur *ibid.*  
 fœtus in lucē editus red-  
 dit copiosius excremen-  
 tum quàm pro magnitu-  
 dine ipsius conueniat 25  
 fœtus recens editi si vlce-  
 ribus capitis agitentur,  
 immunes euadunt ab e-  
 pilepsia 26  
 fœtus interdum variolis  
 inquinati ab vtero pro-  
 deunt 27  
 fœtus in vtero per venas  
 umbi-

DE MORB. PVER.

umbilicales nutritur	112	adstringit	373
fœtus extra vterum sæpè gestat esculenta matris, & quæ sit ratio	117	Gaza in vertendo Aristotele fallitur	129
Flatus in inflatione cerebri quo loco colligantur	115	Gaza Aristotelis locum pessimè transfert	72
Fricatio pedum & corporis qua ratione variolis proficit	59	Glandularum linguæ versus	293
Frigus tribus de causis locutionem impedit	254	glandes nutriuntur sanguine pituitoso & frigidò	131
frigidum inimicum est ossibus & dentibus	315	glandulæ sedes sunt excrementorum	ibid.
frigus externum alui fæces indurat	361	Gracilitas corporis siccum temperamentum arguit	74
Fructus pinguefaciētes	103	Granatorum acidorū succus à putredine conseruat	307
Fuchsi de variolarū & morbillorum origine sententia refellitur	31	Gulielmus Placentinus fallitur	114
Fuchsi & Arabum discordia	ibid.	H	
Fuchsi duplex erratū	31	Halitu effascinati corpora quo pacto contingat	85
Fuchsius Arabas non intellexit	ibid.	Hernia flutuosa medicinam admittit cōtra Celsi sententiam	160
G		herniæ canerosæ non sine maximo periculo tractantur	161
Galeni locus explicatus	19	Hiemi siccæ ver succedens humidum febres in pueris excitat, & quæ sit ratio	192
Galeni de macie cōtradictio sublata	76	Hipp. Gal. & Celsi de strumarum materia sententiæ conciliaræ	132
Galeni locus animaduersus	61	Hipp. & Gal. contradictio sublata	103
Galenus epilepsiam singultui comparat	204		
Galenus sibi ipsi conciliatur	361		
Galenus Auicennæ conciliatus	396		
Galenus Hippocrati cōciliatus	401		
Gallinæ antiquæ ius aluum			

INDEX IN H. MERC.

- Homo imperfectis ossibus  
in lucem prodit, & quæ  
sit ratio 112  
homo omnium anima-  
lium calidissimus est 410
- Humores in plenilunio au-  
gentur 138  
humiditas copiosa rela-  
xat membra 118  
humiditatum per nares  
& palatum excretio na-  
turalis est 287  
humiditatum ex auri-  
bus fluentium retentio  
perniciosa est 292  
humor in corpore do-  
minans ex superficiæ  
colore cognoscitur 90
- Hydrocephalos quid sit in  
infantibus, & quæ ratio  
nominis 109  
hydrocephali materia  
semper aquosa est 110  
hydrocephali materia  
quibus in locis colliga-  
tur 111  
hydrocephalos infãtibus  
familiaris est ibid.  
hydrocephalea intra cra-  
neum perniciosissima est  
hydrocephali materia  
quibus de causis in capi-  
te potius quàm in alijs  
partibus colligatur 114.  
115  
hydrocephali definitio  
115  
hydrocephalos quo pa-  
cto intra cranium oria-  
tur ibid.  
hydrocephali curatio se-  
cundum Græcos & Ara-  
bes 121, 125  
eiusdem secundum Cel-  
sum curatio 126  
hydrocephalos quomo-  
do ab alui fluxu vindic-  
andus sit 127
- I
- Iecoris & manuum pedûq;  
sympathia 43  
Ignis nullum animal gene-  
rare potest 389  
Imperforati quo pacto su-  
peruiuere possint 196  
imperforationis curatio  
171, 172  
Incubus antesignanus est  
apoplexiæ 270  
Inedia caput replet 216  
Infans in utero per umbili-  
cum nutritur 100  
infantes cur caput ma-  
gnum habeant 107  
infans cur maxima ex  
parte dormiat 267  
infans insomniorû me-  
moriã nõ cõseruat 269  
infantes facîle à quouis  
importuno remedio of-  
fenduntur 121  
Interpretû Galeni error 145  
Interrigo quid sit in pue-  
ris, & à quibus oriatur  
causis 179  
interriginis signa & cu-  
ratio



DE MORB. PVER.

ratio 181, 182  
 Intestinorum vsus 358. in-  
 testina cur homini flexu-  
 osa natura creaverit ibid.  
 intestinorum functiones  
 dupliciter viciantur 358.  
 intestina cum sensu sint  
 obtuso, cur eximios cru-  
 ciatus sentiant 377. inte-  
 stinorum tormina à qui-  
 bus orientur caussis 378.  
 intestinorum dolores à  
 vermibus exitiales sunt  
 380. intestinorum dolo-  
 ris curatio 381, 382  
 Ira humores ad corporis su-  
 perficiē propellit 58. ira  
 variolarum curationi o-  
 pitulatur ibid. ira cor-  
 pori frigido confert 58.  
 ira balbutiem parit 263  
 ἰσχυροφωμία ab imbecillitate  
 musculorum laryngis o-  
 ritur ob caloris diminu-  
 tionem 252. ἰσχυροφωμίας  
 à calore diminuto ortæ  
 signa 255, 256. ἰσχυρότης  
 καὶ ἀρροφίας discriminē 76  
 Iumenta castrata non ten-  
 tantur strumis 134

L

Labiorum scissura quas po-  
 tissimum lædat actiones  
 in pueris 150. labiorum  
 vsus in homine & brutis  
 ex Aristotelis sententia  
 ibid. & 151. labiorum  
 de caussis fundantur 152.

labiorum scissurę cur pu-  
 eris familiares sint 151.  
 labium inferius cur me-  
 tuentibus, ac iratis tre-  
 mat 152. labia cur fre-  
 quentius à frigido quàm  
 à calido aere exulceren-  
 tur ibid. labiorum scis-  
 sura quando exitialis e-  
 uadat 153. labiorum vl-  
 cera in febribus salutaria  
 sunt ibid. labiorum ex-  
 ulceratorum curatio ibi.  
 labiorum exulceratorū  
 dolori quo pacto occur-  
 rendum sit 154

Lactentes pueri medicatio-  
 ne nutricum curantur 55.  
 nec non 215. lac est  
 sanguis optimè conco-  
 ctus 89. lac sanguinis  
 qualitates in se recipit ibi.  
 lactis vitiosi signa 90.  
 lactis tenuitas & crassiti-  
 es duobus signis cognō-  
 scitur ibid. lac nutricis  
 pharmacum capiētis ex-  
 purgat infantem 96. la-  
 ctuca sanguinem ferui-  
 dum & tenuem corrigit  
 97

Laganorum vsus lac copio-  
 sum in nutricibus gignit  
 95

Lentium ius laxat aluum 61.  
 lentium facultates ex Ga-  
 leni sententia ibid. len-  
 tes in aceto coctæ varie

INDEX IN H. MERC.

- lis profunt                    ibid.  
 Leprosi fiunt qui variolis  
 numquam tentantur II.  
 lepre seminaria in corpo-  
 re per plures annos la-  
 tent                                24  
 Leoniceus non rectè inter  
*ψευδότητα καὶ τραυλότη-  
 τα* nullam esse differen-  
 tiam asserit                    245  
 Lienis & ceterorum corpo-  
 ris mēbrorū *ἀντιπάθεια*  
 79. liene laborātibus ci-  
 catrices vlcerum turpif-  
 simæ fiunt                    42  
 Linguae innaturalis cum  
 subiectis partibus collig-  
 atio loquelam impedit  
 250. lingua tunicam ha-  
 bet cōmunem cum ven-  
 triculo 258. lingua pue-  
 rorum cur incontinens  
 sit                                259  
 Loca caua citiùs à grauib.  
 replētur corporib. quàm  
 à leuib.                        208  
 Locutio tribus modis in ho-  
 mine vitari potest 243.  
 locutio quo pacto in gra-  
 uissimis cerebri intem-  
 periebus lēdatur 246. lo-  
 cutionis instrumenta ibi.  
 locutio vitatur vel ob fa-  
 cultatis imaginatricis, vel  
 ob instrumētorum suorū  
 læsionem 246. locutio  
 emitti potest salua voce,  
 non contra 248. locuti-  
 onis ob nimiam freni  
 colligantiam vitiata cu-  
 ratio 261. loquendi  
 impotentia morbosa nō  
 est in infantibus ante de-  
 bitum tempus                244  
 Lumbrici qua ratione maci-  
 em inducant 79. lumbric-  
 us morbus est in nume-  
 ro 387. lumbricorum  
 causa effectrix 389. lum-  
 bricos in febribus gene-  
 rari quo pacto dixerit He-  
 rodotus ibid. lumbrici  
 cur in lactentibus nō gi-  
 gnantur 390. lumbrico-  
 rum causa formalis & fi-  
 nalis 390, 391. lumbrici  
 qua ratione finem habe-  
 re dicantur 392. lumbric-  
 orum mundi maior est  
 vilitas quàm lumbrico-  
 rum hominis 393. lum-  
 bricorum causa materi-  
 alis 396. lumbrici ex qui-  
 bus potissimùm cibus gi-  
 gnantur ibid. lumbrici  
 cur pueros potissimùm  
 infestēt 397. vnde varios  
 colores acquirant 399.  
 400. lumbricorū caus-  
 sæ 400. lumbrici veri in  
 intestinis dumtaxat gi-  
 gnuntur, & quæ sit ratio  
 405. lumbrici cur in au-  
 tumno potissimùm gi-  
 gnantur 406. lumbrici  
 in famelicis corporibus  
 acer-

acerbiores euadunt 407. lumbrici cur tēpore pestis quamplurimi conspiciantur ibid. lumbricorū quoad figuram tria genera 408. lumbrici rotundi duas habent conditiones 413. lumbricus latus cur rarissimè fiat in homine 415. lumbricorum tres differentiæ 416. lumbricorum differentiæ à coloribus desumptæ 417. lumbricorum signa in tres classes diuiduntur 418. lumbrici quas in homine actiones lædant 419. lumbrici qua ratione appetitum caninum excitent ibid. lumbrici rotundi quibus signis innotescant 421. lumbricorum latorū signa ibid. lumbrici quomodo à similibus passionibus discernendi sint 422. lumbricorum signa prognostica 423. lumbrici lati qua ratione ceteris sint deteriores 424. lumbricos vtrum melius sit viuos exire, an mortuos 427. lumbricorum curatio diætetica, & præseruatoria 429, 430. lumbrici prius quàm è corpore expellantur, interimendi sunt, vel stupefaciendi

429, 433. lumbricorum curationis scopus præcipuus 433. lumbricorum vniuersalis curatio, & quæ circa ipsam obseruanda sint 434, 435. lumbricorum rotundorum curatio 435, 436. lumbricorum latorum curatio 439, 440. lumbrici lati cur vehementioribus indigeant medicamentis quam rotundi 440

## M

Maciei definitio 71. macies quas corporis partes prius & quas posteriùs consumat ibid. macies naturalis non falitè emendatur 74. macies duplex est 74. macies vtrū morbus sit, an symptoma 76. maciei causæ duum sunt generum 78. macies primò actiones naturales lædit, & quæ sit ratio 77. maciei causa immedia- ta & interna duplex est ibid. maciei internarum eausarum series 78, 79. macies antiqua iecoris aliquem affectum præsupponit 80. macies natia temperamenti siccitatem requirit 81. maciei causæ externæ 81, 83. maciei causæ quibus



INDEX IN H. MERC.

- signis inuestigandæ sint  
 88. maciei propter ali-  
 menti defectum signa  
 ibid. maciei ob prauam  
 lactis qualitatem ortæ fi-  
 gna 89. maciei ob virium  
 resolutionem signa 90.  
 macies in febribus sub-  
 itanea cur exitialis fit 91.  
 macies subitanea non  
 semper letalis est ibid.  
 macies quæ melior fit  
 obesitate, & quæ peior  
 ibid. macies aduentitia  
 cur in pueris quàm in a-  
 lijs quibusuis deterior fit  
 92. maciei propter la-  
 ctis vitium in pueris cu-  
 ratio 94, 97
- Manardi error 15.
- Manus & pedes cur potissi-  
 mum infestentur à vari-  
 olis 43
- Matres non rectè figmentis  
 & fabellis filios terrent  
 216
- Medicamenta vehementia  
 nutricum lac sua qualita-  
 te inficiunt 96. medica-  
 menta lac & sanguinem  
 attenuantia 96. medica-  
 menta repellentia in pa-  
 rotidibus fugienda sunt  
 144. medicamenta pur-  
 gantia febricitantibus pu-  
 eris adhibere periculo-  
 sum est 194
- Medulla spinalis cur cere-  
 bro à natura supposita fu-  
 erit 211
- Melancholia quo pacto bal-  
 butiem pariat 251. me-  
 lancholici celeriter ima-  
 ginantur 260  
 membra quæq; ratione  
 similitudinis iuuant simi-  
 lia membra 343. mem-  
 branarum generatio 132
- Mictio in pueris dupliciter  
 vitiatur 337. Mictio par-  
 tim actio est naturæ, par-  
 tim animæ 339
- Μολαλία quibus signis co-  
 gnoscatur 255
- Montani error 390. Mon-  
 tanus grauitur alucina-  
 tur 409
- Morbillorum descriptio 10.  
 morbillorum & variola-  
 rum discrimen 31. mor-  
 billorum materia subti-  
 lior est quàm variolarum  
 44. morbilli numquam  
 in vlcera desinunt ibid.
- Morbi definitio 16. mor-  
 bus vt effectus suas ha-  
 bet causas, vt causa suos  
 effectus 17. morborum  
 qui ab aere oriuntur con-  
 ditiones 28. morbi no-  
 ui sunt à victus mutatio-  
 ne 35. morbi hereditarij  
 qui sint 39. & quomodo  
 fiant 39. morbi heredi-  
 tarij statim curandi sunt  
 36. morborum pueriliū  
 diui-

DE MORB. PVER.

Quislo 7. morbi pleriq;  
 noui tandem desinūt 46.  
 morbi acuti characteres  
 53. morbi in utero con-  
 tracti interdum latēt per  
 plures annos 114. mor-  
 bus qui in medulla fit, ex-  
 itialis est 226. morbus æ-  
 grotantis complexioni  
 dissimilis, periculosus est  
 229. morbi attoniti à  
 melancholia fiunt 233.  
 morbi omnes à Christo  
 curati difficillimi fuere  
 238. morbus idem sub  
 pluribus generibus con-  
 tineri potest 351  
**M**ulieres menstruatæ in-  
 fantes visu corrumpunt  
 86. mulieres cur facile  
 iniurijs exponantur 87.  
 mulierum in curandis va-  
 riolis error 58. mulieres  
 maximè lumbricis infe-  
 stantur; & quæ sit ratio  
 400. mulierum in ab-  
 luendis sæpe balborum  
 capitibus error 265  
**M**usculi obediunt voluntati  
 203. musculorum vsus  
 205  
**M**utitas soli homini conue-  
 nit 247. mutitas quid  
 sit, & quo pacto gigna-  
 tur ibid. 248. mutitatis  
 natiuæ propter surditatē  
 signa 248. mutitas sur-  
 ditati coniuncta incurra-

bilis est 256. mutitas ab  
 humiditate orta interdū  
 sponte naturæ soluitur  
 ibid.

N

**N**atura perfectè mouente  
 nihil agere debet Medi-  
 cus 65. naturā semper à  
 fine suo frustrari nequit  
 26. natura non intendit  
 morbos 244  
**N**erui non mouent partes,  
 sed musculi 202. nerui  
 quid ad mouendas partes  
 præstent 203. nerui à ce-  
 rebro oriūtur ibid. ner-  
 ui in conuulsione vel re-  
 plentur, vel exsiccantur  
 223. nerui duabus de  
 causis contrahuntur ibi.  
**N**icolai Florentini erratum  
 65  
**N**uces pinguefaciunt 103.  
 nucum esus puerorum  
 loquelam vitiat 254  
**N**utricum optimarum notæ  
 duplices sunt 93. nutri-  
 ces optimas ex habitu  
 corporis cognoscendi ra-  
 tio 94. nutricum sto-  
 machus in puerorū ma-  
 cie vomitu tutius quàm  
 medicamentis expurga-  
 tur 97. nutricibus pue-  
 rorum febricitantium à  
 vino abstinendū est 193  
 nutrices perperam infan-  
 tibus frequenter mam-

INDEX IN H. MERC.

- mas præbent 303. nutrimenti absumptio maciem inducit 78. nutrimenti accommodati carentia triplex est ibid.
- O
- Obesitas æqualiter perseverans melior est immodica macie; & quæ sit ratio 92
- Oculi mirificè iniurijs externis resistunt 44. oculi non rigent, nec gelu tentantur ibi. oculi cur magis in variolis infestentur quàm in morbillis ibid. oculos in variolis præservandi ratio 56. oculi cur in copiosissima capitis humiditate claudi nequeant 118. olea cur variolis inimica sint 67. olei vsus externus erysipelati nocet ibid. oleum insecta necat 436
- Opiata frequētius ore sumpta ingenio puerorum obsunt 275
- Oribasij & Montani de lumbricorum materia error 394
- Ossa semel è corpore extracta numquam renascuntur 315
- Oves epilepsia tentātur 208
- P
- Panis repletio cur omnium sit deterrima 34
- Papulæ ab Actio relatæ à morbillis differunt 14
- Paralyfis à torpore secundum magis & minus differt 234. paralyfis cur ex toto partis motum impediatur, torpor non item 237. Paralyseos & torporis causa cōtinens ibi. paralyseos & torporis discrimen 237. paralyseos & torporis cause, & signa 238. paralyfis vetusta aut incurabilis est in pueris, aut curatu difficilis ibid. paralyfi & torpori si febris superueniat, aut tremor, optimum est ibid. paralyseos & torporis curatio 240, 241. paralyfis maioribus indiget auxilijs quàm torpor 240
- Parentū imprecationes cur formidandæ sint filijs 87. parentum ira cur filiorū corpora & animos corrumpat ibid.
- Paullus Ægineta fallitur 283
- Pecora saginantur sale 81
- πεπρωμένοι 168
- Peritonæum quibus potissimum de causis rumpi in pueris, aut relaxari solet 158. peritonæum discissum in corpore duriore non coalescit 161
- Pernio quid sit, & cur pue-



DE MORB. PVER.

- ros potissimum infestet  
 183. cur manus & pedes  
 potius inuadat quam ali-  
 as corporis partes 184.  
 Pernionum causæ & si-  
 gna 185. pernio-  
 num curatio 186, 187. pernio-  
 nes à summo calore cu-  
 rantur 187  
 Petri Aponensis error 187.  
 Petrus Aponensis aluci-  
 natur 405  
 Phantasmatum multitudo  
 balbutiem parit 251  
 Phrenitis quo pacto balbu-  
 tiem gignat 251  
 Pinguedo concrefcit à fri-  
 gore 71. pinguedinis in  
 animalis corpore vsus  
 72. pinguefactionis mo-  
 dus & ratio 92, 93  
 Pisces in mari non nutriun-  
 tur aqua salsa 81  
 Pituita puerorum aerea est  
 & flatulenta 235. pituita  
 duplex est 235  
 Plantæ non nutriuntur re-  
 bus falsis 81  
 Plinius fallitur 332. Plinius  
 non rectè Dioscoridem  
 damnat 343  
 Podagra cur dolores acer-  
 bissimos pariat 286  
 Procidencia ani cur pueri  
 potissimum tententur  
 173. procidentiæ ani caus-  
 æ 174. & curatio 177,  
 178
- Pueri cur statim ab ortu va-  
 rijs morbis obnoxij fiant  
 6. pueri cur recens nati  
 plorēt ibid. pueri cur va-  
 riolis & morbillis magis  
 obnoxij sint quàm puellæ  
 48. pueri plurimo indi-  
 gent alimento 60. pueri  
 collostrati 79. pueri cur  
 facilè quasuis iniurias  
 subeant 87. puerorum  
 effascinatorum signa 90.  
 puerorum corporis habi-  
 tus diffabilis est 92. pu-  
 eris effascinatis quæ con-  
 ueniant remedia 99, 100.  
 pueri maximè calidi sunt  
 & humidi 190. pueri cur  
 vitiligini obnoxij nō sint  
 190. pueri quibus de  
 causis febre quartana  
 tententur 191. puerorum  
 facultas naturalis admo-  
 dum robusta est 192. pu-  
 eris ex febre quodnam  
 impendat periculū ibid.  
 pueris lactētibus vinū sum-  
 moperè obest 193. pueri  
 ætatis inter septimum &  
 decimum quartum annū  
 febre synocho putrida la-  
 borātis curatio 197, 198.  
 puero febre synocho pu-  
 trida laboranti victus te-  
 nuis conuenit 197. pue-  
 ris ante decimum quar-  
 tum annum cur secunda  
 non sit vena ibid. pueris

INDEX IN H. MERC.

- loco sectionis venæ vel  
 hirudines vel cucurbitu-  
 læ applicari possunt 198.  
 pueri cur epilepsiæ maxi-  
 mē obnoxij sint naturalis  
 sentētia 207. pueri εὐτρο-  
 φοι maximē cōuulsionib.  
 tētantur 210. pueri venas  
 habent angustas 212. pu-  
 eri facultatem motricem  
 & nervos imbecilles ha-  
 bent 213. pueri cur præ  
 timore conuellantur 225.  
 pueris antiquitus nomi-  
 na ante octauum diem  
 non imponebantur; &  
 quæ fuerit ratio ibid.  
 pueri sub conuulsione vt  
 plurimum pereunt ante  
 octauum ætatis diem  
 226. pueri humiditate  
 abundant aerea & tenui  
 227. puerorum comple-  
 xio spasmo sicco secun-  
 dum aptitudinem dissi-  
 milis non est 229. pueri  
 cur nervos habeant infir-  
 mos, bruta verò minimē  
 239. puerorum nonnul-  
 li alium adstrictam ha-  
 bentes qua ratione sani-  
 tiuant 364. pueri cur  
 magis quàm viri balbuti-  
 ant 252. pueri quo pacto  
 ad assumptionem medi-  
 camentorum per os co-  
 gendi sint 435
- Puluis pinguefaciens Aui-  
 cennæ 99  
 Pustulas curandi ratio chir-  
 urgica 64
- R
- Ranas cur veteres gustare  
 noluerint 34. ranun-  
 cula qualis sit in pueris  
 affectus & quæ ratio no-  
 minis 309. ranunculæ  
 puerorum causæ & signa  
 311. ranunculæ curatio  
 ibid. 312
- Raucedo quo modo fiat 51.  
 Refrigerantia impensè fu-  
 giēda sunt in pinguefaci-  
 endis pueris, & quæ sit  
 ratio 105
- Remedia iecur & ventricu-  
 lum corroborantia ad-  
 strictionem habere de-  
 bent 196. remedijs rela-  
 xantibus in ventriculi af-  
 fectu semper addendum  
 est aliquid constringen-  
 tis 98. remediorum ef-  
 fascinationes à pueris ar-  
 centium series 100, 101.  
 remedia naribus & auri-  
 bus infusa facillè virtutē  
 suam cerebro commu-  
 nicant 124
- Rigor fit à succis acribus 37  
 Ruellij erratum 307
- S
- Salita appetitum excitant  
 102. salitis qua ratione  
 pinguefiant corpora ibi.  
 Sanguine puro existente v-

DE MORB. PVER.

- rinæ puræ sunt 29. sanguis cur citissimè circa ossa putrescat 48. sanguinis in variolis mittendi tempus, locus, quantitas, atq; modus 63. sanguis salsus extenuat corpus & maciem inducit 81. sanguis à cruribus missus spiritus valde non exhaurit 194. sanguis brutorum terrestrior est quàm hominis 318.
- Sarcocolla proprietate ocula pinguefacit 105
- Satyrismi significata 357
- Scroti tumore cur frequenter incurrant pueri 167. scroti tumoris sex species ibid. scroti tumoris quis locus affectus, & quæ sint causse 167. scroti tumor in curatione cū hernia umbilica cōuenit ibid. scroti tumor facilis est curatu in pueris ibid. scroti tumoris per testiu ablatione curatio perniciosæ est 168
- Seminarix partes vitæ sunt fundamentum; in macie non consumuntur ibid. semen cannabinum pinguefacit 23. semen ab vniuerso corpore secedit 210. seminis magna pars à cerebro deriuat ibid.
- Senes cur vigilantissimi sint 268. sensuum instrumenta à cerebro oriuntur 23.
- Sermo motus & operatio est facultatis imaginatricis 242. sermo grauis & tardus moderatum animum arguit 257
- Signa presentis morbi ab effectibus ipsius, futuri verò à causis, sumuntur 51. signa futuram in adultioribus epilepsix accessionem demonstrantia 211. singultus duos affectus designat. 325. singultu cur facillimè infestentur pueri 326. singultus quid sit ibid. singultus causse & signa 329. singultus ex inanitione cur exitialis sit in pueris 329. singultus à frigida intemperie orti curatio ibid. 330. singultus vitio lactis facti curatio 330. singultus ex euacuatione curatio ibid. 331
- Σιρίσις* morbus puerilis est, & quæ sit ratio nominis 276
- Siriasis cur tempore æstatis potissimum oriatur 276. siriasis causse ac signa 277, 278. siriasis cur foueã pariat in syncipite 277, siriasis curatio 278, 279.
- Somnus longior maciei cōfert 101. somno cohi-



- bentur euacuationes 58.  
 somnus humectat 120.  
 somnus infantium im-  
 mensus minimè morbo-  
 sus est 268. somni vsus  
 ibid. somni terrifici quo  
 pacto oriantur in infan-  
 tibus 269. somni infan-  
 tium terrifici futuram e-  
 pilepsia accessiōnem de-  
 monstrant 271. somnijs  
 infantium terrificis oc-  
 currendi ratio 272.  
 somnum cōciliantia 274.  
 σωφροσύνης ὁδόντες 322  
 Spasmus ab imbecillitate  
 partium neruofarum o-  
 ritur 222. spasmus epi-  
 lepsia similis est ibid.  
 spasmī & epilepsia dis-  
 crimen 223. spasmī  
 differentia tres 223.  
 spasmus symptoma est  
 in genere motus depra-  
 uati 224. spasmus vel à  
 repletionē fit, vel ab in-  
 anitione ibid. spasmus  
 vel essentialiter vel per  
 consensum fit 224. spa-  
 smī internæ causæ ibid.  
 spasmus febres prauas &  
 magnas comitatur  
 225. spasmī externæ  
 causæ 225. spasmus in  
 plenilunijs potissimūm  
 pueros inuadit ibid. spa-  
 smī differentiarum signa  
 226. spasmus à dorso in-  
 cipiens exitialis est in pu-  
 eris, & quæ sit ratio ibid.  
 spasmus, qui ex siccitate  
 fit consummata, incur-  
 bilis est 228. spasmus in  
 pueris facilior est curatu  
 quàm in viris 228. spa-  
 smī ex repletionē curatio  
 229, 230. spasmī à siccī-  
 tate orti curatio 231  
 Sphincteris musculi vsus  
 173  
 Spiritus triplici modo coin-  
 quinatur 86  
 Spuma & stridor in epile-  
 psia quo pacto fiant 212  
 Stercora humana cur maxi-  
 mē scereant 398  
 Strigæ veteribus quæ dictæ  
 sint, & ratio nominis 84  
 strigæ cur pueros potis-  
 simūm & mulieres offen-  
 dant 87  
 Struma morbus puerilis est,  
 & cur scrophula dicatur  
 128. struma suibus fa-  
 miliaris est strumæ  
 à glandulis induratis dif-  
 ferunt ibid. & 129. stru-  
 marum materia diuersa  
 est à materia sanguinis &  
 carnis 130. strumæ  
 potissimūm in collo ori-  
 untur 130. strumæ quas  
 actiones lædant. ibid.  
 strumarum locus affe-  
 ctus quæ sit 131. strumæ  
 nunquam à flatu fiunt

DE MORB. PVER.

131. strumæ cur interdum folliculum habeât, interdum non 132. strumarum causæ antecedentes 133, 134. strumarum generationi quæ corpora sînt aptiora ibid. strumis plerumq; non tētantur eunuchi 134. strumarum causæ externæ ibid. strumæ cur pueros & sues maximè infestent 134. strumarum differentia ibid. strumæ glandulis induratis loco & materia similes sunt 135. strumæ quando fiant ex glandulis ibid. strumas à glandulis distinguendi modus empiricus 136. strumæ iuuenum cur lethaliore sint quàm puerorum ibid. strumarum quæ facilius, & quæ difficilius curentur 136, 137. strumis colli male curatis quomodo vocem amitti contingat 137. strumæ post curationem iterum atq; iterum reuertuntur 138. strumarum materiæ visciditas & contumacia ibid. strumarum curationis necessitas 139. strumarum curatio in quo consistat ibid. strumarum curationis scopi 139, 140.

strumarum curatio dietetica 140. strumis ira moderata confert, & quæ sit ratio ibi. strumis aromata nocent 141. strumis pauperum pueri magis tentantur quàm diuitum, & quæ sit ratio ibi. strumarum curationis radix est corporis purgatio 141. strumarum curatio pharmaceutica 142; 145, 146. strumis cur vomitus noceat 143. strumis ea debetur curatio, quæ scirrhus & alijs tumoribus induratis conuenit 144. strumis laboranti viperâ comedere prodest. 146. strumarum materiam dissoluetia remedia trium sunt generum 147. strumæ magnæ cur neq; ferro, neq; villo graui medicamento tractandæ sint 148. strumæ tutius causticis medicamentis quàm sectiōe curantur 149  
 Sudoris prouocatio febri puerorum confert 195  
 Suum morbi varis similes  
 II. suum morbi exitiales  
 129. sues cur vomant  
 334  
 Surditas natiua cur mutos efficiat homines 248  
 Symptomata prima quæ di-

INDEX IN H. MERC.

- cantur Galeno, & quæ secunda 50
- T
- Tabidis à cibo bibere confert 104
- Tartari variolis facile tentantur, & quæ sit ratio 49.
- Temperatura humana omnium nobilissima est 33. temperatura frigida & humida lumbricorū generationi obnoxia est 400. temperaturæ cōservantur à similibus 411
- Tenesmus in pueris ex præcedente alui fluxu oritur 375. Tenesmus semper dolorem coniunctum habet 374. Tenesmi causæ, & signa 375. Tenesmi curatio 376
- Testiculorum & mammillarum caro glandulosa est 73
- Theodorus reprehēditur 11
- Timor perpetuus melancholiæ comes 251. timor duplex est 264. timor balbutiem auget, trepidatio minuit 265. timētes balbutiunt ibi. timētibus cur sponte fluant fæces semen & vrina 264
- Tonsillarum locus affectus 294. tonsillarum in pueris causæ 295. tonsillæ cur in pueris potius oriātur quàm in infantibus 296. tonsillæ terminari solent in alias graues ægritudines 297. tonsillarum curatio 298, 299
- Torpori aqua gelida quo pacto conferat 241
- Trepitantibus incalescit pectus & facies 265. trepidatio quid sit 264
- Tubercula inter pueriles morbos relata ab Hippocrate 10. tuberculorum perforatio in variolis quo tempore, & quomodo sit administranda 63
- Tumorum capitis causæ antecedentes & externæ 117. tumoris infantium capitis flatuosi signa 118. tumoris humorosi signa ibid. tumor ex aqua intra craneum factus letalis est 119
- Tyranni duo quibus potissimum trahuntur pueri voluptas & dolor 193
- V
- Variolas & morbillos ignorarunt veteres 34. variopotissimum in facie nascuntur 13. & quæ sit ratio 42. variolis vnumquemq; hominem aliquando tentari necesse est 11. variolas perpetuo aut antecedit, aut comitatur febris 12. variolarum febris impetiosa est ibid.



DE MORB. PVER.

ibid. variolæ fere semper in ichorem purulentum finiuntur 12. variolæ proprietate quadam oculos petunt 13. variolarum locus affectus qua ratione cutis fit 16. variolarū materia calida est & viscida 17. variolæ & morbilli æquè fiunt quibuslibet temporibus 27. variolarum accidentia à materie præuitate oriuntur 28. variolæ pestis nomine ab Arabibus designantur 35. variolarum & morbillorum causa materialis & effectrix 36. variolarum materia exiens crassior est quam morbillorum 37. variolæ vitio cæli primum ortæ sunt 39. variolæ quibus de causis interdum letales sint, interdum salutare ibid. variolis quinam facilius tententur 40, 49. variolæ quibus de causis contagiosæ sint 44, 45. variolæ quibus de causis genas, labia, & præputium maximè deformat 47, 48. variolæ faciei celerrimè suppurantur 48. variolæ quam ob causam colore inter se dissideant ibid. variolarum causæ internæ 48. variolarum causæ

externæ 49. variolæ morbi sunt acuti 53. variolarum signa ibid. 54. variolas & morbillos curare fere semper delirium committetur & sæcum retentio 52. variolæ duplici de causa iugulant egros 54. variolæ cur interdum videantur declinare nec verè declinent ibid. variolæ etiam verè declinantes qua ratione interdum ægros perimant ibid. variolarum & morbillorū curatio penè eadem est 55. variolarum curatio 56, 57, 58, &c. variolarum albedo quid indicet 64. variolæ qua ratione citò exsiccati possint 65, 66

Varronis locus explicatus 101

Vasorum quibus vtero fœtus alligatur, in homine & brutis differentia 155

Venarum meseraicarum ob siccitatē coarctatio maciem inducit 79

Venus immodica maciem infert corpori 83. Venus immodica caluitiem inducit 211. Venus immoderata cerebrum, nervos, & locutionem lædit 254

Ventriculus non conuelli-  
tur 222

INDEX IN H. MERC.

- Vetularum** corpora impura sunt 86. vetulæ teneros infantes coinquinant 87
- Vigiliæ** exsiccant mirificè 120. vigilia puerorum immodica vnde oritur 273. quibus signis cognoscatur 274. vigiliæ puerorum immodicæ curatio 274, 275
- Vinum** in macie puerorum accommodatum quale est 161. vinum nutriti-  
 vum nutrimenti veniale esse nequit ibid. vinum pueris & nutritibus interdicitur 216. vinum nervos vehementer percellit 217. vini nigri & generosi potus spasmodum in pueris parit 226. vires sæpe simul nutriuntur & morbus 197
- Vitia** facultatis ratiocinatricis quo tempore fieri incipiunt 201. vitia motricis cerebri facultatis trium sunt generum ibid
- Vita** animalium in calido & humido consistit 388
- Vitiligo** sine tuberculo macula est 9
- Vlcera** capitis sponte nata à destillationibus pueros vindicant 284. vlcerum & cicatricum à variolis relictorum curatio 68. vlcera in partibus siccis facile sanescunt 127. vlcera capitis parum doloris inducunt, & quæ sit ratio 47
- Vmbilici** tumor duplex est 155. vmbilici tumoris inflammatorij generatio 157. vmbilici tumore cur facile corripiantur infantes 158. vmbilici tumor inflammatorius triplex in se morbi genus complectitur 160. vmbilici tumor inflammatorius ab vmbilico prociديو triplici differentia seiungitur 156. vmbilici tumor quo pacto fiat 157. vmbilici tumorum qui faciles & qui difficiliore sunt curantur 160. vmbilici puerorum tumoris inflammatorij curatio 162, 163 vmbilici tumor reliquis remedijs non conferentibus vel incidendus est, vel vrendus 166
- Vomitus** venarum quid sit Hippocrati 114. vomitu maxime repletur caput 143. vomitus in affectibus aurium & oculorum vitandus est ibid. vomitus cur pueris familiaris fit 333. vomitus & nausea puerorum causæ & signa 335, 336. vomitus puerorum curatio 336

DE MORB. PVER.

Voracitas ad strumarum generationem maxime confert	134	& signa 344, 345. <i>urinæ</i> difficultatis curatio 345, 346
Vox à mortice & voluntaria fit facultate	212	Urisarum pedes & manus curesu sint iucundissimi
<i>Urinæ</i> incontinentia quo pacto in pueris oriatur	339.	Uteri calor cibos incoctos attrahit
<i>urinæ</i> incontinentiæ in pueris causæ & signa	340.	Vulnera quibus in partibus difficiliter coalescant
<i>urine</i> incontinentiæ curatio 341, 342. <i>urinæ</i> difficultas duplex est 343.		vulnera inflictà à ferro cur difficilias curentur quam ab ære
<i>urinæ</i> difficultatis causæ		64


FINIS.

CORRIGENDA.

Pag. 35, v. 27, pro *prorheticorum* scribe *prorrheticorum*.  
P. 154, v. 6, & 13, pro *tragaganthum* reponere *tragacanthū*.  
Ibid. v. 22, pro *therebinthinam* scribe *terebinthinam*.  
P. 157, v. 27 & 31, pro *peritoneum* scribe *peritonaum*.  
P. 180, v. 1, pro *fæmora* scribe *femora*. P. 221, v. 7, à fine,  
locus non caret mendo, etiam in exemplari. P. 302, v. 9,  
interpunge post *quicumq;*, non ante. P. 366, v. 20, pro  
*adhibere* lege *adhiberi*. Ibid. v. 28, pro *abstinenda* re-  
pone *arcenda*. Ibidem v. 28, ante *messila* adde verbum  
*sunt*. P. 393, v. 10, expunge præposit. *a* ante *munds*. P.  
451, v. 2, forsân ante *dequid* addenda coniunctio *ei*, &c.















B 432-433



B. 432-433